

Antharium



nu 33210

UNIVER. DI PADOVA  
Ist. di Diritto Romano  
Storia del Diritto  
e Diritto Ecclesiastico

50

F

2/1



E  
1


C

10

M









SANCTISSIMI  
DOMINI NOSTRI  
BENEDICTI  
PAPÆ XIV.  
BULLARIUM.  
TOMUS PRIMUS,  
IN QUO CONTINENTUR

Constitutiones, Epistolæ, aliaque Edita ab Initio Pontificatus  
usque ad Annum MDCCXLVI.

Editio recentior auctior & emendatior.



VENETIIS, MDCCLXXVII.

---

Sumptibus BARTHOLOMÆI OCCHI,  
SUPERIORUM PERMISSU.



3 A N C I S S I M I

D O M I N I N O S T R I

B E N E D I C T I

P A P A E X I V

B U L L A R I U M

T O M U S P R I M U S

I N Q U O C O N T I N E N T U R

Constitutiones, Epistolae, aliaeque Edicta ab Incho Pontificatus  
Aene ad Annum MDCCXLV

Edictis, litteris, bullis, et c.



V E N E T I S , M D C C L X V I I

Superius Registratum. Officiis  
S E R V A T O R U M P E R M I S S U



# BENEDICTUS PAPA XIV.

DOCTORIBUS ET SCHOLARIBUS UNIVERSIS

BONONIÆ COMMORANTIBUS,

ET IURI CANONICO ET CIVILI

STUDENTIBUS.



AM ferè sextus annus præterit, ex quo Deus Optimus Maximus Nos licet immerentes, ad Summum Pontificatum evexit. Hoc temporis spatio omnem fane operam pro tenuitate nostrarum virium conferre haud prætermisimus, ut Sacrum Fidei Depositum, & Ecclesiasticam disciplinam tuermur, corruptelis aditum intercluderemus, quæ ipsam labefactare poterant, ac rationes omnes, & consilia adhiberemus, quibus in Urbe Roma, totaque Pontificia Ditione unicuique Justitia probe administraretur: Neque populorum, qui a Nobis remotissimi sunt, & totius Orientalis Ecclesiæ ( quantum in Domino potuimus ) curam suscipere negleximus. Id autem conspici potest ex hoc eodem Libro, quem Nos exemplo ducti Prædecessorum nostrorum Typis committi permittimus. Nam etsi ipsorum Constitutiones, ac aliqua Brevia congesta fuerint in Romanum Bullarium, quod quidem privata auctoritate confectum est: tamen Innocentii Duodecimi Diplomata alio privato Libro impressa continentur, quem Georgius Firmianus, dum Pontifex adhuc inter vivos ageret, evulgavit. Multa quoque præclara Volumina in omnium manibus versantur, in quibus Clementis Undecimi Constitutiones, ac Brevia solum habentur, quos quidem Libros magnificenter adornatos, Annibal Cardinalis Albanus, & Sanctæ Romanæ Ecclesiæ Camerarius, Nepos ejusdem Pontificis, in lucem edicavit. His exemplis permoti Typis emittimus hoc primum Volumen, quod nostras Constitutiones, videlicet Bullas, & aliqua Brevia, Literas Encyclicas, & alia hujusmodi complectitur, ex quibus non mediocrem utilitatem futuram putavimus: Nonnulla vero, quæ ad privata tantum negotia pertinebant, omisimus. Etsi autem fere omnia, quæ in hunc Librum congestimus, publicam jam lucem adspexerint; tamen experientia compertum est, has exiguas pagellas diuturnitate temporis concidere, ac penitus interire; cum perpauca eo studio teneantur, ut ipsas colligant, & simul in volumen redigant. Quare Nos ipsi libenter has laboris partes subivimus, ut poster-



steritatem hanc molestia levaremus. Quam accurate hæc facta sint, vel inde cognosci poterit, quod nostras Constitutiones, ac cætera omnia describi in isto Codice, atque excudi eo prorsus modo jussimus, quo primum vulgata fuerunt: Ideo post singula fere Diplomata notantur illorum nomina, qui nihil præstiterunt aliud, quam ipsa referre in acta, vel ad fidem faciendam subscribere.

Illud quoque, palam, ac manifestum facere haud prorsus inutile duximus, nihil omnino contineri in hoc Libro, quod a Nobis inter gravissimas Pastoralis officii curas vel confectum integre, vel primo excogitatum, & sermone Italico digestum, & postea latine redditum, ac deinde oculis nostris exhibitum accurato studio non inspexerimus, ne aliquid vel oscitantia omis- sum, vel errore immutatum esset ex iis, quæ Nobis antea in animo statuenda, edicendaque proposueramus. Porro harum nostrarum Constitutio- num, ac Brevium exemplaria de more servantur in iisdem Archivis, ubi retineri solent aliorum Pontificum Diplomata, quæ vel Romano Bullario, vel privatis Libris consignata leguntur. Neque illud a Nobis prætereundum est Romanis Pontificibus morem perpetuo fuisse, ut Episcopos universos, vel alicujus tantum Provinciæ ad Catholicam Fidem custodiendam, morum- que disciplinam aut servandam, aut restaurandam, Literis Encyclicis exci- rarent. Qua in re postremis hisce temporibus usi sunt opera Congregatio- num, vel Romanæ Inquisitionis, vel de Propaganda Fide, & frequentius Congregationum, quibus negotia Episcoporum, & Regularium examinandi cura, aut Tridentini Concilii explicandi, interpretandique munus de- mandatum est. Has Literas Præsules, qui erant a Secretis earum Congre- gationum, plerumque exarabant; deinde Cardinalis Præfecti manu obigna- tæ ad Episcopos mittebantur: id tamen cautum semper fuit, ut ipsas Li- teras Pontificis auctoritate scriptas quisque intelligeret; earumque exempla- ria referri solebant in acta ipsarum Congregationum, quemadmodum uni- cuique cognitum, perspectumque est. Id nos diligentissime exequuti su- mus, cum adhuc in minoribus munus a Secretis Congregationis Concilii per decem, & amplius annos obivimus; quo temporis spatio tres Pontifices Sedem Apostolicam obtinuerunt. Postea vero Divinæ largitatis beneficio ad summum Pontificatum evecti Literas Encyclicas ad universos Episcopos, vel alicujus tantum Provinciæ, & nonnullas etiam privatim ad aliquos E- piscopos dedimus, prout temporum ratio postulabat, quæ huic primo Vo- lumini adjunguntur. In his autem conscribendis Epistolis veterem Præde- cessorum nostrorum (si postrema tempora excipiantur) consuetudinem re- vocandam duximus, qua ipsi per se Literas Episcopis dabant, rati mayo- rem vim id habiturum; cum ampliorem Pontificiæ benevolentiæ signifi- cationem ipsius Pontificis Epistolæ testari videantur Episcopis, quibuscum ille Fraternitatis vinculo jungitur, quam quæ ab aliis, auctoritate licet Sum- mi Pontificis, conscribuntur. Plura quidem nostrarum Literarum exempla- ria reposita sunt in Archivis Congregationum, ad quas earum Literarum negotia, & argumenta pertinebant. Attamen quia contingere potest, ut ipsa aliquando temporum injuria intercidant; & quia fortasse non deest ali- quis, aut etiam non desuit, qui acceptis nostris Literis, Romæ licet im- pressis,



pressis, nostroque Nomine inscriptis; dubius tamen incertusque hareret; utrum Nos ipsarum Auctores essemus; (quasi vero temeritas hominum eo devenire possint, ut aliquis, Nobis vitam agentibus, Literas Encyclicas nostro Nomine falso inscribere, easque Romanis Typis committere audeat) ad omnem dubitationem tollendam reponi iussimus duo Codicis huius exemplaria, quæ manu nostra subscripsimus, nostroque Signo obfirmavimus, unum in Archivo Castri S. Angeli, alterum in Archivo secreto Vaticano, ut hæc monumenta certa, ac perpetua faciamus, nec ullo unquam tempore Literis Encyclicis, aut aliis in hunc Codicem relatis, fides imminuatur. Neque sane novum, aut inauditum est id, quod paulo ante commemoravimus: Quippe Innocentius III. Prædecessor Noster plura decernere necesse duxit *Cap. Pastoralis, de Fide Instrumentorum*, ut multorum controversias in hac re componeret: Etenim nonnullas Pontificum Decretales Literas neque certa, neque firma auctoritate præditas aliqui dictitabant, quas tamen alii magno studio tuebantur.

Nemo, qui jus Pontificum primis, ut ajunt, labiis solum attigerit, ignorare potest quatuor antiquas Decretalium Collectiones, quæ superioribus sæculis ab Antonio Augustino, & quintam, quæ ab Innocentio Cironio in lucem emissæ fuerunt, confectas fuisse, antequam Gregorius IX. suam promulgaret, quæ vim, & auctoritatem ad hanc usque diem perpetuo retinuit. Duæ primæ privato solum iudicio, sententiaque editæ sunt; cæteræ vero publica auctoritate: has autem Romani Pontifices Doctoribus & Scholaribus Universitatis Bononiensis nuncuparunt; quorum exemplum secutus est Gregorius IX., & Bonifacius VIII., cum Librum sextum Decretalium in publicum adspæctum prodire iussit, ac postremo Joannes XXII., cum Decretales Clementis V. posteritati commendavit. De hac re copiosius verba fecimus in Præfatione nostri Commentarii: *De Festis diebus Domini Nostri Jesu Christi, ac Beate Virginis Mariæ*, quod Italica lingua a Nobis conscriptum, ac Bononiæ impressum fuit: Illud deinde latine redditum est, atque editum Patavii absque ea Præfatione, quam paulo ante memoravimus.

Hoc loco addendum superest, in Archivo Vaticano a Nobis repertum fuisse monumentum Innocentii IV., qui anno 1253. Decretales suas colligendas ob eam causam existimavit, quod aliæ plures ipsi tribuerentur, quas ille ne cogitatione quidem attigerat: Itaque Pontifex Epistolam scribit Bononiensi Archidiacono, in qua rationem consilii sui plane recenset, Decretales suas propriis sub titulis disponit, eique mandat; ut eadem Decretales suas publicentur, & præstantium in Bononiensi Academia Professorum notis illustrentur. Equidem ignoramus quam ob causam Pontificis iussa executioni minime mandata fuerint; omnibus tamen notissimum est, quod Bonifacius VIII. in sextum Librum Decretalium illas Innocentii IV. summa diligentia, ac fide congescit, eosdemque titulos retinuit, quos idem Innocentius præposuerat.

Nobis profecto, nostræque in Patriam benevolentia deesse videremur; nisi hoc tempore, tot illustrium Pontificum exemplis adducti, Doctoribus & Scholaribus Universitatis Bononiensis Collectionem hanc nostram inscriberemus.



remus; cum præsertim inter ejus Doctores Nos ipsi recensiti fuërimus, cum adhuc in minoribus versaremur. Quod si appellatione *Corporis* ut ajunt, *Juris Canonici* comprehendere tantum debeant congestæ a Gregorio IX., Bonifacio VIII., & Clemente V. Decretales, hoc Volumen nostrum isto sane nomine haud contineri, certum est; sin autem appellatione *Corporis Juris Canonici* intelligendum est quidquid ab Apostolica auctoritate promanat, (qua omnes Romani Pontifices æque præditi sunt) tum hujusmodi nuncupatione Librum quoque nostrum comprehendere, nemo inficiabitur; uti constat ex responso Nicolai Primi Canon. *Si Romanorum, distinct.* 19. Sed quæstionem omittamus, quæ solo nomine continetur. Illud postremum sit, quod operam nostram præcipue contulimus, ut viam facilem, ac planam sterneremus, cum vestris, tum aliorum studiis, qui hæc nostra monumenta pervolvent. Siquidem non modo Indices argumentorum, ac verborum diligenter addi jussimus, sed etiam eorum verborum, quibus singulæ nostræ Constitutiones inchoantur, tum certum ordinem, ita ut ad titulos ipsæ referantur aliarum Decretalium, quibus uti quotidie consuevistis. Hanc benevolentiae nostræ significationem, ac testimonium gratissimum fore vobis non dubitamus, quibus etiam Benedictionem Apostolicam peramanter impertimur.





CONSTITUTIONES EPISTOLÆ &c.  
 SANCTISSIMI DOMINI NOSTRI  
 BENEDICTI PAPÆ XIV.

*Secundum Titulum.*

LIBRORUM DECRETALIUM

DISPOSITÆ

LIBER PRIMUS:

*De Summa Trinitate & Fide Catholica.*  
 Tit. I.

Constitutio LVII. quæ incipit : *Etsi Pa-*  
*storalis* §. 1. *Ac primo* pag. 142.  
 Constitutio LIX. quæ incipit : *Ex quo*  
 pag. 160.

*De Constitutionibus.*  
 Tit. II.

Constitutio XXXI. quæ incipit : *Singula-*  
*ris* pag. 63.

*De Rescriptis.*  
 Tit. III.

Constitutio XXVIII. quæ incipit : *Quam-*  
*vis paternæ* pag. 56.  
 Constitutio XLV. quæ incipit : *Ad Apo-*  
*stolicæ* pag. 108.

*De Electione & Electi potestate.*  
 Tit. VI.

Constitutio LXI. quæ incipit : *Quamquam*  
*inhærens* pag. 176.  
 Constitutio LXVII. quæ incipit : *Nuper*  
*nos* pag. 186.  
 Constitutio LXX. quæ incipit : *Obsurdescit*  
 pag. 197.

*De Translatione Episcopi.*  
 Tit. VII.

Constitutio LXXXVII. quæ incipit : *Nu-*  
*per ad nos* pag. 217.

*De Temporibus Ordinationum ; & quali-*  
*tate Ordinandorum.*  
 Tit. XI.

Constitutio II. quæ incipit : *Ubi primum*  
 §. 1. *In primis* pag. 4.

Constitutio LVII. quæ incipit : *Etsi Pa-*  
*storalis* §. 7. *Romani Pontifices* pag. 142.  
 Constitutio LXIII. quæ incipit : *E subli-*  
*mi* pag. 180.

*De Ætate, & qualitate, & ordine*  
*Præficiendorum.*  
 Tit. XIV.

Constitutio II. quæ incipit : *Ubi primum*  
 §. 3. *Sed & illud* pag. 4.  
 Constitutio V. quæ incipit : *Ad Aposto-*  
*licæ* pag. 10.

*De Sacra Unctione.*  
 Tit. XV.

Constitutio X. quæ incipit : *Cum ad in-*  
*frascriptam* pag. 23.  
 Constitutio XI. quæ incipit : *Augt* 24.  
 Constitutio LVII. quæ incipit : *Etsi Pa-*  
*storalis* §. 3. *Episcopi* , §. 4. *Non sunt*  
*cogendi* , & §. 5. *Nulli* num. 1. 2. 3.  
 4. pag. 142.  
 Constitutio LXX. quæ incipit : *Obsurdes-*  
*cit* pag. 197.

*De Officio & potestate Judicis Delegati.*  
 Tit. XXIX.

Constitutio IV. quæ incipit : *Nemo est*  
 pag. 8.  
 Constitutio VIII. quæ incipit : *Decet Ro-*  
*manum Pontificem* pag. 20.  
 Constitutio LXXIX quæ incipit : *Nuper*  
*ad sedandas* pag. 222.

*De*



*De Officio Judicis Ordinarii.*  
Tit. xxxi.

Constitutio ii. quæ incipit : *Ubi primum*  
§. 5. *Ad hæc*, & §. 6. *Postremo* pag. 4.

*De Majoritate, & Obedientia.*  
Tit. xxxiii.

Constitutio vii. quæ incipit : *Quod San-*  
*cta* pag. 16.

Constitutio xviii. quæ incipit : *Quod*  
*Apostolus* pag. 40.

Constitutio xxv. quæ incipit : *Quemad-*  
*modum* pag. 52.

Constitutio lvi. quæ incipit : *Etsi Pa-*  
*storalis* §. 9. num. 17. *Cur inter*, & *Ita*  
*autem* pag. 142.

Constitutio lxxvi. quæ incipit : *Etsi du-*  
*bitare* pag. 18.

Constitutio lxxvi. quæ incipit : *Aposto-*  
*lica servitutis* pag. 209.





# LIBER SECUNDUS.

*De Judiciis.*  
Tit. I.

Constitutio xxxiii. quæ incipit: *Dei*  
*miseratione* pag. 69.

Constitutio xlvii. quæ incipit: *Pastora-*  
*lis* pag. 111.

*De Foro competent.*

Tit. II.

Constitutio xlv. quæ incipit: *Quantum*  
*ad procurandam* pag. 102.

*De Fertiis.*

Tit. IX.

Constitutio lvii. quæ incipit: *Etsi Pa-*  
*storalis* §. 9. num. 3. *Cujusmodi sunt*  
num. 6. *Demum* pag. 142.

Constitutio lx. quæ incipit: *Nihil pro-*  
*fecto* pag. 174.

Constitutio lxii. quæ incipit: *Cum si-*  
*cut quædam* pag. 178.

*De Confessis.*

Tit. xviii.

Constitutio lxxi. quæ incipit: *Avendo-*  
*vi Noi* pag. 198.

*De Appellationibus, Recusationibus,*  
*& Relationibus*

Tit. xxviii.

Constitutio xlviii. quæ incipit: *Ad*  
*Militantis* pag. 114.

Constitutio lxxviii. quæ incipit: *Cum*  
*illud* pag. 187.

# LIBER TERTIUS.

*De Clericis non residentibus in Ecclesia, vel Præbenda.*  
Tit. IV.

Constitutio ii. quæ incipit: *Ubi primum*  
§. 4. *Jam vero* pag. 4.

Constitutio xxvi. quæ incipit: *Grave &*  
*permolesum* pag. 53.

*De Præbendis, & Dignitatibus.*

Tit. v.

Constitutio xii. quæ incipit: *Cum sicut*  
*accepimus* pag. 25.

Constitutio lvii. quæ incipit: *Etsi Pa-*  
*storalis* §. 3. num. 7. *Sacerdotes* num.  
8. 9. 10. 11. §. 9. num. 13. *Cum au-*  
*tem, & seq.* pag. 142.

*De rebus Ecclesiæ alienandis, vel non.*

Tit. xiii.

Constitutio xxix. quæ incipit: *Univer-*  
*sali* pag. 58.

*De Locato & conducto.*

Tit. xviii.

Constitutio lxv. quæ incipit: *Essendo*  
*ben gravi* pag. 182.

*De Sepulturis.*

Tit. xxviii.

Constitutio xxxvii. quæ incipit: *Præci-*  
*pium* pag. 81.

*Bullar. Rom. Bened. XIV. Tom. I.*

Constitutio lxxiii. quæ incipit: *Dudum*  
pag. 204.

*De Parochiis, & alienis Parochianis.*  
Tit. xxix.

Constitutio xlii. quæ incipit: *Etsi mi-*  
*nime* pag. 93.

Constitutio lvii. quæ incipit: *Etsi Pa-*  
*storalis* §. 9. num. 20. *Ubi vero* p. 142.

*De Decimis, Primitiis, & Oblationibus.*  
Tit. xxx.

Constitutio lvi. quæ incipit: *Acerbi-*  
*plane* pag. 141.

*De Regularibus, & transeuntibus ad*  
*Religionem.*

Tit. xxxi.

Constitutio xxi. quæ incipit: *Cum Sa-*  
*crarum* pag. 46.

Constitutio lvii. quæ incipit: *Etsi Pa-*  
*storalis* §. 9. num. 22. *Ordinationes*  
pag. 142.

*De Voto, & Voti Redemptione.*

Tit. xxxiv.

Constitutio lxxix. quæ incipit: *Quo ma-*  
*gis* pag. 194.

b

De



*De statu Monachorum, & Canonicorum Regularium.*

Tit. xxxv.

Constitutio xv. quæ incipit: *Sæpe Romanorum* pag. 36.

Constitutio xxxix. quæ incipit: *Regularis disciplinæ* pag. 87.

Constitutio xl. quæ incipit: *Salutare* pag. 90.

Constitutio xlix. quæ incipit: *Quod communi* pag. 122.

*De Religiosis Domibus; ut Episcopo sint subjectæ.*

Tit. xxxvi.

Constitutio xxiv. quæ incipit: *Romanæ Ecclesiæ* pag. 47.

Constitutio xxxii. quæ incipit: *Militares* pag. 67.

Constitutio lxxii. quæ incipit: *Humilitatis Nostræ* pag. 200.

*De Censibus, Exactionibus, & Procurationibus.*

Tit. xxxix.

Constitutio ii. quæ incipit: *Ubi primum* §. 5. *Ad hæc* pag. 4.

Constitutio xliii. quæ incipit: *Apostolica* pag. 97.

*De celebratione Missarum, & Sacramento Eucharistiæ, & Divinis Officiis.*

Tit. xli.

Constitutio xxii. quæ incipit: *Quanta cura* pag. 47.

Constitutio xxiii. quæ incipit: *Pro eximia* pag. 49.

Constitutio xli. quæ incipit: *Exponi Nobis* pag. 93.

Constitutio lii. quæ incipit: *Exponi Nobis* pag. 137.

Constitutio lvii. quæ incipit: *Etsi Pastoralis* §. 6. *De Sacramento* num. i.

*Sacerdotes & seq.* §. 9. num. i. *Quoniam, & seq.* pag. 142.

Constitutio lxiv. quæ incipit: *Certiores effecti* pag. 180.

*De Baptismo & ejus effectu.*

Tit. xlii.

Constitutio lvii. quæ incipit: *Etsi Pastoralis* §. 2. *De Sacramento* num. i. *Presbyteri* pag. 142.

*De Reliquiis, & Veneratione Sanctorum.*

Tit. xlv.

Constitutio xvii. quæ incipit: *Benignitatem* pag. 39.

Constitutio xxxvi. quæ incipit: *Ad Sepulchra* pag. 79.

Constitutio xlvi. quæ incipit: *De Congregationi* pag. 110.

Constitutio l. quæ incipit: *In virtutibus* pag. 124.

Constitutio li. quæ incipit: *Rationi congruit* pag. 125.

Constitutio lviii. quæ incipit: *Exponi Nobis* pag. 158.

*De Observatione Jejuniorum.*

Tit. xlvi.

Constitutio xix. quæ incipit: *Non ambigimus* pag. 41.

Constitutio xxvii. quæ incipit: *In summa* pag. 55.

Constitutio lv. quæ incipit: *Cognovimus* pag. 139.

Constitutio lvii. quæ incipit: *Etsi Pastoralis* §. 9. *Quoniam* num. 7. *Ad observationem: & seq.* usque ad 13. pag. 142.

*Ne Clerici, vel Monachi Sæcularibus negotiis se immisceant.*

Tit. l.

Constitutio vi. quæ incipit: *Essendo Noi* pag. 12.

Constitutio xliii. quæ incipit: *Apostolica servitutis* pag. 27.

## LIBER QUARTUS.

*De Sponsalibus & Matrimoniis.*

Tit. i.

Constitutio xvi. quæ incipit: *Matrimonii* pag. 38.

*De clandestina Desponsatione.*

Tit. iii.

Constitutio xxxv. quæ incipit: *Satis vobis* pag. 76.

*Qui Clerici, vel Vocantes matrimonium contrahere possunt.*

Tit. vi.

Constitutio lvii. quæ incipit: *Etsi Pastoralis* §. 7. *De Sacramento* num. 26. *Etsi expetendum & seq.* pag. 142.

De



*De Cognatione Spirituali.*

Tit. II.

Constitutio LVII. quæ incipit: *Et si Pa-*  
*storalis* §. 8. *De Sacramento* num. 6. *Item*  
*in cognationis* pag. 142.

*De Consanguinitate, & Affinitate.*

Tit. XIV.

Constitutio LXII. quæ incipit: *Et si Pa-*

*storalis* §. 8. *De Sacramento* num. 5. *Et*  
*quoniam* pag. 142.

*De Matrimonio contracto contra*  
*Interdictum Ecclesiæ.*

Tit. XVII.

Constitutio XXXIV. quæ incipit: *Matrimo-*  
*nia* pag. 74.

## LIBER QUINTUS.

*De Simonia, & ne aliquid pro spiritualibus exigatur, vel promittatur.*

Tit. III.

Constitutio XXX. quæ incipit: *In subli-*  
*mi* pag. 69.

*De Magistris, & ne aliquid exigatur*  
*pro licentia docendi.*

Tit. V.

Constitutio II. quæ incipit: *Ubi primum*  
§. 2. *Et quoniam* pag. 4.

*De Judæis, Saracenis, & eorum Servis.*

Tit. VI.

Constitutio XXXVIII. quæ incipit: *Im-*  
*mensa* pag. 85.

Constitutio LIII. quæ incipit: *A dilecto*  
*Filio* pag. 138.

Constitutio LIV. quæ incipit: *Literæ*  
pag. 139.

*De Hæreticis.*

Tit. VII.

Constitutio LXX. quæ incipit: *Obsurde-*  
*scit* pag. 197.

*De Torneamentis.*

Tit. XIII.

Constitutio LV. quæ incipit: *Nibil pro-*  
*fecto* pag. 174.

*De Privilegiis, & excessibus*  
*Privilegiatorum.*

Tit. XXXIII.

Constitutio III. quæ incipit: *Maximo*  
pag. 7.

Constitutio XXIV. quæ incipit: *Romanæ*  
*Ecclesiæ* pag. 49.

Constitutio XXXII. quæ incipit: *Milita-*  
*res* pag. 67.

Constitutio LXXIV. quæ incipit: *Ad su-*  
*premam* pag. 206.

Constitutio LXXV. quæ incipit: *Inclutum*  
pag. 208.

*De Pœnitentiis, & Remissionibus.*

Tit. XXXVIII.

Constitutio I. quæ incipit: *Latiora p. I.*

Constitutio IX. quæ incipit: *Ad passionis*  
pag. 23.

Constitutio XX. quæ incipit: *Sacramen-*  
*tum* pag. 42.

Constitutio LVII. quæ incipit: *Et si Pa-*  
*storalis* §. 5. *De Sacramentis* num. 5. *in*  
*casu necessitatis & seqq.* pag. 142.

*De sententia Excommunicationis,*  
*Suspensionis, & Interdicti.*

Tit. XXXIX.

Constitutio XIV. quæ incipit: *Pastoralis*  
§. 1. *Excommunicamus & seq.* pag. 29.



# I N D E X

## I N I T I O R U M

### SINGULARUM CONSTITUTIONUM

QUE IN HOC TOMO CONTINENTUR.

<b>L</b> ætiora . . . I.	Pag. 1.	Exponi Nobis. xli.	93
Ubi primum . . . II.	4.	Etsi minime . . . xlii.	93
Maximo ad labores. III.	7.	Apostolica. xliii.	97
Nemo est. IV.	8.	Quantum. xliiv.	102
Ad Apostolicæ servitutis. v.	10.	Ad Apostolicæ. xlv.	108
Essendo Noi. vi.	12.	De Congregationis. xlv.	110
Quod sancta. vii.	16.	Pastoralis regiminis. xlvii.	111
Decet Romanum Pontificem. viii.	20.	Ad militantis Ecclesiæ. xlviii.	114
Ad Passionis. ix.	23.	Quod communi. xlix.	122
Cum ad infrascriptam. x.	<i>ibid.</i>	In virtutibus. l.	124
Auget Pastoralem. xi.	24.	Rationi congruit. li.	125
Cum, sicut accepimus. xii.	25.	Exponi Nobis. lii.	137
Apostolicæ servitutis. xiii.	27.	A Dilecto Filio. liii.	138
Pastoralis Romani Pont. xiv.	29.	Litteræ. liv.	139
Sæpe Romanorum Pont. xv.	35.	Cognovimus. lv.	140
Matrimonii perpetuum. xvi.	38.	Acerbi plane doloris. lvi.	<i>ibid.</i>
Benignitatem Dei. xvii.	39.	Etsi Pastoralis. lvii.	142
Quod Apostolus. xviii.	40.	Exponi Nobis. lviii.	158
Non ambigimus. xix.	41.	Ex quo. lix.	160
Sacramentum Pœnitentiæ. xx.	43.	Nihil profecto. lx.	174
Cum Sacrarum Virginum. xxi.	46.	Quamquam inherens. lxi.	176
Quanta cura. xxii.	47.	Cum sicut. lxii.	178
Pro eximia. xxiii.	49.	E sublimi. lxiii.	180
Romanæ Ecclesiæ. xxiv.	<i>ibid.</i>	Certiores effecti. lxiv.	<i>ibid.</i>
Quemadmodum ingenti. xxv.	52.	Essendo ben gravi. lxv.	182
Grave, & permolestum. xxvi.	53.	Etsi dubitare. lxvi.	184
In supremæ. xxvii.	55.	Nuper Nos. lxvii.	185
Quamvis Paternæ. xxviii.	56.	Cum illud. lxviii.	187
Universalis Ecclesiæ. xxix.	58.	Quo magis uberes. lxix.	194
In sublimi. xxx.	60.	Obsurdescit. lxx.	197
Singularis. xxxi.	63.	Avendovi Noi. lxxi.	198
Militares. xxxii.	67.	Humilitatis nostræ. lxxii.	200
Dei miseratione. xxxiii.	69.	Dudum. lxxiii.	204
Matrimonia. xxxiv.	74.	Ad supremam. lxxiv.	206
Satis Vobis. xxxv.	76.	Inclutum Fratrum. lxxv.	208
Ad Sepulcra Apostolorum. xxxvi.	79.	Apostolicæ servitutis. lxxvi.	209
Præcipuum. xxxvii.	81.	Quod non humana. lxxvii.	215
Immensa. xxxviii.	85.	Nuper ad Nos. lxxviii.	217
Regularis disciplinæ. xxxix.	87.	Nuper ad sedandas. lxxxix.	222
Salutare. xl.	99.		



# I N D E X

## A R G U M E N T O R U M

### E A R U M D E M

## C O N S T I T U T I O N U M

ANNO MDCCXI.

PONTIFICATUS ANNO I.

- I**ubileum Universale initio Pontificatus indicitur. 11. *Novembris*. Pag. 1
- II. Epistola Encyclica comminatoria ad omnes Episcopos. 3. *Decembris*. 4
- III. Abbreviatoribus de Parco Majori conceditur usus Redimiculi galerii, vulgo *Cordone*, coloris violacei, etiam dimisso officio. 13. *Septembris*. 7
- IV. Congregationis pro Gubernio Civitatis Firmanz, ejusque comitatu, ab Innocentio XII. erectæ, nova forma constituitur. 20. *Septembris*. 8
- V. Erectio Congregationis Particularis super promovendis ad Archiepiscopatus, & Episcopatus. 17. *Octobris*. 10
- VI. Prohibetur omnibus Regularibus in Urbe degentibus, exceptis Hospitalarius S. Joannis de Deo, exercitium artis Aromatarizæ profecularibus, & venditio pharmacorum, & medicamentorum. 14. *Novembris*. 12
- VII. De Sacris Liminibus Beatorum Apostolorum visitandis. Confirmatur Constitutio Sixti Papæ V. eaque extenditur ad Abbates aliosque habentes Monasteria, seu Ecclesias cum jurisdictione quasi Episcopali, & Territorio separato. 23. *Novembris*. 16
- VIII. Erectio congregationis Particularis nonnullorum Romanæ Curiz Prælatorum, Congregationi Cardinalium Concilii Tridentini Interpretum adjunctæ; pro excipiendis, examinandisque Relationibus Episcoporum, abbatum, &c. super statibus suarum Ecclesiarum. 23. *Novembris*. 20
- IX. Indulgentiæ, seu Relaxationes centum dierum de injunctis, seu debitis Pœnitentiis, pro recitantibus flexis genibus singulis Ferialis sextis quinquies Orationem Dominicam, & toties Salutationem Angelicam, ad sonum Campanæ, hora Tertia post meridiem, in

memoriam Passionis, & Agoniæ Domini Nostri JESU Christi. 23. *Decembris*. 23

ANNO MDCCXI.

- X. Conceditur P. Guardiano Sancti Sepulchri Ordinis Minorum de Observantia, ut absentibus Episcopis Latini Ritus, valeat conferre Sacramentum Confirmationis cum Oleo, & Chrismate a Catholico Antistite benedictis. 9. *Januarii*. *ibid.*
- XI. Consecratio Joannis Petri Meindarts intrusi in Archiepiscopatum Ultrajectensem damnatur, atque excommunicationis & suspensionis censura in ipsum edicitur. 24. *Januarii*. 24
- XII. Declaratur, quod omnes, qui privi fuerint a S. R. E. Cardinalibus Ordinariis Collatoribus, siue vigore exceptionis Regulæ ix. Cancellariæ, siue vigore Indulti Apostolici, de beneficiis Ecclesiasticis vacatis in mensibus Sanctæ Sedi reservatis, & valorem viginti quatuor Ducatorum excedentibus, semper teneantur ad reportandum infra certum tempus novam provisionem a Sede Apostolica. 25. *Januarii*. 25
- XIII. Clericis interdicitur quælibet negotiatio, etiam sub alieno Laici nomine, exceptis Casibus, & circumstantiis in Constitutione expressis, subpœnis alias contra Clericos negotiatores emanatis: & extenditur pœna spolii ad eos etiam, qui ab illo exempti sunt per indulta personalia, aut generalia, ad effectum testandi, vel transmittendi. 25. *Februarii*. 27
- XIV. Literæ Processus publicatæ die Cœnæ Domini Anno MDCCXI. 30. *Mar- ti*. 29
- XV. Canonici, & Moniales Ordinis Hospitalarii S. Spiritus, in Hispaniarum, & Poloniæ Regnis commorantes, a jurisdictione Præceptoris Generalis S. Spiritus in Saxia de Urbe exempti. *mun*.



- muntur, & Locorum Ordinariis subji-  
ciuntur. 5. *Aprilis*. 35
- xvi. Admonitio ad Episcopos in Poloniae  
Regno constitutos, ut cautius proce-  
dant in admittendis Conjugiorum dis-  
solutionibus. 11. *Aprilis*. 38
- xvii. Beatificatio Beati Alexandri Sau-  
lii, ex Clericis Regularibus Sancti Pau-  
lii Barnabitis nuncupatis, primum A-  
leriae, deinde Papiae Episcopi. 23. *A-  
prilis*. 39
- xviii. Approbantur Decreta a Congrega-  
tione Cæremoniali particulari edita pro  
Archiepiscopis, live Episcopis, & Præ-  
sidentibus, Gubernatoribus ac Vice-Lega-  
tis per Ditionem Ecclesiasticam consti-  
tutis. 15. *Maji*. 40
- xix. Provodetur abusus adversus Jeju-  
nii Quadragesimalis observantiam in-  
vestis. 30. *Maji*. 41
- xx. Innovantur pœnæ adversus Confes-  
sarios, qui Pœnitentes ad turpia solli-  
citant: cum præcepto hujusmodi de-  
nunciandi, & reservatione absolutio-  
nis quoad calumniatores. Adimitur  
præterea Sacerdotibus facultas Sacra-  
mentum Pœnitentiæ administrandi com-  
plicibus in peccato contra castitatem,  
cum pœnis &c. 1. *Junii*. 43
- xxi. Monialibus in Portugalliae, & Al-  
garbiorum Monasteriis rigorosam Clau-  
suram professis, & extra illa degenti-  
bus, injungitur reditus ad Claustra,  
& egressus in posterum prohibetur. 1.  
*Junii*. 46
- xxii. Mercimonia super eleemosynis Mis-  
sarum vetantur, sub pœna Censura-  
rum, quarum absolutio Summo Ponti-  
fici reservatur. 30. *Junii*. 47
- xxiii. De eodem argumento Breve en-  
cyclicum ad Episcopos Provinciæ Pe-  
demontanæ. 30. *Julii*. 49
- xxiv. Confirmatur Militia Sancti Janua-  
rii Episcopi, & Martyris a Carolo Rege  
utriusque Siciliae erecta; ejusque Officia-  
libus, & Militibus plura indulta, &  
Privilegia conceduntur. 30. *Julii*. *ibid.*
- xxv. Jurisdictio in Ægyptios aliosque Ri-  
tus Coptitici ad Ecclesiam Catholicam  
conversos cujuscumque sint Diocesis,  
tribuitur Episcopo Hierosolymitano e-  
jusdem Ritus. 4. *Augusti*. 52
- xxvi. Residentia in propriis Diocesis  
Episcopis Hiberniae inculcatur. 15. *Au-  
gusti*. 53
- diebus Junii ab omnibus servandam  
esse, etiam ab iis, quibus ob peculia-  
res causas permittitur elus carniū,  
ovorum &c. 12. *Augusti*. 55
- xxviii. Commissiones causarum ad par-  
tes non aliis dirigendas esse statuitur,  
quam Judicibus Synodalibus; quorum  
electio Ordinariis Locorum commenda-  
tur, & permittitur fieri extra Syno-  
dum, cum consilio Capituli. 26. *Au-  
gusti*. 56
- xxix. Cessiones commodi exigendi fru-  
ctus Beneficiorum prohibentur, sub pœ-  
na excommunicationis, & nullitatis  
contractus. 29. *Augusti*. 58
- xxx. Resignationes Beneficiorum cum re-  
servatione Pensionis, & pacto eam cas-  
sandi, prohibentur, & annullantur;  
adjecta pœna privationis Beneficii, in-  
habilitationis ad alia assequenda, resti-  
tutionis pecuniæ &c. & irritantur cas-  
sationes, & extinctiones Pensionum,  
intra sex menses a capta possessione  
Beneficii obtentæ. 29. *Augusti*. 60
- xxxi. Confirmatio Synodi Nationalis Ma-  
ronitarum, habitæ in Monte Libano  
anno Domini MDCCLXXVI. 1. *Septem-  
bris*. 63
- xxxii. Erectio sex Officiorum Ecclesiasti-  
corum in Ordine Equestri Sancti Ge-  
orgii Martyris in Bavaria auctoritate  
Apostolica confirmatur. 6. *Octobris*. 67
- xxxiii. Causarum Matrimonialium ju-  
dicia coram quibus, quo ordine, ac  
forma peragenda sint, constituitur. 3.  
*Novembris*. 69
- xxxiv. Declaratio cum instructione super  
Dubii respicientibus Matrimonia in  
Hollandia, & Belgio contracta, & con-  
trahenda. 4. *Novembris*. 74
- xxxv. Matrimonia occulta, quibus, &  
quomodo sint permittenda; quibusque  
cautelis celebranda, & in actis descri-  
benda, quomodo consulendum educa-  
tioni, & indemnitati Proles. 17. *No-  
vembris*. 76
- xxxvi. Beatificationes Servorum Dei, &  
Beatorum Canonizationes in Basilica  
Principis Apostolorum peragi debere sta-  
tuitur. 23. *Novembris*. 79
- xxxvii. Præscribitur forma, & solemnitas  
in Exequiis Sanctæ Romanæ Ec-  
clesiæ Cardinalium servanda. 23. *No-  
vembris*. 81
- xxxviii. Indorum in Provinciis Paraqua-  
riæ, Brasiliæ, & ad Flumen de la Plata  
existentium, libertati, & indemnitati,  
consulitur. 20. *Decembris*. 85

## PONTIF. ANNO II.

xxvii. Declaratur unicam comestionem



## ANNO MDCCXLII.

- xxxix. Clausura Monasteriorum quorumcumque Virorum Regularium asseritur, sublata quibuslibet dispensandi facultate. 3. *Januarii*. 87
- xl. De Clausura Monialium: Confirmantur sanctiones Ecclesiasticæ, antea editæ: Revocantur facultates extraordinariæ permittendi ingressum, & egressum e Monasteriis. 3. *Januarii*. 90
- xli. Indultum pro celebratione Missarum super Trirēnibus Militiæ Hospitalis S. Joannis Hierosolymitani. 15. *Januarii*. 92
- xlvi. De Doctrina Christiana Populis tradenda: quâ ratione, & methodo Fidei indigentia hac in re consulendum sit. 7. *Februarii*. 93
- xlvi. Maronitarum Patriarchæ attribuitur annuum caritativum subsidium; abrogata consuetudine colligendi præstationes pecuniarias in distributione Sacrorum Oleorum: Episcopis Maronitis certæ Sedes assignantur. 14. *Februarii*. 97
- xliv. Abolitio Tribunalium, & Judicium Particularium ab Innocentio XII. facta confirmatur, & innovatur quoad Judicaturas deinceps erectas: nonnullarum Congregationum, & Tribunalium facultates, & iurisdictiones præsumuntur. 15. *Februarii*. 102
- xlv. Dispensationum Matrimonialium causas veraciter exponendas, & ab Executoribus omnino verificandas esse statuitur. 25. *Februarii*. 108
- xlvi. Pro Elevatione (corporis Venerabilis Servi Dei Camilli de Lellis. 5. *Martii*. 110
- xlvi. De non impedienda executione Citationum, Mandatorum, aliarumque Provisionum Romanæ Curiae, seu Sedis Apostolicæ. 30. *Martii*. 111
- xlvi. De Appellationibus, Inhibitionibus concedendis, vel denegandis. 30. *Martii*. 119
- xlvi. Revocatio peculiaris Statuti Ordinis Fratrum Minorum S. Francisci Capucinorum nuncupatorum, quo ipsis vetitum erat, ne Confessariis extra proprium Ordinem unquam confiteri possent. 30. *Martii*. 122
- l. Beatificatio Beati Camilli de Lellis Fundatoris Clericorum Regularium Ministrantium Infirmis. 7. *Aprilis*. 124
- li. Literæ Canonizationis Beatæ Elisabethæ Lusitanorum Reginæ: 28. *Aprilis*. 125

- lii. Indultum celebrandi Missas super Trirēnibus Pontificiis. 28. *Aprilis*. 137
- liii. Pro institutione Apostolicæ Missionis in Regno Batgao in Magno Thibet. 1. *Maji*. 138
- liv. Pro Missionis Apostolicæ fundatione in Regno Bittia in Magno Thibet. 1. *Maji*. 139
- lv. Declaratur, quæ fuerit mens Pontificis in Constitutionibus super Jejuniis editis. 12. *Maji*. 140
- lvi. Spicarum collectio, post absolutam Messum, pauperibus permittenda. 22. *Maji*. *ibid.*
- lvii. De Dogmatibus, & Ritibus ab Italo-Græcis tenendis atque servandis. 26. *Maji*. 142
- lviii. Approbatio publici Cultus ab immemorabili tempore exhibiti Beatæ Joannæ Valeriæ olim Reginæ Franciæ, & Fundatrici Ordinis Sanctiss. Annunciationis Beatæ Mariæ Virginis. 18. *Junii*. 158
- lix. De Ritibus, seu Cæremoniis Sinensibus. Confirmatur Constitutio Clementis XI. incip. *Ex illa die*. Permissiones quædam publicatæ a boni memori Caroli Ambrosio Mediobarbo Patriarcha Alexandrino, reprobantur, & annullantur: Præscribitur nova formulâ Juramenti a Missionariis præstandi. 11. *Julii*. 160
- lx. Spectacula invērecunda, Festis potissimum diebus frequentari solita, prohibentur. 12. *Augusti*. 174

## PONTIF. ANN. III.

- lxi. Electio Hieronymi de Bock in Episcopum Hariemensem nulla & illicita declaratur, eidemque inhibetur, ne Consecrationis munus audeat suscipere. 1. *Septembris*. 176
- lxii. Indultum vacandi operibus servilibus in quibusdam diebus festis de præcepto alias observari solitis, pro nonnullis Universitatibus Diæcesis Calaguritanae. 3. *Septembris*. 178
- lxiii. Ordinationes omnium Clericorum, & Sacerdotum Ritus Græco-Rutheni a Serviano schismate ad Ecclesiæ sinum redeuntium Episcopo Auxerensi delegantur. 4. *Octobris*. 180
- lxiv. Sacerdotes Missam celebrantes non teneri Sacram Eucharistiam omnibus peccatis infra ipsam actionem ministrare. 13. *Novembris*. *ibid.*
- lxv. Leges observandæ in concedendis Locationibus bonorum Camera Apostolicæ. 23. *Novembris*. 182



- LXVI.** Episcopis Ruthenis suadet Pontifex, ut unionem Monachorum Sancti Basilii sub unico Proto-Archimandrita promoveant, & foveant. 27. *Novembris*. 184
- LXVII.** Electo de Nankim præcipitur, ut ante consecrationem iuramentum emittat ob formam Constitutionis supra positæ num. 59. 3. *Decembris*. 185
- LXVIII.** De concursu, & examine habendo pro Parochialium Ecclesiarum collatione: De appellationibus ab irrationabili Ordinarii judicio admittendis, vel reiciendis. 14. *Decembris*. 187
- LXIX.** Vota simplicia in Congregatione Missionis emissæ, a nemine quacunque ex causa, præterquam a Romano Pontifice, aut a Superiore Generali Congregationis in actu dimissionis tantum dissolvi posse statuitur. 18. *Decembris*. 194
- LXX.** Consecratio Hieronymi de Bock in Pseudo-Episcopum Harlemensem damnatur; & excommunicationis, ac suspensionis sententia in ipsum pronunciatur. 20. *Decembris*. 197

## ANNO MDCCXLIII.

- LXXI.** Reos convictos per incidia indubitata, quamvis non confessos, pœnis ordinariis multandos esse statuitur. 2. *Januarii*. 198
- LXXII.** Privilegia, & exemptiones Almæ Domus Lauretanæ, nec non resolutiones dubiorum, & controversiarum jurisdictionalium in Synopsim redacta approbantur, & confirmantur. 7. *Januarii*. 200
- LXXIII.** Ut præstationes post obitum S. R. E. Cardinalium Magistris Cæremoniæ persolveri solitæ, deinceps a sin-

gulis Cardinalibus in sua ad Cardinalatum promotione solvantur. 14. *Februarii*. 204

- LXXIV.** Ecclesiæ Papiensi perpetuo unitur Archiepiscopatus Amasiensis in partibus Infidelium: aliaque privilegia confirmantur, & respective conceduntur. 15. *Februarii*. 206

- LXXV.** Concionatoris Apostolici munus Ordini Fratrum Minorum Sancti Francisci Cappucinorum perpetuo addicitur. 2. *Martii*. 208

- LXXVI.** Epistola Decretalis in causa jurisdictionali jamdudum pendente inter Episcopum Conversanum, & Ordinem Militarem S. Joannis Hierosolymitani. Expenditur vis potestatis quadragenariæ, & immemorabilis. Indulta Apostolica, & Episcoporum cessiones quatenus jurisdictionem activam, vel exemptionem passivam dumtaxat importent &c. sententia fertur pro Episcopo Conversano, & opportunis Decretis, & clausulis munitur. 14. *Martii*. 209

- LXXVII.** Electio, seu postulatio duorum Patriarcharum Maronitarum ab Antistibus illius Nationis dissidentibus facta cassatur, & annullatur, reservata S. Sedis Patriarchalis Ecclesiæ provisione. 13. *Martii*. 215

- LXXVIII.** Maronitarum Patriarchalis Ecclesia Antiochena Auctoritate Apostolica, & jure devotionis providetur in personam Simonis Evodii Archiepiscopi Damasceni. 16. *Martii*. 217

- LXXIX.** Ad Maronitarum Nationem Commissarius Apostolicus ablegatur pro præmissorum, aliorumque Apostolicæ Sedis mandatorum executione, cum facultatibus opportunis. 16. *Martii*. 222





SANCTISSIMI DOMINI NOSTRI  
BENEDICTI PAPÆ XIV.  
CONSTITUTIONES, EPISTOLÆ &c.

~~~~~

JUBILÆUM UNIVERSALE  
initio Pontificatus indicitur.

BENEDICTUS PAPA XIV.

*Universis Christifidelibus præsentis Literas inspecturis salutem, & Apostolicam benedictionem.*



ÆTIORA Apostolicæ servitutis auspiciis offerri Nobis minime poterant, quam ut, tanto onere per studiosissima & concordia Venerabilium Fratrum nostrorum Sanctæ Romanæ Ecclesiæ Cardinalium suffragia tenuitati nostræ imposito, in Domino consideremus, omnia consilia, acta, & opera in Catholicæ Ecclesiæ procuratione a Nobis suscipienda conficiendaque, ad Divini nominis gloriam, ad Orthodoxæ Fidei præsidium, ad sacrosanctæ Religionis incrementum, & ad æternam animarum salutem semper fore redundatura. Postquam igitur debitas laudes gratiasque perfolvimus bonorum o-

mnium largitori Deo, qui, ut ostendat divitiis gloriæ suæ in vasa misericordiæ, dispositione mirabili infirma eligit; eidem, cui aperta & nuda sunt omnia, in simplicitate cordis nostri revelavimus trepidationem nostram, & argumenta omnia sollicitudinis ac timoris animo nostro ob ingentem Pontificiarum curarum molem sese undique ingerentia. Nec omisimus cum gemitibus & lacrymis prosternere preces nostras ante faciem Dei nostri, ut per merita Jesu Christi Filii sui Pastorum Principis, cujus supremas in terris vices gerimus, requiescere & faciat super Nos Spiritum Domini, Spiritum Sapientiæ & intellectus, Spiritum consilii & fortitudinis, Spiritum scientiæ & pietatis, & repleat Nos Spiritum timoris Domini; ut non secundum visionem oculorum judicemus, neque secundum auditum aurium arguamus; sed judicemus in justitia pauperes, & arguamus in æquitate pro mansuetis terræ.

*Bullar. Rom. Bened. XIV. Tom. I.*

A

S. T.

I.  
Procinium  
Pontificis  
sensus in sua  
ad Pontifi-  
catum ele-  
ctione.



Fidelium  
orationibus  
juvari ex-  
petit.

§. 1. Verum infirmitatem nostram probe agnoscentes, nec de tam cælesti favore ac benedictione Nobis certo polliceri audentes; sed minime dubitantes, quin concors totius Catholicæ Ecclesiæ ad misericordiarum Patrem supplicantis oratio potentissima sit, ut ille uberrimam omnium cælestium Charismatum copiam super Nos benignus effundat; universos Christifideles rogamus, atque in Domino exhortamur, ut nostris suas etiam alacrius conjungant publicas ferventioresque preces supplicationes, jeunia, eleemosynas, atque alia pietatis opera, hoc præsertim tempore, in quo, Carolo claræ memoriæ, dum viveret, Romanorum Rege in Imperatorem electo nuper defuncto, pro novi Romanorum Regis futuri Imperatoris electione Comitia habenda sunt; dum Nos, iuxta antiquissimum Romanorum Pontificum Prædecessorum nostrorum morem, cælestes Ecclesiæ thesauros dispensationi nostræ credites erogamus, atque elargimur.

Concilio  
Indulgen-  
tiæ Plena-  
ritæ Resti-  
tutionibus  
opera injun-  
cta.

§. 2. Itaque, de Omnipotentis Dei misericordia, ac Beatorum Petri & Pauli Apostolorum ejus auctoritate confisi, ex illa ligandi atque solvendi potestate, quam Nobis Dominus, licet indignis, contulit, universis & singulis utriusque Sexus Christi-fidelibus in alma Urbe nostra degentibus, qui solemnem Processioni, quam Dominica ultima post Pentecostem, die videlicet vigesima currentis mensis Novembris, ab Ecclesia S. Mariæ Angelorum in Thermis ad Basilicam Sanctæ Mariæ Maioris nuncupatam de eadem Urbe, una cum Venerabilibus Fratribus nostris S. R. E. Cardinalibus, necnon Patriarchis, Archiepiscopis & Episcopis, quos in Romana Curia adesse contingerit, ac Christianorum Regum, & Principum Oratoribus apud Nos existentibus, Prælatibus quoque, & officialibus ejusdem Curie, universoque Clero, & Populo, benedicente Domino, agemus, devote interfuerint, vel Sancti Johannis in Laterano, Principis Apostolorum, & Sanctæ Mariæ Maioris præfatæ Ecclesias, seu Basilicas, vel earum aliquam intra spatium ejusdem, vel proxime subsequentis hebdomadæ, saltem semel visitaverint, ibique per aliquod temporis spatium devote, ut supra, Deum oraverint; ac quarta, & sexta feria, ac Sabbato alterius ex prælatibus hebdomadis jejunaverint, & peccata sua confessi, Santissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumserint, ac pauperibus aliquam eleemosynam prout unicuique suggeret devotio, erogaverint, cæteris vero extra Urbem prædictam ubicumque degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, & ipsis deficientibus, per eos, qui ibi curam animarum exercent, postquam ad eorum notitiam hæc nostræ pervenerint, designandas, vel Ecclesiarum huiusmodi aliquam, spatio duarum similiter hebdomadarum a publicatione designationis per Ordinarios, vel eorum Vicarios, seu Officiales, vel alios, ut præfertur, faciendæ decurrendarum, saltem semel visitaverint, ibique, ut supra, oraverint, ac quarta, & sexta feria, ac Sabbato alterius ex hebdomadis huiusmodi jejunaverint, pariterque peccata sua confessi, ac in die Dominica immediate sequenti, vel alia die intra eandem hebdomadam Sanctissima Communione refecti fuerint, & pauperibus aliquam eleemosynam, ut præmittitur, erogaverint, plenissimam omnium peccatorum suorum Indulgentiam, & remissionem, sicut in Anno Jubilæi visitantibus certas Ecclesias intra, & extra Urbem prædictam concedi consuevit, tenore præsentium concedimus, & elargimur.

Quoad exi-  
stentes in  
Urbe.

Quoad Na-  
vigantes &  
iter agen-  
tes.

Aliisque  
legitime  
impeditis.

§. 3. Navigantes vero & iter agentes, ut cum primum ad sua sese domicilia receperint, superscriptis peractis, & visitata Ecclesia Cathedrali, vel Maiori, aut Parochiali loci eorum domicilii, eandem indulgentiam consequi possint, & valeant; Regularibus autem personis utriusque sexus, etiam in claustris perpetuo degentibus, necnon aliis quibuscunque tam Laicis, quam Ecclesiasticis, Secularibus, vel Regularibus, etiam in carcere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis a locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus protegere possit, eaque injungere, quæ ipsi poenitentes efficere poterunt, pariter concedimus & indulgemus.

Facultas  
eligendi  
Confessa-  
rium.

§. 4. Insuper omnibus, & singulis Christifidelibus utriusque sexus tam Laicis, quam Ecclesiasticis, Secularibus & Regularibus cujusvis Ordinis, Congregationis, & Instituti, tam in Urbe præfata, quam extra eam ubique locorum, ut præfertur, degentibus,



ibus, licentiam concedimus & facultatem, ut sibi ad hunc effectum eligere possint quemcumque Presbyterum Confessarium tam Secularem, quam cuiusvis Ordinis, & Instituti Regularem ex approbatis, ut præmittitur, a locorum Ordinariis, qui eos ab Excommunicationis, Suspensionis, & aliis Ecclesiasticis sententiis, & censuris a Jure vel ab homine quavis causa latis, seu inflatis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in litteris die Cœnæ Domini legifolitis contentis, & alias per quascumque nostras, aut Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis, in foro Conscientiæ, & hac vice tantum absolvere & liberare valeant, & insuper vota quæcumque (Religionis & Castitatis exceptis) in alia pia & salutaria opera commutare, injuncta tamen eis, & eorum cuilibet in supradictis omnibus poenitentia salutari, aliisque ejusdem Confessarii arbitrio injungendis.

pro absol-  
tione a cen-  
suris.

Et peccatis  
reservatis.

Et pro com-  
mutatione  
votorum.

§. 5. Quapropter tenore præsentium in virtute Sanctæ obedienciæ districte præcipimus atque mandamus omnibus, & quibuscumque Venerabilibus Fratribus Patriarchis, Archiepiscopis, Episcopis & aliis Ecclesiarum Prælati, ac quibuscumque Ordinariis locorum ubicumque existentibus, eorumque Vicariis, & Officialibus, vel iis deficientibus, illis, qui curam Animarum exercent, ut cum præsentium litterarum transmissis, illa statim absque ulla mora, retardatione, aut exempla etiam impressa acceperint, illa statim absque ulla mora, retardatione, vel impedimento, per suas Ecclesias & Dioeceses, Provincias, Civitates, Oppida, Terras, & loca publicent, & publicari faciant, Ecclesiamque seu Ecclesias visitandas delignent.

Præcipitur  
publicatio  
præsentium  
ubique lo-  
corum.

§. 6. Non intendimus autem per præsentis super aliqua irregularitate publica vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientiæ; neque etiam easdem præsentis iis, quæ a Nobis, & Apostolica Sede, vel ab aliquo Prælato, seu Judice Ecclesiastico communicati, suspensi, interdicti, seu alias in Sententias, & Censuras, incidisse declarati, vel publice denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

Casus excep-  
ti.

§. 7. Non obstantibus Constitutionibus & Ordinationibus Apostolicis, præsertim quibus facultas absolviendi in certis tunc expressis casibus ita Romano Pontifici pro tempore esistenti reservatur, ut nec etiam similes vel dissimiles Indulgentiarum, & facultatum hujusmodi concessionibus, nisi de illis expressa mentio, aut specialis derogatio fiat, cuiquam suffragari queant; nec non Regula nostra de concedendis Indulgentiis ad instar, ac quorumcumque Ordinum & Congregationum, sive Institutum, etiam juramento, confirmatione Apostolica, vel quavis firmitate alia roboratis Statutis & consuetudinibus: Privilegiis quoque, Indultis, & litteris Apostolicis eisdem Ordinibus, Congregationibus & Institutis, illorumque personis quomodolibet concessis, approbatis & innovatis. Quibus omnibus & singulis, etiam de illis, eorumque totis tenoribus, specialis, specifica, expressa & individua, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim & expresse ad effectum præmissorum derogamus; cæterisque contrariis quibuscumque. Ut autem præsentis nostræ, quæ ad singula loca deferri non possunt, ad omnium notitiam facilius deveniant, volumus, ut earundem præsentium transmissis vel exemplis, etiam impressis, manu alicuius Notarii publici subscriptis, & sigillo Personæ in dignitate Ecclesiastica constitutæ munitis, ubique locorum, & Gentium eadem prorsus fides habeatur, quæ haberetur ipsis præsentibus, si forent exhibitæ vel ostensæ. Denique sciant omnes, qui vel palam, vel in corde adversantur Sedi Apostolicæ, Sanctæ Romanæ Ecclesiæ judiciis, & signanter Constitutioni *Unigenitus*, indignos esse, qui gratiam, & beneficium Jubilæi participant. Datum Romæ apud S. Mariam Maiorem sub Annulo Piscatoris die 11. mensis Nov. 1740. Pont. Nostri Anno I.

Clausula  
præservati-  
væ, & de-  
rogatoriæ.

Transmissis  
fidem præ-  
stari jube-  
tur.

Refertur  
judiciis &  
Constitutio-  
nibus Sedis  
excludun-  
tur.  
Dat. Pont.  
A. 1. die 11.  
Nov. 1740.

D. Card. Passioneus.



## BENEDICTI XIV.

## EPISTOLA

Encyclica &amp; Commonitoria ad omnes Episcopos.

*Venerabilibus Fratribus Patriarchis, Primatibus, Archiepiscopis, & Episcopis.*

BENEDICTUS PAPA XIV.

*Venerabiles Fratres salutem, & Apostolicam Benedictionem.*

I I.

Precium  
A debito Pa-  
toralis Offi-  
ciii.

**U**bi primum placuit Deo, qui dives est in misericordia, humilitatem nostram in-  
suprema Beati Petri Sede collocare, & Vicariam Domini nostri Jesu Christi po-  
testatem Nobis, nullo quamvis meritorum suffragio suffultis, ad universæ Ecclesiæ suæ  
gubernationem committere; auribus insonare nostris visa est Divina illa vox: *Pasce*  
*agnos meos: pasce oves meas:* inuncta videlicet Romano Pontifici, ejusdem Petri Suc-  
cessori, cura regendi, non modo Gregis Dominici agnos, qui sunt populi per totum  
terrarum Orbem diffusi, sed etiam oves, nimirum Episcopos, qui veluti agnorum  
matres, populos in Christo Jesu generant, iterumque parturiunt. Pastoris igitur et-  
iam vestri voces excipite, Fratres, per has nostras literas; & in partem sollicitudi-  
nis, cuius plenitudo commissæ Nobis Divinitus est, vocati, intelligite ex ipsis admo-  
nitionibus, & cohortationibus nostris, quanta Nos premiat cura non prætermittendi  
ea, quæ officii nostri sunt, quantaque itidem sit vis paternæ nostræ in vos charita-  
tis, qua ad maxime optandum adducimur, ut de profectu sanctarum ovium fiant gau-

Episcopis  
commendat-  
ur vigilan-  
tia in vitam  
& honesta-  
tem Cleri-  
corum.  
Item Mini-  
strorum Ec-  
clesiæ dele-  
ctus.

§. 1. In primis vero date operam, omnique studio, atque ope satagite, ut morum  
integritas, & Divini cultus studium cluceat in Clero, utque Ecclesiastica Disciplina  
sarta testa servetur, & ubi collapsa fuerit, redintegretur. Satis enim constat, nihil  
esse, quod omnem populum ad pietatem, religionem, & Christianæ vitæ institutio-  
nem efficacius instruat, excitet, inflammet, quam eorum exemplum, qui Divino se  
ministerio dedicant. Itaque in id mentis vestræ acies primum dirigenda est, ut cum  
acurato delectu si Clericali militiæ adscribantur, a quibus merito possit expectari, ut  
iis in lege Domini ambulantes, & de virtute in virtutem euntibus, eorum vita  
cunctis afferat venerationem, & eorum opera Ecclesiis vestris spirituales afferat uti-  
litatem. Melius enim profecto est pauciores habere Ministros, sed probos, sed ido-  
neos, atque utiles, quam plures, qui in ædificationem Corporis Christi, quod est Ec-  
clesia, nequicquam sint valituri. Quantam idcirco Episcoporum cautionem ea in re  
Sacri Canones requirant, non ignoratis Fratres; sed ab eorum norma, quæ omnino  
servari debet, ne patiamini vos abduci humano ullo respectu, vel importunis am-  
bientium suggestionibus, vel fautorum precibus. Apostoli vero præceptum, ut nema-  
nus cuiquam nimis propere imponantur, tunc potissimum servari necesse est, ubi de  
promovendis ad Sacros Ordines, & ad Sacratissima Myseria, quibus nihil est divi-  
nius, agendum sit: Non enim sufficit ætas, quæ per sacras Ecclesiæ leges unicuique  
Ordini præscripta est, nec indiscriminatim omnibus, qui in inferiori aliquo Ordine  
jam sint constituti, suo quasi jure patere debet aditus ad sublimiorem, sed studiosè,  
magnaque adhibita diligentia investigandum a vobis est, an eorum, qui priora susce-  
perint ministeria, talis fuerit vivendi ratio, & in sacris scientiis progressio, ut vere  
judicandi sint, quibus dicatur: ascende superius: cum alioquin expedit in inferiori  
potius aliquos remanere gradu, quam cum suo majori periculo, & aliorum scandalo  
ad altiorem provehi.

Et eaura  
eorum pro-  
merio.Seminaria  
Clericorum  
instituan-  
tur, vel au-  
geantur,  
cum opus  
fuerit.

§. 2. Et quoniam supra quam dici possit, interest eos, qui in sortem Domini vocan-  
tur, ab incunte ætate ad pietatem, morumque integritatem, & ad canonicam disci-  
plinam, veluti novellas plantationes in juventute sua formari; cordi idcirco vobis es-  
se debet, ut ubi forsân nondum instituta fuerint Clericorum Seminaria, quam citissi-  
me instituantur, vel jam instituta amplificentur, si majori Alumnorum numero pro  
Ecclesiarum conditione opus sit, adhibitis in eum finem mediis, quorum parandorum  
potestate Episcopi jam sunt instructi, & quibus alia etiam, si de eorum necessitate  
edo-



edocti a vobis fuerimus, addituri & nos sumus. Eadem vero Collegia singulari vestra sollicitudine foveantur, necesse est, videlicet ea sæpe invisendo, singulorum adolescentium vitam, indolem, & in studiis profectum explorando, Magistros idoneos, virosque Ecclesiastico spiritu præditos ad eorum culturam destinando, literarias ipsorum exercitationes, sive Ecclesiasticas functiones quandoque præsentia vestra decorando, aliqua demum Beneficia iis, qui virtutum suarum specimen clarius præstiterint, majoremque laudem retulerint, conferendo. Hujusmodi enim irrigationem arbulculis hisce, dum adolefunt, ministrasse non vos poeniteat, sed vestra opera lætissimum deinde vobis referet fructum in uberi bonorum operariorum copia. Consueverunt quippe Episcopi sæpius dolere messem quidem esse multam, operarios autem paucos: At fortasse eis quoque dolendum esset, non eam, quam debuissent, industriam ipsos adhibuisse, ut operarii ad messem pares, aptique formarentur: boni namque, & strenui operarii non nascuntur, sed fiunt; ut autem fiant, ad Episcoporum solertiam, industriamque maxime pertinet.

§. 3. Sed & illud maximi momenti est, ut iis animarum cura committatur, qui doctrina, pietate, castis moribus, & illustribus bonorum operum exemplis ita aliis præluere possint, ut vere lux, & salus populi sint, & habeantur. Hi nimirum præcipue adjutores vestri sunt in grege vobis credito informando, regendo, perpurgando, in viam salutis dirigendo, & ad Christianas virtutes incitando. Ex quo primum est intelligere quanti vestra etiam referat, eos ad Parochiale officium obeundum eligi, qui ad fructuosam plebium gubernationem merito judicentur aptiores. In id vero potissimum quoque incumbite, ut quicumque animarum curam gerunt, diligenter, diebus saltem Dominicis, aliisque festis de præcepto, plebes sibi commissas, pro sua, & earum capacitate, pascant salutaribus verbis, docendo ea, quæ Christi fideles ad salutem scire oportet, ac explicando Divinæ legis capita, Fideique dogmata, & pueros ejusdem Fidei rudimentis imbuendo, quacunque prava in contrarium consuetudine, ubicumque esset, prorsus sublata. Quomodo enim audient sine prædicante? Aut quomodo recte credendi, recteque agendi normam assequi poterunt populi, si animarum curatores in ejusmodi officio legnes, remissi, ac desidiosi fuerint? Quare non fati animo comprehendendi, aut verbis explicari potest, quanta Christianæ Republicæ perniciēs impendat ex eorum, quibus animarum cura demandata est, negligentia in pueris præsertim catechismo instruendis. Proderit autem plurimum, si studueritis, ut & qui curam animarum gerunt, & alii, qui ad poenitentium confessiones excipiendas destinati sunt, per aliquot dies spiritualibus exercitiis, quotannis vacent: in eo quippe pio recessu renovabuntur spiritu mentis suæ, & induentur virtute ex alto, ad ea impensis, alacriusque peragenda, quæ suarum partium sunt pro Divini Numinis gloria, & spirituali proximorum utilitate, & salute.

§. 4. Jam vero scitis, Fratres, Divino præcepto mandatum esse omnibus animarum Pastoribus, oves suas agnoscere, easque verbi Divini prædicatione, Sacramentorum administratione, ac bonorum omnium operum exemplo pascere; hisque, ac cæteris Pastoralis Officii muniis satisfacere, ut par est, minime posse eos, qui gregi suo non invigilent, neque assistant, vineamque Domini, in qua positi sunt custodes, non custodiant assidue. Itaque in statione vestra maneat oportet, & personalem in Ecclesia vestra, vel Diocesi, servetis residentiam, ad quam ex vi muneris vestri obligati estis, quemadmodum pluribus Generalium Conciliorum Decretis, & Prædecessorum nostrorum Constitutionibus luculenter declaratur, præscriptumque est. Cavete autem, ne existimetis fas esse Episcopis per tres Menses singulis annis pro libito, aut quacunque ex causa abesse. Ut enim hoc vere liceat Episcopis, constat habendam esse rationem, ut absentiam huiusmodi æqua requiratur causa, simulque consultum sit, ne gregi detrimentum obveniat. Mementote autem Judicem futurum esse eum, cujus ovis in Diocesi sic destituta contingere, quod non sit ei adscribendum, cuius erat, subditis a recta semita desidentes revocare monitis, allicere exemplis, voce confirmare, auctoritate, & charitate continere. Porro quis etiam non intelligat, multo

Et ab Episcopis sæpe visitantur.

Qualitates eligendo. rum ad Curam Animarum.

Eorumdem Officium prædicandi, & catechizandi.

Parochi & Confessarii exercitiis spiritualibus quotannis incumbant.

Assidua Episcopis residentia in propriis Ecclesiis, vel Diocesis, inculcatur.

Reprobis fatilibus absentiarum causis.



fatius esse negotia alibi per alios, ubi oportuerit, peragi, quam per se ipsum ab Episcopo extra Diocesim suam morante; negotium vero omnium maximum custodiendi, & gubernandi gregis ab eo per se non per administratos curari? Sint enimvero quantumvis idonei, probatique Ministri, non tamen eorum vocem sic solent audire oves, ut vocem veri sui Pastoris: non vicariam illorum operam supplere satis vigilantiam, atque operam ipsius Episcopi, cui peculiaris Sancti Spiritus gratia ad id opitulatur, experientia abunde compertum est.

visitatio  
quoque Ec-  
clesiarum,  
& Diocce-  
sum.

Atque exe-  
cutio decre-  
torum in  
visitationi-  
bus edito-  
rum.

Reliqua E-  
piscoporum  
Officia enu-  
merantur,  
& commen-  
dantur.

Cum spe  
Divinae opis.  
Et auxilii  
Principum  
Christiano-  
rum.

Et Pontifi-  
ciae Auctori-  
tatis, cujus  
praesidium  
omnibus ex-  
hibetur.

Adhortatio.

§. 8. Ad hæc, cum in omni etiam rei domesticæ cura nihil sit utilius, quam si ipsemet Paterfamilias omnia frequenter inspiciat, suæque vigilantia suorum industriam, & diligentiam alat, propterea vos monemus, & hortamur, Fratres, atque etiam vobis injungimus, ut Ecclesias, & Dioceses vestras, (nisi gravis, ac legitima interveniat causa, quæ aliis id committi postulet) vos ipsi visitetis, vos ipsi oves vestras, & pecoris vestri vultum agnoscatis. Formidinis sane, ac terroris plena est certissima illa sententia, quam supra memoravimus, non admitti Pastoris excusationem, si lupus oves comedit, & Pastor nescit. Multa vero quidem ignorabit Episcopus, multa cæcos partes se conferat, & nisi per se ipsum ubique videat, ubique audiat, ubique exploret, quibus malis medicina facienda sit, & quænam fuerint eorum causæ, quæve ratione occurrere etiam providentes queat, ne sublata reviviscant. Præterea cum Episcopo est, sensim vepres, & spinæ, ac noxiæ, inutilesque herbæ succrescant, certe nisi ad eas amputandas cultor crebro redeat, ille ipse nitor vigiliis ejus, laboribusque jam partus, progressu temporis deflorescet. Sed neque etiam satis est lustrari a vobis Dioceses, & opportunis præceptionibus vestris curationi earum esse prospiciendum: restat & illud enixe perficiendum a vobis, ut quæ in visitationibus constituta fuerint, vere in effectum perducantur; nam legum etiam optimarum utilitas nulla erit, nisi quod sancitum verbis est, re ipsa ab eis, ad quos pertinet, studiose præstetur. Quapropter postquam ad animarum morbos expellendos, sive avertendos, salutaria paravistis medicamenta, non ideo sollicitudo vestra conquiescat oportet, sed traditorum a vobis præceptorum executio omni virium contentione urgenda est; idque potissimum per iteratas visitationes estis assecuturi.

§. 9. Postremo, ut multa paucis complectamur, Fratres, in omni sacra, & Ecclesiastica functione, & in omni Divini, cultos, ac pietatis exercitio vos ipsos auctores, vos duces, vos magistros esse convenit, ut quasi de vestræ sanctitatis splendore, tum Clerus, tum grex universus lumen hauriat, & charitatis vestræ igne incalescat. Itaque in tremendi Sacrificii frequenti, & devota oblatione, in solemni Missarum celebratione, in Sacramentis administrandis, in Divinis Officiis obeundis, in cultu, & nitore Templorum, in disciplina domus, & familiæ vestræ, in pauperum amore, & ope eis ferenda, in ægrotis invisendis, & sublevandis, in peregrinis hospitio excipendis, in omni denique Christianæ virtutis opere estote vos forma gregis vestri, ut omnes imitatores vestri sint, sicut & vos Christi, quemadmodum decet Episcopos, quos Spiritus Sanctus posuit regere Ecclesiam Dei, quam acquisivit sanguine suo. Apostolos identidem respicite, in quorum successistis locum, ut eorum vestigia sectemini in laboribus, in vigiliis, in ærumnis tolerandis, in arcendis lupis ab ovilibus vestris, in vitiorum radicibus extirpandis, in Evangelica lege exronenda, in eis, qui erraverint, ad salutarem poenitentiam reducendis. Aderit profecto vobis omnipotens, & misericors Deus, in quo nos confortante omnia possumus: Non deerit etiam vobis, ut plane confidimus, religiosorum Principum auxilium: Omnia insuper adiumenta parata vobis erant ab hac Sancta Sede, quotiescumque nostra Apostolica Auctoritate opus esse consueritis. Magno itaque animo, magnaue fiducia venite ad Nos, qui vos fu Christi: Venite ad vestram, & omnium Ecclesiarum Matrem, Caput, & Magistram, Sanctam Romanam Ecclesiam, unde Religionis origo manavit, ubi Fidei petris optatius, nihil jucundius esse potest, quam una vobiscum Dei gloriæ interservire, pro quibus ipsum quoque sanguinem, & vitam nostram libentissime, si oportuerit, impenderemus. Excitet vos demum, stimulosque currentibus vobis addat ingens, ac

cer-



certa, quæ vos manet, remuneratio; nam cum apparuerit Princeps Pastorum, percipietis immarcescibilem gloriæ coronam; coronam utique iustitiæ, quæ reposita est fidelibus dispensatoribus Mysteriorum Dei, & strenuis, vigilibusque speculatoribus domus Israel, quæ est Sancta ipsius Dei Ecclesia. Ejus autem vices Nos, quamvis indigni, gerentes in terris, Fraternitatibus vestris peramanter benedicimus, necnon Clero, ac populo vestro fidei, eandem Apostolicam Benedictionem nostram paterno affectu impertimur. Datum Romæ apud Sanctam Mariam Majorem die 3. Decemb. 1740. Pontificatus Nostri Anno I.

Dat. Pont.  
A. 3. die 3.  
Dec. 1740.

## A B B R E V I A T O R I B U S

De Parco Majori conceditur usus Redimiculi galeri, vulgo *Cordone*, coloris violacei, etiam dimisso Officio.

## B E N E D I C T U S P A P A X I V.

*Ad perpetuam rei memoriam.*

**M**AXIMO ad labores alacriter subeundos, constanter perferendos, ac fideliter absolvendos incitamento semper fore eximiiis viris meritis conferre honores, ipsa rerum magistra experientia edocti sapientissimi Principes, familiarium potissimum Ministrorumque suorum optimum quemque in honore habere, ac præclaris honorum insignibus decorare studuerunt, intelligentes etiam id & sibi decus magnum, & maximum in rebus agendis asserere securitatem. Nec minori sane providentia Romani Pontifices Prædecessores Nostri sese cum iis gesserunt, qui ad publicam Catholicæ Ecclesiæ utilitatem, & Apostolicæ Sedis dignitatem summa cum fidei, industriæ, prudentiæ, ac dexteritatis laude assidue adlaborarent, ut alacrius sua eidem Sedi impenderent obsequia; & demandata munera studiosius obire satagerent.

§. 1. Hinc est quod Nos quoque ad egregia dilectorum Filiorum Majoris Præfidentiæ in Cancellaria nostra Apostolica Abbreviatorum, quos fel. rec. Sixtus IV., Leo X., Paulus V. Urbanus VIII. Clemens X. & Benedictus XIII. Prædecessores Nostri variis prærogativis & privilegiis cumularunt, in Nos, & dictam Sedem fidei, & devotionis, aliæque multiplicia merita paternæ dirigentes considerationis intuitum, eorumque virtutem aliqua honoris prærogativa condecorare volentes, & eorum singulares personas a quibuscumque Excommunicationis, suspensionis, & interdicti, aliisque Ecclesiasticis censuris & pœnis a iure vel ab homine quavis occasione vel causa latis, si quibus quomodolibet innodatæ existant, ad effectum præsentium duntaxat consequendum, harum serie absolventes, & absolutas fore censentes, motu proprio, & excerpta scientia, & mera liberalitate Nostri, deque Apostolicæ potestatis plenitudine, eisdem Maioris Præfidentæ in Cancellaria Nostri Apostolica prædictæ Abbreviatoribus præsentibus & futuris, ut ipsi omnes, & singuli Redimiculum galeri, *Cordone* vulgariter nuncupatum, coloris violacei, in quibuscumque functionibus, & actibus publicis, ac privatis, ubique, etiam dimisso Officio huiusmodi, deferre, & gestare libere & licite possint, & valeant, tenore præsentium concedimus & indulgemus.

§. 2. Decernentes eisdem præsentibus Literas semper firmas, validas, & efficaces existere & fore, suosque plenarios, & integros effectus sortiri & obtinere, ac illis, ad quos spectat, & pro tempore spectabit, in omnibus & per omnia plenissime suffragari, sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & alios quoslibet quacumque præminentia & potestate fungentes & functuros, sublata eis & eorum cuilibet quavis aliter iudicandi & interpretandi facultate, iudicari & definituri debere, ac irritum & inane, si secus super his a quoquam quavis auctoritate scienter vel ignoranter contigerit attentari. Nos obstantibus Constitutionibus, & Ordinationibus Apostolicis, cæterisque contrariis quibuscumque. Datum Romæ apud S. Mariam Majorem sub Annullo Piscatoris 13. Septembris 1740. Pontificatus Nostri Anno I.

III.  
Exordium  
a Pontificia  
munificen-  
tia.

Varia Pri-  
vilegia Ab-  
breviatori-  
bus a Sum-  
mis Pontifi-  
cibus con-  
cessa.

Eisdem con-  
ceditur Re-  
dimiculum  
Galeri vio-  
laceum.  
Etiam di-  
misso Offi-  
cio.  
Clausula  
præservati-  
va, & de-  
rogatoria.

Dat. die 13.  
Sept. 1740.

D. Cardinalis Passioneus.

C ON-



Pro Gubernio Civitatis Firmanæ eiusque Comitatus, ab Innocentio XII. erectæ, nova forma constituitur.

## BENEDICTUS PAPA XIV.

*Ad futuram rei memoriam.*

Proemium.

**N**EMO est, qui non intelligat, quam solícite advigilare debeant Romani Pontifices, ut ea omnia, quæ Prædecessores sui pro saluberrimo, non solum totius Status nostri Ecclesiastici, sed uniuscuiusque etiam Provinciæ, Civitatis, & Oppidi, tam Spirituali, quam Temporali regimine, post adhibitam omnem diligentiam, & maturam deliberationem, statuenda esse censuerunt, integerrime serventur, & si aliqua ex parte tractu temporis per desuetudinem, aut quancumque contrariam consuetudinem, non sine detrimento, immutata esse conspicerent, ut ad pristinum reducantur, novisque sanctionibus confirmantur: Ea propter Nos quoque præcipuum munus nostrum esse ducimus, ut nostra in hoc potissimum studia desiderari minime patientes, Apostolicæ etiam auctoritatis nostræ partes collocemus.

Eugenius IV. Gubernium Civitatis Firmanæ Cardinali pro tempore Patrono privative concessit. Innoc. XII. pro eiusdem Civitatis & Comitatus negotiis specialem Congregationem instituit.

§. 1. Exponi siquidem Nobis nuper fecerunt dilecti Filii Communitas, & Homines Civitatis Nostræ Firmanæ, quod inter cætera Indulta, & Privilegia, quibus, ut asseritur, Civitas ipsa Firmana a sel. record. Eugenio PP. IV. Prædecessore Nostro decorata fuit, illud etiam continebatur, ut Gubernatoris, & Iudicis privativi Civitatis prædictæ munus a Cardinali pro tempore Summi Pontificis Nepote, vulgo Cardinalis Patrono nuncupato, obiretur, quemadmodum usque ad tempora rec. mem. Innocentii PP. XII. Prædecessoris itidem Nostri factum fuerit. Postquam autem ipse Innocentius Prædecessor Cardinalis Patroni titulum, & auctoritatem peragendis, Congregationem, quæ ex Cardinali a Secretis Status Ecclesiastici Prædicti, & aliquot Romanæ Curie Prælati constabat, instituit, cum facultatibus eidem, quibus Congregatio Venarabilem Fratrum Nostrorum Sanctæ Romanæ Ecclesiæ Cardinalium super Consultationibus Civitatum, Terrarum, & Locorum eiusdem Status Nostri Ecclesiastici deputatorum erecta fuit, ut ex particula Apostolicarum ipsius Innocentii Prædecessoris in simili forma Brevis literarum in forma Motus Proprii die 3. Januarii MDCXCIII. expeditarum uberius colligitur, quæ particula est tenoris sequentis: Cum itaque Nos alias, nempe ipsis Pontificatus Nostri primordiis, iustis ex causis Animum Nostrum moventibus adducti, pro dictæ Civitatis Firmanæ Gubernio Dilectum Filium Nostrum Fabricium Sanctæ Romanæ Ecclesiæ Cardinalem Spada nuncupatum Secretarium Nostrum Status, ac nonnullos Romanæ Curie Prælatos, prudentia, doctrina, integritate, & rerum usu eximie præditos deputaverimus; Hi vero subinde, prout rerum, & negotiorum momenta postulabant, insimul convenientes, demandatam sibi a Nobis Provinciam recte, & fideliter, atque ex animi Nostri Sententia hæcenus administraverint: Idcirco sperantes in Domino sub earum prudenti, ac salubri directione Civitatem Firmanam prædictam in futurum quoque optatos, Pacis, Tranquillitatis, & iustitiæ fructus suscepturam esse; Motu Proprio, ac ex certa scientia, & matura deliberatione Nostri, deque Apostolicæ potestatis plenitudine Congregationem memoratorum Fabricii Cardinalis, ac Prælatorum a Nobis, ut præfertur, deputatorum, aliorumque in futurum deputandorum, pro Civitatis Firmanæ huiusmodi, ac Civium, & Incolarum, nec non Territorii, & districtus totius Comitatus, ac Castrorum, Terrarum, & Locorum eiusdem, gubernio, tenore præsentium, ad Nostrum, & Sedis Apostolicæ beneplacitum, erigimus, & instituimus. Ac ipsi Congregationi sic erectæ, & institutæ, ut quoad gubernium huiusmodi, omnibus, & singulis, facultatibus, jurisdictionibus, & indultis, quæ quoad universum Statum nostrum Ecclesiasticum tam per sel. record. Sixtum PP. V. quam alios quoscumque Romanos Pontifices Prædecessores nostros, Congregationi Venerabilium Fratrum nostrorum eiusdem S. R. E. Cardinalium super consultationibus negotiorum Status Ecclesiastici huiusmodi deputatæ quomodolibet, & qualitercumque concessa, & attributa fuerunt, pari modo, & absque ulla prorsus differentia uti, frui



*frui & gaudere libere, & licite possit, & valeat, harum serie concedimus, & indulgemus.*

§. 2. Quoniam autem, præinserta sanctione, per hoc temporis spatium fere neglecta Congregatio Firmana huiusmodi, præter Cardinalem Secretarium Status prædicti, alios etiam Prælatos, nempe Audicorem Romani Pontificis pro tempore existentem, Secretarium cum duobus Ponentibus secundo dictæ Congregationis, & Secretarium Congregationis Venerabilium Fratrum Nostorum S. R. E. Cardinalium Bono Regimini Communitatum, & Universitatum ejusdem Status nostri Ecclesiastici deputatæ, atque etiam Procuratorem Fiscalem hujus Almæ Urbis nostræ, cum Voto, ac suffragio habere cepit, factum est, ut, veluti experientia patuit, in Causis contentiosis, & articulos Juris continentibus, non mediocris consilio inde orta sit, quod ob facilem Prælatorum Ponentium secundodictæ Congregationis mutationem, eadem Causæ jam decisæ, ac terminatæ, iterum atque iterum, non sine gravi Civitatis prædictæ dispendio, in Judicium adductæ fuerint. Hoc autem non aliam ob causam fieri compertum est, quam quod Prælati secundodictæ Congregationis Consultationibus præpositæ, propter plurima negotia totius Status prædicti bis in hebdomada haberi solitæ, eo, quo par est, ordine aliis rebus interesse non possunt. Propterea ipsi Exponentes Nobis humiliter supplicari fecerunt, ut Congregationem Firmanam huiusmodi de novo, juxta Innocentianæ Sanctionis præinsertam particulam, ad instar Congregationum Lauretanæ, & Avenionensis, quæ Congregationes Prælatos stabiles, ac fixos habent, erigere, & confirmare, cum facultatibus prædictis, de benignitate Apostolica dignaremur.

Causæ præsentis innovationis.

§. 3. Nos igitur ipsos Exponentes specialibus favoribus, & gratiis prosequi volentes, & eorum singulares Personas a quibuscumque Excommunicationis, Suspensionis, & Interdicti, aliisque Ecclesiasticis Sententiis, Censuris, & pœnis a Jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium tantum consequendum, harum serie absolventes, & absolutas fore censentes, Motu proprio, ac ex certa scientia, & matura deliberatione Nostri, deque Apostolicæ Potestatis plenitudine, nominationem, seu deputationem quorumcumque Romanæ Curiae Prælatorum Congregationem Firmanam ad hoc usque tempus constituentium, a Romanis Pontificibus Prædecessoribus Nostri quomodolibet factam, annullantes, & revocantes, motu, scientia, & potestatis plenitudine paribus eandem Congregationem pro Civitatis Firmanæ huiusmodi, ac Civium, & Incolarum, necnon Territorii, & districtus, totiusque Comitatus, & Castrorum, & locorum ejusdem, gubernio, de novo, quatenus opus sit, juxta primævam ejusdem Congregationis erectionem ab Innocentio Prædecessore, cum omnibus, & singulis facultatibus, Jurisdictionibus, & Indultis, sicut præmittitur, concessis, & attributis, & quibus hactenus eadem Congregatio usa, & potita est, factam, erigimus, & instituimus; Ac dilectum filium nostrum Silvium S. R. E. prædictæ Presbyterum Cardinalem Valenti Gonzaga nuncupatum, modernum, ac pro tempore existentem Secretarium Status Nostri prædicti, uti Præfectum, necnon dilectos filios Magistros Ludovicum Merlinum modernum Pro-Audicorem, ac pro tempore existentem Romani Pontificis Audicorem, & in locum aliorum Prælatorum tenore præsentium a Nobis amatum, Marium Millinum Cappellanum Nostri, & Causarum Palatii Apostolici Audicorem, Joannem Baptistam Melmerum Cameræ Nostre Apostolicæ prædictæ Clericum Præfidentem, necnon Franciscum Felicem Amadeum Signaturæ nostræ Justitiæ Vorantem, cui etiam munus Secretarii hujus Congregationis adiungimus cum Voto, firmis pariter remanentibus moderno, & pro tempore existente Promotore Fiscali generali dictæ Urbis cum Voto consultivo tantum, ac uno Relatore Causarum Civitatis, & Comitatus huiusmodi per eundem Congregationis prædictæ Secretarium nominando, constituimus, & deputamus. In casu vero si obitus, siue absentia, siue Promotionis dictorum Prælatorum, siue alicuius eorum, Nobis, & pro tempore existentibus Romanis Pontificibus Successoribus Nostri in cuiuslibet eorum locum, alium, siue alios eligendi, & subrogandi facultatem reservamus.

Incipit dispositiva.

Revocatis in ead. Prælatorum deputationibus.

Eadem Congregatio de novo erigitur.

Composita e Card. Secr. Status Audicore Rotæ uno Clerico Cameræ uno Vorante Signaturæ Justitiæ, Secretario, Fiscali generali, & uno Causarum Relatore.

§. 4. Decernentes eadem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, nec de subreptionis, vel obreptionis, aut nullitatis vitio, seu Intentionis Nostre, aut interesse habentium consensu, aliove quolibet etiam substantiali, & formali, ac incogitato

Clausula præservativa.



Aliiter judi- tato, & inexcogitabili, necessariamque expressionem requirente defectu notari, impu-  
 cari prohi- gnari, infringi, retractari, aut in controversiam vocari, aut ad terminos Juris re-  
 betur. duci illo modo unquam posse; licque, & non aliter in præmissis per quoscunque Ju-  
 dices Ordinarios, & Delegatos, etiam Causarum Palatii Apostolici Auditores, ac  
 S. R. E. prædictæ Cardinales etiam de Latere Legatos, & alios quoslibet quacumque  
 præeminentia, & potestate fungentes, & functuros, sublata eis, & eorum cuilibet  
 quavis aliter judicandi, & interpretandi facultate, & auctoritate, judicari, & defi-  
 niri debere, ac irritum, & inane, si secus super his a quoquam quavis auctoritate  
 scienter, vel ignoranter contigerit attentari. Non obstante quatenus opus sit, No-  
 stra, & Cancellariæ Apostolicæ regula de Jure quæsito non tollendo, aliisque Apo-  
 stolicis, ac in Universalibus, Provincialibusque, & Synodalibus Conciliis editis gene-  
 ralibus, vel specialibus Constitutionibus, & Ordinationibus, necnon, quatenus opus  
 sit, dictæ Civitatis Firmanæ, aliisque quibuscunque, etiam Juramento, confirmatione A-  
 postolica, vel quavis firmitate alia roboratis, Statutis, & Consuetudinibus, etiam im-  
 memorabilibus, Privilegiis quoque, Indultis, & Literis Apostolicis quibuscunque Perso-  
 nis, & locis sub quibuscunque verborum tenoribus, & formis, ac cum quibuscunque et-  
 iam derogatoriis derogatoriis, aliisque efficacioribus, efficacissimis, & insolitis  
 clausulis, irritantibusque, & aliis decretis in genere, vel in specie, seu alias quomo-  
 dolibet in contrarium præmissorum concessis, confirmatis, & pluries innovatis: Qui-  
 bus omnibus, & singulis, etiam si pro illorum sufficienti derogatione de illis, eorum-  
 que totis tenoribus, specialis, specifica, expressa, & individua, ac de verbo ad ver-  
 bum, non autem per clausulas generales idem importantes mentio, seu quævis alia  
 expressio habenda, aut aliqua alia exquisita forma ad hoc servanda foret, tenores hu-  
 jusmodi, ac si de verbo ad verbum, nihil penitus omisso, & forma in illis tradita  
 observata exprimerentur, & infererentur, præsentibus pro plene, & sufficienter ex-  
 pressis, ac de verbo ad verbum insertis habentes, illis alias in suo robore perman-  
 suris, ad præmissorum effectum hac vice dumtaxat specialiter, & expresse derogamus,  
 ceterisque contrariis quibuscunque. Datum Romæ apud S. Mariam Majorem sub An-  
 nulo Piscatoris die 20. Septembris 1740. Pontificatus Nostri Anno I.

*D. Cardinalis Passionens.*

## E R E C T I O

Congregationis Particularis super promovendis ad Archiepiscopatus & Episcopatus.

BENEDICTUS EPISCOPUS SERVUS SERVORUM DEI

*Ad perpetuam rei memoriam.*

Sollicitudo  
 Pontificis  
 pro delictis  
 Episcopo-  
 rum, juxta  
 mentem  
 Concilii  
 Tridentini.

Erectio  
 Congrega-  
 tionis Parti-  
 cularis, cu-  
 jus consilio  
 hac in re  
 niti statuit.

**A**D Apostolicæ servitutis onus, nullis licet nostris opitulantis meritis, clemen-  
 tissimo Divinæ mentis consilio nuper proventus, statim cogitare cœpimus, quam  
 vere, meritoque Tridentini Concilii Patres edixerint, nihil magis Ecclesiæ Dei esse  
 necessarium, quam ut Romanus Pontifex sollicitudinem ex sui muneris officio univer-  
 sæ Ecclesiæ debitam, potissimum in id impendat, ut bonos maxime, atque idoneos  
 Pastores singulis Ecclesiis præficiat, neque erretur in electione eorum, qui tamquam  
 lucernæ super candelabrum positæ lucere debent omnibus, qui in Domo Dei sunt,  
 ne alioquin totius Familiæ Domini statum, & ordinem luctuose nutare contingat, si  
 quod requiritur in corpore, non inveniatur in Capite. Urgebat Nos quoque, ange-  
 batque plurimum ejusdem Sacri Generalis Concilii gravissima Romano Pontifici pro-  
 posita consideratio, videlicet, Dominum Nostrium Jesum Christum de ejus manibus  
 requisitum sanguinem ovium suarum, quæ ex malo negligentium, & officii sui  
 immemorum Pastorum regimine perierint.

§. I. Cupientes itaque tanto huic negotio, quod ad Episcoporum creationem spe-  
 ctat, quantum fieri possit, tutius, salubriusque consulere, præter ea, quæ jam circa  
 id, tum per memorati Concilii Decreta, tum per Prædecessorum Nostrorum Consti-  
 tutiones sapienter statuta sunt, Congregationem Particularem tenore præsentium eri-  
 gimus,



gimus, instituimus, & specialiter deputamus, cujus consilio hac in re & Nos uti volumus, & Romanos Pontifices Successores Nostros usuros itidem esse in Domino confidimus. Huic autem Congregationi quinque, ( neque enim pauciores, aut plures censuimus expedire ) ex Venerabilibus Fratribus Nostis S. R. E. Cardinalibus, pietate, doctrina, prudentia, rerumque usu præstantes, nuper a Nobis nominatos, adscribimus, ejusdemque Congregationis Secretarium dilectum filium Auditorem Nostrium deputamus.

S. 2. Porro hujus Congregationis partes erunt, omni studio, atque opera adhibita, & quovis humano respectu posthabito, Nobis assistere, ut, juxta emixum desiderium Nostrium, ad Patriarchales, Primatiales, Archiepiscopales, & Cathedralis Ecclesias regendas assumantur Viri, morum integritate, sacra doctrina, rerum Ecclesiasticarum, peritia, zelo Domus Dei, & vero salutis animarum studio præditi, quique non ad propria commoda, sed ad labores, & sollicitudines pro Dei gloria sese vocari intelligentes, nec quæ sua sunt, sed quæ Christi querentes, ministerium suum, juxta Venerabiles Beatorum Patrum, & Sacrorum Canonum sanctiones, laudabiliter sint impleturi; ita ut, pro vacantium Ecclesiarum qualitate, & conditione, omnino digniores, & ad eas fructuose gubernandas eligantur aptiores, quales semper, adjuvante Domino, a Nobis electum iri intendimus, & speramus. Quocirca cum eadem Congregatione communicaturi sumus de quibus Viris ad Episcopatum promovendis mentem Nostram subierit cogitatio, necnon de documentis ad eorum qualitates, & merita spectantibus.

Onus Congregationis probandi digniores & aptiores, qui ad Episcopatum promoveri possint.

S. 3. Et ne diutius Pastoribus careant Ecclesie, si post earum vacationem quærantur, qui ad eas promoveri merito possint; volumus, & mandamus, ut statim quidem post editam hanc Nostram Constitutionem, ac deinde unoquoque biennio, per Cardinalem prælatæ Congregationis Præfectum scribatur diversorum locorum Episcopis juxta a Nobis traditam designationem, præcipiendo eis nomine Nostro, ut sub secreti lege, & eorum conscientias districte onerando, fideliter referant, diligenti investigatione præmissa, an, & qui, sive Seculares, sive Regulares Sacerdotes in eorum Diocesi, vel in propinquis locis existant, quos Episcopali muneri idoneos secundum Deum existiment, explicando singulorum originem, natalia, ætatem, antea actæ victæ institutionem, Ecclesiasticarum functionum exercitium, gradus, quos obtinuerint, officia, quæ obierint, doctrinam, pietatem, prudentiam, ceterasque animi doctes, quibus quisque valeat. Epistolæ vero, quas hac de re Episcopi rescripserint, secreto asservabuntur, ut quotiescunque alicui Ecclesie de novo Pastore providendum fuerit, absque mora resumiri valeant, indeque facile, & expeditum sit recognoscere, quinam Viri digniores, ac vacanti Ecclesie congruentiores judicari possint a Nobis. Et quoniam ii, qui in aliqua Regulari Familia vitam ducunt, cognosci penitus possunt, & solent ab eorum Superioribus, tam Generalibus, quam Provincialibus, ipsos quoque sub eodem secreti vinculo interrogari ad præmissum effectum volumus.

Et requirendi secreti ab Episcopis, & Superioribus Regularibus, an & qui Episcopatu digni habeantur.

S. 4. Præterea cum primum alicujus Ecclesie vacatio innotuerit, Auditor Noster certiores de ea faciet memoratos quinque Cardinales, ut & ipsi de Viris tali Ecclesie utilius præficiendis, nobisque suggerendis, cogitare specialiter possint, peculiaremque investigationem pro eorum prudentia adhibere: quod quidem præcipue, & a Nobis ipsis fiet. Deinde vero, quanto citius fieri poterit, habenda erit Congregatio, cui antedicti quinque Cardinales una cum Auditore Nostro intererunt, ibique perpenis omnibus qualitatibus, & meritis Virorum, quorum notitia, vel a Nobis ipsis, vel per antedictas Episcoporum epistolas, vel per investigationem a dictis Cardinalibus factam, accepta fuerit, deliberandum erit quid consilii dandum Nobis sit, ut Auditor Noster referre deinde ad Nos possit quicquid prædicti Cardinales in eum finem Nobis duxerint significandum. Quod si alicujus Viri conditiones nondum satis exploratæ visæ fuerint in una Congregatione, differenda in alteram erit consultatio, ut interea per opportuna media accuratior indagatio fieri valeat.

Tum suggerendi Sanctissimo, occurrentibus.

S. 5. In hac etiam Congregatione a Nobis, ut præfertur, deputata, agendum deinceps esse decernimus de Episcopis ab una ad alteram Ecclesiam auctoritate Nostra transferendis; debita nimirum maturitate examinando, num graves, legitime, Sacrisque Canonibus probatæ interveniant causæ, quæ hujusmodi translationem suadeant, inspecta dumtaxat Ecclesiarum necessitate, vel utilitate, ad quam profecto causæ omnes illæ reducuntur; ne alioquin, ob inconsultam facilitatem, cupiditas,

Item examinandi causas translationum.



& ambitio eorum, qui forsan ad ampliores Ecclesias aspirarent, aut ditiores, foveatur, simulque via aperiretur spiritualibus incommodis, quæ Gregibus obvenire ex crebra Pastorum mutatione consueverunt. Eiusdem vero Congregationis consilium posse a Nobis possit quicquid magis expedire judicabimus.

Indicetur  
secreti custodia.

§. 6. Utque hæc omnia in antedicta Congregatione liberius, perfectiusque adimpleantur, secretum ad instar illius, quod pro negotiis ad Sanctam Inquisitionem pertinentibus servatur, singulis prædictis Cardinalibus, nec non Auditori Nostro injungimus; cum facultate tamen communicandi de rebus ad ipsam Congregationem spectantibus, sub simili secreti lege, cum uno cujusque ipsorum Auditore, sive Studiorum adjutore, & uno Amanuensi, nec non cum iis, quos iidem de rebus interrogandos, vel consulendos censuerint, ad assequendas notitias in eum scopum conducentes, quousque eidem pariter secreto obnoxios esse debere statuimus.

Commonitio ad eos qui aliquod jus habent, vel operam præstant, in promotionibus Episcoporum.

§. 7. Confidimus vero etiam omnes eos, qui ad promotionem præficiendorum quodcumque jus quacunque ratione a Sede Apostolica habent, aut alioquin operam suam præstant, ( nihil in iis pro præsentis temporum ratione innovando, ) ob oculos asidue habituros, in eorumque animo semper hæsuram ( prout & hætenus factum, pro ipsorum pietate, ac Religione, putamus ) commonitionem illam adeo ponderosam, quam prædictum Concilium Tridentinum censuit inculcandam, videlicet, nihil se ad Dei gloriam, & Populorum salutem utilius posse facere, quam si bonos Pastores, & Ecclesiæ gubernandæ idoneos promoveri studeant; eosque, alienis peccatis communicantes, mortaliter peccare, nisi quos digniores, & Ecclesiæ magis utiles ipsi judicaverint, non quidem precibus, vel humano affectu, aut ambientium suggestionibus, sed eorum exigentibus meritis, præfici diligenter curaverint.

Sanctio  
Constitutionis.

§. 8. Nulli ergo omnino hominum liceat hanc paginam nostræ voluntatis, Constitutionis, Decreti, Statuti, Hortationis infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Maiorem Anno Incarnationis Dominicæ millesimo septingentesimo quadagesimo, sexto decimo Kalendas Novembris Pont. Nostri Anno I.

Dat. Die 27.  
Octobris  
1740.

P. Card. Prod. D. Card. Passioneus.

VISA DE CURIA

N. Antonellus.

J. B. Eugenius.

Loco  $\ddagger$  Plumbi.

Registrata in Secretaria Brevium.

## IV.

## P R O H I B E T U R.

Omnibus Regularibus, exceptis Hospitalariis S. Joannis de Deo, exercitium artis Aromatarum pro Sæcularibus, & venditio pharmacorum & medicamentorum.

## BENEDICTUS PAPA XIV.

Motu proprio &c.

Refertur  
resolutio  
Congregationis  
particularis  
anni 1722.

Essendo Noi appieno informati, che fino dall' Anno 1722. in una Particolare Congregazione composta della sel. mem. di Clemente Papa Duodecimo Nostro Predecessore allora Cardinal Corsini, del fu Cardinal Paolucci, e del Reverendissimo Cardinal Annibale Albani Camarlengo della Santa Romana Chiesa, e di alcuni Prelati, specialmente deputata dalla sel. mem. d' Innocenzo Papa XIII. altro Nostro Predecessore, tenutasi li 25. Gennaro detto Anno, inerendo al Decreto precedentemente emanato dalla Congregazione della Visita delli 29. Agosto 1637., e della Risoluzione presa li 9. Dicembre 1720, fu stabilito, che niuno de' Regolari di qualunque sorta, anche Cassinesi, dell' Ordine de' Predicatori, Compagnia di Gesù, e Minimi, potesse per se, nè per altri, nè anche a nome della Religione esercitare l' Arte dello Speciale, fuori che per servizio de' loro

Re-



Religiosi, e che dalli medesimi non si potessero vendere Medicamenti preparati, o non preparati, di qualunque genere, ai Secolari, o anche donarli, sotto pretesto di amicizia, o di familiarità, siccome fu approvato dal detto Nostro Predecessore Innocenzo XIII. a riserva della Teriaca, e Balsamo Apopletico, che permise potersi vendere dalli medesimi Regolari, ottenutane la licenza dal Reverendissimo Nostro Cardinal Vicario, E che in oltre il Nostro detto Predecessore Clemente XII. si degnò confermare il suddetto stabilimento, e Decreto della medesima Congregazione con un suo Breve in data li 20. Luglio 1732. del tenore seguente:

S. I. CLEMENS Papa XII. *Ad futuram rei memoriam*. Alias a Congregatione Par- Breve Cle.  
ticularium tunc existentium S. R. E. Cardinalium, de quorum numero tunc in minori- mentis Pa-  
bus constituti eramus, ac Romanæ Curiae Prælatorum, ac Medicorum, a fel. record. pz XII.  
Innocentio Papa XIII. Prædecessore Nostro specialiter deputata, ad favorem dilecto-  
rum filiorum Aromatariorum de Urbe emanavit Decretum tenoris, qui sequitur,  
videlicet.

§. 2. Die 25. Januarii 1722. Sacra Congregatio Deputata, in qua interfuerunt Emin. Tenor præ-  
& Rev. Domini Cardinales Paulutius Almæ Urbis Vicarius, Cornutus, & Annibal Al-dictæ reso-  
banus S. R. E. Camerarius, ac Reverendi Patres Domini Collicola Theſaurarius Ge-lutionis.  
neralis Cameræ Apoſtolicæ, Mareſcuſcus Auditor Sanctiſſimi Domini Noſtri Papæ,  
Pallavicinus Secretarius Sacræ Congregationis Viſitationis Apoſtolicæ, & Ego Vices-  
gerens, & Secretarius, necnon Illuſtriſſimus D. Nicolaus de Michelangelis Medicus  
a Secretis Sanctiſſimi Domini Noſtri Papæ, & D. Paſculus unus de Collegio Medico-  
rum, inhærendo Decreto Sacræ Congregationis Viſitationis Apoſtolicæ edito die 19.  
Auguſti 1637., & reſolutioni, ſeu voto emanato a Congregatione præcedenti in hac  
Cauſa habita die 9. Decembris 1720. juxta majorum ſuffragiorum calculum, ſtetit in  
deciſis, ſeu in reſolutis, juxta modum, nempe cenſuit inſinuandum, & conſulendum  
eſſe Sanctiſſimo Domino Noſtro Papæ Innocentio XIII. feliciter regnanti, ut omnino  
prohibeantur omnes, & ſingulis Regulares utriuſque ſexus in hac Alma Urbe, ejus-  
que Diſtrictu degentes, etiam Caſſinenſes, Fratres Prædicatores, Societatis Jeſu, Mi-  
nimi, aliique omnes quorumcumque Ordinum, & Congregationum, ne per ſe, neque  
per alios, nec etiam Religionis nomine, Artem Aromatarum, præterquam ſuorum  
Religioſorum, aut Alumnorum uſibus, exerceant, ac inſuper ne ullo modo Seculari-  
bus, aut aliis Religioſis, & Eccleſiaſticis, Pharmaca, aut Medicamenta, ſive com-  
poſita, ſive non compoſita, ſive præparata, ſive non præparata, nec etiam Theria-  
cam, Mitridatum, Hyacinthum, Baſſamum, Chinam, Rhabarbarum, atque res ullas  
chimicas cuiuſvis generis, aut ſpeciei, neque ſub prætextu amicitia, aut familiarita-  
tis, aut alio quovis titulo, cauſa, vel colore vendant, permittent, aut donent,  
prævia etiam revocatione omnium, & ſingulorum Decretorum, ſeu Reſcriptorum cu-  
juſlibet Sacræ Congregationis quocumque tempore latorum, etiamſi fuerint cum Bre-  
vibus Apoſtolicis, Clauſula ſublata, & Decreto irritanti communis, approbata, ſeu  
confirmata, ullo modo concedentium Regularibus, ſeu Monialibus licentiam venden-  
di Theriacam, Hyacinthum, Baſſamum, Medicamenta chimica, aut alia quæcumque  
cuiuſvis generis, & ſpeciei, ſub poenis Superioribus utriuſque ſexus Religioſorum con-  
tra contravenientibus, conſulentibus, aut quoquo modo tolerantibus, ſuſpenſionis a  
Divinis ipſo facto irremiſſibiliter incurrendæ, privationis vocis activæ, & paſſivæ,  
prohibitionis in poſterum exercendi, aut exercere faciendi Aromatarum in eorum  
Comibus, Monafteriis, atque Conventibus, etiam pro eorum uſu, ac alterius con-  
ſiſtationis ejusdem Aromatarum per R. P. D. Theſaurarium Generalem faciendæ, cum  
ſacultate procedendi etiam per ſolam inquiſitionem, & applicandi tertiam partem il-  
lius ſecreto Denonciatori.

Et facta relatione Sanctissimo Domino Nostro, Sanctitas Sua præfata insinuationem seu resolutionem laudavit, & approbavit, cum his tamen declarationibus, & limitationibus, nempe, ut in præfata generali prohibitione non intelligatur comprehensæ Fratres Hospitalarii S. Joannis de Deo Urbis, & Districtus, etiam vota nonnullorum RR. PP., sed eis licitum sit non solum Aromataria in eorum Conventibus, & Hospitalibus pro Infirmorum, Relictorum, atque Alumnorum tribus habere, sed etiam de eis vendere Pharmaca, & Medicamenta Secularibus, Religiosis, & Ecclesiasticis quibuscumque, dummodo præfata Aromataria quolibet anno per Medicos, & Pharmacopolas deputandos ab Eminentissimo Cardinali Vicario visitentur, ac infimum



Et pro aliis,  
quoad ven-  
ditionem  
theriacæ,  
& balsami  
apoplectici.

Cum etiam  
sulis op-  
portunis.

totum lucrum, quod ex ejusmodi venditione retrahetur, pro manutentione Aromatarum, & sustentatione, & augmento Hospitalium in eorum Conventibus, seu Domibus existentium, ac Infirmorum inibi degentium, seu in beneficium Ecclesiarum, & Sacristiarum uniuscujusque Domus, aut Conventus, integre; & fideliter erogetur, cuius cognitionem eidem Eminentissimo Cardinali Vicario remisit. Respectu vero aliorum Regularium, voluit, & declaravit Sanctitas Sua, posse eis indulgeri, ac perno, dummodo obtineant ab eodem Cardinali Vicario licentiam in scriptis, ad tempus ejus arbitrio duraturam, & luera exinde retrahenda in beneficium Ecclesiarum, & Sacristiarum uniuscujusque eorum Domus, Monasterii, aut Conventus simili modo erogent. Et ita prohiberi, servari, & respective exequi omnino mandavit, sub poenis ut supra expressis. Non obstantibus, quoad supradicta omnia, & singula in præsentem Decreto contenta, Constitutionibus, & Ordinationibus Apostolicis in favorem quarumcumque Personarum, atque Ordinum, sive Cogregationis Cassinensis, Fratrum Prædicatorum, Societatis Jesu, Minimorum, aut aliorum quorumcumque tam Mendicantium, quam non Mendicantium, Congregationum, Societatum, ac cujuslibet alterius Instituti etiam necessario, & individue exprimendi, Ecclesiarum, Monasteriorum, Conventuum, Collegiorum, & aliorum quorumcumque Regularium Locorum, necnon illorum, etiam juramento, confirmatione Apostolica, vel quavis firmitate alia roboratis statutis, & consuetudinibus etiam immemorabilibus, Privilegiis quoque, Indultis, & literis Apostolicis, quibus, quoad ea, quæ præsentibus ad-auctoritate, specialiter, & expresse derogat, cæterisque contrariis quibuscumque. Et ne præmissorum ignorantia a quoquam prætendi possit, voluit eadem Sacra Congregatio, ut præsentem Ordinationem in Valvis Basilicarum S. Joannis Lateranen., & Principis Apostolorum de Urbe, & in Acie Campi Floræ, ut moris est, affixæ, & omnes, ad quos pertinet, ita arctent, & afficiant, ac si unicuique personaliter in-alienjus Notarii publici subscriptis, & Sigillo Personæ in Dignitate Ecclesiastica con-sistuntæ munitis, eadem prorsus fides adhibeatur, quæ præsentibus adhiberetur, si fo-janen. Vicegerens prælatæ Congreg. Particularis Secretarius. Joseph Cianetti Secre-tarius.

Loco † Sigilli.

Sequitur  
confirmatio  
Clementis  
XII, in for-  
ma specifica

§. 3. Cum autem, sicut pro parte dictorum Aromatariorum Nobis nuper exposi-tum fuit, ipsi Decretum hujusmodi, quo firmius subsistat, & servetur exactius, Apo-stolicæ confirmationis nostræ patrocinio communiri summopere desiderant: Nos spe-cialem ipsis Exponentibus gratiam facere volentes, & eorum singulares Personas a quibuscumque excommunicationis, suspensionis, & interdicti, aliisque Ecclesiasticis Senten-tiis, Censuris, & poenis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium tantum consequen-dam, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum præinsertum aucto-ritate Apostolica tenore præsentium approbamus, & confirmamus. Decernentes ead- dem præsentem litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, cæterisque contrariis quibuscumque. Datum Romæ apud Sanctam Mariam Majorem sub Annulo Piscatoris die 20. Julii 1733. Pontificatus Nostri Anno IV.

F. Cardinalis Oliverius.

Edictum  
Cardinalis  
Vicarii re-  
fertur.

§. 4. E che in esecuzione di esso Breve fu pubblicato sotto li 11. Ottobre 1733. un E-ditto del Reverendissimo Cardinal Vicario, con cui revocandosi ogni, e qualunque Privi-legio, sotto pena della sospensione a Divinis ai Superiori delle Religioni, ed altre pene ivi contenute, si proibisce di esercitare la Speziaria nelle loro Case, Monasterii, e Con-venti,



venti, e di vendere li suddetti Medicamenti, eccettuata la detta Teriaca, e Balsamo Apoplectico, come dalli medesimi Breve, ed Editto a Noi similmente esibiti, non ostante, che per parte de' medesimi Regolari fossero giuridicamente dedotte le loro ragioni, ed avessero in scritto rilevati la suddetta Congregazione i motivi della loro libertà di vendere li medesimi Medicamenti, quali furono riconosciuti insufficienti, e pregiudiziali al ben pubblico, ed economia del Principato, per non essere sottoposte le loro Speziarie alla visita de' Protomedici, e Consoli de' Speziali: ad ogni modo hanno sempre cercato li summinati Regolari di eludere in qualche maniera il detto Breve, e risoluzione della prenominata Congregazione. E perchè dopo il maturo esame, ne fu fatto, anzi doppo di esser state ridotte con Decreto approvato della sel. mem. di Clemente XI. similmente nostro Predecessore delli 8. Gennaio 1721 le Speziarie pubbliche de' Secolari al numero di sessanta, per non esservi il sufficiente mantenimento delle medesime in numero maggiore, merita pur troppo la conferma da Noi tanto il suddetto Breve del defunto Sommo Pontefice, quanto la precedente Risoluzione della prefata Congregazione, tanto più che a norma delle suddette provisioni, anche dagli altri Principi d'Italia n'è stato abbracciato consimile sistema. E Noi mossi da puro zelo di Giustizia, e dall'amore verso li nostri Sudditi di questa nostra Città di Roma, abbiamo determinato di confermare, ed approvare non tanto il suddetto Breve, quanto anche l'Editto come sopra fatto pubblicare dal Reverendissimo Cardinal Vicario, e la Risoluzione precedentemente presa dalla suddetta Congregazione sopra la riduzione del numero delle Speziarie, e rimuovere perciò ogni ostacolo, e pretesto, con ordinare la perpetua osservanza, ed esecuzione, come in appresso.

Causa prae-  
sens con-  
firmationis.

§. 5. Avendo pertanto nella presente Cedola di nostro moto proprio per espresso, e di parola in parola come sopra registrato l'intero tenore del suddetto Breve promulgato, dello condizioni, e dichiarazioni in esso espresse, come anche il tenore dell'Editto come sopra fatto pubblicare dal Reverendissimo Cardinal Vicario, e della summinata Congregazione per la riduzione del numero delle Speziarie, ed ogni altra cosa necessaria d'esprimersi. Di nostro moto proprio, certa scienza, e pienezza della nostra Suprema Potestà confermiamo, ed in tutto, e per tutto, ed in tutte le sue parti, e circostanze approviamo, ed autorizziamo il sovraaccennato Breve, e l'Editto del Reverendissimo Cardinal Vicario, e la precedente Risoluzione presa dalla suddetta Congregazione particolare sopra la riduzione delle Speziarie di questa nostra Alma Città di Roma, e perciò vogliamo, ed ordiniamo, ed espressamente comandiamo, che quelli, e quella, e tutte le cose ivi contenute, ed espresse debbano sempre, ed in perpetuo avere il loro pieno effetto, ed esecuzione, e che debbansi in ogni futuro tempo inviolabilmente osservare da ogni, e qualunque Persona quantosivoglia privilegiata, e privilegiatissima, anche Ecclesiastica, e Luogo Pio, de' quali dovesse farsi special menzione, nè che sotto qualsivoglia pretesto, e causa, benchè incognita, ed inopinata, si possa mai impugnare, nè controvertere la piena, e total osservanza, ed esecuzione delli medesimi Breve, Editto, e Risoluzione della suddetta Congregazione, anzi che per il suddetto effetto della di loro totale, e pienissima osservanza, ed esecuzione irritiamo, revochiamo, e cassiamo ogni, e qualunque licenza, e permesso di poter vendere qualunque specie di cose, e da qualsivoglia Persona anche in Dignità costituita fosse stato, e rispettivamente concesso tacitamente, o espressamente a qualunque Ecclesiastico Regolare dell'uno, e l'altro sesso, di qualunque Ordine, Congregazione, ed Istituto, e Luogo Pio, contro la forma del suddetto Breve, ed Editto del Reverendissimo Cardinal Vicario, e così irritati, revocati, e cassati restino ora, e perpetuamente di niuna forza, e valore, perchè così è mente, e volontà nostra precisa, ed espresa.

Pontifex  
denuo con-  
firmat om-  
nia supra  
dicta.

§. 6. Volendo, e decretando, che alla presente Cedola di nostro moto proprio, benchè non esibita, nè registrata in Camera, e ne' suoi libri, non possa mai darfi, nè opporsi surruzione, di orrezione, nè d'alcun altro vizio, o difetto della nostra volontà, ed intenzione, nè che mai sotto tali, o altri qualunque pretesti, benchè validi, e validissimi, e quantosivoglia sostanziali, anche di Jus quæsitio, e pregiudizio del Terzo, possa esser impugnato, moderato, o revocato, o ridotto ad viam juris, o concedersi verso di esso l'aperizione Oris, e che così, e non altrimenti debba sempre giudicarsi, definirsi, ed interpretarsi da qualunque Giudice, e Tribunale, benchè Collegiale, Congregazione, anche di Reverendissimi Cardinali Camerlengo di Santa Chiesa, Segnatura di Grazia, e di Giustizia, Tesoriere, Presidenti, Rota, Camera, e qualsivoglia altro, togliendo loro ogni

Clausula  
præservati-  
va.

Sublata ali-  
ter judican-  
di facultate.



ogni facoltà , e giurisdizione di definire , ed interpretare diversamente ; Dichiarando Noi fin d' adesso preventivamente nullo , ed irritò , ed invalido tutto ciò , che da ciascuno d' essi con qualsivoglia autorità , scientemente , o ignorantemente fosse in qualunque tempo giudicato , o si temesse di già dicare contra la forma , e disposizione del presente nostro moto proprio , siccome fin d' adesso , e preventivamente dichiariamo nullo , irritò , ed invalido ogni contratto uso , consuetudine , prescrizione anche longissimi temporis , centenaria , e tutto altro , che fosse atto ad impedire , o fare ostacolo all' osservanza del medesimo , quale vogliamo , che vaglia , e debba avere sempre il suo pieno effetto , esecuzione , e vigore colla semplice nostra sottoscrizione , benchè non vi sian stati chiamati , sentiti , nè citati li Superiori delle sumministrate Religioni , e qualsivoglia altre Persone , ancorchè privilegiate privilegiatissime , che vi avessero , o pretendessero avervi qualunque interesse : non essani la Bolla di Pio IV. nostro Predecessore de registrandis , la Regola della nostra Cancelleria de Jure quesito non tollendo , e qualsivoglia altre Costituzioni , ed Ordinazioni Appostoliche nostre , e de' nostri Predecessori , Leggi , Statuti , Riforme , Stili , Usi , Consuetudini , e qualunque altra cosa , che facesse , o potesse fare in contrario , benchè fosse tale , che meritasse speciale , specialissima , ed individual menzione , e nella quale vi fossero clausule derogatorie delle derogorie , alle quali tutte , e singole , avendone il tenore qui per espresso , e di parola in parola , inserito , e registrato , e supplendo Noi con la pienezza della nostra Potestà Pontificia ad ogni vizio , e difetto quantunque sostanziale , e formale , che vi potesse essere intervenuto per la totale piena esecuzione , ad effetto di quanto si esprime nel presente nostro Moto proprio , ampiamente , ed espressamente deroghiamo . Dat. dal nostro Palazzo Appostolico di Monte Cavallo questo dì 14. Novembre 1740.

Contratibus  
derogatur.

Dat. die 14.  
Nov. 1740.

## BENEDICTUS PAPA XIV.

VII.

### DE SACRIS LIMINIBUS

Beatorum Apostolorum visitandis . Confirmatur Constitutio Sixti Papæ V. eaque extenditur ad Abbates aliosque habentes Monasteria seu Ecclesias cum jurisdictione quasi Episcopali , & Territorio separato .

## BENEDICTUS EPISCOPUS SERVUS SERVORUM DEI

*Ad perpetuam rei memoriam .*

Exordium 2  
verbis Con-  
cilio Sardi-  
censis de  
Relationi-  
bus Aposto-  
licæ Sedi  
faciendis .

**Q**UOD Sancta Sardicensis Synodus Divino edicta magisterio edixit , optimum , & valde congruentissimum esse , si ad caput , idest ad Petri Apostoli Sedem , de singulis quibusque Provinciis Domini referant Sacerdotes , attenta animi consideratione revolventes ; ubi primum Nos , licet immeritos , Dominus gratiæ suæ præcipuo munere in eadem Sede collocavit , ea subit cogitatio , ut cunctarum totius Orbis Ecclesiarum ad parvitatem nostram status , & negotia referrentur , quibus necessitatem de omnibus tractandi Christus in S. Petro Apostolo , cum illi claves aperiendi , claudendique daret , indulgit . Siquidem in Speculis a Deo constituti , & vigilantia Nostræ diligentiam pro comissi officii munere coram eo comprobare cupientes , noctes diesque solliciti sumus , ut circa quamvis longinqua spiritualis cura non deficiat , sed se per omnia , qua nomen Dei prædicatur , extendat , memores illius obiurgationis Dominicæ : quod infirmum fuit , non consolidastis ; & quod ægrotum , non sanastis ; quod confractum est , non alligastis ; & quod obiectum est , non reduxistis ; & quod perierat , non quaesistis ; & dispersæ sunt oves meæ , eo quod non esset pastor ; & facta sunt in devotionem omnium bestiarum agri , & dispersæ sunt ; erraverunt greges mei in cunctis montibus , & non erat qui requireret , ecce ego ipse super pastores requiram gregem meum de manu eorum . Cum ergo pastoribus talibus , per quos Dominicæ oves negliguntur , & pereunt , sic Dominus comminetur , quid nos aliud facere oportet , quam colligendis , & refovendis Christi ovibus exhibere diligentiam plenam , & curandis pastorum vulneribus paternæ pietatis adhibere medicinam ? Nulla est enim major , aut

me-



melior cura Præpositorum, quam diligenti sollicitudine, & medela salubri, fovendis, & conservandis ovibus providere.

§. 1. Dudum quidem fel. rec. Sixtus Papa V. serio animadvertens veterem, & laudabilem morem, gravissimis ex causis, & non sine Spiritus Sancti instinctu a Summis Pontificibus Prædecessoribus nostris antiquitus institutum, & per multas ætates magno Ecclesiæ Dei commodo observatum, ut singuli Patriarchæ, Primates, Archiepiscopi, & Episcopi certis præscriptis temporibus per se ipsos, vel per certum eorum Plurimum, Beatissimorum Apostolorum Petri, & Pauli, qui hanc Almam Urbem suo sanguine consecrarunt, Limina se visitaturos iurejurando pollicerentur, ut Episcoporum Romanæ venientium opera, & adjumento Romanus Pontifex, cui omnium Ecclesiarum sollicitudo concredita est, ubique locorum gregis sibi commisi vultum agnosceret, & spiritualium ovium morbos intelligeret, curationesque opportunas adhiberet, nec quicquam omnino illum lateret earum rerum, quas ad Dei gloriam augendam, ad Christianam Religionem propagandam, ad animarum procurandam salutem, necessario eundem scire, atque intelligere oportet, partim hominum culpa, partim antiqui humani generis hostis astutia, variis etiam insurgentibus temporum calamitatibus, & plurimis, in grave animarum suarum periculum, & quibus præerant, Ecclesiarum detrimentum, negligenter observari; ex intimis animi sensibus indoluit, & statim gravi malo quotidie magis ingravescenti occurrere, & congrua adhibere remedia cogitavit.

Summariam  
Causarum  
Constitutio-  
nis a Sixto  
V. edita.

§. 2. Itaque per suas Apostolicas Literas, quarum initium est: *Romanus Pontifex*, Et ejusdem dispositiva. constituit, ut omnes Patriarchæ, Primates, Archiepiscopi, Episcopi per universum terrarum Orbem constituti, & deinceps ordinandi, etiam Cardinalatus dignitate præfulgerent, seu eis consecratis Pallium de Beati Petri corpore sumptum traderetur, aut ad aliam Ecclesiam transferentur, antequam illius regimini, & administrationi se immiscerent, si quidem præsentibus in Curia, in manibus Sanctæ Romanæ Ecclesiæ Diaconi Cardinalis ordine Prioris, si vero absentes, in manibus Antistitis ad impendendum munus prædictum, aut ad tradendum Pallium hujusmodi a Sede Apostolica delegati, juramento se obstringerent, se Beatorum Apostolorum Petri, & Pauli Limina, statutis in iisdem literis temporibus, personaliter, ac per se ipsos visitaturos, ac Romanis Pontificibus pro tempore existentibus rationem reddituros de toto eorum Pastoralis officio, deque rebus omnibus ad ipsarum, quas regerent, Ecclesiarum statum, ad Cleri, & Populi disciplinam, animarum denique, quæ illorum fidei creditæ sunt, saltem quovis modo pertinentibus, & vicissim mandata Apostolica recepturos, & quam diligentissime executuros, prout latius in iisdem literis continetur.

§. 3. Cum autem Abbatum, Priorum, aliorumque, qui spirituali jurisdictione quasi Episcopali in suis Monasteriis, & Ecclesiis, eorumque Territoriis ab omni alia Episcoporum Diocesi omnimode separatis potiuntur, nulla mentio in præfatis literis Sixti facta fuerit, hinc est quod Abbates, aliique, quihujusmodi Ecclesiis, & Monasteriis præerant cum jurisdictione spirituali, & Territorio separato, nunquam Beatorum Apostolorum Limina visitantes, de iisdem Ecclesiis, & Monasteriis, & grege curæ suæ commissæ ad Romanos Pontifices referrent, adeo ut hujusmodi Monasteriorum, & Ecclesiarum, quæ Nullius dicuntur, status & conditio Sedi Apostolicæ incognita esset, & sæpe ignorarentur mala, quibus medendum esset, & laterent bona, quæ Apostolica cura, & studio essent fovenda, & amplificanda.

In qua nul-  
la mentio  
Abbatum  
Priorum  
&c.

§. 4. Nos igitur cupientes omnium Ecclesiarum utilitati, & animarum saluti, quantum in Domino possumus, consulere, ac providere, cum de omnibus, & quod tremendum est, etiam de unius anima ante tribunal Dei rationem reddituri simus, tum etiam volentes ea, quæ salubriter a Prædecessoribus nostris instituta sunt, exactius, diligentiusque observari, ideo easdem literas Sixti V. Prædecessoris, & in eis contenta quæcumque, ex certa scientia, & Apostolica Auctoritate tenore præsentium approbamus, & confirmamus, ac etiam innovamus, omnibusque Patriarchis, Primatibus, Archiepiscopis, & Episcopis mandamus, & præcipimus, ut eas sedulo, ac diligenter, & omnia in eis præscripta observare, ac custodire studeant, & Apostolicæ Sedis monitis, ac præceptis in re tanti momenti ea reverentia, atque animi cura & promptitudine, qua par est, pareant, atque obsequantur, & antiquæ traditionis exempla servantes, & Ecclesiasticæ memores disciplinæ, Sacerdotalis Religionis vigorem non minus in judicando, quam in consulendo retineant, scientes quid Apostolicæ Sedi,

Pontifex  
confirmat,  
& innovat  
Constitutio-  
nem Sixti-  
nam.



Tamque ex-  
tendit ad  
inferiores  
Prælatos,  
jurisdic-  
tionem quasi  
Episcopalem  
habentes.

Qui jurare  
debent se  
personaliter  
visitaturos  
Limina A-  
postolorum.

Et relation-  
em Status  
Ecclesiarum  
faciunt.

Vel per  
suum Nun-  
cium, si ipse  
legitime  
impediti  
sint.

Itali & inf.  
ad hoc, tertio  
quoque an-  
no.

Reliqui  
quinto quo-  
que anno, a  
tempore ca-  
ptæ posses-  
sionis com-  
putando.

Quid de iis,  
qui jam pro-  
visi existunt.

cum omnes hoc loco positi ipsum sequi desideremus Apostolorum, debeat, a quo ipse Episcopatus, & tota auctoritas nominis hujus emerit.

§. 5. Præterea scientia, & auctoritate prædicta, hac nostra in perpetuum valitura constitutione sancimus, decernimus, & mandamus, ut omnes, & quicumque Abbates, Priores, Præpositi, alique quocumque nomine, ac titulo nuncupati, & quicumque dignitate etiam Cardinalatus honore insigniti, sæculares, & quorumvis ordinem Regulares, ad Monasteriorum, seu Ecclesiarum particulare, & separatim Territorium habentium regimina jam promoti, & imposterum pro tempore, etiam per viam electionis, postulationis, aut aliter quovis modo promovendi, & Monasteria, seu Ecclesias hujusmodi in titulum, commendam, administrationem, & aliter quomodolibet, obtinentes, vel imposterum amecuturi, qui videlicet spirituales jurisdictionem quasi Episcopalem cum temporali etiam, vel sine, in Monasteriis, & Ecclesiis prædictis, eorumque Territoriis, Districtibus, & quasi Diocesium ab omni alia Episcoporum Diocesi omnino separatis, & separatim, quocumque jure, & titulo, vel ex origine, vel præscriptione, vel ex indulto, & privilegio Apostolico exercent, antequam eorundem Monasteriorum, seu Ecclesiarum possessionem adipiscantur, & in eorum regimine, & administratione se de aliquo immisceant; Si quidem præsentem in manibus Nuncii, aut Legati Sedis Apostolicæ, si præsens fuerit, sin minus in manibus alicuius Episcopi, aut Archiepiscopi eorum arbitrio eligendi, cum Romana tamen Ecclesia Ecclesiasticam communionem habentis, tamquam eiusdem Apostolicæ Sedis Delegati, jurent, juxta formulam inferius describendam, se Sacras Beatorum Apostolorum Petri, & Pauli memorias personaliter, ac per se ipsos visitaturos, ac insuper Nobis, & Successoribus Nostri pro tempore existentibus Romanis Pontificibus, statutis hac nostra Constitutione temporibus, rationem reddituros de commissis sibi Monasteriorum, & Ecclesiarum procuracione; in notitiam nostram, nostrorumque Successorum perferentes quacumque ad ipsorum Monasteriorum, & Ecclesiarum statum, & Ecclesiasticæ disciplinam in Clero, & Populo observantiam, ad animarum salutem, quæ illorum fidei creditæ sunt, & ad Divinum Cultum, & gloriam pertinent; vicissim recepturos a Sede Apostolica monita, & mandata, quorum censura, & quæ coercenda sunt, rescantur, & quæ observanda sunt, sanciantur, & quæ benecepta, atque instituta, approbatione, & confirmatione nostra, nostrorumque Successorum ad debitum finem perducantur.

§. 6. Quod si legitimo impedimento detenti fuerint, jurent, se prædicta omnia adimplenturos per certum Nuncium ad id speciale mandatum habentem, & de gremio suorum Monasteriorum, & Ecclesiarum, in dignitate Ecclesiastica Sæculari, vel Regulari, constitutum, aut omnino per aliquem Sacerdotem Sæcularem vel Regularem inspectatæ probitatis, & religionis, de supradictis omnibus plene instructum: per quem etiam de hujusmodi impedimento docere debeant legitimis probationibus ad Sanctæ Romanæ Ecclesiæ Cardinalem Præfectum Congregationis Sacri Concilii transmittendis.

§. 7. Ad hoc autem debitum visitationis, & relationis suorum Monasteriorum, & Ecclesiarum officium opportune explendum supradicti omnes Abbates, Præpositi, Priores, & quocumque alio dignitatis, vel officii nomine nuncupati, tam Regulares, quam Sæculares, Itali videlicet, vel ex Italicis Insulis veluti Siculi, Sardi, Corsi, & alii adjacentium Provinciarum Italiæ, tertio anno; Reliqui vero in aliis Provinciis, Regnis, & Terrarum Orbis partibus, & Regionibus existentes, tam qui nunc sunt, quam qui imposterum erunt, quinto anno teneantur, diligenterque pro viribus adimplere, Nobisque, & nostris Successoribus exhibere studeant, ac curent, idemque institutum tertio quoque, & quinto anno repetant, & observant. Hac autem annorum spatia a tempore captæ possessionis, & suscepti Monasteriorum, & Ecclesiarum regiminis, & curæ incipiant.

§. 8. Si vero, qui de Ecclesiis, & Monasteriis hujusmodi jam provisi, in earum pacifica possessione a biennio, & amplius reperiuntur, vel quibus præfixum a Nobis Insulis adjacentibus, intra vero biennium, si extra sint, a die publicationis præsentis Constitutionis, ad nos præfatam suarum Ecclesiarum relationem, & deinde singulis trienniis, aut aliis præstitutis temporibus pro locorum conditione, & distantia, ad



ad nos transmittere, & Sacras Apostolorum Basilicas visitare, & nostro conspectui, dummodo impediti legitime non fuerint, se presentes sistere debeant, ut S. R. E. Matris suæ complexu recreati, & paterno humilitatis nostræ colloquio confirmati, ad Monasteria, & Ecclesias suas regendas alacriores, & instructiores revertantur.

§. 9. Jubemus igitur in virtute sanctæ obedientiæ supradictis omnibus Abbatibus, Prioribus, Præpositis, aliisque quocumque titulo, vel nomine nuncupatis, vel quacumque dignitate præfulgentibus, tam Regularibus, quam Secularibus Præsentibus, & futuris, ut visitationem Prædictam, & insuper relationem: statutis a nobis temporibus faciendam, sibi, suisque Monasteriis, & respective Ecclesiis ad eo utilem, ac necessariam, juxta præscriptam alias Episcopis formam, omnino conficiant; Si vero, quod absit, a Nobis præcepta, & constituta prompte exequi neglexerint, eos ab ingressu Ecclesiæ, ac etiam administratione tam Spiritualium, quam temporalium, nec non a perceptionem fructuum suorum Monasteriorum, & respective Ecclesiarum ab Episcopo, vel Archiepiscopo, Monasterio, aut Ecclesiæ Nullius viciniore, omni exceptione, & mora cessante, interim libere exigendorum, & in opus fabricæ, seu ornamentorum, Ecclesiæ emptionem, prout major exegerit necessitas, infundendum; ipso facto tamdiu suspensos esse volumus, donec a contumacia resipiscentes, relationem suspensionis hujusmodi a Sede prædicta meruerint obtinere.

Præceptum Pontificis sub pœna suspensionis.

§. 10. Non obstantibus privilegiis, absolutionibus, indulgentiis, & aliis concessionibus de non visitandis liminibus ejusmodi, aliisque peragendis, quibuscumque Ecclesiarum, & Monasteriorum Rectoribus, & per quoscumque Romanos Pontifices, ac etiam Nos, & dictam Sedem ex quibuscumque causis perpetuo, vel ad tempus concessis, extensis, & innovatis, quæ omnia contra præmissa cuiquam nolumus suffragari, aliisque contrariis quibuscumque. Quia vero difficile nimis esset, præsentibus literis, quocumque illis opus fuerit, perferri, volumus quoque, ut earum exemplis etiam impressis, manu Notarii publici, & sigillo personæ in dignitate Ecclesiastica constitutæ obligatis, eadem prorsus adhibeatur fides, quæ eisdem præsentibus haberetur, si essent exhibitæ, vel ostensæ.

Clausula derogatoria.

Fides ratiumpis habenda.

§. 11. Formula autem juramenti præstandi ab Abbatibus, aliisque Monasteria, seu Ecclesias habentibus cum jurisdictione quasi Episcopali, & Territorio separato talis est.

Formula juramenti ab Abbatibus aliisque præstandi.

Ego N. in hac hora in antea fidelis, & obediens ero B. Petro Apostolo, Sanctæque Romanæ Ecclesiæ, & Domino Nostro Domino Benedicto Papæ XIV. suisque Successoribus canonice intrantibus. Non ero in consilio, aut consensu, vel facto, ut vitam perdant, aut membrum, seu capiantur mala captione, aut in eos violenter manus quomodolibet ingerantur, vel injuriæ aliquæ inferantur quovis quæsto colore. Concilium vero, quod mihi credituri sunt, per se, aut Nuntios suos, seu literas, ad eorum damnum, me sciente, nemini pandam. Papatum Romanum, & Regalia S. Petri adjutor eis ero ad retinendum, & defendendum, salvo meo ordine, contra omnem hominem. Legatum Apostolicæ Sedis in eundo, & redeundo honorifice tractabo, & in suis necessitatibus adjuvabo, Jura, honores, Privilegia, & auctoritatem S. R. E. Domini Nostri Papæ, & Successorum prædictorum conservare, defendere, augere, & promovere curabo. Neque ero in consilio, vel facto, seu tractatu, in quibus contra ipsum Dominum Nostrium, vel eandem Romanam Ecclesiam aliqua sinistra, vel præjudicialia personarum, juris, honoris, status, & potestatis eorum machinentur. Et si talia a quibuscumque tractari, vel procurari novero, impediam hoc pro posse: Et quanto citius potero, significabo eidem Domino nostro, vel alteri, per quem possit ad ipsius notitiam pervenire. Regulas Sanctorum Patrum, decreta, ordinationes, seu dispositiones, reservationes, provisiones, & mandata Apostolica totis viribus observabo, & faciam ab aliis observari. Hereticos, Schismaticos, & Rebelles eidem Domino Nostro, vel Successoribus prædictis pro posse persequar, & impugnabo, Sacras BB. Apostolorum memorias singulis triennis \* personaliter, ac per me ipsum visitabo, & Domino Nostro, Successoribusque præfatis rationem reddam de commisso mihi munere, deque rebus omnibus ad mei Monasterii, seu Ecclesiæ statum, ad Cleri, & Populi disciplinam, animarum denique, quæ meæ fidei creditæ sunt, salutem quovis modo pertinentibus, & vicissim Mandata Apostolica humiliter recipiam, & quam diligentissime exequar: Quod si legitimo impedimento detentus fuero, prædicta omnia adimplebo per certum Nuncium ad hoc speciale Mandatum habentem de gremio Conventus Monasterii mei, \* aut alium indignitate Ecclesiastica con-

\* seu quia quærens.

\* seu Capi- tulum Eccle- siæ meæ.



*stitutum, seu alias Personarum habentem, aut, his mihi deficientibus, per aliquem alium Presbyterum Sæcularem, vel Regularem spectatæ probitatis, & Religionis, de supradictis omnibus plene instructum. De huiusmodi autem impedimento docebo per legitimas probationes ad S. R. E. Cardinalem Congregationis Sac. Concilii Præfectum per dictum Nuncium transmittendas. Professiones vero ad Monasterium meum pertinentes alienabo, etiam cum consensu Conventus Monasterii mei, inconsulto Romano Pontifice. Et si ad aliquam alienationem devenero, pœnas in quadam super hoc edita Constitutione contentas, eos ipso incurrere volo. Sic me Deus adjuvet, & hæc Sancta Dei Evangelia.*

sanctio pœ-  
nalis.

Datum die  
23. Novemb.  
1740.

§. 2. Nulli ergo omnino hominum liceat hanc paginam nostræ voluntatis, Constitutionis, Decreti, Statuti, Hortationis, & Monitionis infringere, vel ei ausu temerario contraire; si quis autem hoc attentare præsumperit; indignationem Omnipotentis Dei, ac BB. Petri, & Pauli Apostolorum ejus se noverit incursum. Datum Romæ apud S. Mariam Majorem Anno Incarnationis Dominicæ millesimo septingentesimo quadragésimo, 1x. Kalendas Decembris, Pontificatus Nostri Anno Primo.

P. Card. Prod. D. Card. Passioneus.

Visa de Curia.

N. Antonellus.

J. B. Eugenius.

Registrata in Secretaria Brevium.

Datum die  
21. Decem.  
ejusdem  
anni.

Anno a Nativitate Domini Nostri Jesu Christi millesimo septingentesimo quadragésimo, Indictione Tertia, die vero decimaquinta Decembris Pontificatus Santissimi in Christo Patris, & Domini Nostri Domini Benedicti Divina Providentia Papæ XIV. Anno Primo, supradicta Constitutio affixa, & publicata fuit ad valvas Basilicæ Principis Apostolorum, Cancellariæ Apostolicæ, Curie generalis in monte Citorio, in Arcie Campi Floræ, ac in aliis Locis solitis, & consuetis Urbis per me Antonium Pelliciam Apost. Curs.

Paulus Biancini Magist. Curs.

Instructio circa modum conscribendi Relationem Status Ecclesiarum dabitur in Appendice ad Calcem hujus Tomi.

## VIII

## E R E C T I O

Congregationis Particularis nonnullorum Romanæ Curie Prælatorum, Congregationi Cardinalium Concilii Tridentini Interpretum adjectæ, pro excipiendis, examinandisque Relationibus Episcoporum, Abbatum &c. super statibus eorundem Ecclesiarum.

## B E N E D I C T U S E P I S C O P U S S E R V U S S E R V O R U M D E I.

*Ad perpetuam rei memoriam.*

Exordium a  
procuranda  
executione  
recte consti-  
tutorum.  
Constitutio  
Sixti V. fu-  
per visita-  
tionem Li-  
minum Apo-  
stolorum,  
& relatione  
status Ec-  
clesiarum,  
ab Episcopis  
facienda.

**D**ECET Romanum Pontificem, pro Divinitus credita sibi Dominici gregis cura, non solum quæ Catholicæ Ecclesiæ utilia, ac salubria sunt, & Sacris Canonibus, & Apostolicis Constitutionibus consona, constituere; sed Evangelici Patrisfamilias exemplo, pro cuiusque ingenii, & facultatum viribus talenta distribuendo, celeri etiam eorum, quæ decreta sunt, executioni prospicere.

§. 1. Alias quidem fel. rec. Sixtus PP. V. Prædecessor Noster per suas Apostolicas literas, quarum initium est: *Romanus Pontifex*: decrevit, ut omnes Patriarchæ, Primates, Archiepiscopi, Episcopi juramento promitterent, se certis statutis temporibus BB. Apostolorum Petri, & Pauli Limina personaliter, ac per se ipsos visitaturos; legitimo autem impedimento detentos, per certum Nuntium id adimpleturos, rationemque reddituros Romanis Pontificibus pro tempore existentibus de toto eorum Pastoralis officio, deque rebus omnibus ad ipsarum, quibus præessent, Ecclesiarum statu-



rum quovis modo pertinentibus, & idem Sixtus Prædecessor deinde per consimiles literas, quæ incipiunt: *Immensa*: Congregationis S. R. E. Cardinalium super interpretatione, & executione Concilii Tridentini, demandavit, ut Patriarcharum, Primatum, Archiepiscoporum, Episcoporum eorundem postulata audirent, & quæ per se possent, ex caritatis, & justitiæ norma expedirent; majora ad se, suosque Successores referrent. Nos vero necessariis, ac legitimis de causis animam nostrum modorum conventibus, per literas nostras nuper emanatas, prælati Sixti Prædecessoris literas de Sacris visitandis BB. Apostolorum Liminibus, & omnia in eis contenta confirmavimus, atque innovavimus; Præcipientes præterea, & mandantes omnibus Abbatibus, Prioribus, Præpositis, aliisque quacumque dignitate etiam Cardinalatus honore insignitis, tam Regularibus, quam Sæcularibus, qui Monasteriis, seu Ecclesiis, quæ *Nul-* *lus* nuncupantur, cum jurisdictione spiritali, & Territorio separato, quocumque jure, & titulo præficiuntur, ut antequam suorum Monasteriorum, & respective Ecclesiarum possessionem adipiscantur, ut in manibus S. R. E. Diaconi Cardinalis, vel dine Prioris, si præsentis Romæ fuerint, si autem absentes, in manibus Nuncii, vel Legati Sedis Apostolicæ, seu alicujus Catholici Antistitis eorum arbitrio eligendi, se iuramento obstringant, Sacras BB. Apostolorum Petri, & Pauli memorias personali- ter, ac per se ipsos, vel legitime impeditos, per certum eorum Nuncium visita- turos; & insuper certis præscriptis temporibus rationem reddituros de commissis sibi Monasteriorum, seu Ecclesiarum procuratore, aliisque omnibus, quæ ad ipsarum Ecclesiarum procuratore, aliisque omnibus, quæ ad ipsarum Ecclesiarum, & Mona- steriorum statum, Ecclesiasticam Cleri, & Populi disciplinam, ad Animarum salu- tem, & ad Divinum cultum, & gloriam pertinent, prout in singulis ejusdem Sixti Prædecessoris, ac Nostris respective literis prædictis, quarum integros tenores hic pro- plene, & sufficienter expressis, & insertis haberi volumus, plenius continetur.

§. 2. Cum autem, sicut Nobis, dum adhuc in minoribus versæremur, innotuit, Venerabiles Fratres Nostri S. R. E. Cardinales Decretorum ejusdem Concilii Triden- tini Interpretes tantis negotiorum curis, causarum multitudine, & gravissimarum oc- cupationum mole distineantur, ut serius quam optarent, non sine aliquo Ecclesiarum detrimento, & nonnullorum querela, postulata, quæ occasione visitationis Sacrorum Liminum fieri solent, audire, & responsa præbere cogantur literis Patriarcharum, Primatum, Archiepiscoporum, & Episcoporum, qui legitimis impedimentis decenti, de- quo minus se in hanc Urbem conferre possint, absentes, vel Romæ præsentis, de- bitæ sacrum Ecclesiarum relationis officium in scriptis, ut moris est, adimplent: Nos hujusmodi incommodo congruum remedium adhibere, eidemque Congregationi S. R. E. Cardinalium Decretorum prædictorum interpretum opportunum levamen af- ferre satagentes, necnon Venerabilium Fratrum Patriarcharum, Primatum, Archie- piscoporum, & Episcoporum, quos in visceribus caritatis gerimus, votis ac delide- riis, quantum in Domino possumus, satisfacere, & sollicitæ literarum, & responsio- rum hujusmodi expeditioni providere cupientes, inhærentes etiam exemplis SS. No- rorum hujusmodi expeditioni providere cupientes, inhærentes etiam exemplis SS. No- rorum Prædecessorum, e quibus B. Damasum Prædecessorem nostrum in chartis Ec- clesiasticis juvisse, & Orientis, Occidentisque consultationibus respondisse de se B. Hieronymus affirmat, ex certa scientia, & Apostolicæ potestatis Nostræ plenitudine tenore præsentium perpetuo erigimus, instituiamus, & decernimus Particularem Con- gregationem nonnullorum Romanæ Curie Prælatorum a Nobis, & Romanis Pontifi- cibus Successoribus Nostris pro tempore deputandorum, quorum munus, & officium illud dumtaxat esse volumus, ut eorundem Venerabilium Fratrum Patriarcharum, Primatum, Archiepiscoporum, & Episcoporum, nec non dilectorum filiorum Abba- tum, Priorum, Præpositorum, aliorumque tam Sæcularium, quam Regularium sepa- ratum Territorium habentium, & jurisdictionem quasi Episcopalem in locis sibi sub- jectis exercentium, postulata, quæ in scriptis exhibita fuerint, & literas eidem Con- gregationi Cardinalium Decretorum prædictorum interpretum, vel Nobis directas, & a Nobis ad prælatam Congregationem remissas, diligenter inspicere, omniaque in eis contenta in eorum Conventibus, & Particularibus Congregationibus, quarum prima coram Nobis habenda erit, accurate exponere, ut communi consilio omnibus consi- deratis, & perpensis, quæ majoris momenti videbuntur, ad ipsos S. R. E. Cardina- les interpretes prædictos, & deinde per ejusdem Congregationis Secretarium ad Nos, quoties coram Nobis prædicta Particularis Congregatio habita non fuerit, & Roma-

Aliaque ea-  
jusdem, qua  
demandatur  
Congr. Con-  
cilii eorum.  
dem postu-  
latorum co-  
gnitio.  
Pontifex ex-  
tendit præ-  
dictam Le-  
gem ad Præ-  
latos Infe-  
riores jura  
quasi Epi-  
scopalia ha-  
bentes.

Causæ per-  
sentis Con-  
stitutionis.

Exigitur  
Congr. Par-  
ticularis.

Cujus mu-  
nere deli-  
guntur.



num Pontificem pro tempore existentem, referantur; ut, votis eorundem Cardinalium, & Prælatorum auditis, de rebus gravioribus ex omnibus Provinciis, & Terrarum Orbis partibus ad Sedem Apostolicam a primis Ecclesiæ temporibus referri solitis, prout in Domino videbitur expedire, statuere, & Episcoporum, aliorumque Præsulum postulatis, & desideriis obsequi, quantum ex alto conceditur, valeamus.

Nominat  
Prælatorum,  
primo loco  
deputato-  
rum.

Cardinalis  
præfatus.

Secretarii.

Et illius,  
qui Congre-  
gationis no-  
mine ad E-  
piscopos, &  
aliosque præ-  
sules referri  
debet.

Clausula  
salutares.

Fides tran-  
sumptis ha-  
benda.

Sanctio.

Dat. die 23.  
Novembris  
1740.

§. 3. Et quoniam in optatis Nobis est, ut ad huiusmodi munus obeundum Viri e-  
ligantur idonei; ideo Nos Venerabilem fratrem Josephum de Saporitis Archiepisco-  
pum Anazarbensem, & dilectos filios Magistros in utraque nostra Signatura Referen-  
darios Antonium Mariam Erbani, Bartholomæum Olivatum, Josephum Mariam Ca-  
stellum, Nicolaum Antonellum, in prædictæ Particularis Congregationis a Nobis, ut  
præfertur, erectæ, & institutæ Prælatos earundem tenore præsentium deputamus,  
nominamus, & constituimus; eosdem autem Prælatos a Nobis, ut supra, deputa-  
tos, & a Romano Pontifice pro tempore deputandos, prælatæ Congregationi S. R. E.  
Cardinalium ejusdem Tridentinæ Synodi Decretorum interpretum Apostolica Aucto-  
ritate prædicta ita adiungimus, & subjunctive aggregamus, ut eidem Congregationi  
tamquam membra capiti in præmissis obsequantur, & in commissio sibi munere sus-  
fragantur; Proptereaque Nos eorundem Prælatorum Particulari Congregationi Præ-  
fectorum dilectum filium Nostrum Antonium Xavierum Tituli S. Stephani in Monte  
Caelio ejusdem S. R. E. Presbyterum Cardinalem de Gentilibus nuncupatum, moder-  
num Congregationis prædictæ Cardinalium Decretorum Concilii interpretum pariter  
Præfectorum, Secretarium vero Venerabilem Fratrem Carolum Albertum Guidobonum  
Cavalchini Archiepiscopum Philippensem etiam modernum ejusdem Congregationis Se-  
cretarium eorumque in Præfecturæ, & Secretarii respectu munere Successores iti-  
dem perpetuo constituimus, & deputamus. Insuper quia opportunum, & congruum  
arbitramur, ut is, qui eidem Congregationi S. R. E. Cardinalium Decretorum Con-  
cilio interpretum in latinis literis Episcopis rescribendis operam præbet, de rerum  
contractionibus in particularibus prædictorum Prælatorum Conventibus, seu Congrega-  
tionibus habendis plene sit instructus, ad hoc, ut per eum prædictæ Congregationis  
Cardinalis Præfectorum eisdem Fratribus Episcopis, aliisque Præsulibus supradictis, eo-  
rumque potissimum postulatis diligentius, ac commodius possit satisfacere, volumus,  
& eadem Apostolica auctoritate statuimus, ut dilectus quoque filius Magister Aeneas  
Silvius Piccolomineus, qui nunc est, & qui fuerit deinceps, eidem Congregationi la-  
tinarum Epistolarum huiusmodi a Secretis, in eorundem Prælatorum Conventibus,  
seu Congregationibus locum habere, & personaliter interesse, non tamen in eis vo-  
tum ferre, possit, & valeat.

§. 4. Non obstantibus quacunque contraria consuetudine, quam ad præmissorum  
effectum, quatenus opus sit, abrogamus, & abolemus, & abrogatam, & abolitam  
esse volumus, nec non quibuscunque Constitutionibus, & Ordinationibus Apostolicis,  
cæterisque contrariis quibuscunque. Ut autem hæc omnibus innotescere possint,  
volumus, & mandamus, ut præsentium exempla etiam impressa, & manu Cardina-  
lis Præfectorum supradicti subscripta, ejusque Sigillo munita eadem ubique locorum fi-  
dem faciant, quam præsentibus facerent, si in medium exhibitæ essent, vel ostensæ.  
Nulli ergo omnino hominum liceat hanc paginam nostræ voluntatis, Constitutionis,  
Ordinationis, Decreti, Statuti, Erectionis infringere, vel ei ausu temerario con-  
traire; si quis autem hoc attentare præsumpserit, indignationem Omnipotentis Dei,  
& Beatorum Petri, & Pauli Apostolorum ejus se noverit incursurum. Datum Romæ a-  
pud S. Mariam Majorem Anno Incarnationis Dominicæ millesimo septingentesimo  
quadagesimo, Nono Kalendas Decembris, Pontificatus Nostri Anno Primo.

P. Card. Prod. D. Card. Passionens.

Visa de Curia.

N. Antonellus.

I. B. Eugenius.

Loco  $\Phi$  Plumbi.

Registrata in Secretaria Brevium.

Publicat. die xv. Decembris ejusdem anni.



## I N D U L G E N T I Æ,

Seu Relaxationes centum dierum de injunctis, seu debitis Pœnitentiis, pro recitanti-  
bus flexis genibus singulis Feriis Sextis quinquies Orationem Dominicam, & toties  
Salutationem Angelicam, ad sonum Campanæ, hora Tertia post meridiem, in me-  
moriâ Passionis, & Agoniæ Domini Nostri Jesu Christi.

B E N E D I C T U S P A P A X I V.

IX.

*Ad perpetuam rei memoriam.*

**A**D Passionis & Agoniæ Redemptoris, & Domini Nostri Jesu Christi, unde no-  
bis vita, & salus, & resurrectio manavit, memoriâ in omnium Christifidelium  
animis excitandam atque fovendam Cœlestibus Ecclesiæ Thesauris, quorum dispensa-  
tionem Nobis credidit Altissimus, omnibus & singulis Christifidelibus, qui singulis  
Feriis Sextis totius anni, hora tertia post meridiem, ad sonum Campanæ Ecclesia-  
rum Metropolitanarum, Cathedralium, & Parochialium ( quarum Parochis, Recto-  
ribus, aliisque quocumque nomine appellatis Superioribus, ut Campanam uniuscujus-  
que Ecclesiæ hujusmodi pulsari faciant, injungimus, & in virtute sanctæ obedientiæ  
mandamus ) flexis genibus quinquies Orationem Dominicam, & toties Salutationem  
Angelicam devote recitaverint, & oraverint, ac pro Christianorum Principum con-  
cordia, hæresum extirpatione, ac Sanctæ Matris Ecclesiæ exaltatione, necnon salu-  
tari perditorum hominum emendatione pias ad Deum preces effuderint, centum dies  
de injunctis eis, seu alias quomodolibet debitis pœnitentiis in forma Ecclesiæ consu-  
eta relaxamus, præsentibus perpetuis futuris temporibus valituris. Volumus autem,  
ut earundem præsentium literarum transumptis, seu exemplis etiam impressis, manu  
alicujus Notarii publici subscriptis, & sigillo personæ in Ecclesiastica dignitate con-  
sistatæ munitis eadem prorsus fides habeatur, quæ haberetur ipsis præsentibus, si  
fœrent exhibitæ, vel ostensæ. Datum Romæ apud Sanctam Mariam Majorem sub An-  
nulo Piscatoris die 13. Decembris 1740. Pontificatus Nostri Anno Primo.

Dato die 13.  
Decembris  
1740.

*D. Cardinalis Passioneus.*

## C O N C E D I T U R

P. Guardiano Sancti Sepulchri Ordinis Minorum de Observantia, ut absentibus Epi-  
scopis Latini Ritus valeat conferre Sacramentum Confirmationis cum Oleo, &  
Christinate a Catholico Antifistite benedictis.

B E N E D I C T U S P A P A X I V.

X.

*Ad futuram rei memoriam.*

**C**Um ad infra-scriptam Cardinalium congregationem delatum fuerit dubium: *An*  
*Custos & Guardianus Sancti Sepulchri Domini Nostri Jesu Christi, ex speciali bu-*  
*jus Sanctæ Sedis delegatione, & vigore nonnullorum privilegiorum per dilectos filios Su-*  
*periores Ordinis Fratrum Minorum S. Francisci de Observantia nuncupatorum exhibito-*  
*rum, necessarias facultates habeant conferendi Sacramentum Confirmationis: Nos pro*  
*commissa Nobis cœlestis Pastoralis Officii cura, omnes difficultates, ac in posterum*  
*dubitandi hac in re occasionem tollere cupientes, ac dilectum filium Paulum a Lau-*  
*rino Fratrem expresse professum dicti Ordinis, ac Custodem, & Guardianum dicti*  
*Sancti Sepulchri, specialibus favoribus & gratis prosequi volentes, & a quibuscumque Ex-*  
*communicationis, Suspensionis, & Interdicti, aliisque Ecclesiasticis sententiis, censu-*  
*ris, & pœnis a jure vel ab homine quavis occasione, vel causa latis, si quibus quo-*  
*modolibet innodatus existit, ad effectum præsentium tantum consequendum, hanc*  
*serie absolventes, & absolutum fore censentes, auditis votis Venerabilium Fratrum*  
*No-*

Dubium su-  
per faculta-  
tem confe-  
rendi Sacra-  
mentum  
Confirmationis, delat-  
um ad Con-  
gregationem  
S. Officii.



Pontifex, cum illius Voto facultatem concessit cum conditionibus oportunitatis. Nosstrorum S. R. E. Cardinalium in tota Republica Christiana adversus hæreticam pravitatem Generalium Inquisitorum auctoritate Apostolica deputatorum, eidem Paulo Custodi, & Guardiano ejusdem Sancti Sepulchri, durante ejus Officio, & pro Locis Terræ Sanctæ hujusmodi, ubi non erunt Episcopi Ritus Latini in propria Diocesi residentes, potestatem, & facultatem conferendi Sacramentum Confirmationis hujusmodi Oleo, & Chrismate etiam antiquis, si nova haberi non possint, per Catholicum Antistitem gratiam, & communionem Sedis Apostolicæ habentem benedictis, dicta auctoritate, tenore præsentium concedimus, & delegamus; salva tamen semper in præmissis auctoritate memoratæ Congregationis Cardinalium. Non obstantibus præmissis, ac Apostolicis, & in Universalibus Conciliis editis generalibus, vel specialibus Constitutionibus, & Ordinationibus, cæterisque contrariis quibuscumque. Datum Romæ apud Sanctam Mariam Majorem sub Annulo Piscatoris die 9. Januarii 1740. Pontificatus Nostri Anno Primo.

## C O N S E C R A T I O

Joannis Petri Meindarts intrusi in Archiepiscopatum Ultrajectensem damnatur, atque excommunicationis & suspensionis censura in ipsum edicatur.

*Dilectis Filiis Catholicis in Fœderato Belgio commorantibus*

XI.

## B E N E D I C T U S P A P A XIV.

*Dilecti Filii salutem, & Apostolicam Benedictionem.*

Offendit  
pervicacia.  
Joannis Pe-  
tri Meind-  
arts nulli-  
ter electi, &  
censuris, ir-  
recti.

**A**UGET Pastorem nostram sollicitudinem filius iniquitatis Joannes Petrus Meindarts, qui nec Paternis monitis delinitus, nec anathemate perculsus ullum sibi facit turendi modum. Cum enim undique admonitus, & publicis monumentis edoctus ignorare non posset, sibi detractam fuisse a fel. rec. Clemente XII. ludricam illam Ultrajectensis Archiepiscopatus larvam, quam induere inaniter conabatur; Ac propterea vigore literarum in simili forma Brevis die VI. Octobris MDCCXXXIX. super nullitate Electionis severissimis Censuris illigatus fuisset; tamen non abstinuit falsum illud nomen usurpare, sed, ut abyssus abydlum invocet, patratum scelus novo scelere cumulavit.

Qui tamen  
Consecra-  
tionem su-  
cepit.

§. 1. Siquidem non sine horrore, & in amaritudine animæ nostræ intelleximus eo temeritatis pervenisse, ut Sacra omnia polluens, solemnibus cæremoniis initiari, consecrarique voluerit. Quid fieri debeat Filio tam degeneri, non audienti amantissimi Patris vocem, & ad Ecclesiasticæ districtiōis plagas obdurescenti, jamdiu consulimus Dominum, atque utinam auribus nostris non resonet horribilis vox illa: *Curavimus Babylonem, & non est sanata, derelinquamus eam*; quo diro fulmine nullum profecto majus.

Adhortatio  
ad Fideles  
in Fœderato  
Belgio com-  
morantes.

§. 2. Quare ad Vos, Dilecti Filii, gaudium & corona nostra, omnem convertimus curam; & quo magis in proximo obiecti estis lupo huic insidiolo, atque implacabili, eo Vos diligentius hortamur & commonemus, ut resistatis fortes in fide, quam ab Apostolica Sede omnium Ecclesiarum Matre & Magistra a primis usque temporibus accepistis. Nolite a semita justitiæ abduci subdolis, ac venenatis illius vocibus, quas infundere conatus est sua illa captiosa, & in simplicium subversionem, & schisma aperte tendente Epistola Pastoralis, data die 1. Decembris elapsi anni 1739. ad Gregem ex iis fortasse collectum, qui secum ambulant in tenebris, non alio sane animo conscripta, quam ut inconfutilem Christi Vestem scindat. Scimus, & in Domino gaudemus, Vos ab hac vera fide non aberrare; Nostra tamen Paterna charitas, & commisi Nobis licet imparibus Apostolici Ministerii ratio postulant, ut solliciti vigilemus ad vestram custodiam, nec a Vobis deliciamus oculos, quos vaserimus ille seductor disjungere studeat ad vero Christi Ovili, ut secum per vias non bonas errantes pereatis. Nam, utcumque blandiatur sibi, nemini suadebit se in Ecclesia manere, quam dilacerat pertinaci schismate.

§. 3. Ad



§. 3. Ad quam profecto Ecclesiam, ut aliquando intelligat pertinere se nullo modo posse, nisi resipiscat; Nos, Prædecessorum Nostrorum, Sacrarumque Legum morem, atque exempla sequuti, tradita Nobis a Cælo potestate, primum hujusmodi nefariam Consecrationem illicitam, illegitimam, sacrilegam, ac contra Supremæ Sedis mandata, & Sacrorum Canonum sanctionem factam declaramus.

§. 4. Deinde eundem Joannem Petrum, & quotquot huic execrabili facinori operam, Consilium, consensum præstiterunt, auctoritate Omnipotentis Dei excommunicamus, anathematizamus, atque ab Ecclesiæ communione segregatos, ac prorsus Schismaticos habendos, & evitandos esse iterum constituimus.

§. 5. Sciat autem idem Joannes Petrus non solum ab iis, quæ sunt jurisdictionis, exercendis esse suspensum, prout vigore earundem literarum Prædecessoris Nostri fuit suspensus, sed etiam ab iis, quæ sunt Ordinis. Mandamus illi propterea, districteque interdiciamus, sub poena Excommunicationis ipso facto, & sine alia declaratione incurrendæ, ut nullo pacto, aut Chrisma conficere, aut Clericos ordinare, aut Virgines consecrare, aut alia Episcopalis Ordinis exercere audeat: Decernentes insuper vacuos, inanes, nulliusque prorsus roboris, ac momenti omnes, & singulos alios actus, quos attentare præsumperit. Ac proinde, qui ab ipso Ecclesiasticis Ordinibus initiati fuerint, neverint suspensionis vinculo se se obstrictos, atque irregularitati propterea obnoxios, si susceptos Ordines exercuerint.

§. 6. Hanc ad sanandum prope desperatum hominis furorem, extremam medicinam adhibemus, acrem illam quidem, sed certe necessariam: cujus profecto vim si non intelligit, miser; multo vero inferior, si intelligit, & contemnit. Reliquum est, ut, quoniam vehementer solliciti sumus, ne propinquitas morbi saniores partes trahat Christianæ Reipublicæ. Vos, Dilecti in Christo Filii, iterum, atque iterum moneamus, ut ab eo quam diligentissime caveatis. Quod quidem facilius promptiusque perfacietis, si illud sæpius cogitetis, quod certum omnino est, atque exploratum: Neminem vere in Christi Ecclesia esse posse, nisi ejus Capiti Visibili atque Divi Petri Cathedræ communione confocietur. Atque Apostolicam Benedictionem Vobis, Dilecti Filii, peramanter impertimur.

Datum Romæ apud S. Mariam Majorem sub Annulo Piscatoris die xxiv. Januarii MDCCXLI. Pontificatus Nostri Anno Primo.

Jo: Vincentius Luccheseinus.

Prædicta  
Consecratio  
illicita, &  
illegitima  
declatur.

Jo: Petrus  
cum fautori-  
bus excom-  
municatur,  
& Schisma-  
ticus pro-  
nunciatur.  
Suspenditur  
ab exercitio  
tam jurisdic-  
tionis,  
quam Ordi-  
nis.

Idem statui-  
tur de his,  
qui ab illo  
ordinati fue-  
runt.  
Cavendum  
ab eodem  
monetur.

24. Januarii  
1741.

## D E C L A R A T U R,

Quod omnes, qui provisi fuerint a S. R. E. Cardinalibus Ordinariis Collatoribus, five vigor exceptionationis Regulæ IX. Cancellariæ, five vigore Indulti Apostolici, de Beneficiis Ecclesiasticis vacatis in mensibus Sanctæ Sedi reservatis, & valorem vigintiquatuor Ducatorum excedentibus; semper teneantur ad reportandum infra certum tempus novam provisionem a Sede Apostolica.

## B E N E D I C T U S P A P A X I V.

Motu proprio &c.

CUM, sicut accepimus, nonnulli Sanctæ Romanæ Ecclesiæ Cardinales, qui Metropolitani, Patriarcales, Episcopales, aut etiam Abbatiales Ecclesias ex Concessione, & Dispensatione Apostolicis obtinent, quamvis Indulta conferendi Beneficia Ecclesiastica Sedi Apostolicæ affecta, & reservata, etiam ratione mensium Apostolicorum nuncupatorum, acceptaverint, in quibus literaliter injungitur, quod ab eisdem Cardinalibus pro tempore provisi teneantur, infra certum in eisdem Indultis præfixum tempus, novam Beneficiorum hujusmodi provisionem a Sede Apostolica præfata impetrare, & Jura Cameræ Apostolicæ, aliisque propterea debita persolvere; nihilominus sub prætextu exceptionationis eorumdem Cardinalium in Regula nona Cancellariæ appositæ, autumant, quod ubi vacatio contigit in octo mensibus Apostolicis, provisi ab ipsis Cardinalibus novam hujusmodi provisionem capere non te-

Obligatio  
impetrandi  
novam pro-  
visionem a  
Sede Apo-  
stolica ori-  
tur ex teno-  
re Indulto-  
rum Cardi-  
nalibus con-  
cessorum.  
Prætextus  
in contra-  
rium allega-  
ri solui.

Bullar. Rom. Bened. XIV. Tom. I.

D

nean-



Quibus refe-  
dis, Ponti-  
fex declarat,  
dictam obli-  
gationem  
semper pro-  
cedere, &  
implendam  
esse.

Sub poena  
admittendi  
impetratio-  
nem contra  
provisos.  
Clausula si-  
lutaris.

Sublata ali-  
ter judican-  
di facultate.  
Cum déro-  
gationibus  
necessariis  
& opportu-  
nis.

neantur, quod plurium Doctorum sententiae repugnare comperitur. Nos, cui tanquam Romano Pontifici spectat lites, ac controversias declarationis Oraculo terminare, pro ut, negotiorum qualitate, & temporum conditione inspectis, conspiciamus in Domi-  
nio salubriter expedire, Motu simili &c. & de Apostolica potestatis plenitudine decla-  
ramus, statuimus, atque decernimus, quod deinceps pro tempore provisi a praedictae  
S. R. E. Cardinalibus ordinariis Collatoribus, siue Cardinales ipsi tanquam Ordinarii  
vigore exceptionis praedictae regulae, siue tanquam Indultarii, Beneficia vacantia  
in mensibus Apostolicis praedictis contulerint, semper, & quodcumque novam pro-  
visionem eorumdem Beneficiorum a praedicta Sede Apostolica impetrare, ac Anna-  
tam, & Taxas Datariae, Cancellariae, & Camerae nostrarum Apostolicarum, aliaque  
Jura, & emolumenta Officialibus debita persolvere omnino teneantur, dummodo ta-  
men Beneficia sic vacantia, etiam nullius deductis eorum oneribus, valorem annum  
vigintiquatuor ducatorum auri de Camera excedant. Decernentes etiam Motu pari  
&c. ut nemo deinceps ab eisdem Cardinalibus Ordinariis Collatoribus provisos de Be-  
neficio in aliquo ex mensibus Apostolicis praefatis vacato, possit se quocumque pra-  
textu eximere ab Expeditione literarum Apostolicarum in forma novae Apostolicae  
provisionis, juxta formam in Indultis Cardinalibus concedi solitis praescriptam, alias,  
elapso tempore ibidem praefixo, possit idem beneficium a Sede Apostolica praedicta  
impetrari. Praesentes quoque, & desuper, si videbitur, expediendas literas, nullo  
unquam tempore de subreptionis, vel obreptionis, aut nullitatis vitio, vel intentionis  
nostrae, aut alio quantumvis substantiali defectu notari, impugnari, invalidari, aut  
adversus eas quodcumque Juris, vel facti, aut gratiae remedium impetrari posse, sed  
illas semper validas, & efficaces fore, & esse, tuoque plenarios & integros effectus  
sortiri, & obtinere, & ab omnibus ad quos quomodolibet spectat, & spectabit in  
futurum, inviolabiliter observari. Sicque, & non alias per quoscumque Judices &c.  
etiam causarum Palatii Apostolici Auditores, ac praedictae Sanctae Romanae Ecclesiae,  
Cardinales, etiam de Latere Legatos, Vice Legatos, distaeque Sedis Nuncios, subla-  
ta &c. judicari &c. debere, irritumque &c. attentari. Non obstantibus, quatenus  
opus sit Cancellariae praefatae regula de iure quaesito non tollendo, ac Constitutio-  
nibus, & Ordinationibus Apostolicis quibuscvis Personis, etiam quavis auctoritate fun-  
gentibus, ac qualibet praerogativa, & dignitate fulgentibus, ac specialem, & specia-  
lissimam mentionem requirentibus, sub quibuscumque tenoribus, & formis, ac cum  
quibuscvis etiam derogatoriis derogatoriis, aliisque efficacioribus, & insolitis Clau-  
sulis, nec non irritantibus, & aliis decretis in genere, vel in specie per quoscumque  
Romanos Pontifices Praedecessores Nostros, ac Nos, & Sedem Apostolicam praefatam,  
etiam Motu pari &c. ac alias quomodolibet, etiam Consistorialiter, ac iteratis  
vicibus concessis, & quocumque tempore etiam pacifice observatis. Quibus omni-  
bus &c. etiam si de illis &c. eorum tenores &c. illis alias &c. permanentibus, latissi-  
me, & plenissime, ac specialiter, & expresse Motu pari &c. harum serie derogamus,  
ceterisque contrariis quibuscumque, cum clausulis opportunis,

Fiat Motu proprio P.

Decretum  
pro valore  
solius signa-  
turae, & ex-  
peditione  
literarum  
per viam de  
Curia.  
Dat. 25. Ja-  
nuarii 1741.

**E**T quod dictae Regulae, necnon Indultorum, & Privilegiorum praefatorum quo-  
modolibet, ut praefertur, concessorum tenores etiam veriores, ac Datae ha-  
beantur pro expressis, seu in toto, vel in parte exprimi possint in literis, ac de per-  
petuis declaratione, statuto, decreto, derogatione, aliisque premissis, ut in literis  
latissime extendendis. Volumus autem, quod sola praesentis Nostri Motus proprii si-  
gnatura sufficiat, & ubique fidem faciat supra in iudicio, & extra illud, regula qua-  
cumque contraria non obstante, seu si videbitur literae desuper etiam per viam de Cu-  
ria quodcumque expediri possint.  
Datum Romae apud Sanctam Mariam Majorem VIII. Kalendas Februarii Anno  
Primo.



## C L E R I C I S

Interdicitur quælibet negotiatio, etiam sub alieno Laici nomine, exceptis casibus, & circumstantiis in Constitutione expressis, sub pœnis alias contra Clericos negotiatores emanatis; & extenditur pœna spoli ad eos etiam, qui ab illo exempti sunt per indulta personalia, aut generalia, ad effectum testandi, vel transmittendi.

## BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

**A**POSTOLICÆ servitutis commissum Nobis divinitus officium assidue vigilare Nos admonet, ut ex prava hominum cupiditate suborientia mala, quantum in Nobis est, provida sollicitudine coercentes, Dominici ovilis gregem, superna opitulante gratia, ad æternam patriam dirigamus. Sed præcipua cura constringit de iis, qui Ecclesiastico Ordini adscripti, & ad sanctioris vitæ genus electi, aliis in via salutis actuum suorum claritate præluere debent. Vehementer enim timidi, ac solliciti sumus, ne cæteros Christi fideles, quos pro gradus sui Sanctitate verbis & exemplo edificare debent, morum suorum pravitate, a cœlestium rerum amore ad terrena desideria avertant.

Exordium  
a debito di-  
rigenti mo-  
res Populi,  
& Cleri.

§. 1. Cum itaque, ut non sine gravi animi Nostri mœrore accepimus, vesana humanarum rerum cupiditas ita nonnullorum Clericorum invaserit animos, ut illicitam Ecclesiasticis negotiationem, ad evitandas Pœnas adversus illam exercentes a Sacris Canonibus, & Apostolicis Romanorum Pontificum Prædecessorum Nostrorum Constitutionibus sanctas, sub alieni nominis velamine, Dei timore, Ecclesiastici nominis decore, & æterno suarum animarum periculo posthabitis, temere, nulliterque exercere non dubitent; & quod palam temporalium pœnarum metu aggredi non audent, quaestis deinde coloribus, & vanis innantium rationum prætextibus clam efficere non timeant; quasi vel Dei oculos, qui & illuminabit abscondita tenebrarum, & manifestabit consilia cordium, latere, vel Supremi Judicis, qui non fallitur, examen effugere possint. Nos attendentes, quod Clericus, qui tantopere mundanis divitiis parandis inhiat, cœlestia despiciere, & pro nihilo putare convincitur, & quod Clericus negotiator ex inope dives, & ex ignobili gloriosus, tanquam pestis, ut Beatus Hieronymus docet, fugiendus est; ad exitiosam huiusmodi labem ab Ecclesiastico Cœtu eliminandam, & ut Sancto Ecclesiæ Dei famulatu additi, ab omni turpis lucri cupiditate abhorrentes, studeant bene agere, & divites fieri in bonis operibus, thesaurizantes sibi fundamentum bonum in futurum; omnes & singulas Romanorum Pontificum Prædecessorum Nostrorum prædictorum Constitutiones, illarumque quamlibet contra quoscunque Clericos illicitos negotiatores desuper quomodolibet respective, cum omnibus, & singulis pœnis, contra eosdem Clericos illicitè negotiantes, editas, quas Constitutiones huiusmodi, ac earum quamlibet præsentibus de verbo ad verbum, nihilo penitus omisso, pro insertis haberi volumus, Motu proprio, & ex certa scientia, maturaque deliberatione, ac de Apostolicæ potestatis plenitudine Nostris innovamus, confirmamus, & approbamus, eisque, & earum cuilibet novam Apostolicæ firmitatis, & inviolabilis observantiæ robur adjicimus, illasque sic innovatas, confirmatas, & approbatas, cum omnibus, & singulis pœnis in eis, & earum qualibet adversus Clericos illicitos negotiatores huiusmodi contentis, ad Clericos illicitè sub alieno laici nomine quomodolibet negotiantes, perinde ac si per se ipsos, ac proprio eorum nomine negotia ipsa illicita exercerent, omnesque, & singulæ Constitutiones, earumque quælibet adversus eos desuper editæ fuissent, & in eis, & earum qualibet expressis, & denominati reperirentur, motu & potestatis plenitudine præfatis perpetuo extendimus, & ampliamus; illorumque omnia, & singula bona sic ab eis alieno nomine illicitè acquisita, sub inevitabili spoli pœna, ad formam Constitutionis fel. recor. Pii Papæ IV. similiter Prædecessoris Nostri, quæ incipit: *Decens esse*: subijci-mus, & subiecta esse volumus, & declaramus.

Clericorum  
negotiatio  
sub alieno  
laici nomi-  
ne improba-  
tur.

Disposicio-  
nes Consti-  
tutionum  
Apostolica-  
rum contra  
illos inno-  
vantur.

Et ad eos  
expresse ex-  
tendantur.

Eorumque  
bona spolia  
subijciuntur  
Negotia a  
Laicis in-  
choata, & ad  
Clericos de-  
clara, etiam  
dimittantur

§. 2. Insuper, ut in sortem Domini vocati, depositis quocumque mundanarum cu-  
rarum onere, & humanarum cupiditatum impedimentis, Christum Dominum, qui



propter Nos egenus factus est, cum esset dives, ut illius inopia Nos divites essemus, per calcatas mundi opes liberius, & expeditius sequantur, memores salutaris illius Beati Apostoli moniti, qui clamat, & dicit: *nemo militans Deo implicat se negotiis secularibus, ut ei placeat, cui se probavit*, per eandem Nostras præsentis perpetuo valituras, motu, & potestatis plenitudine præstatis decernimus, ac pariter declaramus, quod si aliquod negotium Ecclesiasticis illicitum perionis, licet ab eis minime institutum, sed a laica persona inchoatum, & ad eosdem Clericos, sive hæreditario jure, aut quocumque alio titulo, sive singulariter, sive communiter, sive separatim, sive conjunctim cum aliis bonis, & aliis cohæredibus, vel sociis laicis existentibus delatum fuerit, vel per se ipsos, eorumque nomine proprio, vel per alios, aut alieno nomine etiam per suos cohæredes, aut socios prosequuti sint, illud statim dimittere teneantur. Si vero negotium hujusmodi sine ipsius Clerici temporali detrimento statim dimitti nequeat, tunc, si intra Italiam, Insulasque adjacentes existat Clericus, a Venerabilium Fratrum Nostrorum Sanctæ Romanæ Ecclesiæ Cardinalium Decretorum Concilii Tridentini interpretum Congregatione, si vero extra Italiam, ab eadem Congregatione, vel ab Ordinario Locī licentiam illud ad aliquod tempus retinendi, provisio interim, quod negotium hujusmodi a laico administraretur, impetrare teneatur; distaque Congregatio, aut Ordinarius Locī, perpendis singulorum casuum circumstantiis, licentiam impertiatur, tempusque in eo ad idem negotium dimittendum præscribat; & si Clericus negotium præstatum, licet a Laico, ut præfertur, institutum, absque licentia hujusmodi gratis semper sibi impertienda, aut illud ultra tempus sibi permissum retinuerit, vel etiam intra tempus prædictum negotium per se ipsum administraverit, pro negotiatore illicito haberi, illumque omnibus, & singulis etiam spoliis pœnis præstatis subjectam esse, motu, & potestatis plenitudine dictis perpetuo volumus, & definimus.

Nec nisi necessitate urgente contingantur possit, de licentia tamen Congregationis Concilii, aut etiam Ordinarii extra Italiam.

Et ad tempus dumtaxat, ac per interpositam laici personam.

Pœna in contraven-

tores. Exempti a spolio ad effectum restandi, aut transmittendi, non intelligantur exempti quoad bona per interdictam negotiationem acquisita.

§. 3. Ac demum, eo quod fel. rec. Prædecessor Noster Pius Papa IV. per suas literas, quarum initium est: *Romanus Pontifex*: declaravit, præfata Constitutione super spoliis Clericorum ob illicitam negotiationem a se edita, Prælatos, Officiales, ac alios Sæculares, & cuiusvis Ordinis Regulares Clericos, aliosque cuiuscumque status, gradus, ordinis, conditionis; & præminentie in Urbe, & Curia, ejusque Districtu decedentes, testandi tamen, codicillandi, & alias de bonis suis quibuscumque quomodolibet disponendi, vel ad ipsorum proximiores, decedentibus illis ab intestato, transmittendi facultatem ex speciali Sedis Apostolicæ indulto, vel suorum officiorum privilegio, vel alio quovis titulo obtinentes, nullatenus comprehendi, & quod Paulus Papa V. pariter Prædecessor Noster suas Literas, quæ incipiunt: *In eminenti*: Clericos Cives, & Curiales, sive Incolas hujus Nostræ Almæ Urbis, tunc suæ, exempti a spolio, quoad bona in eadem Urbe, ejusque Districtu intra decem miliaria consistentia, etiam ex redditibus Ecclesiasticis per eos acquisita, unde dubitari contigit, an suffragetur quoque ad evitandum Spolium Cameræ Nostræ Apostolicæ competens pro bonis ex illicita negotiatione provenientibus: Nos Constitutiones Pii, & Pauli Prædecessorum Nostrorum præfatas, quoad bona ex illicita negotiatione hujusmodi a Civibus, & Curialibus, sive Incolis Clericis cuiuscumque Ordinis, ac dignitatis, quibuscumque indultis, ac privilegiis manentis, comparata, & in Urbe, ejusque Districtu præstatis, & ubicumque existentia, minime ad præmissorum effectum suffragari, sed illa sic provenientia Cameræ Nostræ Apostolicæ vero jure spoliis deberi, perinde ac si Constitutiones Pii, & Pauli Prædecessorum hujusmodi ad præmissorum omnium, & singulorum effectum impediendum nomine emanatæ fuissent, Motu simili pariter declaramus, & statuimus, distaque Pii, & Pauli Prædecessorum Constitutiones, quoad præmissorum effectum sortiendum, plenarie abrogamus, & abolemus.

Clausula sublata & Decretum irritans. Camerarii pro tempore executores deputantur.

§. 4. Decernentes sic in præmissis omnibus, & singulis per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane quidquid secus super his a quovis quavis auctoritate scienter, vel ignoranter congerit attentari. Quocirca Venerabili Fratri Nostro Annibaldi S. R. E. Cardinali Episcopo Sabinen. Albani nuncupato Camerario Nostro, & ejus in Camerariatus officio successoribus, per Apostolica scripta mandamus, quatenus spolia ipsa ex bonis ex illicita negotiatione provenientia, uti vere spolia, prout alia ipsius Cameræ jura, exigi, & recuperari, ac præsentis Nostras Literas inviolabiliter ob-

ser-



servari faciat, nec permittat, Cameram ipsam, vel pro ea agentes desuper modo aliquo molestari, perturbari, aut inquietari, Contradiatores quoslibet, & Rebelles per censuras, & poenas Ecclesiasticas, & appellatione postposita compescendo, nec non legitimis super his habendis servatis processibus, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus prædicti Pii, & Pauli Prædecessorum, aliisque Apostolicis, ac in Provincialibus, & Sinodalibus Conciliis editis generalibus, vel specialibus Constitutionibus, & Ordinationibus, ac quibusvis facultatibus testandi, aliisque privilegiis, indultis, & literis Apostolicis quibusvis concessis, approbatis, & innovatis, etiam si de illis, eorumque totis tenoribus specialis, & expressa mentio facienda esset, illorum tenores pro sufficienter expressis habentes, illis in reliquis in suo robore permanentibus, cæterisque contrariis quibuscumque; etiam si aliquibus communiter, vel divisim ab Apostolica sit Sede indultum, quod interdici, suspendi, vel excommunicari non possint, per Literas Apostolicas non facientes plenam, & expressam de indulto huiusmodi mentionem. Et quia difficile foret præsentibus Nostras Literas ad singula quæque loca deferri, volumus, & declaramus, quod earum transumptis etiam impressis, manu Notarii publici subscriptis, & alicujus Prælati sigillo munitis, eadem prorsus fides in iudicio, & extra adhibeatur, quæ præsentibus adhiberetur, si forent exhibitæ, vel ostensæ. Nulli ergo omnino hominum liceat hanc paginam Nostræ decreti, approbationis, confirmationis, innovationis, declarationis, statuti, ordinationis, concessionis, derogationis, & voluntatis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum. Datum Romæ apud Sanctam Mariam Majorem Anno Incarnationis Dominicæ millesimo septingentesimo quadagesimo, V. Kalenda Martii, Pontificatus Nostræ Anno Primo.

Contrariis  
derogatur.

Fidem transumptis haberi jubetur.

Sanctio postal.

Dat. die 25.  
Febr. 1748.

D. Cardinalis Passioneus.

X. Sub-Datarius.

Visa de Curia.

N. Antonellus.

J. B. Eugenius.

Loco ✠ Plumbi.

Registrata in Secretaria Brevium.

Publicata die viij. Martii ejusdem anni.

## L I T E R Æ P R O C E S S U S

XIV.

Publicatæ die Cæne Domini Anno MDCCXLI.

BENEDICTUS EPICOPUS SERVUS SERVORUM DEI.

*Ad perpetuam rei memoriam.*

PASTORALIS Romani Pontificis vigilantia, & sollicitudo, cum in omni Christianæ Reipublicæ pace, & tranquillitate procuranda, pro sui muneris officio, assidue versatur, tum potissimum in Catholicæ fidei, sine qua impossibile est placere Deo, unitate, atque integritate retinenda, & conservanda, maxime elucet; nimirum, ut fideles Christi non sint parvuli fluctuantes, neque circumferantur omni vento doctrinæ in nequitia hominum, ad circumventionem erroris, sed omnes occurrant in unitatem Fidei, & agnitionis Filii Dei in virum perfectum, neque se in hujus vitæ societate, & communione lædant, aut inter se alter alteri offensionem præbeat, sed potius in vinculo charitatis conjuncti, tamquam unius corporis membra sub Christo capite, ejusque in terris Vicario Romano Pontifice, Beatissimi Petri Successore, a quo rotius Ecclesiæ unitas dimanat, augeantur in ædificationem, atque ita divina gratia adjunctrice, sic præsentis vitæ quiete gaudeant, ut futura quoque beatitudine perfruantur. Ob quas sane causas Romani Pontifices Prædecessores Nostræ, hodierna die

Exorditur ab obligatione Romani Pontificis conservandi sanctam Fidem Catholicam.



die, quæ anniversaria Dominicæ Ccenæ commemoratione solemnis est, spirituales Ecclesiasticæ disciplinæ gladium, & salutaria iustitiæ arma, per ministerium Summi Apostolatus, ad Dei gloriam, & animarum salutem solemniter exercere conueverunt. Nos igitur, quibus nihil optabilius est, quam Fidei inviolatam integritatem, publicam pacem, & iustitiam, Deo auctore, tueri, vetustum, & solemnem hunc morem sequentes.

Excommu-  
nical Hære-  
ticos cujus-  
cumque Se-  
ctæ, eorum  
Fautores,  
necnon le-  
gatos &  
imprimen-  
tes eorum li-  
bros, & de-  
mam schis-  
maticos.

Excommu-  
cat, ac res-  
pessive in-  
terdicto sup-  
ponit qual-  
cumque  
personas &  
Universita-  
tes a Rom.  
Pontifice ad  
futurum  
Concilium  
appellantes.

Excommu-  
nicat Piratas  
Mare Sedis  
Apostolicæ  
infestantes,  
eorumque  
fautores.

Naufrago-  
rum Chri-  
stianorum in  
quacumque  
maris regio-  
ne bona sus-  
cipientes.

Imponentes  
nova Peda-  
gia, & Ga-  
bellas, vel  
ea augentes.  
Falsificantes  
litteras Apo-  
stolicas, sup-  
plicationes  
signatas,  
necnon falso  
publicantes  
litteras Apo-  
stolicas.

Deferentes  
ad Christia-  
ni nominis  
hostes, &  
hæreticos  
arma, & alia  
usui bellico  
apta nec non  
nunciantes  
ad statum  
Reipublicæ  
Christianæ  
pertinentia  
in Christia-  
norum dam-  
num.

§. 1. Excommunicamus, & anathematizamus ex parte Dei Omnipotentis Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoscumque Hussitas, Wiclestas, Lutheranos, Zuinglianos, Calvinistas, Ugonotos, Anabatistas, Trinitarios, & a Christiana Fide Apostatas, ac omnes, & singulos alios Hæreticos cujuscumque Sectæ existant, ac eis credentes, eorumque receptores, fautores, & generaliter quoslibet illorum defensores, ac eorundem libros hæresim continentes, vel de Religione tractantes, sine auctoritate nostra, & Sedis Apostolicæ scienter legentes, aut retinentes, imprimentes, seu quomodolibet defendentes ex quavis causa, publice, vel occulte, quovis ingenio, vel colore, nec non Schismaticos, & eos, qui se a Nostra, & Romani Pontificis, pro tempore existentis obedientia pertinaciter subtrahunt, vel recedunt.

§. 2. Item excommunicamus, & anathematizamus omnes, & singulos cujuscumque status, gradus, seu conditionis fuerint; Universitates vero, Collegia, & Capitula quocumque nomine nuncupentur, interdicimus, ab ordinationibus, seu mandatis Nostris, ut Romanorum Pontificum pro tempore existentium ad universale futurum Concilium appellantos: nec non eos, quorum auxilio, concilio, vel favore appellatum fuerit.

§. 3. Item excommunicamus, & anathematizamus omnes Piratas, Cursarios, ac Latrunculos maritimos, discurrentes Mare Nostrum, præcipue a Monte Argentario usque ad Terracinam, ac omnes eorum fautores, receptatores, & defensores.

§. 4. Item excommunicamus, & anathematizamus omnes, & singulos, qui Christianorum quorumcumque Navibus, tempestate, seu in transversum (ut dici solet) iactatis, vel quomodo naufragium passis, sive in ipsis Navibus, sive ex eisdem ejecta in mari, vel in litore inventa, cujuscumque generis bona, tam in Nostris Tyrreni, & Adriatici, quam in cæteris cujuscumque Maris Regionibus, & littoribus, surripuerint; itaut nec ob quodcumque privilegium, consuetudinem, aut longissimi, & immemorabilis temporis possessionem, seu alium quemcumque prætextum excusari possint.

§. 5. Item excommunicamus, & anathematizamus omnes, qui in Terris suis nova Pedagia, seu Gabellas, præterquam in casibus a jure, seu ex speciali Sedis Apostolicæ licentia permixtis, imponunt vel augent, seu imponi, vel augeri prohibita exigunt.

§. 6. Item excommunicamus, & anathematizamus omnes falsarios Literarum Apostolicarum, etiam in forma Brevis, ac supplicationum, gratiam, vel iustitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romani Pontificis signatarum, necnon falso publicantes Litteras Apostolicas, etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gentium prædictorum.

§. 7. Item excommunicamus, & anathematizamus omnes illos, qui ad Saracenos, Turcas, & alio Christiani nominis hostes, & inimicos, vel hæreticos per Nostras, sive hujus Sanctæ Sedis sententia expressæ, & nominatim declaratos, deferunt, seu transmittunt, equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina, canapem, funes, tam ex ipso canape, quam alia quacumque materia, & ipsam materiam, aliaque hujusmodi quibus Christianos, & Catholicos impugnant, necnon illos, qui per se, vel alios, de rebus statum Christianæ Reipublicæ concernentibus, in Christianorum perniciem, & damnum ipsos Turcas, & Christianæ Religionis inimicos, necnon Hæreticos in damnum Catholicæ Religionis, certiores faciunt, illisque ad id auxilium, consilium, vel favorem quomodolibet præstant, non obstantibus quibuscumque privilegiis, quibusvis personis, Principibus, & Rebuspublicis per Nos, & Sedem prædictam hætenus concessis, de hujusmodi prohibitionem expressam mentionem non facientibus.



§. 8. Item excommunicamus, & anathematizamus omnes impediētes, seu invadētes eos, qui vidualia, seu alia ad usum Romanæ Curiae necessaria adducunt, ac etiam eos, qui, ne ad Romanam Curiam adducantur, vel afferantur, prohibent, impediunt, seu perturbant, seu hæc facientes defendunt per se, vel alios, cujuscumque fuerint ordinis, præminentiae, conditionis, & status, etiam si Pontificali, seu Regali, aut alia quavis Ecclesiastica, vel mundana præfulgeant dignitate.

§. 9. Item excommunicamus, & anathematizamus, illos, qui ad Sedem Apostolicam venientes, & recedentes ab eadem, sua, vel aliorum opera interficiunt, mutilant, spoliunt, capiunt, detinent, necnon illos omnes, qui jurisdictionem Ordinariorum, vel delegatam a Nobis, vel Nostriis iudicibus non habentes, illam sibi tenere vendicantes, similia contra morantes in eadem Curia audent perpetrare.

§. 10. Item excommunicamus, & anathematizamus omnes interficientes, mutilantes, vulnerantes, detinentes, capientes, seu depradantes Romipetas, seu Peregrinos, ad Urbem, causa devotionis, seu peregrinationis, accedentes, & in ea morantes, vel ab ipsa recedentes, & in eis dantes auxilium, concilium, vel favorem.

§. 11. Item excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel ossiliter infestantes S. R. E. Cardinales, Patriarcas, Archiepiscopos, Sedisque Apostolicæ Legatos, vel Nuncios, aut eos a suis Diocesis, Territoriis, Terris, seu Dominiis efficientes, necnon ea mandantes, vel rata habentes, seu præstantes in eis auxilium, consilium, vel favorem.

§. 12. Item excommunicamus, & anathematizamus omnes illos, qui per se, vel alios, personas Ecclesiasticas quascumque, vel seculares, ad Romanam Curiam super eorum causis, & negotiis recurrentes, ac illa in eadem Curia prosequentes, aut procurantes, negotiorumque gestores, Advocatos, Procuratores & Agentes, seu etiam Auditores, vel Iudices super dictis causis, vel negotiis deputatos, occasione causarum, vel negotiorum huiusmodi, occidunt, seu quocumque modo percutiunt, & bonis spoliunt: seu qui per se, vel per alios directe, vel indirecte delicta huiusmodi committere, exequi, vel procurare, aut in eisdem auxilium, consilium, vel favorem præstare non verentur, cujuscumque præminentiae, & dignitatis fuerint.

§. 13. Item excommunicamus, & anathematizamus omnes tam Ecclesiasticos, quam Sæculares cujuscumque dignitatis, qui prætexentes frivolam quandam appellationem a gravamine, vel futura executione Literarum Apostolicarum, etiam in forma Brevis, tam gratiam, quam iustitiam concernentium, necnon citationum, inhibitionum, sequestorum, monitoriorum, processuum, executoriarum, & aliorum decretorum, a Nobis, & a Sede prædicta, seu Legatis, Nunciis, Præfidentibus, Palatii Nostri, & Cameræ Apostolicæ Auditoribus, Commissariis, aliisque Iudicibus, & Delegatis Apostolicis emanatorum, & quæ pro tempore emanaverint, aut alias ad Curias seculares, & laicalem potestatem recurrunt, & ab ea, instante etiam Nunci Procuratore, vel Advocato, appellationes huiusmodi admittunt, ac literas, citationes, inhibitiones, sequestra, monitoria, & alia prædicta, capi, & retineri faciunt, quive illa simpliciter, vel sine eorum beneplacito, & consensu, vel examine executioni demandari, aut ne Cabelliones, & Notarii, super huiusmodi literarum, & processuum executione, instrumenta, vel acta conficere, aut confecta, parti, cuius interest, tradere debeant, impediunt, vel prohibent: ac etiam partes, seu eorum Agentes, Consanguineos, Affines, Familiares, Notarios, Exequutores, & subexequutores literarum, citationum, Monitoriorum, & aliorum prædictorum, capiunt, percutiunt, vincunt, carcerant, detinent, ex Civitatibus, Locis, & Regnis eliciunt, bonis spoliunt, perterrefaciunt, concutiunt, & comminantur per se, vel alium, seu alios, publice, vel occulte, quive alias quibuscumque personis in genere, vel in specie, ne pro quibuscumque eorum negotiis prosequendis, seu gratiis, vel literis impetrandis, ad Romanam Curiam accedant, aut recursum habeant, seu gratias ipsas, vel literas a dicta Sede impetrent, seu impetratis utantur, directe, vel indirecte prohibere, statuere, seu mandare, vel alias apud se, aut Notarios, seu Tabelliones, vel alias quomodolibet retinere præsumunt.

§. 14. Item excommunicamus, & anathematizamus omnes, & quoscumque, qui per se, vel alios, auctoritate propria, ac de facto, quarumcumque exemptionum, vel aliarum Gratiarum, & Literarum Apostolicarum prætextu, beneficiales, & decimarum,

Impediētes eos, qui vidualia, & alia necessaria ad Urbem deferunt.

Offendentes sua, vel aliorum opera eos, qui ad Sedem Apostolicam veniunt, & ab ea recedunt: & sine Juris. vexantes qui Romæ commorantur.

Offendentes eos, qui ad Urbem devotionis causa peregrinantur, vel ibi degunt, ac recedunt.

Offendentes S. R. E. Cardinales, aliosque Ecclesiasticarum Prælatos necnon Legatos, & Nuncios Sedis Apostolicæ. Offendentes eos, qui pro suis negotiis ad Rom. Curiam recurrunt, ac eorum Procuratores, & Iudices ex causa dd. negotiorum. Appellantes a gravamine vel futura executione Literarum Apostolicarum ad Sæcularem potestatem. Impediētes editionem actuum executionis literarum Apostolicarum necnon vexantes quomodolibet Patres, Notarios, aliosque Officiales ex causa huius executionis. Temere advocantes a De-



legatis Sedis  
Apost. aliis  
que iudici-  
bus Ecclesia-  
sticis causas  
Beneficiales  
& spiritua-  
les.  
Impedientes  
executionem  
Literarum  
Apostolica-  
rum, alia-  
rumque ex-  
peditio-  
rum iudi-  
cium.  
Iudices Sa-  
culares, qui  
Ecclesiasti-  
cas personas  
trahunt ad  
sua Tribu-  
nalia.  
Publicantes  
Statuta Ec-  
clesiasticæ  
libertati præ-  
iudicialia,  
iisque inter-  
tes.  
Impedientes  
Ecclesiarum  
Prælatos,  
aliosque Ju-  
dices Ecce-  
siasticos, ne  
sua iurisdic-  
tione utan-  
tur.  
Recurrentes  
ad Curias  
Sæculares ad  
eludenda Ju-  
dicia Fori  
Ecclesiastici,  
& qui in his  
decreta ed-  
unt vel præ-  
stant auxi-  
lium.  
Usurpantes,  
& seque-  
strantes Ju-  
risdictionem  
& fructus  
spectantes  
ad Sedem  
Apostol. &  
personas Ec-  
clesiasticas.  
Impedientes  
collectionem  
aliorum  
personis Ec-  
clesiasticis,  
eorumque  
bonis.

rum, ac alias causas spirituales, & spiritualibus annexas ab Auditoribus, & Com-  
missariis nostris, aliisque Iudicibus Ecclesiasticis, avocant, illorumque cursum, &  
audientiam, ac personas, Capitula, Conventus, Collegia, causas ipsas prosequi vo-  
lentes, impediunt, ac se de illarum cognitione tanquam Iudices interponunt; quive  
partes actrices, quas illas committi fecerunt, & faciunt, ad revocandum, & revoca-  
ri faciendum citationes, vel inhibitiones, aut alias literas in eis decretas, ad facien-  
dum, vel consentiendum, eos, contra quos tales inhibitiones emanarunt, a censu-  
ris, & pœnis in illis contentis absolvi, per statutum, vel alias compellunt, vel e-  
xequutionem Literarum Apostolicarum, seu exequutorialium, processuum, ac decre-  
torum prædictorum, quomodolibet, impediunt, vel suum ad id favorem, consilium,  
aut assensum præstant, etiam prætextu violentiæ prohibendæ, vel aliarum præten-  
sionum, seu etiam donec ipsi ad Nos informandos, ut dicunt, supplicaverint, aut  
supplicari fecerint, nisi supplicationes huiusmodi coram Nobis & Sede Apostolica le-  
gitime prosequantur; etiamsi talia committentes fuerint Præsidentes Cancelliarum,  
Consiliorum, Parlamentorum, Cancellarii, Vicecancellarii, Consilarii ordinarii, vel  
extraordinarii, quorumcumque Principum sæcularium, etiam Imperiali, Regali, Du-  
cali, vel alia quacumque præfulgeant Dignitate, aut Archiepiscopi, Episcopi, Ab-  
bates Commendatarii, seu Vicarii fuerint.

§. 15. Quive ex eorum prætenso officio, vel ad instantiam partis, aut aliorum  
quorumcumque, personas Ecclesiasticas, Capitula, Conventus, Collegia Ecclesiarum  
quarumcumque, coram se ad suum Tribunal, Audientiam, Cancellariam, Consilium,  
vel Parlamentum, præter Juris Canonici dispositionem trahunt, vel trahi faciunt,  
vel procurant directe, vel indirecte, quovis quæsito colore, necnon qui statuta, or-  
dinationes, constitutiones, pragmaticas, seu quævis alia decreta in genere, vel in  
specie, ex quavis causa, & quovis quæsito colore, ac etiam cuivis consuetudinis,  
aut privilegii, vel alias quomodolibet fecerint, ordinaverint, & publicaverint, vel  
factis, & ordinatis usi fuerint, unde libertas Ecclesiastica tollitur, seu in aliquo læ-  
ditur, vel deprimitur, aut alias quovis modo restringitur, seu Nostris, & dictæ Se-  
dis, ac quarumcumque Ecclesiarum juribus quomodolibet directe, vel indirecte, taci-  
te, vel expresse præiudicatur.

§. 16. Nec non qui Archiepiscopos, Episcopos, aliosque Superiores, & inferiores  
Prælatos, & omnes alios quoscumque Iudices Ecclesiasticos ordinarios quomodolibet  
hac de causa directe, vel indirecte carcerando, vel molestando eorum Agentes, Pro-  
curatores, Familiares, necnon consanguineos, & affines, aut alias impediunt, quo-  
minus sua iurisdictione Ecclesiastica contra quoscumque utantur, secundum quod Ca-  
nones, & Sacræ Constitutiones Ecclesiasticæ, & Decreta Conciliorum generalium,  
& præsertim Tridentini, statuunt; ac etiam eos, qui post ipsorum Ordinariorum,  
vel etiam ab eis Delegatorum quorumcumque sententias, & Decreta, aut alias fori  
Ecclesiastici iudicium eludentes, ad Cancellarias, & alias Curias sæculares recurrunt,  
& ab illis prohibitiones, & mandata, etiam pœnalia, Ordinariis, & delegatis præ-  
dictis decerni, & contra illos exequi procurant, eos quoque, qui hæc decernunt,  
& exequentur, seu dant auxilium, consilium, patrocinium, & favorem eisdem.

§. 17. Quive iurisdictiones, seu fructus, redditus, & proventus ad Nos, & Sedem  
Apostolicam, & quascumque Ecclesiasticas personas, ratione Ecclesiarum, Monaste-  
riorum, & aliorum Beneficiorum Ecclesiasticorum pertinentes usurpant, vel etiam  
quavis occasione, vel causa, sine Romani Pontificis, vel aliorum ad id legitimam fa-  
cultatem habentium expressa licentia, sequestrant.

§. 18. Quive collectas, decimas, talleas, præstantias, & alia onera Clericis, Præ-  
latis, & aliis personis Ecclesiasticis, ac eorum, & Ecclesiarum, Monasteriorum, &  
aliorum Beneficiorum Ecclesiasticorum bonis, illorumque fructibus, redditibus, &  
proventibus huiusmodi, absque simili Romani Pontificis speciali, & expressa licentia  
impediant, & diversis etiam exquisitis modis exigunt, aut sic imposita, etiam a spon-  
te dantibus, & concedentibus recipiunt: necnon qui per se, vel alios directe, vel  
indirecte prædicta facere, exequi, vel procurare, aut in eisdem auxilium, consilium,  
vel favorem præstare non verentur, cuiviscumque sint præminentia, dignitatis, or-  
dinis, conditionis, aut status, etiamsi Imperiali, aut Regali præfulgeant dignitate,  
seu Principes, Ducis, Comites, Barones, & alii Potentatus quicunque, etiam Re-  
gis, Provinciis, Civitatibus, & Terris quocummodo Præsidentes, Consilarii, & Se-  
nato-



matores, aut quavis etiam Pontificali dignitate insigniti: innovantes decreta super his per Sacros Canones, tam in Lateranensi novissime celebrato, quam aliis Conciliis generalibus edita, cum censuris, & poenis in eis contentis.

§. 19. Item excommunicamus, & anathematizamus omnes, & quoscunque Magistratus, & Judices, Notarios, Scribas, Executores, Sub-Executores quomodolibet se interponentes in causis capitalibus, seu criminalibus contra personas Ecclesiasticas, illas processando, banniendo, capiendo, seu sententias contra illas proferendo, vel exequendo, sine speciali, specifica, & expressa hujus Sanctæ Sedis Apostolicæ licentia: quique hujusmodi licentiam ad personas, & casus non expressos extendunt, vel alias illa perperam abutuntur, etiam si talia committentes fuerint Consilarii, Senatores, Præsidentes, Cancellarii, Vice-Cancellarii, aut quovis alio nomine nuncupati.

§. 20. Item excommunicamus, & anathematizamus omnes illos, qui per se, seu alios directe, vel indirecte sub quocunque titulo, vel colore invadere, destruere, occupare, & detinere præsumpserint, in totum, vel in partem, Alma Urbem, Regnum Siciliae, Insulas Sardiniae, & Corsicae, Terras citra Pharum, Patrimonium Beati Petri in Tuscia, Ducatum Spoletanum, Comitatum Venaissinum, Sabinensem, Marchiam Anconitanam; Massæ Trebariae, Romandiolæ, Campaniæ, & Maritimas Provincias, illarumque terras, & loca, ac terras specialis commissionis Arnulforum, Civitatemque Nostram, Bononiam, Cæsenam, Ariminum, Beneventum, Perusium, Avenionem, Civitatem Castelli, Tudertum, Ferrariam, Comacium, & alias Civitates, terras, & loca, vel jura ad ipsam Romanam Ecclesiam pertinentia, distæque Romanæ Ecclesiæ mediate, vel immediate subjecta; necnon supremam jurisdictionem in illis Nobis, & eidem Romanæ Ecclesiæ competentem de facto usurpare, perturbare, retinere, & vexare variis modis præsumunt: necnon adherentes, fautores, & defensores eorum, seu illis auxilium, consilium, vel favorem quomodolibet præstantes.

Volentes, præsentem Nostros Processus, ac omnia, & quæcumque his literis contenta, quousque alii hujusmodi Processus a Nobis, aut Romano Pontifice pro tempore existente fiant, aut publicentur, durare, suosque effectus omnino sortiri.

Cæterum a prædictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo, cautione præstita, absolvi possint; etiam prætextu quarumvis facultatum, & indulgentiarum, quibuscunque Personis Ecclesiasticis, Sæcularibus, & quorumvis Ordinum, etiam Mendicantium, ac Militiarum Regularibus, etiam Episcopali, vel alia majori dignitate præditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & Locis Piis, necnon Laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cujusvis Concilii decreta, verbo, literis, aut alia quacunque scriptura in genere, vel in specie concessorum, & innovatorum, aut concedendorum, & innovandorum.

Quod si forte aliqui contra tenorem præsentium talibus excommunicatione, & anathemate laqueatis, vel eorum alicui, absolutionis beneficium impendere de facto præsumpserint, eos excommunicationis sententia innodamus, gravius contra eos spiritualiter, & temporaliter, prout expedire noverimus, processuri.

Declarantes, ac protestantes, quancunque absolutionem, etiam solemniter per Nos faciendam, prædictos excommunicatos sub præsentibus comprehensos, nisi prius a præmissis cum vero proposito ulterius similia non committendi, destiterint, ac quoad eos, qui contra Ecclesiasticam libertatem, ut præfertur, statuta fecerint, nisi prius statuta, ordinationes, constitutiones, pragmaticas, & decreta hujusmodi publice revocaverint; & ex Archiviis, seu Capitularibus Locis, aut Libris, in quibus annotata reperiuntur, deleri, & cassari, ac Nos de revocatione hujusmodi certiores fecerint, eos non comprehendere, nec eis aliter suffragari, quin etiam per hujusmodi absolutionem, aut quoscunque alios actus contrarios, tacitos, vel expressos, ac etiam per patientiam, & tolerantiam nostram, vel Successorum Nostrorum quancunque tempore continuatam, in præmissis omnibus, & singulis, ac quibuscunque juribus Sedi Apostolicæ, ac Sanctæ Romanæ Ecclesiæ undecunque, & quandocunque quæsitis, vel quærendis, nullatenus præjudicari posse, aut debere.

Non obstantibus privilegiis, indulgentiis, indultis, & literis Apostolicis generalibus,

*Bullar. Rom. Bened. XIV. Tom. I.*

**E**

vel

Judices Sæcularis, qui se interponunt in causis criminalibus contra Personas Ecclesiasticas.

Occupantes aliam Urbem, aliasque Civitates, & Provincias Ecclesiæ Romanæ, illiusque jurisdictionem usurpantes.

Absolutionem a censuris, ut supra, latis, Rom. Pontifici reservatam.

Excommunicat absolvi præsumentes contra tenorem præsentium Pontificis absolutionem eos tantum comprehendit, qui a præmissis destiterint.

Derogat contrariis.



Etiam In-  
dulto, quod  
quis excom-  
municari  
non possit,  
nisi facta e-  
rit in In-  
dulto men-  
tio.

Affixio præ-  
sentium in  
Urbe vim  
habet per-  
sonalis præ-  
sentationis.

Mandat præ-  
sentis an-  
nuum pu-  
blicari per  
quoslibet  
Prælatos in  
propris Ec-  
clesiis.

Singuli Præ-  
lati, & ani-  
marum cu-  
ram habentes,  
ac sim-  
plices Con-  
fessarii has  
litteras pe-  
nes se reti-  
nere de-  
beant.

Fides ha-  
benda Tran-  
sumptis.  
Sanctio po-  
nalis.  
Dat. die 30.  
Martii 1741.

vel specialibus, supradictis, vel eorum alicui, seu aliquibus aliis, cujuscunque ordi-  
nis, status, vel conditionis, dignitatis, & præminentiae fuerint, etiam si, ut præ-  
fertur, Pontificali, Imperiali, Regali, seu quavis Ecclesiastica, & mundana præful-  
geant dignitate, vel eorum Regnis, Provinciis, Civitatibus, seu locis a prædicta Se-  
de, ex quavis causa, etiam per viam contractus, aut remunerationis, & sub quavis  
alia forma, & tenore, ac cum quibuscvis clausulis etiam derogatoriarum derogatoriis  
concessis, etiam continentibus, quod excommunicari, anathematizari, vel interdic-  
i non possint per Literas Apostolicas non facientes plenam, & expressam, ac de ver-  
bo ad verbum de privilegiis, indulgentiis, & indultis hujusmodi, ac de Ordinibus,  
locis, nominibus propriis, cognominibus, & dignitatibus eorum mentionem, necnon  
consuetudinibus, etiam immemorabilibus, ac præscriptionibus quantumcumque longissi-  
mis, & aliis quibuscvis observantiis, scriptis, vel non scriptis, per quæ contra hos nostros  
Processus, ac sententias, quominus includantur in eis, se juvare valeant, vel tueri,  
quæ omnia, quoad hoc, eorum omnium tenores, ac si de verbo ad verbum, nihil  
penitus omisso, infererentur, præsentibus pro expressis habentes, penitus tollimus,  
& omnino revocamus, cæterisque contrariis quibuscunque.

Ut vero præsentis nostri Processus ad publicam omnium notitiam facilius deducan-  
tur, chartas, seu membranas Processus ipsos continentes, valvis Basilicæ S. Joannis  
Lateranensis, & Basilicæ Principis Apostolorum de Urbe appendi faciemus, ut ii,  
quos Processus hujusmodi concernunt, quod ad ipsos non pervenerint, aut quod i-  
psos ignoraverint, nullam possint exculpationem prætere, aut ignorantiam allega-  
re, cum non sit verisimile, id remanere incognitum, quod tam patenter omnibus pu-  
blicatur. Insuper, ut Processus ipsi, & præsentis literæ, ac omnia, & singula in eis  
contenta eo hant notoria, quo in plerisque Civitatibus, universis, & singulis Patriar-  
chis, Primatibus, Archiepiscopis, Episcopis, & locorum Ordinariis, & Pra-  
latis ubilibet constitutis, hæc scripta committimus, & in virtute sanctæ obedientiæ  
directe præcipiendo mandamus, ut per se, vel alium, seu alios, præsentis literas,  
postquam eas receperint, seu earum habuerint notitiam, semel in anno, aut si ex-  
pedire viderint, etiam pluries in Ecclesiis suis, dum in eis major Populi multitudo  
ad divina convenit, solemniter publicent, & ad Christianorum mentes reducant,  
nuncient, & declarent.

Cæterum Patriarchæ, Archiepiscopi, Episcopi, alique locorum Ordinarii, & Ec-  
clesiarum Prælati necnon Rectores, cæterique curam animarum exercentes, ac Præ-  
byteri sæculares, & quorumvis Ordinum Regulares ad audiendas peccatorum confes-  
siones quavis auctoritate deputati, transumptum præsentium literarum penes se ha-  
beant, easque diligenter legere, & percipere studeant. Volentes earundem præsen-  
tium transumptis, etiam impressis, Notarii publici manu subscriptis, & sigillo Judi-  
cis ordinarii Romanæ Curiae, vel alterius personæ in dignitate Ecclesiastica constitu-  
tæ munitis, eandem prorsus fidem in judicio, & extra illud ubique locorum adhi-  
beri, quæ ipsis præsentibus adhiberetur, si essent exhibitæ, vel ostensæ. Nulli ergo  
omnino hominum liceat hanc paginam nostræ excommunicationis, anathematizatio-  
nis, interdictis, innovationis, innodationis, declarationis, protestationis, sublatio-  
nis, revocationis, commissionis, mandati, & voluntatis infringere, vel ei ausu re-  
merario contraire; si quis autem hoc attentare præsumpserit, indignationem Omni-  
potentis Dei, ac BB. Petri, & Pauli Apostolorum eius se noverit incuturum.

Datum Romæ apud Sanctum Petrum, Anno Incarnationis Dominicæ millesimo se-  
ptingentesimo quadragesimo primo, 11. Kalendas Aprilis. Pontificatus Nostri Anno L.

P. Card. Prod. D. Card. Passioneus.

VISA DE CURIA

N. Antonellus.

Loco  $\oplus$  Plumbi.

J. B. Eugenius.

Registrata in Secretaria Brevium.



## CANONICI, ET MONIALES

XV.

Ordinis Hospitalarii S. Spiritus, in Hispaniarum, & Poloniæ Regnis commorantes, a jurisdictione Præceptoris Generalis S. Spiritus in Saxia de Urbe eximuntur, & Locorum Ordinariis subijciuntur.

## BENEDICTUS EPISCOPUS SERVUS-SERVORUM DEI

*Ad perpetuam rei memoriam.*

**S**ÆPE Romanorum Pontificum animos vehementer angit, ac sollicitat ea cura, & cogitatio, ne gratiæ, favores, & privilegia ex prudenti Apostolici regiminis dispensatione in animarum salutem, & spirituales Christianorum profectum, & ædificationem, eorum præsertim, qui sub suavi Religionis jugo Domino famulantur, benigne liberaliterque impertita, in eorum perniciem, ac detrimentum, vel Hominum culpa, vel infernalis Hostis astutia, vel ipsa mutabili, ac fluxa rerum humanarum natura vertantur. Itaque nonnunquam, quæ iustis impellentibus causis concessa sunt, rerum subinde experientia suadente, Romana Sedes solum Deum præ oculis habens, revocat, atque immutat, & providæ sollicitudinis studium prudenter interponit, prout, personarum, & rerum, temporumque qualitatibus mature pensatis, conspicit in Domino salubriter expedire.

§. 1. Alias siquidem Romani Pontifices, & præsertim fel. rec. Innocentius III. in sua, quæ incipit: *Inter opera*; ac Nicolaus IV. in sua, quæ similiter incipit: *Inter opera pietatis*; & Sixtus IV. Prædecessores nostri in una, quæ incipit: *Et si universis*; necnon in altera, quæ incipit: *Religionis zelus*: suis respective Constitutionibus, Regularem, & Hospitalarium Ordinem Sancti Spiritus in Saxia, ob varia, & laudabilia Christianæ charitatis opera, quæ ab Ordine ipso erga debiles, faucios, atque ægrotos exercentur, plurimis gratiis, indultis, & privilegiis diversis eorundem Prædecessorum temporibus cumulaverunt; Inter quæ privilegia illud existit, per quod omnes eundem Ordinem expresse professi, una cum eorum Conventibus, Domibus, & Bonis, sub Sedis Apostolicæ protectione, eique immediate subiecti, ac ab omni moda superioritate, jurisdictione, visitatione, correctione, & potestate Ordinariorum perpetuo exempti declarantur, & jurisdictioni, superioritati, & auctoritati Præceptoris Generalis Ordinis prædicti, in hac nostra Alma Urbe apud Archihospitale Sancti Spiritus residentis, plenarie subijciuntur.

§. 2. Cum autem, sicut accepimus, & diuturna experientia compertum est, non satis per ipsius Generalis Præceptoris curam, operam, & auctoritatem, debitæ integritati disciplinæ eorum, qui prædicto Hospitalario Ordini adscripti reperiuntur, & procul in remotis præsertim Regionibus degunt, consuli valeat; Non igitur, qui ad salubriorem dicti Ordinis, illumque profluentium statum præcipuas Apostolicæ nostræ sollicitudinis, & Paternæ providentiæ dirigimus partes, & ut eorum charitas per debitum cæterarum virtutum cultum uberior efflorescat in dies coram Domino, & bonum exhibeat sanctæ conversationis odorem, de nonnullorum Venerabilium Fratrum nostrorum Sanctæ Romanæ Ecclesiæ Cardinalium consilio, omnes, & singulos Hospitalarios Ordinis Sancti Spiritus prædicti intra Hispaniarum Regna, ac intra Poloniæ Regnum nunc existentes, & pro tempore exituros, etiam si Priores, vel Præpositi, aut Canonici nuncupati dicti Ordinis, & sive in Conventibus, aut Hospitalibus, aut Prioratibus, & Præceptoris, sive extrâ Conventus, Hospitalia, Prioratus, & Præceptorias nunc commorantur, vel pro tempore commoraturi fuerint, ab omnimoda jurisdictione, & obedientia Magistri, seu præceptoris Generalis Archihospitalis Sancti Spiritus in Saxia de Urbe, non tamen quoad solutionem annui Canonis a Conventibus prædicti Ordinis dicto Archihospitali Sancti Spiritus, tanquam Capiti Ordinis Hospitalarii huiusmodi, persolvi consuetam, quam semper firmam & illæsam esse, & peninde ac si præsentis a nobis minime emanassent, persolvi volumus, motu proprio, ex certa scientia, natura deliberatione nostris, deque Apostolicæ nostræ potestatis plenitudine tenore præsentium eximimus, & liberamus, eosque sic exemptos, & liberatos visitationi, correctioni, & omnimodæ jurisdictioni Ordinariorum Locorum, in

Privilegia Apostolica nonnunquam juxta temporum circumstantias moderanda.

Quorum plura Ordini S. Spiritus olim indulta.

Et præcipue exemptio a jurisdictione Ordinariorum cum subiectione Præceptoris Generali S. Spiritus de Urbe. Causa præsentis Constitutionis.

Hospitalarii dicti Ordinis in Regnis Hispaniarum & Poloniæ existentis eximuntur a jurisdictione Præceptoris Generalis.

Salva præstatione annui Canonis Archihospitalis S. Spiritus de Urbe faciendæ.







vel dissimilium gratiarum revocationibus, suspensionibus, limitationibus, modificationibus, derogationibus, & aliis contrariis dispositionibus a Nobis, seu quibuscumque aliis Romanis Pontificibus Successoribus nostris, ac dicta Sede etiam motu, scientia, & potestatis plenitudine similibus, ac Consistorialiter pro tempore emanatis, nullatenus comprehendi, nec comprehensas censeretur, sed semper ab illis exceptas, & contra quascumque alias exceptiones quantumvis graves, omnino, & semper validas, & efficaces fore, & esse, suosque plenarios, & integros effectus sortiri, & perpetuo suffragari in omnibus, & per omnia, ac si vocatis omnibus, & singulis, quorum interest, de illorum consensu emanassent; neque Locorum Ordinarios praedictos, nunc, & pro tempore existentes, vel alios quoscumque, ad praemissa in toto, vel in parte verificanda, seu probanda ullo unquam tempore teneri, nec ad id quavis necessitate cogi, aut compelli posse; sed solam earundem praesentium narrationem absque alia verificatione, vel probatione sufficere, eisque in iudicio, & extra illud stari, nec aliquam probationem, seu exceptionem, cuiuscumque naturae, & speciei illa sit, vel fuerit, in contrarium adduci, vel admitti. Sicque, & non alias, per quoscumque Iudices Ordinarios, & extraordinarios, quacumque facultate fungentes, etiam Causarum Palatii nostri Apostolici Auditores, necnon Sanctae Romanae Ecclesiae Cardinales etiam de Latere Legatos, Vice Legatos, dictaeque Sedis Nuncios, sublata eis, & eorum cuilibet quavis aliter iudicandi, definiendi, & interpretandi auctoritate, in quavis causa, & instantia iudicari, & definiri debere, ac quidquid secus super his a quoquam quavis auctoritate scienter vel ignoranter contigerit attentari, irritum, & inane decernimus. Non obstantibus, Nostra, & Cancellariae Apostolicae regula *de iure quæsito non tollendo*, necnon praedictis Innocentii, Nicolai, & Sixti Praedecessorum nostrorum quoad praemissa dumtaxat aliisque Apostolicis, ac in Universalibus, Provincialibus, & Synodalibus Conciliis editis specialibus, vel generalibus Constitutionibus, & Ordinationibus Apostolicis, necnon Ordinis Hospitalarii Sancti Spiritus in Saxia, illiusque Praeceptoriarum, Prioratum, & Conventuum, ac Monialium Monasteriorum in Hispaniarum, & Poloniae Regnis praedictis existentium, etiam iuramento, confirmatione Apostolica, vel quavis firmitate alia respective roboratis statutis, consuetudinibus, stabilimentis, ulibus, naturis, erectionibus, institutionibus, & exemptionibus, privilegiis quoque, indultis, & literis Apostolicis, illis, eorumque Praeceptoribus, Prioribus, & Fratribus, ac Abbatibus Monasteriorum praedictorum, illorumque Monialibus, & respective personis, sub quibuscumque tenoribus, & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis per praedictos, & quoscumque alios Romanos Pontifices similiter Praedecessores, motu, scientia, & potestatis plenitudine paribus, ac ex certis tunc expressis, etiam Consistorialiter propositis, & diligenter examinatis causis, concessis, approbatis, & innovatis, quibus omnibus, etiam si pro illorum sufficienti derogatione alias de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua exquisita forma ad hoc servanda foret, tenores huiusmodi, ac si de verbo ad verbum, nihil penitus omissis, & forma in illis tradita observata, inserta essent, praesentibus pro sufficienter expressis, & insertis habentes, illis alias in suo robore permanentibus, hac vice dumtaxat specialiter, & expresse, ac latissime derogamus, cæterisque contrariis quibuscumque.

Sublata aliter iudicandi facultate.

Derogationes generales & particulares.

De praesentium exemplis, sive transumptis.  
Sanctis.

Dat. die 5.  
Apr. 1741.

5. 7. Cæterum, quia difficile foret praesentes nostras Literas ad singula loca, ubi opus esset, deferri, volumus, ut earum exemplis, etiam impressis, manu tamen Notarii publici, subscriptis, vel alicujus Personae in dignitate Ecclesiastica constitutae Sigillo munitis, eadem prorsus fides adhibeatur, quae praesentibus adhiberetur si forent exhibitae, vel ostensae. Nulli ergo omnino hominum liceat hanc paginam nostri Decreti, Constitutionis, derogationis, subjectionis, & voluntatis infringere, vel ei ausu temerario contraire; si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum. Datum Romae apud Sanctam Mariam Majorem Anno Incarnationis Dominicae millesimo septingentesimo, quadagesimo primo, Nonis Aprilis, Pontificatus Nostri Anno Primo.

D. Cardinalis Passioneus.

X. Sub-



Vifa de Curia.

N. Antonellus.

X. Sub-Datarius.

A. S. Sisti.

Loco ☩ Plumbi.

Registrata in Secretaria Brevium.

## A D M O N I T I O

Ad Episcopos in Poloniae Regno constitutos, ut cautius procedant in admittendis conjugiorum dissolutionibus.

Venerabilibus Fratribus Archiepiscopis, &amp; Episcopis Regni Poloniae.

XVI.

B E N E D I C T U S P A P A XIV.

Venerabiles Fratres, salutem, &amp; Apostolicam Benedictionem.

Matrimo-  
nium iure  
naturali, Di-  
vino & Ca-  
nonico in-  
dissolubile.Ejusdem di-  
solvendi fa-  
cilitas im-  
probat.Episcopo-  
rum zelus  
adversus  
hoc malum  
Divini judi-  
cii intermi-  
nacione, ex-  
citatur.Præsentium  
transumptis  
fidem haberi  
præcipitur.  
Dat. die 11.  
Apr. 1741.

**M**atrimonii perpetuum indissolubilemque nexum, cujus firmitatem ab Adamo tanto ante pronunciatam Christus Dominus, & his verbis, *quod Deus conjunxit, homo non separet*, confirmare, & Evangelica gratia, unde magnum in Ecclesia Sacramentum est, augere dignatus fuit, tanta facilitate, perinde ac si neque lege naturæ, neque Divino Jure, neque Evangelicis præceptis, & Canonicis Sandtionibus initium esset Connubium, in aliquot Catholici Orbis partibus, atque in isto præsertim florentissimo Poloniae Regno in dies dissolvi audientes; neque lacrymis, neque verbis explicare possumus allatam inde Nobis incredibilem sollicitudinem, conceptamque in Pontificio animo Nostro ingentem molestiam. Etsi autem plurimum dolentes, facile adducimur, ut credamus hujusmodi dissolvendorum Conjugiorum licentiam, propter quam, non sine gravi bonorum offensione, sive vir unus, sive mulier una pluribus vicissim adhuc viventibus sibi antea copulatis Conjugibus, tertium, aut quartum matrimonium contrahere cernitur a nimia Curiarum vestrarum libertate, quemadmodum alibi evenire accepimus, ortum ducere; tamen facere non possumus, quin justissimas ad vos, Venerabiles Fratres, querelas nostras deferamus; atque insimul tantæ licentiæ refrænandæ, & intra præscriptos a Catholica Ecclesia fines coercendæ, salutares Leges modumque meditemur.

§. 1. Ad Sacerdotalem scitur virtutem vestram, vestrumque pro Ecclesiastica disciplina zelum, magna cum Pontificii animi fiducia, pastorales curas conferimus, ut inde opportunum huic malo ab inclyta Polonia Natione avertendo propulsandoque, & abstergendæ nomini vestro inusta notæ, subsidium interea repetamus. Eapropter Fraternitates Vestras in Domino rogamus, & hortamur, ut memores rationum Cœlesti Catholicae Ecclesiæ Sponso Jesu Christo Judici reddendarum, Apostolicis vocibus Nostris obtemperantes, ministerium vestrum ea, qua decet, vigilantia adimplere satagatis. Ac, dum pares muneri, pietati, & religioni vestræ de hisce rebus successus præstolamur, Fraternitatibus Vestris Apostolicam benedictionem peramanter impertimur.

§. 2. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & Sigillo personæ in Ecclesiastica dignitate constitutæ munitis, eadem prorsus fides habeatur, quæ haberetur ipsis præsentibus, si forent exhibitæ, vel offensæ. Datum Romæ apud S. Mariam Majorem sub Annulo Piscatoris die undecima mensis Aprilis millesimo septingentesimo quadragesimo primo, Pontificatus Nostri Anno I.

D. Card. Passioneus.



## B E A T I F I C A T I O

XVII.

Beati Alexandri Saulii, ex Clericis Sæcularibus Sancti Pauli Barnabitis Inuncupatis, primum Alerie, deinde Papiæ Episcopi.

## B E N E D I C T U S P A P A X I V.

*Ad perpetuam rei memoriam.*

**B**Enignitatem Dei nostri & divitias bonitatis ejus in Servi Dei Alexandri Saulii, primum Alerie, deinde Papiæ Antistitis virtutibus, ac meritis, extollere, & prædicare, non religionis modo debitum esse ducimus officium, sed nihil etiam intelligimus in hac temporum conditione esse opportunius, quam, ut universis Christianis libus, & animarum maxime Pastoribus, uberiora suppetant ad imitationem exempla, atque in ejusdem patrocinio, factisque admirandis, præsidia ad pacem, tranquillitatem, & salutem, tuam inter Christianos omnes, quem inter eos potissimum populos procurandam, quos ab illo per viginti, & amplius annos, non tanquam solius Alexie Episcopo, sed totius Corsicæ Apostolo, olim salutaribus monitis, ac legibus instructos, & moribus correctis, extinctis odiis, conciliatis animis, reformatisque Clericis, viam mandatorum Dei currere edoctos, ipsa rerum humanarum divinarumque perturbatio jamdudum inibi exorta, a tradita sanctissima disciplina alienos tenet. Eapropter inter præcipuas partes Apostolici muneris, quod altissimo Divinæ Sapientiæ consilio infirmitati Nostræ impositum est, illam ministerio Nostrò rite sancteque obeundo magis congruentem reputamus, ut, ad ecclesiam Nobis promerendam opem, studeamus, quantum Nobis ex alto conceditur, ad Omnipotentis Dei gloriam, Catholicæ Ecclesiæ decus, bonumque Christiani populi exemplum promovere cultum, & venerationem ejusdem Servi Dei, qui, pueritiæ curriculo summa cum pietatis, & doctrinarum laude confecto, severioris disciplinæ institutum in Congregatione Clericorum Regularium S. Pauli, Barnabitarum nuncupata, amplexus, omnium religiosarum virtutum splendore longe lateque præfulsit, ad Pastorales Ovium sibi commendatarum curas evocatus, ita se gessit, ut optimi Pastoris officio perfunctum, a Pastorum Principe Jesu Christo æterna mercede donatum fuisse non dubitemus.

Glorificatio  
B. Viri ad  
laudem Dei  
& Fidelium  
utilitatem  
cessura dici-  
tur, cum  
mentionem  
perturbatio-  
num Regni  
Corsicæ.

Beati viri  
strictim at-  
tingitur.

Item ordo  
in causa ser-  
vatus.

Et supplica-  
tiones a Pre-  
sulis &  
principibus  
porrectæ.

Beati nomen  
Corporis Ve-  
neratio, ima-  
ginum orna-  
tus, Officii,  
& Missarum  
recitatio  
concedun-  
tur.

§. 1. Cum itaque, mature, diligenterque discussis, atque perpensis per Congregationem Venerabilium Fratrum nostrorum S. R. E. Cardinalium Sacri Ritibus præpositorum processibus de Apostolicæ Sedis licentia confectis super vitæ sanctitate, & virtutibus tam theologicis, quam moralibus in gradu heroico, quibus idem Servus Dei Alexander Saulius multipliciter claruisse, necnon miraculis, quæ ad ejus intercessionem, & ad manifestandam hominibus ipsius Sanctitatem, a Deo parata fuisse asserantur, eadem Congregatio coram Nobis constituta, auditis etiam Consultorum suffragiis, uno spiritu, unaque voce censuerit, posse, quandocumque Nobis videretur, prædictum Servum Dei Beatum declarari, cum consuetis Indultis.

§. 2. Hinc est, quod Nos, piis atque enixis quamplurimum Venerabilium Fratrum Archiepiscoporum, & Episcoporum, necnon dilectorum filiorum Magistratum, Procerum, & Populorum Italiæ præsertim, ac totius insuper antedictæ Congregationis, Clericorum Regularium S. Pauli, supplicationibus (quas olim etiam humiliter datas sel. rec. Prædecessoribus Nostris Innocentio PP. X., cl. mem. Ferdinandus Romanorum Rex in Imperatorem electus Clementi PP. X. bo: me: Emmanuel Sabaudicæ Dux, & Innocentio PP. XI., Cosmus itidem bo: me: Etruriæ sibi subjunctæ Magnus Dux, piarum suarum precum accessione roboraverant, & sel: pariter rec. Clementi PP. XII. itidem Prædecessori Nostrò, Charissima in Christo filia Nostra Maria Amalia utriusque Siciliæ & Hierusalem Regina Illustris, ac Nobis ipsis nuper Dilecti filii Nobiles Viri Dux, & Republica Januensis renovarunt) Nobis super hoc humiliter porrectis benigne inclinati, de supradictæ Congregationis consilio, & assensu, auctoritate Apostolica, tenore præsentium indulgemus, ut idem Dei Servus Alexander, Sanctius in posterum Beati nomine nuncupetur, ejusque Corpus, & Reliquiæ venerationi Fidelium (non tamen in processionibus circumferendæ) exponantur, Imagines quoque Radiis, seu Splendoribus exornentur, ac de eo quotannis die xxiii. mensis Aprilis recite-



citerur Officium, & Missa de communi Confessoris Pontificis, cum Oratione a Nobis approbata, juxta Rubricas Breviarii, & Missalis Romani. Porro recitationem Officii, & Missæ celebrationem hujusmodi fieri concedimus dumtaxat in universa Congregatione eorundem Clericorum Regularium S. Pauli Barnabitarum, in Civitate Mediolanensi, ubi natus, & Regularem emisit professionem, in Diocesis, tam Alerienti, quam Ticinensi, quibus Episcopus præfuit, & in Civitate Januensi, unde originem duxit, & ubi adhuc eius Nobilis Gens, & Familia perstat, ab omnibus utriusque sexus Christianis, tam Secularibus, quam Regularibus, qui ad horas Canonicas tenentur, & quantum ad Missas attinet, etiam ab omnibus Sacerdotibus ad Ecclesias, in quibus festum peragetur, confluentibus.

§. 3. Præterea primo dumtaxat anno, a datis hisce literis, & quoad Indias, a die quo eadem literæ illuc pervenerint, inchoando, in Ecclesiis Congregationi Civitatum, & Diocesium antedictarum solemniter Beatificationis ipsius Servi Dei, cum officio, & Missa sub ritu duplici majori, die ab Ordinariis respective constituta, postquam in Basilica nostra S. P. in Vaticano de Urbe celebrata fuerint eadem solemniter ipsa die xxiii. currentis Mensis Aprilis pariter celebrandi facimus potestatem.

§. 4. Non obstantibus Constitutionibus, & Ordinationibus Apostolicis, ac decretis de non cultu editis, cæterisque contrariis quibuscumque. Volumus autem, ut earundem præsentium literarum transumptis, seu exemplis etiam impressis, manu Secretarii dictæ Congregationis Cardinalium subscriptis, & sigillo Præfecti ejusdem Congregationis munitis, eadem prorsus fides ab omnibus, & ubique tam in iudicio, quam extra illud habeatur, quæ ipsis præsentibus haberetur, si forent exhibitæ, vel offensæ. Datum Romæ apud S. Mariam Maiorem sub Annulo Piscatoris die XXIII. Aprilis MDCCXLI. Pontificatus Nostri Anno I.

D. Cardinalis Passioneus

### APPROBANTUR,

Decreta a Congregatione Cæremoniali particulari edita pro Archiepiscopis, sive Episcopis, & Præsidibus, Gubernatoribus, ac Vice-Legatis per Ditionem Ecclesiasticam constitutis.

### BENEDICTUS PAPA XIV.

*Ad perpetuam rei memoriam.*

**Q**UOD Apostolus universis Christianis consulebat, ut inter cætera Officia sibi pariter exhibenda, honore etiam sese invicem prævenirent, & honorem tamquam debitum, cui deferendus esset honor, redderent; id maxime ab Antistitibus, & Præsulibus vicissim inter sese, in mutua tam civilium, quam sacrorum Officiorum exhibitione, præstandum esse intelligentes Romani Pontifices Prædecessores Nostri, per Cæremoniales Episcoporum, juxta uniuscujusque Ordinis, gradus, & dignitatis conditionem, Leges, & Statuta, quibus integerrime servatis, & unicuique ratio habetur, & nemini inferretur præjudicium, sapientissime præscripserunt.

§. 1. Quoniam autem quosdam abusus in honoribus sibi invicem deferendis inter Venerabiles Fratres Archiepiscopos, & Episcopos ex una, & inter Dilectos Filios Provinciarum Status Nostri Ecclesiastici Præsides Gubernatores, Prælatos, & Apostolicos Vice-Legatos ex altera parte, quocumque pacto, ac tempore etiam immemorabili irrepsisse jamdudum, etiam dum in minoribus essemus, noveramus, ut eisdem penitus adimeremus, ne ullus unquam in posterum querelis, ac dissidiis inter utrosque forsitan oborientibus pateat aditus, nonnullis ex Venerabilibus Fratribus Nostri S. R. E. Cardinalibus, qui Congregationibus Sacrorum Rituum, & Cæremoniarum præpositi sunt, negotium dedimus, ut Leges, & Instituta Cæremonialia pro corrigendis, & auferendis iisdem abusibus opportuna, & salutaria conderent.

§. 2. Hujusmodi vero Leges, & Instituta Cæremonialia ab iisdem Cardinalibus præscripta, & Nobis inspecta cum probassemus, quo firmitus subsistant, & ferventur exactius,

Nec non celebratione solemnium Beatificationis in Urbe, & alibi. Cum derogationibus opportunis. Fides transumptis haberi jubetur.

Decreta a Congregatione particulari super eo edita, approbantur, & confirmantur.



Etius, tenore præsentium, Apostolica auctoritate approbamus, & confirmamus, atque ab omnibus, & singulis, ad quos spectat, & in futurum spectabit, perpetuo observanda esse statuimus, præcipimus, & mandamus.

§. 3. Decernentes easdem præsentem Literas semper firmas, validas, & efficaces extiteret, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit in omnibus, & per omnia plenissime suffragari. Sicque in præmissis per quoscumque Iudices Ordinarios, & delegatos etiam Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari: Non obstantibus quibuscumque in contrarium præmissorum quomodolibet facientibus.

Clausulae salutares.  
Decretum irritans.

Derogatio contrariis.

Exemplorum fides.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in iudicio, quam extra illud adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud S. Mariam Majorem, sub Annulo Piscatoris die XV. Maji MDCCXLI. Pontificatus Nostri Anno I.

Dat. die 15.  
Maji 1741.

D. Card. Passioneus.

*Decreta ipsa dantur infra in Appendice.*

## P R O V I D E T U R.

XIX.

Abusibus adversus Jejunii Quadragesimalis observantiam investis.

*Venerabilibus Fratribus, Patriarchis, Primatibus, Metropolitanis, Archiepiscopis, & Episcopis universis, gratiam, & communionem Sedis Apostolicæ habentibus.*

## B E N E D I C T U S P A P A X I V.

*Venerabiles Fratres salutem, & Apostolicam Benedictionem.*

**N**ON ambigimus, Venerabiles Fratres, quin universis Catholicæ Religionis Cultoribus notum sit, a tota per Christianum Orbem Ecclesia inter præcipua Orthodoxæ disciplinæ capita perpetuo adnumeratum retineri Quadragesimale Jejunium; quod olim in Lege, & Prophetis primitus adumbratum, ipsius Domini Nostri Jesu Christi exemplo veluti consecratum, ab Apostolis traditum, a Sacris Canonibus ubique præscriptum, & ab universali Ecclesia ab ipso sui primordio retentum, & observatum est. Hoc nimirum, ut veteres tradidere Patres, nobis quotidie peccantibus communis poenitentiae constituto remedio, per consortium Crucis Christi, nos etiam aliquid in eo, quod ipse propter nos præstitit, agimus; simulque ad recolenda sacratiora Redemptionis nostræ mysteria, quæ per Dominicæ Passionis, ac Resurrectionis memoriam, quadragesimali potissimum tempore solemnitus celebrantur, purificatis Jejunio corporibus, & animis, dignius paramur. Hoc, veluti nostræ militiæ testera, ab inimicis Crucis Christi fecernimur, flagella Divinæ ultionis avertimus, & cœlesti præsidio in die adversus principes tenebrarum munimur. Hoc despectui habito, non contemnendum divinæ gloriæ detrimentum, non leve Catholicæ Religionis decus, nec dubium animabus Christianissimorum periculum oboritur: nec aliunde populis calamitates, rebusque publicis, & privatis cladem exitumque importatum esse constat.

Jejunii Quadragesimalis origo utilitas, & scopus.

§. 1. Ab hac vero insita inhaerentique in omnium Catholicorum hominum animis de sacratissima Quadragesima, aliisque diebus jejunio consecratis persuasione, & reverentia, quam aliena, quam discors, quam absconsa sit hodierna Jejunantium consuetudo, quantum ab ipsa Jejuniorum institutione, & servata semper, ubique, & ab omnibus disciplina quam longissime distet; Vos, Venerabiles Fratres, qui popularum curæ vestræ commissorum mores, & usus probe nostis, pro singulari sapientia vestra, præ cæteris clarius intelligitis. Nos sane, quibus in hac sublimi Apostolicæ

Præe consuetudines inter Fideles inducæ.

*Bullar. Rom. Bened. XIV. Tom. I.*

F

pro-



procuracionis specula constitutis undique gentium nuntii afferuntur, lacrymis satis deplorare non possumus, augustissimam Quadragesimalis Jejunii observantiam ob nimiam, nullis legitimis urgentibus causis, ubique indiscriminatim dispensandi facilitatem, plane sublatam esse; ita ut Orthodoxæ quidem Religionis Cultores merito querantur; hæresum vero sectatores illudant, & exultent. Perniciosæ huic corruptelæ plurimorum insuper licentiam adjunctum esse graviter dolemus; quæ utque adeo invaluit, ut nulla Apostolici Instituti, sacratissimi præcepti habita ratione, Jejuniorum tempore, palam, & impune ab iisdem agitentur convivia, & epulæ interdictæ promiscue interantur.

Exultantur  
Episcopi ad e-  
as evellendas.

§. 2. Eapropter, quemadmodum quibus curis, sollicitudinibus, & angoribus urgeamur, cum Fraternitatibus Vestris communicamus; ita facere non possumus, quin pro injuncto Nobis supremo sacrosancti Apostolatus officio, & ardentissimum Fraternitatum Vestrarum zelum ad opportunum hisce malis adhibendum remedium exitemus, & ad congruentes hujusmodi abusibus penitus extirpandas leges præscribendas meditemur. Interea, Venerabiles Fratres, gaudium, & bona nostra, nobiscum considerantes, nihil Deo aptius, nihil Pastoralis ministerio nostro dignius, nihil gregibus curæ nostræ commissis utilius, quam ut verbo, & exemplo præcuntes, Charissimæ ad tam salutarem Christianæ pœnitentiæ, & pietatis exercitationem alacrius suscipiendam, constantissime retinendam, & ea, qua instituta sunt, disciplina peragendam vehementius inflammemus; omni opera atque industria studeamus, ut fideles populi in conspectu Dei, per austeriorem Jejuniorum observantiam, tales permaneant, quales in ipso Paschali festo dignum est inveniri.

Dispensatio  
nemini con-  
cedatur sine  
legitima cau-  
sa, nec Uni-  
versitatibus,  
sine urgente  
necessitate.

§. 3. Debitum igitur paternæ uniuscuiusque vestrum sedulitatis, & caritatis officium jure postulat, ut omnibus notum faciatis, & annuntietis, nemini quidem sine legitima causa, & de utriusque Medici consilio: multitudini vero, veluti populo, aut civitati, aut genti indiscriminatim integræ, nonnisi gravissima, & urgente necessitate, & in casibus per sacra Canonum statuta præscriptis, cum debita Apostolicæ hujus Sanctæ Sedis reverentia, a Quadragesimali Jejunio dispensationem, toties, quoties opus fuerit, concedendam, nec audacter fidenterque usurpandam, nec superbe, & arroganter ab Ecclesia, sicut alicubi in more positum esse accepimus, esse postulandam.

Unica come-  
stio semper  
servetur.

§. 4. Gravissimam vero urgentemque necessitatem etsi non est cur Vobis explicemus: Nolumus tamen Vos ignorare, cum hujusmodi necessitate, & servandam esse potissimum Unicam Comestionem, sicut alias hic Romæ, ac Nos ipsi hoc anno urgentibus causis dispensantes, expresse præscripsimus; & licitas atque interdictas Epulæ promiscue minime apponendas esse.

Epulæ vestre  
cum licitis  
non apponan-  
tur.

Pontifex on-  
erat conscien-  
tiam Episco-  
porum.

Dispensator  
nemini jubet,  
ut alla pia  
opera jejunii  
loco substituantur.

§. 5. Porro quemadmodum de ejusmodi indulgentia tam caute impertienda, si secus fieret, Nos persuasum habemus, distictam supremo Divino Judici redditum iri rationem, ita conscientiam uniuscuiusque Vestrum onerandam esse ducimus. Intimul Fraternitates Vestras rogamus, & in Domino exhortantes, obsecramus, ut populos, qui communem omnium Christifidelium pœnitentiam, ac disciplinam servare nequeant, commonere satagatis, ne per alia pietatis opera, ut sua cuique devotio suggeret, peccata sua expiare, & Deo satisfacere negligant; quinimmo sanandis vulneribus, quibus humana infirmitas sauciatur, diligentem adhibere studeant curationem, ut culpa de mundano pulvere contractas, dum casta jejunia decoquere non possunt, pia opera, orationum suffragia, & elemosynæ munera redimat. Interim solatium, & levamen non leve mœrori nostro a Pastoralis vigilantia, & caritate vestra præstolantes, ac certo Nobis pollicentes; Apostolicam benedictionem, cum uberis celestium charismatum copia conjunctam, in eosdem populos vestros redundaturam, Vobis, Venerabiles Fratres, peramanter impertimur.

Præsentium  
transumptis  
fidem tribuit.  
Dat. die 30.  
Maji 1741.

§. 6. Volumus autem, ut præsentium transumptis, sive exemplis etiam impressis, manu alicujus Notarii publici subscriptis, & Sigillo personæ in dignitate Ecclesiastica constitutæ munitis, eadem prorsus ubique fides adhibeatur, quæ præsentibus adhiberetur, & adhiberi possit, si forent exhibitæ, vel offensæ. Datum Romæ apud S. Mariam Majorem sub Annulo Piscatoris die trigesima mensis Maji Anno millesimo septingentesimo quadragesimo, primo, Pontificatus Nostri Anno Primo.

D. Card. Passioneus.



## I N N O V A N T U R

cenæ adversus Confessarios, qui pœnitentes ad turpia sollicitant; cum præcepto hujusmodi denunciandi, & reservationem absolutionis quoad Calumniatores. Adimitur præterea Sacerdotibus facultas Sacramentum Pœnitentiæ administrandi complicibus in peccato contra castitatem, cum pœnis &c.

BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

**S**ACRAMENTUM Pœnitentiæ, quam secundam, post naufragium deperditæ gratiæ, tabulam Sancti Patres apte nuncuparunt, Nos licet immerentes ad universi Dominici Græcis curam superna dispositione vocati, omne studium, & Pastoralem sollicitudinem adhibere tenemur, ne quod post amissam Baptismi innocentiam datum est Divina benignitate perfugium, per Dæmonum fraudem, & hominum Dei beneficiis perverse utentium malitiam, naufragis, ac miseris peccatoribus luctuosum evadat exitium; & quod in salutem, & curationem Animarum, a Deo, qui dives est in misericordia, institutum est, execrabili scelestorum quorundam Sacerdotum improbitate, in earum perniciem, atque interitum vertatur.

§. I. Dudum quidem a fel. recor. Gregorio Papa XV. Prædecessore Nostro per suas literas in forma Brevium sub datum Romæ apud Sanctam Mariam Majorem die xxx. Augusti MDCXXII. Pontificatus sui anno secundo, sapienter provisum fuit contra quoscunque Sacerdotes audiendis Confessionibus deputatos, ad turpia, & inhonesta sollicitantes; Et deinceps successivis temporibus, ad earum literarum interpretationem, ac declarationem, plura subinde a Congregatione Venerabilium Fratrum Nostrorum Sanctæ Romanæ Ecclesiæ Cardinalium adversus hæreticam pravitatem generalium Inquisitorum sub die xi. mensis Februarii Anno Domini MDCLXI. prodierunt decreta, & a rec. mem. Alexandro PP. VII. pariter Prædecessores Nostro in Congregatione Generali Sanctæ Romanæ Universalis Inquisitionis die xxiv. Septembris MDCLXV. coram eo habita, inter alias ab Evangelica veritate, & Sanctorum Patrum doctrina alienas, & dissonas propositiones, sexta videlicet, & septima, huc revocandæ, damnatæ, & prohibitæ fuerunt; Nos itaque mature perpendentes quanti momenti sit ad æternam animarum salutem ea ubique exacte observari, & quanti ad infirmas oves curandas, & decorem Sanctæ Ecclesiæ Dei retinendum, intersit, ne aliqui Sacerdotes Pœnitentiæ Sacramento nefarie abutentes, Pœnitentibus pro curatione vulnus, pro pane lapidem, pro pisce serpentem, pro medicina venenum porrigant, sed animo secum recolentes, se a Christo Domino Præsides, & Judices animarum constitutos, ea sanctitate, quæ sublimitati, ac dignitati muneris convenit, tam venerandum Sacramentum administrent: Motu proprio, & ex certa scientia, ac matura deliberatione Nostra, præfatas literas hujusmodi, ac omnia, & singula decreta prædicta ad illarum interpretationem, & declarationem emanata, Apostolica Auctoritate tenore præsentium approbamus & confirmamus, illisque omnibus, & singulis inviolabilis Apostolicæ firmitatis robur adiciamus; Atque etiam, quatenus opus sit, denuo committimus, & mandamus omnibus hæreticæ pravitatis Inquisitoribus, & Locorum Ordinariis omnium Regnorum, Provinciarum, Civitatum, Dominiorum, & Locorum universi Orbis Christiani, in suis respective Diocesibus, ut diligenter, omnique humano respectu postposito, inquirant, & procedant contra omnes, & singulos Sacerdotes tam Sæculares, quam Regulares quomodolibet exemptos, ac Sedi Apostolicæ immediate subiectos, quorumcumque Ordinum, Institutuum, Societatum, & Congregationum, & cujuscunque Dignitatis, & Præeminentiæ, aut quovis Privilegio, & Indulto munitos, qui aliquem Pœnitentem, quæcumque persona illa sit, vel in actu Sacramentalis Confessionis, vel ante, vel immediate post Confessionem, vel occasione, aut prætextu Confessionis, vel etiam extra occasionem Confessionis in Confessionali, sive in alio loco ad Confessiones audiendas destinato, aut electo, cum simulatione audiendi ibidem Confessionem, ad inhonesta, & turpia sollicitare, vel provocare, sive verbis, sive signis, sive nutibus, sive tactu, sive per scripturam, aut tunc, aut post

Exordium a  
fine Instituti a  
Deo Pœnitentiæ Sacra-  
menti.

Constitutio  
Gregor. XV.  
contra Con-  
fessarios soli-  
citantés ad  
turpia.  
Declarationes  
Congregatio-  
nis Sancti  
Officii.  
Propositiones  
in hac mate-  
ria damnatæ  
ab Alexandro  
VII.  
Prædicta om-  
nia confir-  
mantur.

Cum præcep-  
to Inquisito-  
ribus, & Or-  
dinaris exe-  
quendi omnia,  
& singula in  
eisdem con-  
tenta.



legendam, tentaverint, aut cum eis illicitos, & inhonestos sermones, vel tractatus remunerario ausu habuerint; Et quos in aliquo ex hujusmodi nefariis excessibus culpabiles repperint, in eos pro criminum qualitate, & circumstantiis, severe animadvertant, per condignas penas, juxta memoratam Gregorii Prædecessoris Nostri Constitutionem, quam hic de verbo ad verbum pro inserta haberi volumus. Dantes etiam, si opus sit, & rursus concedentes facultatem, ne delictum tam enorme, & Ecclesiæ Dei injuriosum, remaneat, ob probationum defectum, impunitum, jam alias in præfata Constitutione tributam, procedendi cum Testibus etiam singularibus, dummodo præsumptiones, indicia, & alia adminicula concurrant.

Confessarii  
injuriant  
Pœnitentibus  
ab aliis sollicitatis, ut  
sollicitantes  
denuntiant.

Denegando  
absolutionem, nisi pa-  
uerint, aut  
patere promittant.

Calumniato-  
res extra mor-  
tis articulum  
privantur be-  
neficio abso-  
lutionis, quæ  
Summo Pon-  
tifici reservan-  
tur.

Providentia  
Pontificis ul-  
terius exten-  
ditur.

Admit Sa-  
cerdotibus fa-  
cultatem ex-  
cipiendi Con-  
fessiones com-  
plicitum in pec-  
cato turpi,  
extra casum  
extremæ ne-  
cessitatis.

Sub pena  
nullitatis ab-  
solutionis.

Et excom-  
municationis  
ipso facto in-  
currendæ, &  
Summo Pon-  
tifici reservatæ.

§. 2. Meminerint præterea omnes, & singuli Sacerdotes ad Confessiones audiendas constituti, teneri se, ac obligari, suos Pœnitentes, quos noverint fuisse ab aliis, ut supra, sollicitatos, sedulo monere, juxta occurrentium casuum circumstantias, de obligatione denunciandi Inquisitoribus, sive Locorum Ordinariis prædictis, Personam, quæ sollicitationem commiserit, etiamsi Sacerdos sit, qui jurisdictione ad absolutionem valide impertiendam careat, aut sollicitatio inter Confessarium, & Pœnitentem mutua fuerit, sive sollicitationi Pœnitens consenserit, sive consensum minime præstiterit, vel longum tempus post ipsam sollicitationem jam effluerit, aut sollicitatio a Confessario, non pro se ipso, sed pro alia persona peracta fuerit. Caveant insuper diligenter Confessarii, ne Pœnitentibus, quos noverint jam ab alio sollicitatos, sacramentalem absolutionem impertiant, nisi prius denunciationem prædictam ad effectum perducentes, delinquentem indicaverint competenti Judici, vel saltem se, cum primum poterunt, delaturos spondeant, ac promittant.

§. 3. Et quoniam improbi quidam homines reperiuntur, qui vel odio, vel ira, vel alia indigna causa commoti, vel aliorum impiis suasionibus, aut promissis, aut blanditiis, aut minis, aut alio quovis modo incitati, tremendo Dei judicio posthabito, & Ecclesiæ auctoritate contempta, innoxios Sacerdotes apud Ecclesiasticos Judices falso sollicitationis insimulant: Ut igitur tam nefaria audacia, & tam detestabile facinus metu magnitudinis pœnæ coerceatur, quæcumque persona, quæ execrabili hujusmodi flagitio se inquinaverit, vel per se ipsam innocentes Confessarios impie calumniando, vel scelesse procurando, ut id ab aliis fiat, a quocumque Sacerdote quovis privilegio, auctoritate, & dignitate munito, præterquam a Nobis, Nostrique Successoribus, nisi in fine vitæ, & excepto mortis articulo, spe absolutionis obtinendæ, quam Nobis, & Successoribus prædictis reservamus, perpetuo careat.

§. 4. Demum magnopere cupientes a Sacerdotalis Judicii, & Sacri Tribunalis sanctitate omnem turpitudinis occasionem, & Sacramentorum contemptum, & Ecclesiæ injuriam longe submovere, & tam exitiosa hujusmodi mala prorsus eliminare, & quantum in Domino possumus, animarum periculis occurrere, quas sacrilegi quidam, Dæmonis potius, quam Dei Ministri, loco eas per Sacramentum Creatori suo, ac nostro reconciliandi, majori peccatorum mole onerantes, in profundum iniquitatis balthrum nefarie submergunt, nonnullorum Venerabilium Fratrum Nostrorum Sanctæ Romanæ Ecclesiæ Cardinalium, & aliquorum in Theologia Magistrorum consilio desuper adhibito, accedentibus quoque iteratis plurium Episcoporum supplicationibus, hac Nostra in perpetuum valitura sanctione, quemadmodum a pluribus Episcopis per Synodales suas Constitutiones jam factum esse novimus, omnibus, & singulis Sacerdotibus, tam Sæcularibus, quam Regularibus cujuscunque Ordinis, ac Dignitatis, tametsi alioquin ad Confessiones excipiendas approbatis, & quovis Privilegio, & Indulto, etiam speciali expressione, & specialissima nota, & mentione digno suffultis, Auctoritate Apostolica, & Nostre Potestatis plenitudine interdicens, & prohibemus, ne aliquis eorum, extra casum extremæ necessitatis, nimirum in ipsius mortis articulo, & deficiente tunc quocumque alio Sacerdote, qui Confessarii munus obire possit, Confessionem sacramentalem personæ complicitis in peccato turpi, atque inhonesto, contra sextum Decalogi Præceptum commissio, excipere audeat, sublata propterea illi ipso jure quacumque auctoritate, & jurisdictione ad qualemcumque personam ab hujusmodi culpa absolvendam; adeo quidem, ut absolutio, siquam impertierit, nulla, atque irrita omnino sit, tanquam impertita a Sacerdote, qui jurisdictione, ac facultate ad valide absolvendum necessaria privatus existit, quam ei per præsentem has nostras adimere intendimus; Et nihilominus, si quis Confessarius secus facere ausus



sus fuerit, majoris quoque excommunicationis poenam, a qua absolventi potestatem Nobis solis, Nostrique Successoribus dumtaxat reservamus, ipso facto incurrat.

§. 5. Declarantes etiam, & decernentes, quod nec etiam in vim cujuscumque Jubilæi, aut etiam Bullæ, quæ appellatur Cruciatæ Sanctæ, aut alterius cujuslibet Indulti, Confessionem dicti complicitis hujusmodi quicquam valeat excipere, eique sacramentalem absolutionem elargiri; cum ad hunc effectum, & in hoc casu, nullus Confessarius, utpote qui in hujusmodi peccati, & Poenitentis genere, jurisdictione, ut præfertur, careat, & absolventi facultate a Nobis privatus existat, habendus sit pro Confessario legitimo, & approbato. Non obstantibus Constitutionibus, & Ordinationibus Apostolicis, præsertim, quæ nuncupantur Cruciatæ Sanctæ, vel Jubilæi Universalis, & plenarii, necnon quibusvis Ecclesiarum, & Monasteriorum, & Ordinum quorumlibet, quorum ipsi Sacerdotes fuerint, etiam juramento, confirmatione Apostolica, vel quavis firmitate alia roboratis, Statutis, & Consuetudinibus, Privilegiis, quoque, Indultis, & Literis Apostolicis sub quibuscumque tenoribus, & formis, ac cum quibusvis clausulis, & decretis, etiam motu proprio, aut alias quomodolibet concessis, etiam iteratis vicibus approbatis, & innovatis; Quibus omnibus, eorum tenores præsentibus pro expressis habentes, ac vice dumtaxat specialiter, & expresse derogamus, cæterisque contrariis quibuscumque.

Etiam tempore Jubilæi &c.

Cum derogationibus necessariis, & opportunis.

§. 6. Volumus demum, ac præcipimus, ut omnes Locorum Ordinarii, tam præfentes, quam futuri pro tempore existentes, in approbatione Confessariorum, tam prædictam Constitutionem Gregorii Prædecessoris, quam præsentem hanc Nostram, ab omnibus Sacerdotibus approbandis attente legi, & accurate observari curent, moveantque eos in Domino, atque hortentur, ut Sacrum Ministerium ipsorum fidei commissum summa animi innocentia, morum puritate, judicii integritate peragant, exhibeantque semetipsos, ut Ministros Christi, & Dispensatores Mysteriorum Dei; Memores præterea sint, se locum tenere, ac vices obire Summi, atque æterni Sacerdotis, qui Sanctus, innocens, impollutus, per Spiritum Sanctum semetipsum obtulit immaculatum Deo, ut emundaret conscientiam nostram ab operibus mortuis, ad serviendum Deo viventi: Sedulo igitur studeant, diligenterque caveant, ne quærentibus, & pulsantibus eorum culpa Cælum claudatur; ne deperditæ Oves ad Ovile Dominicum redire properantes, eorum manibus ferarum dentibus dilaniandæ tradantur; ne prodigi Filii egentes, & saucii, ad cœlestem Patrem revertentes, nefaria eorum improbitate, gravioribus peccatorum vulneribus, dum adhuc in via sunt, confodiantur.

Dispositio præsentium Confessariorum inculcanda.

§. 7. Ut autem præsentibus Literæ ad omnium notitiam facilius deveniant, & nemo illarum ignorantiam allegare valeat, volumus illas, seu earum exempla ad varias Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, Curiaque Generalis in Monte Citorio, ac in Acie Campi Flore de Urbe, ut moris est, affigi, & publicari, sicque publicatas, & affixas, omnes, & singulos, quo illæ concernunt, perinde arctare, & afficere, ac si unicuique eorum nominatim, & personaliter intimatæ fuissent: utque ipsarum præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo alicujus Personæ in Ecclesiastica Dignitate constitutæ munitis, eadem prorsus fides, tam in judicio, quam extra illud, ubique adhibeatur, quæ ipsis præsentibus adhiberetur, si forent exhibitæ, vel ostensæ.

Earundem publicationi in Urbe factæ vis personalis intimationis transumptis, vero fides in judicio, & extra, tribuitur.

§. 8. Nulli ergo omnino hominum liceat paginam hanc Nostræ voluntatis sanctionis, præcepti, mandati, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac BB. Petri, & Pauli Apostolorum ejus se noverit incursum. Datum Romæ apud S. Mariam Majorem Anno Incarnationis Dominicæ millesimo septingentesimo quadragesimo primo. Kalendis Junii Pontificatus Nostri Anno I.

Sanctio.

Dat. die x Jun. 1741.

X. Sub-Datarius.

Pro D. Card. Passioneo.

Cajotanus Amatus.

Visa de Curia.

N. Antonellus.

J. B. Eugenius.

Loco & Plumbi.

Registrata in Secretaria Brevium.

Publicata die xvij. ejusdem Mensis, & Anni.

M.O.



In Portugalliae, & Algarbiorum Monasteriis rigorosam Clausuram professis, & extra illi degentibus, iungitur reditus ad Claustra, & egressus in posterum prohibetur.

*Venerabilibus Fratribus, Antistibus Regnorum Portugalliae, & Algarbiorum.*

## B E N E D I C T U S P A P A XIV.

*Venerabiles Fratres, salutem & Apostolicam Benedictionem.*

Exordium  
a cura servan-  
dum Virgi-  
num Deo sa-  
crarum.

**C**UM Sacrarum Virginum, quæ se Christo intra claustra dicaverunt, & tam car-  
destinatum, quo sublimior gloria est, eo major & cura esse debeat; inter præcipuas  
Apostolicæ nostræ sollicitudinis partes, illam non ultimam reputamus, ut, ceteris in-  
ter Apostolicam hanc Sanctam Sedem, & Portugalliae, Algarbiorumque Regna jam-  
diu exortis dissidiis, benedicentes Domino, compositis, salutarem quoque nostram,  
ad maiorem Monialium in iisdem Regnis degentium progressum in via mandatorum  
Dei, & vocationis suæ semita faciendum, operam conferamus.

Abusus inter  
Moniales Re-  
gnorum Por-  
tugalliae, &  
Algarbia in-  
vesti, quoad  
exitum extra  
Claustra.

§. 1. Quoniam autem, sicut accepimus, quamplurimæ Moniales variarum Diœce-  
sum Regnorum huiusmodi, quæ Regularem in Monasteriis quorumcumque Ordinum ri-  
gorosæ, & perfectæ clausuræ emiserunt Professionem, variis, & in speciem quæsitis  
coloribus, & simulationibus, ac præsertim prætensis curandarum infirmitatum cau-  
sis, non solum e Monasteriis exeunt, nec ad breve tempus, nec ad Civitates, &  
Oppida, ubi cujuslibet Monialis Monasterium reperitur, divertunt, verum etiam per  
integrum unius, ac plurium annorum spatium, & in locis a proprio uniuscujusque  
Monasterio longissime distitis, moram ducunt: Eapropter fit, ut quamplurima inde  
scandala, & abusus incredibiles, ac Regularis perfectionis detrimenta, non sine gra-  
vi bonorum hominum offensione, oriantur: Conspectiuntur enim nonnullæ earundem  
Monialium per plateam incedere, ad publica Spectacula, & Theatra, Comædias, Tra-  
gedias, & Dramata, audiendi, spectandique causa, convolare; & ad alia loca nullo  
pacto religiosis Virginibus convenientia pergere; His accedit, quod non religiosæ con-  
suetudinis, sed licentiosæ vitæ exemplo, iis, quibuscum in eorundem Domibus com-  
morantur, sint offensioni, & scandalo.

Præcipitur  
Ordinariis ea-  
rum prompta  
ad Clausuram  
revocatio, sub  
pœnis contra  
violantes  
Clausuram,  
ipso facto in-  
currentibus.

§. 2. Hinc est quod Nos, non quod, humilitatis nostræ admodum consci, aliquid  
ad censuram licentiæ vindicemus, sed quod, ad sollicitudinem magis, cauti, plus de  
Diaboli infestatione timeamus, opportunum hisce malis remedium asserre, & quan-  
tum cum Domino possumus, debitæ earundem Sacrarum Virginum, custodiæ, deco-  
ri, atque honestati providere cupientes, motu proprio, & ex certa scientia, & ma-  
tura deliberatione nostris, deque Apostolicæ potestatis plenitudine vobis omnibus, &  
singulis, Venerabiles Fratres, iungimus, & mandamus, ut statim ac ad Fraterni-  
tates Vestras præsentis nostræ in forma Brevis literæ, aut earundem transumpta,  
sive exempla, etiam typis impressa, & manu alicujus publici Notarii subscripta, &  
sigillo Personæ in Ecclesiastica Dignitate constitutæ munita pervenerit, illico notum  
faciatis, & nuntiatis omnibus, & singulis Monialibus Monasteriorum, sive vestrarum  
respective, sive aliarum Diœcesum in uniuscujusque vestrum Diœcesi, quacumque  
auctoritate, facultate, licentia, Indultis, ac privilegiis, sive per hanc Sanctam Se-  
dem, sive per Congregationem Venerabilium Fratrum Nostrorum Sanctæ Romanæ  
Ecclesiæ Cardinalium negotiis Episcoporum, & Regularium præpositam, sive per Vos  
iplos, aut Prædecessores vestros Antistites, sive per ordinarios Nostros, & eiusdem  
Sanctæ Sedis pro tempore Nuntios quomodolibet concessis, extra claustra suorum  
Monasteriorum quacumque etiam infirmitatis causa commorantibus, in virtute san-  
ctæ obedientiæ præcipiatis, ut intra quindecim, aut viginti dies, & non amplius,  
ab earundem præsentium nostrarum literarum publicatione, & affixione, ad pro-  
prium Monasterium, in quo regularem Professionem emiserunt, redeant, ibique per-  
maneant, aliter ipso facto pœnas a Sacris Canonibus contra violantes clausuram  
Monialium inflatas, præter alias vestro arbitrio inogandas, incurrere, & incurrisse  
sciant,



sciunt, quibus sane poenis, aliisque vestro etiam arbitrio imponendis, obnoxios, & ipso facto subiectos esse decernimus, & declaramus omnes, & singulos consilium, auxilium, commodum, aliaque huiusmodi dantes, aut præstantes, ne eadem præsentium suum sortiantur effectum.

§. 3. Cæterum, Venerabiles Fratres, rogamus Vos, & in Domino hortamur, ut pro eximia pietate vestra, religionis zelo, Ecclesiasticæ disciplinæ amore, & æterna Sacrarum Virginum salute Fraternitatibus Vestris potissimum credita, statim hisce nostris acceptis, omnia & singula in ipsis contenta debitæ executioni mandanda curetis, super quibus vestras conscientias oneramus, ac significamus distictam Supremo Divino Judici Jesu Christo Cœlesti Sacrarum Virginum Sponsæ reddendam esse rationem. Contendite igitur omni ope, consilio, prudentia, & auctoritate vestra, Sacerdotale Ministerium vestrum cumulate explere; Nos enim omnes opportunas, & necessarias ad ejusmodi effectum facultates, etiam auxilium Brachii Sæcularis, quatenus opus fuerit, invocandi, Apostolica auctoritate earum præsentium tenore impertimur.

Adhortatio ad eandem pro præsentium executione.

Cum facultatibus opportunis.

§. 5. Verum, ne imposterum Indulta exequendi e Monasteriis, & extra Clausura permanendi, ob quamcumque causam, tanta facilitate Monialibus in iisdem Portugalliæ, Algarbiorumque Regnis concedantur, tum Fraternitatibus Vestris, vestrisque successoribus, tum ordinariis ejusdem Apostolicæ Sedis pro tempore isthic Nuntiis, tum denique ipsi Congregationi Cardinalium Episcoporum, & Regularium, quamcumque facultatem tribuendi, expediendique Indulta huiusmodi, quacumque auctoritate, potestate, privilegiis, & Indultis, quibus omnibus quoad hanc partem earundem præsentium tenore derogamus, attributam omnino inhibemus, & inhibitam esse volumus, & declaramus. Quibuscumque in contrarium facientibus non obstantibus. Datum Romæ apud S. Mariam Majorem sub Annulo Piscatoris die prima Junii anno millesimo septingentesimo quadragesimo primo, Pontificatus Nostri Anno I.

Sublata eisdem, atque etiam Congregationi Episcoporum & Regularium facultate in posterum indulgendi egressus e Monasteriis.

Dat. die 1. Junii 1741.

D. Cardin. Passioneus.

## M E R C I M O N I A

XXII.

Super eleemosynis Missarum vetantur, sub pœna Censurarum, quarum absolutio Summo Pontifici reservatur.

*Venerabilibus Fratribus, Patriarchis, Primatibus, Metropolitanis, Archiepiscopis, & Episcopis universis, gratiam, & communionem Sedis Apostolicæ habentibus.*

## B E N E D I C T U S P A P A X I V.

*Venerabiles Fratres, salutem, & Apostolicam Benedictionem.*

Q uanta cura adhibenda sit, ut Sacrosanctum Missæ Sacrificium non solum omni Religionis cultu, ac veneratione celebretur; verum etiam ut a tanti Sacrificii dignitate cuiusvis generis mercedum conditiones, pacta, & importunæ atque illiberales eleemosynarum exactiones potius, quam postulationes, aliaque huiusmodi, quæ a simoniaca labe, vel certe a turpi quæstione non longe absint, e medio tollantur, nemo est ex Catholicæ Fidei cultoribus, qui ignoret.

A Missarum celebratione qualibet avaritatis species arcenda.

§. 1. Verum eoulque tandem progressa est, sicut non sine ingenti cordis nostri dolore undique accepimus, nonnullorum, sive Ecclesiasticorum, sive Laicorum Viro- rum avaritia, quæ est idolorum servitus, ut eleemosynas quidem seu stipendia propter Missarum celebrationem, juxta locorum consuetudines, vel Diocæsanarum Synodorum Sanctiones, in subsidium alimentorum uniuscujusque Sacerdotis duntaxat, pro regionum opportunitatibus præscripta, colligant; Missas vero celebrari curent alibi, ubi eleemosynæ, seu stipendia, vel consuetudine, vel Synodali lege, pro singulis Missis attributa sunt minoris pretii, quam illic, ubi accipiuntur, darentur.

Abusus in hac materia introducti.

§. 2. Id quam absorum sit, atque alienum ab ipsa, sive expressa, sive tacita pie offerentium voluntate, omnes plane intelligunt. Nec aliter existimandum est; in illa

Quibus illustratur offerentium voluntas.



illa enim potius Missas esse celebrandas quisque vult, ad quam, religionis, & pietatis stimulis ductus, eleemosynas confert, aut in qua quispiam fortasse tumultatus est, quam in alia Ecclesia sibi prorsus ignota. Quod sane, veluti mercaturis faciendis a turpis lucri cupiditate inductum, non solum ab avaritiæ suspicione, & vitio, verum etiam a furti crimine, unde restitutioni subjacet, haud immune, in causa est, ut bonorum quamplurimi, ad quorum notitiam mercatura hujusmodi venit, graviter offensi, ab eleemosynis ad celebrandas Missas amplius offerendis sese abstineant.

Idem alias a  
Summis Pon-  
tificibus dam-  
nati.

§. 3. Execrabilem hujusmodi abusum alicubi sensim irrepentem detestantes Romani Pontifices Prædecessores Nostri, de consilio tum Congregationis S. R. E. Cardinalium Universalis Inquisitionis contra hæreticam pravitatem, tum Congregationis Cardinalium Concilii Tridentini Interpretum, decretum voluerunt, nimirum a quolibet Sacerdote, stipendio, seu eleemosyna minoris pretii pro celebratione Missæ a quocumque accepta, non posse alteri Sacerdoti Missam hujusmodi celebraturo stipendium, seu eleemosynam minoris pretii erogari, etsi eidem Sacerdoti Missam celebranti, & consentienti, se maioris pretii stipendium, seu eleemosynam accepisse indicasset.

Adiunctio ad  
Episcopos pro  
extirpanda  
avaritiæ labe.

§. 4. Eapropter Vos, Venerabiles Fratres, in Apostolici Ministerii, & sollicitudinis Nostre partem adictos, rogamus, & maximopere in Domino hortamur, ut custodientes vigilias super gregibus vestris, enitamini, ne ea pestis amplius pervagetur, sed ut penitus extinguatur. Ab avaritia enim, tamquam a radice, mala omnia germinant; quam quidam appetentes, erraverunt a Fide, & inferuerunt se doloribus multis. Avaritia quidem nulla potior contagio, quæ conceptam apud omnes Sacerdotalis dignitatis perfectionisque opinionem magis inficiat evellatque. Avaritia opibus Deum posthac, ac servire Mammonæ docens, efficit, ut avari hæreditatem non habeant in Regno Christi, & Dei. Quod si hæc in Laicis hominibus minime toleranda, atque adeo legibus coercenda, quid in Ecclesiasticis viris, qui terrenis rebus nuntium milerunt, qui in sortem Domini vocati, qui Deo mancipati sunt? Quid, quod non per mundana lucra, sed per Altaris ministerium, tam sordide, & cum sanctissimarum legum contemptu, & cum Sacerdotalis characteris dedecore, in avaritiam præcipiti animo rapiuntur? Contendite igitur, Venerabiles Fratres, quibus Christi ovium cura demandata est, non solum ut verbo, & exemplo præeuntes, Christi sitis bonus odor in omni loco, unde populi vestra sequantur; verum etiam ut Ecclesiasticos primum, deinde Laicos viros ab infestis vitiorum pascuis avertentes, per viam mandatorum Dei ad Cœleste Ovile currere doceatis.

Injunctur  
publicatio E-  
dictorum con-  
tra illicitos  
quæstus.

§. 5. Quoniam autem ita comparatum est, ut præsentis pœnæ metu salutaribus monitis facilius obtemperetur; per Edictum in vestris Diœcesibus proponendum assignandumque, universis notum facite, quemcumque, qui eleemosynas, seu stipendia majoris pretii pro Missis celebrandis, quemadmodum locorum consuetudines, vel Synodalia Statuta exigunt, colligens, Missas, retenta sibi parte earundem eleemosynarum, seu stipendiorum acceptorum, sive ibidem, sibi alibi, ubi pro Missis celebrandis minora stipendia, seu eleemosynæ tribuuntur, celebrari fecerit, Laicum quidem, seu Sæcularem, præter alias arbitrio vestro pœnas, Excommunicationis pœnam, Clericum vero, sive quemcumque Sacerdotem, pœnam Suspensionis ipso facto incurrere; a quibus nullus per alium, quam per Nos ipsos, seu Romanum Pontificem pro tempore existentem, nisi in mortis articulo constitutus, absolvi possit. Fore autem in Domino confidimus, ut unusquisque memor conditionis suæ, posthac bene consultum velit animæ suæ, nec tam salutare leges censurasque Ecclesiasticas parvipendat. Interea Fraternalitibus Vestris Apostolicam Benedictionem, in populos etiam curæ vestræ commissos redundaturam, peramanter impertimur.

Cum pœna  
Excommuni-  
cationis a  
Laicis, & sus-  
pensionis a  
Sacerdotibus  
ipso facto in-  
currens, &  
Summo Pon-  
tifici refer-  
vate.

Præsentium  
transumptis  
idem præstari  
sancitur.

Dat. die 30.  
Juni 1741.

§. 6. Volumus autem, ut præsentium literarum transumptis, sive exemplis, etiam impressis, manu alicujus Notarii publici subscriptis, & Sigillo personæ in Ecclesiastica dignitate constitutæ munitis, eadem prorsus fides in judicio, & extra adhibeatur, quæ adhiberetur ipsis præsentibus, si forent exhibitæ, vel offensæ. Datum Romæ apud S. Mariam Majorem sub Annulo Piscatoris die xxx. mensis Junii, anno millesimo quadragesimo primo, Pontificatus Nostri Anno I.

D. Card. Passioneus.



## D E E O D E M A R G U M E N T O

XXIII.

Breve encyclicum ad Episcopos Provinciæ Pedemontanæ.

*Venerabili Fratri, Archiepiscopo Taurinensi*

B E N E D I C T U S P A P A X I V.

*Venerabiles Fratres, salutem, & Apostolicam Benedictionem.*

**P**RO eximia tua pietate observantiaque, quam canonicæ disciplinæ præstare debes, Venerabilis Frater, quem pastoralis creditarum Tibi ovium cura jamdiu laudabiliter impensa commendat, plane non dubitamus, quin permolestum quoque Fratemitati tuæ accidat, quod Nos per alias nostras in simili forma Brevis literas ad universos Catholici Orbis Antistites, hac ipsa die datas, ac typis impressas Tibique cum hisce insimul reddendas, non sine effusis lacrymis communicamus. Et si autem detestabilem in Missarum celebratione mercaturam, de qua tantopere querimur, alibi etiam fieri acceperimus, non ea tamen, nec tanta cum turpis lucri aviditate exerceri noveramus, quam a nonnullis Pedemontii Ecclesiasticis, & Laicis viris frequentari recentibus nuntiis certiores facti fuimus, ut salutare, ad tam fordidae negotiationis, & criminis notam a Diocesis Pedemontii penitus delendam, remedium adhibere satageremus. Verum Nos, ne opinionem, quam omnes de Ecclesiasticæ disciplinæ decore, & observantia in Pedemontii Diocesis vigente habent, minuere videremur, & ut debitis Apostolicæ sollicitudinis officiis faceremus satis, id scribendi inivimus consilium.

Abusus super  
Missarum e-  
leemosynas in  
Diocesis  
Pedemontii  
tunc tempo-  
ris vigentes.

§. 1. Itaque quemadmodum facile hinc perspicis, Venerabilis Frater, non obscurum hac in re peculiaris nostræ erga unumquemque Pedemontii Antistitem caritatis testimonium, ita vehementer enitaris oportet, ut omnem tam pro negotii gravitate, quam pro nostræ providentiæ ratione operam colloques, ut de contagione mercaturæ hujusmodi penitus extincta Tecum gratulemur.

Episcoporum  
zelus excita-  
tur ad eos co-  
vellendos.

§. 2. Verum si malorum hominum pervicacia tanta fuerit, ut pœnis per easdem literas nostras irrogandis arroganter despectis, ad eam confringendam Brachii sæcularis auxilio Tibi opus sit, illud invocare ne omittas, minime dubitans, quin libentius quam optas, Tibi præsto sit.

Implorato et-  
iam auxilio  
brachii sæcu-  
laris.

§. 3. Tanta namque est Carissimi in Christo Filii Nostri Caroli Emanuelis Sardinæ Regis illustris in Nos, & Apostolicam hanc Sanctam Sedem observantia sæpissime rebus ipsis probata, ut majora in dies Regiæ, non solum erga Nos ipsos, sed etiam erga Fraternalitatem Tuam pietatis, & pro Ecclesiastica disciplina zeli, ac patrocinii argumenta Nobis certo polliceamus. Interea Fraternalitati Tuæ Apostolicam Benedictionem peramanter impertimur. Datum Romæ apud S. Mariam Majorem sub Annulo Piscatoris die xxx. Junii MDCCXLI. Pontificatus Nostri Anno I.

Commenda-  
tur Religio  
Seren. Sardi-  
niæ Regis.

Dat. die 30.  
Junii 1741.

*D. Cardinalis Passioneus.*

## C O N F I R M A T U R

XXIV.

Militia S. Januarii Episcopi, & Martyris a Carolo Rege utriusque Siciliæ erecta: ejusque Officialibus, & Militibus plura Indulta, & Privilegia conceduntur.

B E N E D I C T U S E P I S C O P U S S E R V U S S E R V O R U M D E I

*Ad perpetuam rei memoriam.*

**R**OMANÆ Ecclesiæ benignitas spirituales gratias, & favores liberaliter impertire solet Catholicis Principibus quorum eximia devotio, fideique sinceritas, & præclara Majorum virtutum merita in ejus conspectu clarere noscuntur, & piis eorum Bullar. Rom. Bened. XIV. Tom. I.

Proemium.

G

Vo-



Votis annuens, quæ ad augendum Divinum Cultum, fovendamque Christianorum pietatem laudabiliter ab eis instituta sunt, Apostolicæ confirmationis præsidio munire non recusat, prout in Domino conspicit salubriter expedire.

Militia S. Januarii a Rege utriusque Sicilia electa.

§. 1. Nuper quidem exposuit Nobis Dilectus Filius noster Trojanus Tit. S. Cæciliæ S. R. E. Cardinalis de Aquaviva nuncupatus, nomine Charissimi in Christo Filii Nostri Caroli Siciliæ, & Hierusalem, & Terræ citra Pharum Regis Illustris, & Infantis Hispaniarum, quod ipse Carolus postquam de præfato Regno ex gratia, & liberalitate Sedis Apostolicæ a Sede prædicta meruit investiri, atque ea, quæ ad ejusdem Regni felix regimen, ac firmum præsidium conducere, provide disposuit, volens religionem suam, ac pietatem erga Deum, per quem Reges regnant, & legum Conditores iusta decernunt, & piam animi devotionem erga gloriosum Martyrem, & Episcopum Januarium Neapolitanæ Civitatis, & totius Regni Patronum, illustri actu omnibus testatam facere, necnon aliquod præceptum habere, unde gratis, acceptisque personis, optime de se, ac Regiæ voluntatis testimonium posset provenire, ad laudem, & gloriam Omnipotentis Dei, ad Catholicæ Religionis propagationem, & defensionem, ac Christianæ pietatis augmentum unam laudabilem Confraternitatem, seu Societatem Nobilium Militum, ad instar alterius celebris Societatis, seu Militiæ Velleris aurei nuncupatæ, pro sexaginta Fratribus, seu Militibus, vel etiam pro quocumque majori, vel minori eorundem numero, prout ut Primati ejusdem Societatis magis placuerit, una cum Cancellario, Thesaurario, Secretario, & Cæremoniario Magistro, quorum Caput, & Primas ipse, & qui in dicto Regno Siciliæ ei legitime succederet, esse deberet, sub titulo, seu invocatione, & patrocinio ejusdem S. Januarii Episcopi, & Martyris, quibusdam præscriptis Regulis, ac Capitulis, instituit; Ut vero præfata Societati ab eo, ut præfetur, institutæ spiritualium gratiarum dona, honor, firmitas, & decus valeant accedere, Nobis pro parte dicti Regis Caroli humiliter supplicavit, ut Apostolicis gratiis, & favoribus eam prosequi, & de Nostri benignitate pro prædictæ Societatis, seu Militiæ majori stabilitate, ac spirituali directione, conservatione, decore, & ornamento opportune providere dignaremur.

Militum numerus, & officialium numerus.

Confirmatio summi Pontificis.

§. 2. Nos igitur, qui eundem Carolum Regem speciali dilectionis affectu ex visceribus charitatis prosequimur, & ejus commendabile institutum promovere in Domino desideramus, hujusmodi supplicationibus inclinati prænominatam Societatem, seu Militiam sub invocatione, & protectione S. Januarii Episcopi, & Martiris, cum quibusdam laudabilibus Regulis, Ordinationibus, & Statutis erectam, de nonnullorum Venerabilium Fratrum Nostrorum S. R. E. Cardinalium consilio, auctoritate Apostolica tenore presentium approbamus, & confirmamus, & perpetuæ, ac inviolabilis firmitatis robur adjicimus.

Conceditur Cancellario facultas absolverendi vel Confraternitatem deputandi.

§. 3. Præterea eundem Carolum Regem, & dictam Societatem, seu Militiam specialibus gratiis, & favoribus prosequi volentes, Primati, Cancellario, Thesaurario, Secretario, & Cæremoniario Magistro Societatis, seu Militiæ hujusmodi nunc, & pro tempore existentibus, & præterea sexaginta Confratribus, vel etiam majori eorum numero, dummodo tamen numerum centum Fratrum, seu Militum, comprehensis etiam dictis Officialibus non excedant, auctoritate prædicta concedimus, & impartimur, ut Cancel. ipsius pro societatis tempore existens in Episcopali, seu Archiepiscopali dignitate, prout in Statutis ejusdem Societatis continetur, constitutus, seu Presbyter ad audiendas confessiones idoneus, per ipsum tamen Cancellarium ad hoc deputandus, vel per ipsos Confratres, eisdemque Officiales extra lines dicti Regni utriusque Siciliæ commorantes, ex approbatis tamen a Locorum Ordinariis eligendus, ipsos, & eorum singulos ab omnibus, & singulis excommunicationis, suspensionis, & interdicti, aliisque Ecclesiasticis sententiis, censuris & poenis a jure quavis occasione, vel causa latis, seu inflatis, necnon ab omnibus eorum peccatis, criminibus, excessibus, & delictis, quantumcumque gravibus, & enormibus, etiam Apostolicæ Sedi qualitercumque reservatis, (non tamen de reservatis Locorum Ordinariis, de quibus ore confessi, & corde contriti fuerint: de reservatis autem qualitercumque Sedi Apostolicæ semel in vita, & in mortis articulo; etiamsi mors secuta non fuerit; de aliis eidem Sedi non reservatis, quoties opus fuerit,) in Foro conscientie duntaxat absolvere, ac eis, & eorum cuilibet pro commissis debitam absolutionem impendere; & poenitentiam salutarem injungere; necnon vota per eos pro-

Eligendis vero Militibus extra Regnum existentibus.

Pro absolutione a censuris, & poenis S. Sedi reservatis semel in vita, & in morte.



tempore emissa ( ultramarino, Visitationis Liminum BB. Apostolorum Petri, & Pauli, ac S. Jacobi in Compostella, nec non castitatis, & Religionis Votis dumtaxat exceptis ) in alia pietatis opera commutare; nec non in mortis articulo, etiam si mors non subsequatur, plenariam omnium peccatorum suorum remissionem, & indulgentiam, & Apostolicam Nostram benedictionem, per se ipsum, vel per alium quemcumque idoneum Sacerdotem per singulos Fratres eligendum, impendere possit, ac valeat.

Et pro commutatione Votorum.  
Et concessione Indulgentie plenarie in articulo mortis.

S. 4. Insuper ut liceat eisdem Primati, Officialibus, Confratribus Societatis, seu Militiæ prædictæ in privatis domorum suæ habitationis in quacunque Civitate, ejusque Diocesi existentibus Oratoriis ad hoc decenter muro extructis, & ornatis, seu extruendis, & ornandis, ab omnibus domesticis usibus liberis, per Ordinarium Lociprius visitandis, & approbandis, ac de ipsius Ordinarii licentia, unam Missam pro unoquoque die, dummodo in eisdem domibus celebrandi licentia, quæ adhuc daret, alteri concessa non fuerit, per quemcumque Sacerdotem ab eodem Ordinario approbatum, sæcularem, seu de Superiorum suorum licentia Regularem, sine tamen quorumcumque jurium Parochialium præjudicio, ac Paschatis, Resurrectionis, Pentecostes, & Nativitatis Domini Nostri Jesu Christi, aliisque solemnioribus anni Festis diebus exceptis, in sua, ac familiæ, & in hospitum Nobilium suorum præsentia, etiam per unam horam ante auroram, & itidem per horam post meridiem, si aliqua urgente necessitate detenti fuerint, celebrari facere; necnon, si forsan ad Loca, & Terras Ecclesiastico interdicto, tam Ordinaria, quam Apostolica auctoritate suppositas, eos declinare contigerit, dummodo causam non dederint hujusmodi interdicto, nec eis specialiter interdictum sit, & fecerint quantum in eis fuerit, ut in iis, propter quæ interdictum ipsum dicta auctoritate Apostolica pro tempore appositum fuerit, partitio fiat, & ea executionis debitæ demandentur, ac per eos non steterit, quo minus pareatur, per quemcumque Sacerdotem ab Ordinario approbatum, in sua, & cujuslibet ipsorum Familiarium, Domesticorum, Parentum, Consanguineorum pro tempore existentium præsentia, Missas, & alia Divina Officia in dictorum Locorum, & Terrarum Ecclesiis, submissa voce, clausis januis, & non pulsatis Campanis, ac excommunicatis, & interdictis exclusis, celebrari facere, illaque audire, & eis interesse, necnon tempore Interdicti hujusmodi Sacram Eucharistiam, & cætera Sacramenta recipere, ipsisque dicto tempore decedentibus, eorum corpora Ecclesiasticæ Sepulturæ, sine tamen funerali pompa, tradi possint, salvis juribus Parochialium Ecclesiarum.

Eisdem concessitur Oratorium domesticum.

Gum facultas celebrari facienda una hora ante auroram, & post meridiem. Et tempore interdicti, clausis januis &c.

Et recipiendi sacramenta durante interdicto.

S. 5. Singulis autem anni diebus, & per eorum octavas, quibus ejusdem Beati Martyris Januarii memoria recolitur, & festum celebrari solet, nempe primo Sabbato mensis Maji, die decimafexta Decembris, omnibus, & singulis Confratribus, seu Militibus, & Officialibus Societatis, seu Militiæ prædictæ ubicunque existentibus, vel re poenitentibus, & confessis, ac Sacra Communione refectis, qui aliquam Ecclesiam devoto visitaverint, & pro Christianorum Principum concordia, hæresum extirpatione, ac Sanctæ Matris Ecclesiæ Exaltatione pias ad Deum preces effuderint, plenariam omnium peccatorum suorum Indulgentiam, & remissionem, de Omnipotentis Dei misericordia, & Beatorum Apostolorum ejus Petri, & Pauli auctoritate confisi, misericorditer in Domino concedimus: Quodque unam, vel duas Ecclesias, seu duo vel tria Altaria unius, vel diversarum, in partibus, ubi singulos eorum pro tempore residere contigerit, per eos, & eorum quemlibet eligendas, seu eligenda, quadragesimalibus, & aliis diebus Stationum Ecclesiarum Urbis, & extra muros ejus, devote visitando, omnes & singulas Indulgentias, & peccatorum remissiones etiam plenarias consequantur, quas consequerentur, si eisdem temporibus, & diebus Stationum, Basilicas, & alias Ecclesias Urbis, & extra ejus muros ad id deputatas personaliter visitarent.

Indulgentia Plenaria in diebus Festis in honorem S. Januarii.

Indulgentiæ stationales.

S. 6. Et demum tam quadragesimalibus, quam aliis anni temporibus, & diebus, quibus eius carni, ovorum, casei, butyri, & aliorum lacticiniorum est prohibitum, eisdem ovis, caseo, butyro, & aliis lacticiniis, ac etiam, si necessitas, vel infirmitas corporis valeretur, ac alia quæcumque indigentia exegerit, carnibus, de utriusque Medici consilio, exceptis tamen diebus Majoris hebdomadæ, die Cinerum, seu feria quarta in capite jejunii, Vigiliis Natalis Christi Domini, Pentecostes, BB. Apostolorum Petri, & Pauli, Assumptionis B. Mariæ Virginis, & quatuor temporum, uti, & vesci, servata tamen lege jejunii per unicam comestionem, aliisque

Indultum recedendi lacticiis in Quadragesima, ac etiam carnibus, cum opus fuerit.



contentis in nostris Literis novissime emanatis, sub Datum Romæ die 30. Maij 1747. quibus nullatenus per has præsentis intendimus derogare, libere, & licite valeant, Apostolica Auctoritate prædicta eorundem tenore præsentium de speciali gratia concedimus, & indulgemus.

Derogatur  
contrariis.

§. 7. Non obstantibus quibuscumque Apostolicis, necnon in Provincialibus, & Synodalibus Conciliis editis, generalibus, vel specialibus Constitutionibus, & ordinationibus, statutis, & consuetudinibus, confirmatione Apostolica, vel quavis alia firmitate roboratis, ac quibuscumque suspensionibus, seu limitationibus similium remissionum, & facultatum per nos, & Sedem prædictam quomodolibet factis, & faciendis, quibus quoad præmissa, illis alias in suo robore permanentibus, hac vice dumtaxat specialiter, & expresse derogamus, cæterisque contrariis quibuscumque.

Reliques, Fi-  
dei, & S. Sedis,  
Privilegiis  
privantur.

§. 8. Volumus autem, ne, quod absit, propter huiusmodi concessionem, & remissionem, Confratres, ac alii prædicti reddantur procliviores ad illicita in posterum committenda, quod si a sinceritate fidei, unitate Romanæ Ecclesiæ, ac obedientia, & devotione nostra, vel Successorum nostrorum canonice intrantium huiusmodi destiterint, aut ex confidentia ejusdem concessionis, vel remissionis aliqua commiserint, concessio, & remissio prædicta, ac quoad illos præsentis nostras Literas ad singula loca, ubi opus erit, deferri, volumus, ut earum exemplis, etiam impressis, manu tamen Notarii publici subscriptis, & Cancellarii ejus Societatis, seu Militiæ Sigillo munitis, eadem prorsus fides adhibeatur, quæ præsentibus adhiberetur si forent exhibitæ, vel ostensæ. Nulli ergo omnino hominum liceat hoc paginam nostri Decreti, confirmationis, concessionis, indulti, constitutionis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum. Datum Romæ apud Sanctam Mariam Majorem Anno Incarnationis Dominicæ millesimo septingentesimo, quadragesimo primo, pridie Kal. Julii, Pontificatus Nostri Anno I.

Exemplum  
Fides.

Sanctio.

Dar. die 30  
Julij 1747.

D. Cardinalis Passionis.

X. Sub-Datarius.

Visa de Curia.

N. Antonellus.

A. S. Sisti.

Loco & Plumbi.

Registrata in Secretaria Brevium.

## JURISDICTIO.

In Ægyptios aliosque Ritus Coptici ad Ecclesiam Catholicam conversos, cujuscunque sint Diocesis, tribuitur Episcopo Hierosolymitano ejusdem Ritus.

Venerabili Fratri, Athanasio Episcopo Hierosolymitano Ritus Coptorum,

## BENEDICTUS PAPA XIV.

Venerabiles Fratres, salutem & Apostolicam Benedictionem.

Pontificis  
gaudium in  
conversione  
hæreticorum,  
& schismaticorum.  
Et cura de ip-  
sorum regimi-  
ne, & guber-  
natione.

Quemadmodum ingenti lætitia exultat cor nostrum, cum ad veram Catholicæ Fidei, & Sanctæ Romanæ Ecclesiæ, cujus universalis procuratori per immensam Divinæ Bonitatis abundantiam plane immerentes præfati fuimus, cognitionem, finem, & obedientiam, eiuratis hæresum, ac schismaticum erroribus, Animas pretioso Jesu Christi Domini nostri sanguine redemptas convolare accipimus ita non minori sollicitudine, ac dolore afficimur, cum intelligimus tot Christianifideles ab ejusdem Romanæ Ecclesiæ amplexibus longe distractos, & in sinceritate Fidei Orthodoxæ Deo famulari cupientes, veluti Oves sine Pastore errare, & veluti parvulos cœlestem panem petere, nec esse, qui ipsis frangat. Benedictus Deus, & Pater Domini nostri Jesu Christi Pater



Pater misericordiarum, & Deus totius consolationis, qui consolatur nos in omni tribulatione nostra, ut possimus & ipsi consolari eos, qui in omni pressura sunt.

§. 1. Cum itaque quamplurimi Ritus Cophtici Fideles, tam seculares, quam Ecclesiastici, paucis ab hinc annis, veritatis lumine illustrati, qui sub Antistitibus sive hæresis labe infectis, sive in schismatis pertinacia obstinatis, per vastissimas interioris superiorisque Ægypti regiones reperiuntur, non habeant Catholicum Antistitem, a quo in iis, quæ ad Deum sunt, & ad æternam suarum Animarum salutem in Orthodoxæ Fidei unione procurandam conducunt, saluberime instituantur, opportune confirmantur, & sapienter regantur.

Cophti ad Catholicam Fidem conversi Pastores designantur.

§. 2. Eapropter de Venerabilium Fratrum Nostrorum S. R. E. Cardinalium negotiis Propagandæ Fidei præpositorum consilio, Te, Venerabilis Frater, quem, sicut iustus Noë ab aquarum inundatione, & Lot a Sodomis erepti fuerunt, ita ab aliorum Nationis tuæ Antistitem erroribus immunem, ac liberum esse in Domino gratulamur, super omnibus, & singulis Christifidelibus Ritus Cophtici, tam in superiori inferiorique Ægypto, quam alibi commorantibus Præsulem, ad nostrum, & Sedis Apostolicæ beneplacitum, & quousque Pastorum Princeps Jesus Christus alios animarum Pastores tui similes ad ovile suum ibidem regendum dare dignetur, Apostolica auctoritate Nostra, quibuscumque in contrarium facientibus non obstantibus, constituimus.

Pontifex de Consilio &c. eorum curam interim de- mandat Episcopo Hierosolymitano ejusdem Ritum, quem laudibus prosequitur.

§. 3. Jurisdictionem vero super iisdem Christifidelibus a Te exerceri volumus, & mandamus cum iis omnibus facultatibus, quas tam ab ipsis Cardinalibus Congregationis Propagandæ Fidei, quam a Cardinalibus in tota Republica Christiana adversus hæreticam pravitatem Generalibus Inquisitoribus præscriptas accipies.

Cum facultatibus specialiter ipsi significandis.

§. 4. Enitere igitur, Venerabilis Frater Sacerdotale ministerium tuum, ea qua decet, sollicitudine, pietate, fortitudine, caritate, & orthodoxæ Fidei zelo adimplere, certa bonum certamen, ut coronam legitime certantibus in Cælo propositam consequi mereatis; ad cujus auspiciam, & pignus, Fraternalitati tuæ Apostolicam Benedictionem peramanter impertimur. Datum Romæ apud S. Mariam Majorem sub Anulo Piscatoris die 14. Augusti MDCCXXI. Pontificatus Nostri Anno Primo.

Adhortatio ad eundem Episcopum.

Data die 4. Aug. 1741.

## R E S I D E N T I A

In propriis Diocesis Episcopis Hiberniæ inculcatur.

*Venerabilibus Fratribus Archiepiscopis, & Episcopis Hiberniæ*

**B E N E D I C T U S P A P A X I V.**

*Venerabiles Fratres, salutem & Apostolicam Benedictionem.*

**G**Rave, & permolestum Nobis accidit compertum habere, nonnullos Hiberniæ Episcopos adeo muneris tui, & animarum curæ sibi commissarum esse oblitos, ut alter, ex quo jampridem Episcopale regimen suscepit, nunquam hætenus in Diocesi resederit, alter, transacto vix cum ovibus suis mense, Angliam, deinde Galliam, Belgium, Germaniamque peragraverit, nonnulli vero semel in anno æstivo tempore, paucis quidem diebus, quasi relaxandi animi causa, ad Ecclesiam sibi traditam accedere consueverint. Hoc autem quanto Nos dolore confecerit, verbis explicare satis non possumus. Quid enim aliud ex tam absurda Episcoporum absentia cogitare possumus, nisi certam Populorum calamitatem, æternamque animarum perniciem? Experientia quippe didicimus, & oculis prope Nostis vidimus in ipsa Italia Ecclesiasticam disciplinam, pietatem, & mores in deterius ire, si quando Episcopum a Sede sua diutius abesse contigerit; quamquam in Italia non desint & Parochi vigilantes, & Ecclesiastici plurimi docti, ac probi tam Seculares, quam Regulares, imo & Vicarius probitate vitæ, scientia, usuque Ecclesiasticarum rerum valde peritus, qui absentis Episcopi partes pro viribus expleat. Quid vero sperandum, aut quid mali non metuedum, ubi summa Ecclesiasticorum paucitas, ubi Catholici inter Heterodoxos versari debent, & ab ipsis Magistratibus sæpe Religionis causa vexari solent?

Pontifex refert, & im- probat negligentiam Episcoporum non residentium.



*Ecclesiasticas  
eges super  
residentia in  
nisi.*

§. 1. Non est autem, cur Nos in præsens novas leges, aut poenas, ad exercendam eiusmodi licentiam, statuamus, cum dubitare minime possumus, Vos non ignorare, quam graviter, stricteque per Sacros Canones, Apostolicasque Constitutiones, tum maxime per Concilium Tridentinum Episcopis injungantur in Ecclesiis suis residere, & Oves sibi creditas nullo unquam tempore extra summam necessitatem deserere, Quæ de re etiam nomine Venerabilium Erarum Nostorum Sanctæ Romanæ Ecclesiæ Cardinalium negotiis Propagandæ Fidei præpositorum nonnullos ex Vobis admonitos fuisse certo scimus. Cui sane residendi debito satis nequaquam faciunt, qui per & gravi de causa id fieret.

*Quæ ut res-  
cripta mate-  
rialia, & for-  
malia.*

§. 2. Neque vero opus esse censemus, Viros doctos, & sacrarum literarum apprime callentes, quales Vos estis, docere de differentia residendi, quam materialem, & formalem vocant. Quis enim Vestrum, Venerabiles Fratres, ignorat, tunc Episcopum materiali modo in Ecclesia sua residere, cum neque Verbum Dei voce, & opem, & auxilium desert, neque a semita justitiæ desistentes revocat, neque pereclitantibus viis sæpe intrant ovile, ut rapiant, & mactent, sedulo invigilat, fortiterque se opiformalis residendi ratio. Alloquimur profecto Viros Theologos, humanarum, Divinarumque rerum scientissimos, qui probe intelligitis, curam, & salutem animarum opus esse Divinus, & onus Angelicis, ut ajunt, humeris formidandum, Oves Domini- cas pascere: quarum de manibus vestris sanguinem Summus Pastor aliquando requireret, si quæ forte vitio, aut negligentia vestra perierit. Neque enim se quisquam excusa- tione tuebitur, quod illæ se inscio, aut absente, substituti alicuius, aut Vicarii osei- tantia aberraverint. Unicuique enim vestrum singulatim ab Oraculo Divino directe denunciatur: Attendite Vobis, & universo gregi, in quo Vos Spiritus Sanctus posuit regere Ecclesiam Dei, quam acquisivit sanguine suo. Vobis igitur, non alteri, pas- cendi oves præceptum datum est: Vobismetipsis spiritualis animarum salus innititur, & Vos illam suscepistis, de ipsis rationem reddituri. Proinde Vobis non immerito tri- buetur inopia Verbi Dei Sacramentorum neglectus, corruptela morum, & omnis eo- rum, qui ignorant, & errant, miseranda perniciēs.

*Adhortatio  
ad Episcopos  
ab exemplis  
Prædecesso-  
rum.*

§. 3. Nos itaque hæc omnia non sine lacrymis considerantes, hortamur Vos, & per- amantissima Jesu Christi Viscera, cuius Vices in terris, licet immerenter, gerimus ob- secramus, ut animarum vestrarum non minus, quam earum, quæ Fidei vestræ tra- ditæ sunt, miseratione moti, malis hisce tempestive occurratis, habentes præ oculis judicium illud durissimum, quod Princeps Pastorum faciet iis, qui Ecclesiæ præsumunt, & Populum suum saluum non faciunt. Ponite Vobis ante oculos clarissima, & qui- dem domestica tot Sanctorum Episcoporum exempla, qui charitate pleni, & de ani- marum salute, ultra quam dici possit, solliciti, Hiberniam Catholicæ fidei zelo illu- strarunt, eamque pietate, religione florentissimam effecerant.

*De S. Pa-  
tricio.*

§. 4. Memoria recolite Sanctum Patritium, Hiberniæ Apostolum nuncupatum, quem Sanctus Cælestinus Prædecessor Noster ad Vos misit: cuius Apostolicæ Lega- tionis, & prædicationis uberrimus fructus extitit, ut Hibernia antea Idolorum cul- trix, mox Sanctorum Insula diceretur, & esset.

*De S. Mala-  
chia Archie-  
piscopo Ar-  
machano.*

§. 5. Recolite Sanctum Malachiam Archiepiscopum Armachanum, & Legatum A- postolicum per universam Hiberniam ab Innocentio II. Prædecessore Nostro constitu- tum, cuius ingens animarum studium a S. Bernardo quasi coloribus expressum legi- mus: Stetit Pastor intrepidus; omnimodis argumentosus, quomodo faceret oves de lupis, monere communiter, secreto arguere, flere per singulos, nunc asperere, nunc leniter convenire, prout cuique expedire videbat. . . . Circumiens Civitatem, perquirebat an- helus, quem Christo acquireret. Sed & foris vura, & oppida nihilominus sæpius per- currebat; ibat & exegabat, vel ingratis cælestis tritici mensuram, nec vehebatur e- quo, sed pedes ibat, & in hoc se Virum Apostolicum probavit: hæc S. Bernardus.

*De S. Lauren-  
tio Archiepif-  
copo Dublinen.*

§. 6. Sed & sinceriora percurrите S. Laurentii Archiepiscopi Dublinensis acta, quem Regio sanguine ortum, Legatum Apostolicum in Hiberniam Alexander III. Prædeces- sor Noster Concilio Lateranensi III. selegit, eique postea Honorius III. pariter Præ- decessor Noster solemnī ritu Sanctorum honores decrevit; atque inde facile intellige- tis, quæ quantaque pro grege suo Vir Apostolicus fecerit, atque pertulerit.



De aliis San-  
ctis Hiberniæ.

§. 7. Quod si recensere voluerimus Sanctissimos Viros, Columbanum, Kilianum, Virgilium, Ramoldum, Gallum, aliosque plures, qui ex Hibernia in alias Provincias Catholicam fidem invexerunt, aut illam per martyrium effuso sanguine collustrarunt, plus nimio epistolæ modum excederemus. Satis sit eos breviter indicasse, quo facilius in memoriam revocetis, quæ fuerit majorum vestrorum religio, ac pietas, quæ, quantaque dignitatis Episcopalis sollicitudo, quæ quidem illos gloriosos, ac beatos effecit. Horum sane vestigiis ut Vos, quantum fieri potest, insilatis, iterum in Domino rogamus, & obtestamur.

§. 8. Confidimus autem plurimum, ut Vos, non tam paternæ huius admonitionis officio, quam conscientia vestra stimulis excitati, in Diocesis vestris in posterum resideatis, & gravissimum pascendi oves debitum serio, accurateque persolvatis. Quod si vestrum quispiam, vel ratione provectioris ætatis, aut ægræ valetudinis impedimento, se Pastoralis muneri revera imparem sentiat, is Coadjutorem sibi dari a Nobis petat, Nobisque simul indicet, quem ipse idoneum ad illud munus fore judicaverit: Nam statim ac erimus de ejus probitate, doctrina, aliisque ad Episcopatum necessariis satis instructi, Coadjutorem haberi indulgebimus. Apostolicam interim Benedictionem Nostram paterno affectu Vobis impertimur. Datum Romæ apud Sanctam Mariam Majorem die 15. Augusti 1741. Pontificatus Nostri Anno Primo.

Invalidis  
suzdet, ut  
Coadjutors  
petant.Dat. die 15.  
Aug. 1741.

## D E C L A R A T U R,

XXVII.

Unicam comestionem diebus Jejunii ab omnibus servandam esse, etiam ab iis, quibus ob peculiare causas permittitur usus carniū, ovorum &c.

*Venerabilibus Fratribus, Patriarchis, Primatibus, Metropolitanis, Archiepiscopis, & Episcopis universis, gratiam, & communionem Sedis Apostolicæ habentibus.*

## B E N E D I C T U S P A P A XIV.

*Venerabiles. Fratres, salutem, & Apostolicam Benedictionem.*

IN suprema Universalis Ecclesiæ procuracione, meritis licet imparibus, per ineffabilem Divinæ bonitatis abundantiam, ut Orthodoxæ Fidei assertores, sic etiam Ecclesiasticæ disciplinæ custodes, ac vindices constituti, Quadragesimale præsertim Jejunium, quod inter præcipua orthodoxæ disciplinæ capita semper, & ubique ab ipso Ecclesiæ exordio numeratum esse nemo ex Catholicis inficiatur, ab hodierna Jejunantium corruptela vindicare, & in pristinam, quantum, benedicente Domino, fieri posset, observantiam revocare cupientes, per alias nostras in simili forma Brevis literas ad Fraternitates Vestras die xxx. proxime elapsi mensis Maji currentis anni datas, eximium Fraternitatum vestrarum zelum excitandum curavimus, ut ad laborare studeatis, ne hac in parte, & optatum Apostolicæ nostræ sollicitudinis angoribus levamen, & salutare abolendæ sacratissimi Jejunii corruptelæ remedium deesset. Quoniam autem paternæ Pontificæ caritatis, quæ novit imbecillitates infirmorum sustinere, atque etiam cum infirmantibus infirmari, non immemores, quemadmodum a Jejunio aliquando, legitima causa, aut gravissima urgentique necessitate exigente, dispensandum esse ex Apostolica benignitate censuimus, ita inter cetera præscripsimus Unicam Comestionem servandam, & licitas, atque interdictas Epulas minime esse apponendas.

Literæ Apo-  
stolicæ pro  
observantia  
Jejuni jam  
emanant.

§. 1. Hinc factum esse accepimus, quod defuerunt, qui per humanas, & hominibus a Christiana poenitentia abhorrentibus duntaxat dignas illationes, sibi aliisque persuadent, unicam potissimum Comestionem servari, atque Epulas licitas, & interdictas minime apponi debere, cum multitudini quidem indiscriminatim ob urgentem gravissimamque necessitatem, non vero singulis ob legitimam causam, & de utriusque medici consilio dispensatur.

Questio ex  
Orta super  
eius sensu.

§. 2. Quam sane persuasionem a sententia nostra alienam ut ex omnium animis penitus evellamus, Nos quibuscumque, quacumque occasione, sive multitudini indiffer-

Declaratur.

mi-



minationem ob urgentem gravissimamque necessitatem, five singulis ob legitimam causam, & de utriusque Medici consilio, dummodo nulla certa, & periculosa affectus valetudinis ratio intercedat, & aliter fieri necessario exigat, in Quadragesimæ, aliisque anni Temporibus, & diebus, quibus carniū ovorum, & lacticiniorum esus est prohibitus, dispensari contigerit, ab omnibus omnino, nemine excepto, Unicam Comestitionem servandam, & licitas, atque interdictas minime esse apponendas, tenore præsentium declaramus, & edicimus; quemadmodum per singulas nostras in pari forma Brevis literas singulis utriusque sexus Christifidelibus, ob corporis infirmitates, quibus obnoxii reperiuntur, in sacratissima Quadragesima, aliisque Jeiunio consecratis diebus, vescendi prohibitis licentiam dantes, unicuique expresse præscribimus, atque præcipimus.

Adhortatio  
ad Episcopos.

§. 3. Eapropter Fraternitates Vestras rogamus, atque in Domino obsecramus, ut populos vestræ curæ commissos ad tam opportunum sanandis vulneribus, quibus per humanam infirmitatem quisque sauciatur, sanctissimi Jeiunii remedium alacriter adhibendum cohortantes, sedulo, ac paterne moneatis, rem agi non quidem exiguum, sed longe gravissimam, de observando, sustinendoque Jeiunio purificandis animis corporibusque salutari. In spem igitur illos erigite celestium præmiorum, quibus assequendis non sunt condignæ passionēs hujus temporis; imo leve, ac momentaneum non tribulationis, sed modicæ abstinentiæ nostræ incommodum, magnum gloriæ pondus operatur in Cœlis. Ab omnibus se abstinēt, qui in agone contendunt, ut corruptibilem coronam accipiant, pudeat tam imbelles, ac delicatos Christianæ militiæ milites, refugientes a consortio Crucis Christi, qui coronam legitime certantibus propositam sperare præcipit incorruptam; ad cujus auspiciū, & pignus, fraternitatibus Vestris Apostolicam Benedictionem, iisdem etiam Populis vestris Nostro nomine impertiendam, peramanter elargimur.

Præsentium  
transumptis,  
fides, habenda.

Dat. die 22.  
Aug. 1741.

§. 4. Volumus autem, ut præsentium transumptis, five exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus ubique fides adhibeatur, quæ præsentibus adhibetur, & adhiberi posset, si forent exhibitæ, vel ostensæ.

§. 5. Datum Romæ apud S. Mariam Majorem sub Annulo Piscatoris, die vigesima secunda mensis Augusti anno Aprilis millesimo septingentesimo quadragesimo primo, Pontificatus Nostri Anno II.

D. Card. Passioneus.

XXVIII.

## C O M M I S S I O N E S

Causarum ad partes non aliis dirigendas esse statuitur, quam Judicibus Synodalibus, quorum electio Ordinariis Locorum commendatur, & permittitur fieri extra Synodum, cum consilio Capitoli.

*Venerabilibus Fratribus, Patriarchis, Primatibus, Archiepiscopis, & Episcopis*

## B E N E D I C T U S P A P A XIV.

*Venerabiles Fratres, salutem, & Apostolicam Benedictionem.*

Abusus committendi causas Judicibus imperitis, aut minus integris.

Trinitas nullo Protonotariariorum non participantium numero.

Q Uamvis Paternæ vigilantix, qua de justitia unicuique integre, sapienterque administranda solliciti esse debemus, jamdiu innotuerit, quod Causæ extra nostram Romanam Curiam, pro Litigantium commodo, ad partes (ut ajunt) committi solitæ, iis quandoque decidendæ, ac sine terminandæ delegentur, qui tum congrua Juris peritia, tum quoque probitatis, spectatæque Fidei præsidio destituuntur: Acerbiori nihilominus doloris sensu percussi sumus, postquam huiusmodi abusum, rumore publico vulgatum, multorum querelis ad Apostolicam Sedem delatis, eorumque literis ad Nos crebro datis apertius sensimus confirmari. Rationes præterea, & peculiare Causæ dicti abusus cum Nobis plures in eisdem literis obtenderentur, eas potissimum referri perspeximus eximio Protonotariariorum non Participantium numero, quibus, utpote in Dignitate Ecclesiastica constitutis, in more positum est dictas Causas delegari, licet tempore



pore quo ad hujusmodi Dignitatis, & Officii gradum provehuntur, nulla meritorum, & qualitarum fiat diligens inquisitio, nec sedulo examinetur, an polleant requisitis ad Jus dicendum, & Justitiæ habenas moderandas necessariis.

§. 1. Quam graves curas id animo nostro ingesserit, quamve intimo mœrore affecti simus, ubi aliorum res, & negotia, ob Judicium ignorantiam, & malitiam, periclitari, & in discrimen adduci recevimus; intelliget plane cui perspectus erit ille, quo semper incensi sumus, Justitiæ administrandæ zelus. Sed cum silere diutius, pro commissa Nobis Populorum salute, Paterna Charitas non pateretur, & ad propulsandam hanc corruptelam, restituendamque judiciorum integritatem, congruis remediis manus admoveremus; novimus non recentes, sed obsoletas esse hujusmodis querelas, atque rem esse non de morbo nunc ingruente, sed jamdudum infecto: Remedia ad illum avertendum non esse modo excogitanda, sed antiquitus præstituta: Originem vero non Curiae nostræ Romanæ, sed iis adscribi oportere, qui de praxi ejusdem Curiae injuste nimis conqueruntur.

Pontificis  
casus.

§. 2. Si enim longe præteriti temporis ratio habeatur, facile quisque conjiciet fel. recor. Bonifacio Papæ VIII. has querimonias fuisse suggestas, eundemque Pontificem ad implendas Apostolici regiminis partes, sua Decretali *Statutum de Rescriptis* in 6. consulto præscripsisse, ne a Sede Apostolica, ejusque Legatis Causæ imposterum aliis delegarentur, quam Personis in Ecclesiastica Dignitate constitutis, & quibus sive Personatus, sive Canonicatus in aliqua Cathedrali Ecclesia obtigisset: Judicia præterea non in obscuro, sed in insigni, & populo Oppido, ac in Urbibus instrui oportere, in quibus Peritorum Judicium copia commode haberi posset. Sacro etiam Concilio Tridentino hanc ipsam Imperitorum Judicium querelam propositam fuisse, fas est credere: Postquam etenim *sess. 25. de Reform. c. 10.* præmissum fuit a Sede Apostolica Judicibus non undequaque idoneis Causas in partibus delegari, & id fieri tum ob malitiosam perentium suggestionem, tum quoque ob locorum longinquitatem, a quibus noticia Personarum, quibus Causæ mandentur, haberi non potest: *Statuit eadem Sancta Synodus, in singulis Conciliis Provincialibus, aut Diocesanis, aliquot personas, quæ qualitates habeant juxta Constitutionem Bonifacii VIII. & alioquin ad id aptas designari, quibus imposterum Causæ committerentur; Et si aliquem interim ex designatis mori contingeret, substitueret Ordinarius Locum cum consilio Capituli alium in ejus locum, usque ad futuram Provinciale, aut Diocesanam Synodum: Itant haberet quævis Dioecesis quatuor saltem, aut etiam plures probatas, & qualificatas Personas, quibus hujusmodi Causæ committerentur; Alioquin post designationem factam, quam statim Episcopi ad Summum Romanum Pontificem transmitterent, delegationes quæcumque aliorum Judicum, aliis, quam his factæ, subreptitiæ conferrentur.*

Sancta Sedes  
alias super  
hoc providit,  
ut in Cap.  
Statutum de  
Rescript. in 6.

Item Conci-  
lium Triden-  
tinum, de-  
mandata Judi-  
cium Synoda-  
lium designa-  
tione.

§. 3. Cum vero Concilia Provincialia quolibet Triennio, Diocesana anno quolibet ex præscripto Tridentini cogenda, ob varia, quæ observantur impedimenta, longius protrahantur, nec Episcopis sublit quandoque certa spes, quod iis propere sublatis, dicta Concilia haberi possint, atque illis designari novi Judices Synodales, in locum illorum, qui defecerunt: Sæpe idcirco Congregatio Concilii Tridentini Interpres a Locorum Ordinariis requisita, consultissime respondit, subrogandorum Judicum electionem ab Episcopis esse faciendam cum Consilio Capituli.

Horum ele-  
ctio permissa  
fuit etiam  
extra Syno-  
dum.

§. 4. Providæ igitur, & vetustæ hujusmodi leges palam evincunt, antiqua esse vulnera in hac parte disciplinæ illata, illaque modo recrudescere, non quia congrua desit medela, sed quia negligitur ad præscriptum Canoniarum Sanctionum Judicum Synodaliū designatio, quorum noticia si Romano pro tempore Pontifici exhibita fuisset, eisdem tantummodo Judicibus facta fuisset Causarum delegatio, semota quavis querelarum occasione.

Vera abusus  
inducti causa.

§. 5. Dum minoribus in hac Curia muneribus, atque illo præsertim Secretarii Congregationis Concilii fungeremur, nihil Nobis fuit antiquius, quam Episcopis, aliisque Ecclesiarum Prelatis hosce sensus ingerere, eosque pro viribus ad has Ecclesiasticas leges custodiendas sedulo commovere: Nunc vero impericriptibilis Consilii altitudine ad Supremum Apostolatus fastigium licet immerentes evocati, Pastoralis officii exigit ratio, ut nostris hisce literis certa vobis imposterum methodus præscribatur, ad quamcunque dubiorum, & querelarum occasionem avertendam. Volumus itaque, & mandamus, quod in iis Dioecesibus, in quibus vigiles Ecclesiarum Antistites ad tramites Tridentinæ Synodi Judices elegerunt in Conciliis sive Provincialibus, sive Diocesanis, electorum

Cui Pontifex  
occurrere in-  
tendit.

Jubet sibi re-  
nunciari no-  
mina Judi-  
cium Synoda-  
lium.



Esque eli-  
gi, coactis  
Conciliis, &  
Synodis.

Vel interim  
extra Syno-  
dum, cum  
consilio Capi-  
tuli.

In numero  
sufficiens pro  
Dioecesium

amplitudine.  
Qualitates  
Judicium, eli-  
gendorum.

Eorum no-  
mina Secreta-  
rio Supplicum  
Libellorum  
denuncianda.  
Nec aliis de-  
inceps Causa-  
rum commis-  
siones dili-  
gende.

Dat. die 26.  
Aug. 1741.  
XXIX.

Nomina quamprimum Nobis renuncient; & si forte unum, vel plures illorum morē contingat, antequam denuo eadem Concilia cogantur, decessentibus subrogentur novī Judices, eligendi ab Episcopo cum Consilio Capituli qui Nomina subrogatorum in dicto munere, usque ad diem Synodi duraturo, Nobis itidem significant. Ubi vero Concilia Provincialia, & Synodalia jamdiu coacta non sunt, nec ulla idcirco facta dignoscitur Judicium electio; proinjuncta humilitati nostrae omnium Ecclesiarum sollicitudine, Archiepiscopos, & Episcopos in Domino jugiter hortamur, & obsecramur, ut sublati quibuscumque impedimentis, eadem Concilia, sicubi commissa sunt, quamprimum haberent carent; interim vero cum consensu suorum Capitulum Judices eligant, & Nomina Electorum in Albo redacta Nobis remittant; & si mori aliquem contingat, alios cum Consilio Capituli sufficiant, susceptosque Nobis indilate denuncient. Quo autem ad Numerum eligendorum, etsi Tridentini Decreto cautum sit quatuor saltem in unaquaque Dioecesi eligi debere, plures nihilominus eligi volumus, si Dioecesis amplitudo, aliaque peculiare circumstantiae id probe exposcere videantur.

§. 6. Monitos tamen esse volumus Locorum Ordinarios, quod licet ad tramites praemissae Decretalis Bonifacii VIII. cui etiam consona sunt disposita a Tridentino, facultas judicandi tribuenda sit Personis, Dignitate aliqua Ecclesiastica. Personatu, vel Canonicatu Cathedralis Ecclesiae insignitis; hujusmodi qualitates ita esse accipiendas, ut non desit in persona ad hoc munus assumenda, altera potissimum requisita qualitas Doctrinae, & idoneitatis, in qua summa Negotii est constituta. Hoc pacto designati, & electi Judices Nostro Supplicum Libellorum Secretario denunciarentur ab Ordinariis, vel immediate per se ipsos, vel mediate per suos in Urbe Negotiorum Gestores: Nostraeque erit vigilantiae solerter cavere, ne in posterum ab Officialibus nostrae Curiae ad id Deputatis, Causae aliis, quam dictis Judicibus; delegentur. Quae quidem dum Vobis, Venerabiles Fratres, per haec Apostolica scripta nota esse volumus, in felicitatis auspiciis, & paternae dilectionis pignus, Apostolicam Benedictionem vobis impertimur. Datum Romae apud Sanctam Mariam Majorem die 26. Augusti 1741. Pontificatus Nostri Anno II.

## C E S S I O N E S

Commodi exigendi fructus Beneficiorum prohibentur, sub poena excommunicationis, & nullitatis contractus.

## BENEDICTUS EPICOPUS SERVUS SERVORUM DEI.

Ad perpetuam rei memoriam.

Ordinum a  
praevidenda  
Clericorum  
criminoſa de-  
pauperatione.

UNIVERSALIS Ecclesiae cura, quam inscrutabilis Divinae Sapientiae, atque Bonitatis altitudo humilitati nostrae committere dignata est, inter caetera sollicitudines exigit etiam, ac postulat, ut diligenter invigilemus, ne Clerici Ecclesiasticis Beneficiis, quae liberali Ecclesiae manu acceperunt, abutentes, eorum redditus, non sine aliorum fidelium scandalo, consueta prodigalitate disperdant, sed tanquam boni dispensatores ita administrent, ut & vitae suae necessaria provideant, & pauperum inopiae, & Ecclesiarum necessitatibus succurrant.

Alienatio  
reddituum Be-  
neficiorum,  
obtentu ce-  
dendi commo-  
dum exactio-  
nis, improba-  
tor.

§. 1. Relatum est ad aures nostras, quosdam Clericos Ecclesiasticis Beneficiis cum onere, vel sine onere residentiae provisos, turpibus ut plurimum ex causis impulsos, annuos eorundem Beneficiorum redditus, quos, donec viverent, percipere possent, unico actu alienare sub nomine cedendi commodum, seu utilitatem percipiendi fructus eorundem Beneficiorum, quos alteri, quoad vixerint, vendunt, recepta pecunia ad eam summam, & quantitatem, quam ipsi, habita ratione eorum aetatis, & corporis valetudinis, durante vita, versimiliter consequi potuissent. Cum autem isti improvidi Clerici instar illius prodigi filii familias, de quo in Evangelio scriptum est: cum substantiam suam a Patre recepisset, totam statim consumpsisse luxuriose vivendo, & deinde, facta fame valida, coactum esse vivere de siliquis immundarum animalium; pia Ecclesiae subsidia, & Ecclesiasticos proventus in suas expiendas cupiditates improbo hujusmodi contractu pro-



fundant; multa hinc, & gravia mala, ut experientia ipsa compertum est, evenire solent. Nam primum non leve dedecus Ecclesiastico Ordini inuritur, & grave reliquis fidelibus scandalum generatur, dum vident, Ecclesiasticas pecunias, quæ sunt vota fidelium, bona pauperum, patrimonium Christi, in pravos usus infusi, vel improvisa profusione dissipari, quæ ab Ecclesiasticis, tamquam probis dispensatoribus, in solamen pauperum, & Ecclesiarum restorationem impendi deberent. Præterea sæpe huiusmodi Clerici ad summam rediguntur egestatem, & ut se sustentare possint, vel indecore, non sine infamia Clericalis gradus, mendicant, vel indignis quæstibus, & negotiis operam præbet; Ecclesiam autem, & Ecclesiasticas res quodammodo averfantur, quasi fraudati mercede, vel stipendiis suis, quæ nullius culpa, sed solum vitio, & flagitiis suis amiserunt: Ideo Ecclesiastica munera, vel nunquam, vel negligenter obeunt, Divinam Psalmodiam, si ad eam in publicis Ecclesiis ratione suorum Beneficiorum teneantur, frequenter omittunt, oscitanter persolvunt, Ecclesiasticos cœtus non frequentant, animarum salutem non curant, Divina fastidiunt, mundana festantur.

Quæ mala inde proveniant.

§. 2. Volentes igitur hanc improbam consuetudinem, & non ferendam pravitatem, qua non mediocriter Clericalis ordinis fama minuitur, & honor conculcatur, Ecclesiæ autem debito servitio, pauperes opportunis subsidiis, & sacræ ædes necessariis reparationibus, & ornamentis fraudantur, penitus abolere, Motu proprio, ac certa scientia, & matura deliberatione nostris, deque Apostolicæ potestatis plenitudine, omnibus Clericis quacumque dignitate, præeminentia, honore, & privilegio insignitis interdici-mus, & prohibemus, ne in posterum audeant sub nomine abalienandi utilitatem, & commodum percipiendi fructus, vel alio quovis titulo, pretexto, & colore vendere, ac distrahere suorum respective Beneficiorum redditus, & proventus, vel ad vitam, vel in longum tempus, recepta ab Emptore, per unam, vel plures solutiones, pecuniarum quantitate, quam ipsi Beneficiarii per eundem temporis, vel vitæ spatium probabiliter consequi potuissent; sub poena excommunicationis, & nullitatis actus, seu contractus, & omnium inde consecutorum, aliisque poenis inflitis, præscriptis, & statutis contra alienantes bona Ecclesiæ, quas rursus hic contra eosdem Clericos sic contrahentes renovare, decernere, ac statuere intendimus, & volumus. Et insuper ad uberiorem cautelam, & quatenus, opus sit, omnes huiusmodi contractus, quos in futurum fieri contigerit, motu, scientia, deliberatione, & potestate simili damnamus, reprobamus, cassamus, irritamus, & annullamus, eosque nullos, cassos, ac irritos decernimus, & declaramus, illosque suis auctoribus tanquam invalidos, cassos, irritos, atque inanes, viribulque, & affectu ab initio vacuos, neque in iudicio, neque extra, ad ullum effectum suffragari debere, neminemque ad eorum observantiam obligari, etiamsi pluries iuramento firmati, & vallati sint, sed nullum inde juri quicquam, aut actionem, vel titulum etiam coloratum possidendi, aut præscribendi per quodvis longissimum temporis spatium acquiri unquam posse pariter præcipimus, & jubemus.

Dictus abus prohibetur sub poenis contra alienantes bona Ecclesiæ.

Contractus, & actus ejusmodi, annullantur ad quoscumque effectus.

§. 3. Decernentes easdem præsentis literas, & in eis contenta quæcumque nullo unquam tempore impugnari, aut retractari posse, sed semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & pro tempore quandocumque spectabit, inviolabiliter observari: Sicque, & non aliter in præmissis omnibus, & singulis per quoscumque Judices Ordinarios, & Delegatos, etiam Causarum Palatii Apostolici Auditores, ac prædictæ Sanctæ Romanæ Ecclesiæ Cardinales, etiam de Latere Legatos, & Sedis Apostolicæ præfatæ Nuncios, aliolve quoslibet quacumque præeminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari: Non obstantibus quibuscumque privilegiis, indultis, concessionibus, & gratiis Apostolicis tam generalibus, quam particularibus quantumvis speciali mentione, & nota dignis, quibuscumque Archiepiscopis, Episcopis, & aliis Superioribus, & Inferioribus Ecclesiarum Prælatibus, etiam Sanctæ Romanæ Ecclesiæ Cardinalibus, ac eorum, & nostris familiaribus continuis commensalibus, necnon literarum Apostolicarum Scriptoribus, Abbreviatoribus, cæterisque Romanæ Curie Officialibus, concessis, & confirmatis; cæterisque contrariis quibuscumque.

Clausula salutare.

Decretum irritans. Derogationes opportuna.

§. 4. Ut autem facilius præsentis Literæ omnibus innotescant, & nemo prætextu illarum ignorantia excusari possit, jubemus, easdem ad valvas Ecclesiæ Lateranensis

Publicationis præsentium vigor.



Exemplo-  
rum auctori-  
tas.

Sanctio pœ-  
nalis.

Dat. die 29.  
Aug. 1741.

ranensis, & Principis Apostolorum, necnon Cancellariæ Apostolicæ, Curiaque Gene-  
ralis in Monte Citatorio, ac in Acie Campi Floræ de Urbe, aliisque locis solitis,  
& consuetis, ut moris est, publicari, earumque exempla affigi: Volumusque, eas sic  
publicatas, omnes, & singulos perinde afficere, & obligare, ac si illis ipsis fuissent  
singulariter intimatæ: Exemplis quoque prædictis etiam impressis, manumque Notarii  
publici, & Sigillo Prælati Ecclesiastici, vel ejus Curia obliuatis, eandem prorsus  
fidem adhiberi, quæ ipsis præsentibus adhiberetur, si forent exhibitæ, vel ostensæ.  
Nulli ergo omnino hominum liceat hanc paginam nostri decreti, constitutionis, de-  
clarationis, annulationis, infirmationis, prohibitionis, interdicti, ac voluntatis in-  
fringere, vel ei ausu temerario contraire: Si quis autem hoc attentare præsumpse-  
rit, indignationem Omnipotentis Dei, ac Beatorum Petri, & Pauli Apostolorum ejus  
se noverit incurturum. Datum Romæ apud S. Mariam Majorem, Anno Incarnatio-  
nis Dominicæ MDCCXLI. iv. Kalendas Septembris, Pontificatus Nostri Anno II.

D. Card. Passioneus.

X. Sub-Datarius.

Vita de Curia.

N. Antonellus.

Loco ✠ Plumbi.

J. B. Eugenius.

Publicat. die 3. Octobris ejusdem Anni.

xxx.

## R E S I G N A T I O N E S

Beneficiorum cum reservatione Pensionis, & pacto eam cassandi, prohibetur, & an-  
nullantur; adjecta pœna privationis Beneficii, inhabilitationis ad alia assequenda,  
restitutionis pecuniæ, &c. & irritantur cassationes, & extinctiones pensionum  
intra sex menses a capta possessione Beneficii obtentæ.

## BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

Exordium a  
conservatione  
Ecclesiasticæ  
discipline.

Exponitur  
abusus resi-  
gnationum,  
cum reserva-  
tione pen-  
sionis, & pacto  
eam abolen-  
di.

Fraudes ad-  
hiberi solitæ  
ad extorquen-  
dum assensum  
Apostolicum.

**I**N sublimi Beati Petri Cathedra Divina dispensatione, licet immerentes, colloca-  
ti, gravi dolore constringimur, quoties considerationis nostræ oculos converti-  
mus ad præstantiorem Dominici Gregis partem, hoc est, ad Ecclesiasticum cœ-  
tum, eumque conspiciamus, vel pravis moribus, vel indecoris actibus dehonestari;  
non enim ignari sumus, quanta sit inde in populis corruptionis timenda perniciēs,  
si sal, unde cætera condiri debent, evanuerit.

§. 1. Pervenit quidem ad aures sollicitudinis nostræ, non raro contingere solere, ut  
quidam Clerici in minoribus, vel majoribus ordinibus constituti, aut sola Ecclesiastica  
tonsura decorati, Beneficia, seu Officia simplicia, vel cum onere residentia possidentes,  
aliis resignent, annua sibi pensione sub Apostolico beneplacito reservata: inito eodem  
tempore pacto cum Resignatario, cassandi, & abolendi dictam pensionem, repræsen-  
tata pecunia, nempe factis quibusdam anticipatis solutionibus pecuniarum ad eam sum-  
mam, quæ ad abolitionem, & extinctionem prædictæ pensionis, vel potius ad pallia-  
tam ipsius beneficii venditionem nefarie perficiendam, expressa inter Partes conventio-  
ne, stabilita fuit. Et quoniam profani isti Beneficiorum distractores non ingorant, quod  
si hujusmodi improba pacta Dataria Apostolica nostræ Ministris, aut Nobis inotescer-  
ent, nunquam resignationes hujusmodi a Datario, vel Prodatario Nostro, vel a Nobis,  
aliisque Romanis Pontificibus pro tempore existentibus admitterentur; ut circumspēctam  
eorumdem Dataria Apostolicæ Officialium, & Nostram, aliorumque Pontificum vigi-  
lantiam fallerent, callida malorum hominum improbitas hanc perditionis viam, &  
rationem excogitavit: Arcano, & clandestino pacto inter Resignantem, & Resignata-  
rium, ad pensionem cassandam, & extinguendam, conventa pecuniæ quantitate, eaque  
quandoque etiam deposita apud publicum mercatorem, seu mensam argentariam, uni-  
tum, ac simul expedire curant Bullam resignationis Beneficii, & alteram Pensionis  
refer-



reservatæ super eodem Beneficio favore Resignantis; ita tamen, ut prope eodem, vel non multo post tempore, quo Supplicationi pro reservatione Pensionis solita Data apponitur, alia Supplicatio subscribatur, seu signetur pro cassatione, atque extinctione ejusdem Pensionis per anticipatas, seu anticipandas solutiones faciendâ, nulla mentione facta de præcedenti abominanda conventionione, & simoniacam labem redolente pacto, quo Beneficii resignatio in occultam ipsius Beneficii venditionem execrabili transformatione commutatur.

§. 2. Cum autem hujus generis pacta improba, reprobata, damnata sint, & gratiæ hujusmodi cassationis, seu extinctionis Pensionis, tanquam subreptitiæ, & dolosa caliditate obtentæ, & quæ, rei veritate, & totius negotii serie expressa, nunquam a Sede Apostolica concessæ fuissent, nullæ, irritæ, ac inanes sint, & in maximum animarum eas fraudulenter impetrantium damnum, ac detrimentum tendant, & præterea scandalo simplicibus, & bonis abominationi, & pluribus æterno exitio sint: Siquidem gratiarum hujusmodi impetratores, qui Ecclesiastica Beneficia tali infami mercatu negotiantur potius, quam resignant, non solum gravissimo peccato, quod præ oculis habere deberent, animas suas illaqueant, sed insuper palam apud omnes in populo, non sine infamia Ecclesiastici ordinis, execrantur, & contemnuntur; Et si pro aliis Beneficiis obtinendis ad Datariam Apostolicam accedere ausi fuerint, tanquam Beneficiorum Venditores male audiuntur, & publice redarguntur; cum statim ipsis ab eorum competitoribus opponatur Resignatio facta, cum cassatione Pensionis per anticipatas, seu anticipandas solutione, hoc est, indigna Beneficii jam antea obtenti negotio, & clandestina sub ambagibus, & fraudulentis conventionibus detestanda venditio.

Mala inde  
consequentia

§. 3. Nos igitur hoc execrabile malum, quo non leve Ecclesiastico Ordini dedecus, & infamiæ nota inuritur, prout necessitas, & pastorale munus postulat, coercere in futurum volentes, & longe a Sanctuario Dei profanam hujusmodi abominationem removere, Motu proprio, ac certa scientia, & matura deliberatione Nostris deque Apostolicæ potestatis plenitudine statuimus, & declaramus, omnia hujusmodi pacta, & conventiones pro cassatione, seu abolitione Pensionum per anticipatas, vel anticipandas solutiones contemporanee ad Resignationes Beneficiorum, cum reservatione Pensionis, per quascumque personas quavis dignitate, honore, ac præeminentia insignitas inita, tanquam a Sacris Canonibus, & Apostolicis Constitutionibus improbata, & simoniacam labem redolentia, nulla, cassa, ac irrita esse; & omnes cassationes, abolitiones, & extinctiones Pensionum hujusmodi, quas in posterum intra sex menses, a die captæ possessionis Beneficii per Resignatarium computandos, fieri contigerit, etiam si nullum præcedens pactum intervenisse inter partes probari possit, & cassatio prædicta secuta sit vigore Supplicationis manu nostra, vel Romani Pontificis pro tempore signatæ, quam nullatenus, tanquam per subreptionem, & fraudes obtentam, neque in judicio, neque extra, ad ullum effectum eis suffragari volumus, irritas, nullas, & inanes esse, ac omnibus viribus, ac effectu vacuas, & quatenus opus sit, motu, scientia, & deliberatione simili, deque Apostolicæ potestatis plenitudine, tenore præsentium damnamus, revocamus, annullamus, cassamus, & abolemus, & insuper tam Resignantem, quam Resignatarium ab omni jure Beneficii decidisse, eosque ipso facto, absque alia declaratione, vel Judicis sententia, privatos, & ad alia obtinenda inhabiles esse, ac fore, & a quocumque Beneficium hujusmodi, tanquam de jure, & de facto vacans, impetrari posse; & præterea Resignantem ad restituendas pecunias pro cassatione Pensionis hujusmodi indebite, & simoniace perceptas, quæ arbitrio Ordinarii erunt piis locis applicandæ, vel pauperibus personis distribuendæ, sub peccato gravi teneri, & Ecclesiasticis remediis, ac poenis, si renuat, ipso jure absque alia scientia, & declaratione, cogi posse, motu scientia, & potestate pari decernimus, & declaramus.

Pacta cassationis Pensionis contemporanee Resignationi damnantur, & annullantur.

Irritantur abolitiones pensionum per anticipatas solutiones obtentæ intra sex menses a captæ possessionis Beneficii.

Tam Resignans, quam Resignatarius Beneficio privantur ipso facto & inhabiles ad jura atque declarationes. Pecunie pro cassatione Pensionis perceptæ restitui jubentur.

§. 4. Et quoniam multa malicia hominum est in terra, ut omnis aditus fraudibus, & dolis, quos perversa nonnullorum calliditas, & in exitium sui ingeniosa excogitare consuevit, quoad fieri potest, intercludatur, volumus, præcipimus, & declaramus, sub hac Nostra voluntate, constitutione, & dispositione comprehendere omnes, & singulas cessiones, seu translationes in ipsum Resignatarium, aut in aliam personam, commodi, seu utilitatis percipiendi fructus pensionum hujusmodi, necnon alias quascumque cessiones, translationes, resignationes, extinctiones, abolitiones, quovis modo, titulo, nomine, colore, & auctoritate, per anticipatas solutiones, seu præsentata pecunia factas.

Irritantur, etiam cessiones commodi exiti. gendi Pensionis factæ intra sex menses a captæ possessionis.



has intra dictum tempus sex mensium; & etiam ultra id temporis spatium, dummodo reprobum illud, & detestabile pactum præcessisse constiterit.

Clausula  
salutares.

Derogationes  
amplissimæ,  
etiam quoad  
preservatio-  
nes in Resi-  
gnationibus  
adjectas.  
Resignationi-  
bus adjectas.

§. 5. Mandamus præterea, & iubemus eandem præsentem literas perpetuo firmas, validas, & efficaces existere, & fore, & nullo unquam tempore sub quovis colore, & prætextu, etiam defectus nostræ intentionis, impugnari posse: Sicque, & non alias, in præmissis omnibus, & singulis, per quoscunque Judices Ordinarios, & delegatos, etiam Causarum Palatii Apostolici Auditores, ac prædictæ S. R. E. Cardinales, etiam de Latere Legatos, & Sedi Apostolicæ prælatæ nuncios, aliosque quoslibet quacunque præeminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari: Non obstantibus Resignantium, seu Cedentium voluntatibus, conditionibus, protestationibus, & clausulis in ipsismet resignationibus, & cessionibus, seu Procuratorum constitutionibus, & Mandatis, ac alias, etiam ad præsertionem suorum jurium, & significationem, quod non aliter, nec alio modo resignant, seu cedunt, appositis, & quacunque verborum vi, formula, & multiplicatione & amplitudine expressis, necnon quibuscunque induitis, privilegiis, & gratiis Apostolicis, tam generalibus quam particularibus, quantumvis speciali mentione, & nota dignis, quibuscunque Archiepiscopis, Episcopis, & aliis superioribus, & inferioribus Ecclesiarum Prælati, etiam S. R. E. Cardinalibus, ac eorum, & nostris familiaribus continuis commensalibus, nec non Literarum Apostolicarum Scriptoribus, Abbreviatoribus, cæterisque Romanæ Curie Officialibus concessis, & confirmatis, cæterisque contrariis quibuscunque.

Publicationis  
vigor.

§. 6. Cæterum, ut facilius præsentem Literæ omnibus innotescant, & nemo prætextu illarum ignorantie excusari possit, iubemus, easdem ad valvas Ecclesiæ Lateranensis, & Principis Apostolorum, necnon Cancellariæ Apostolicæ, Curieque generalis in Monte Citatorio, ac in Acie Campi Floræ de Urbe, aliisque locis solitis, & consuetis, ut moris est, publicari, eorumque exempla affigi: Volumusque, eas, sic publicatas, omnes, & singulos perinde afficere, & obligare, ac si illis ipsis fuissent singulariter intimatæ. Exemplis quoque prædictis etiam impressis, manuque Notarii publici, & sigillo Prælati Ecclesiastici, vel ejus Curie obsignatis, eandem prorsus fidem adhiberi, quæ ipsis præsentibus adhiberetur, si forent exhibitæ, vel offensæ.

Fides tran-  
sumptis ha-  
benda.

Sanctio.

§. 7. Nulli ergo omnino hominum liceat, hanc paginam Nostri decreti, constitutionis, declarationis, annulationis, infirmationis, prohibitionis, interdicti, ac voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 29.  
Aug. 1741.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quadragesimo primo, quarto Kalendas Septembris, Pontificatus Nostri Anno. II.

D. Card. Passioneus.

X. Sub-Datarius.

VISA DE CURIA

N. Antonellus.

Loco \* Plumbi.

J. B. Eugenius.

Registrata in Secretaria Breuium.

Publicat. die 3. Octobris ejusdem anni.



## C O N F I R M A T I O

XXXI.

Synodi Nationalis Maronitarum, habitæ in Monte Libano Anno Domini  
MDCCXXXVI.

## B E N E D I C T U S P A P A X I V.

*Ad perpetuam rei memoriam.*

**S**ingularis Romanorum Pontificum Prædecessorum Nostrorum in Suprema Catholice Ecclesiæ procuratione sollicitudo, cura, atque providentia, tum ad Sacrosancta Orthodoxæ Religionis dogmata, tum ad tradita Ecclesiasticæ Disciplinæ præcepta, siue declaranda, siue sustinenda, siue confirmanda, siue tuenda, siue in pristinum, ubi fortasse excidissent, aut in aliquod quamvis minimum, erroris, vel corruptelæ vitium inclinassent, observantiam revocanda instaurandaque, acuratissime semper servata, in eo maximopere commendatur, quod minime passi fuere omnia opportuna, ac necessaria charitatis, sapientiæ, vigilantia, atque auctoritatis Apostolicæ remedia suaviter, fortiterque, ubicumque terrarum, ac gentium, ubi Catholica Fides colebatur, adhibenda fuissent, unquam desiderari. Sæpe enim per Apostolicas Literas arguebant errantes; sæpe vero de Apostolico fonte per omnes Provincias petentibus responsa dabant; interdum quidem aliis, cum longius abessent, suæ curæ vices gesturis, causas cognoscendas definiendasque committebant; interdum etiam viros dignitate, ac doctrina insignes, per quos ibi, ubi præsentem esse non poterant, sua representaretur auctoritas, decernebant; alias Cætus, ac Synodos, ut a Fratribus, & Coepiscopis ibi congregatis, Canonica, & Apostolica integritate causæ discussæ Deo placita æquitate definirentur, indicendas mandabant; nonnunquam & Legatos suos mittebant, qui Cætus, & Synodos, siue Generales, siue Nationales, aut Provinciales convocarent; in quibus Apostolicæ Sedis nomine aut adstantes, aut præsidentes, postquam salubriter, servata æquitate, omnia discussa, & canonica integritate fuissent definita, ad eorundem Prædecessorum Nostrorum studerent perducere notionem, quatenus ab ipsis valerent congrua sine dubio sententia terminari atque confirmari.

§. 1. Quantum autem ad Catholicæ Religionis veritatem illustrandam, confirmandamque, quantum ad ecclesiasticæ disciplinæ observantiam procurandam, quantum ad Christianæ pietatis, & sanctimoniam studium promovendum prodesse hujusmodi Cætus, & Synodi, satis superque experimento comprobavit ipsa antiquitas. *Qua sane ex causa, inquit Sanctus Martyr, & Episcopus Cyprianus, necessario apud Nos sit, ut per singulos annos seniores, ac Præpositi in unum conveniamus ad disponenda ea; quæ curæ nostræ commissa sunt, ut, si quæ graviora sunt, communi consilio dirigantur.* Eapropter Tridentina Synodus præcepit, ut Concilia quidem Provincialia, sicubi omnia fuissent, pro moderandis moribus, corrigendis excessibus, controversiis componendis, aliisque ex Sacris Canonibus permisis, quolibet saltem triennio: Diocesanæ vero Synodi quotannis renovarentur.

§. 2. Etsi autem Venerabiles Fratres Patriarchæ, Archiepiscopi, Episcopi, alique pro tempore existentes Inclytæ Nationis Maronitarum, quæ ab ipsa sua origine Orthodoxam Romanam Fidem professæ semper intactam ab Infidelibus, Hæreticis, Schismaticis undique circumfudentibus custodire, atque Apostolicæ huic Sanctæ Sedi arctissime adherere, debitaque obedientia obsequi studuit, ac pergit, Cætus, & Synodos ejusmodi veluti in speciem inter se celebrare non destiterint; nunquam tamen apud illos Provinciale, seu totius Nationis Concilium habitum fuisse constat. Quo factum fuit, ut, cum nonnulla ad Disciplinam Ecclesiasticam potissimum spectantia sensim a primæva institutione, ac splendore declinare viderentur, ad eadem sustinenda reparandaque assidue per Congregationum Venerabilium Fratrum nostrorum S. R. E. Cardinalium, tum Generalis adversus hæreticam pravitatem Inquisitionis, tum Propagandæ Fidei, Decreta super propositis dubiis, & exortis controversis edita, quantum fieri potuit, consuleretur. Quæ certe providentia jamdudum inita, ac servata, etsi quodammodo salutaris, haud tamen satis visa fuit modernis Venerabilibus Fratribus Josepho Petro Patriarchæ Antiocheno, cæterisque Archiepiscopis, & Episcopis ejusdem Nationis

S. Sedia  
Cathol. Ej-  
dem, & di-  
sciplinam  
ubique pro-  
mover variis  
mediis.

Inter cætera  
Conciliorum  
celebratione

Eorum utili-  
tas semper  
agnita.

Et a Conc.  
Trid. com-  
mendata.

Maronitarum  
rebus neces-  
sarium erat  
Concilium  
Nationale.

Ma-



*Ideo recur-  
unt ad S. Se-  
dem.* Maronitarum, ut votorum suorum compotes fierent. Quamobrem per supplices Li-  
teras eximii singularis erga Apostolicam hanc Sanctam Sedem reverentiae, & obedi-  
entiae notis insignes, iterum atque iterum datas, non modo abusus sensim irreptos, ac  
controverfias, & confusiones pacem plerumque inturbantes, e medio tollendas si-  
gnificabant: verum enixis etiam precibus tandem postularunt, ut ad gravissimum hu-  
jusmodi negotium cum ejusdem Nationis decore atque utilitate conficiendum, adlega-  
re dignaretur Apostolica Sedes Dilectum Filium Josephum Simonium Assemanum, ejus-  
dem Nationis Virum, primae in Bibliotheca nostra Vaticana Custodiae Praefectum,  
*Et petunt  
allegari R. P.  
Assemanum.* Canonicum Basilicae Principis Apostolorum de Urbe, Magistrum in utraque Signatura  
nostra Referendum, Praetatum domesticum, & intimum Cubicularium nostrum,  
quem triginta fere ab hinc annis Nobis notum, & acceptum, tum propter obsequia  
sua in eandem Congregationum Inquisitionis, & Propagandae Fidei negotiis Natio-  
num Orientalium expediendis laudabiliter praestita, & tot volumina, de Orientalibus  
praesertim, aliisque rebus, iam typis edita, plurimi facimus.

*Clemens XII.  
annuit.*

*Ablegatus  
cum Mandatis  
Apost. ad  
Mont. Liba-  
num accedit,  
& Synodus  
inducitur.*

*Locus Conci-  
lii, & Perso-  
nae in eo con-  
venientes.*

§. 3. Itaque fel. record. Clemens PP. XII. Praedecessor noster, ex ejusdem Congre-  
gationis Propagandae Fidei consilio, supplicationibus huiusmodi inclinatus, laudatum  
Josephum Simonium, tum suis Apostolicis in simili forma Brevis Literis, tum Decre-  
to, & Instructione super nonnullis articulis peculiari reformatione dignis habitis, &  
facultate Synodum Provinciale, seu totius Nationis, si opus fuisset, congregandi  
instruendum, ablegare dignatus fuit. Hic autem supremis ejusdem Clementis Praedeces-  
soris iussibus, ea, qua decebat, obedientia obtemperans, Orientem contendit. Post-  
quam ad Libanum Montem accessit, Apostolica Mandata, Decreta, & Instructionem  
dictae Congregationis in Apostolicis Literis, & Decretis, ut praemittitur, contenta,  
iisdem Josepho Petro Patriarchae, aliisque Praefulibus Maronitis exposuit. Quibus o-  
mnibus cum veneratione Apostolicae Sedi debita exceptis, lectisque, unanimi consensu  
statutum fuit, ut Synodus huiusmodi haberetur, in qua non solum recitarentur, at-  
que observanda proponerentur decreta, & ordinationes dictae Congregationis Propagan-  
dae Fidei; verum etiam alia decreta, & canones, si aliquo pacto id, ad Ecclesiasticam  
Disciplinam cum ejusdem Nationis laude reformandam illustrandamque, necessarium,  
atque opportunum fuisset visum, concederentur.

§. 4. Interea variis profusionibus, & congressibus ante peractis, Synodus huiusmodi,  
quae iam indicta fuerat, in Ecclesia sub Invocatione Beatae Virginis Mariae Immacu-  
latae Monasterii de Loaisa Dilectorum Filiorum Monachorum Sancti Antonii Congrega-  
tionis Montis Libani in Provincia Chesroanensi Phoeniciae convocata fuit. In ea sane,  
praeter Patriarcham, & Ablegatum huiusmodi, interfuerunt Archiepiscopi, & Episco-  
pi, nimirum quatuordecim Maronitae, duo Syri, & totidem Armeni, Abbates Gene-  
rales Monachorum tum Sancti Antonii Congregationis Montis Libani, tum Sancti I-  
saiae, singuli cum quatuor Diffinitoribus, & aliis Abbatibus localibus, tum ejusdem  
Congregationis Montis Libani, quam Monasteriorum antiqui Instituti, Locum tenens  
Custodiae Hierosolymorum, ac Totius Terrae Sanctae, Apostolici Missionarii omnium  
Ordinum; qui in Syria, & Palestina commorantur, nempe Sancti Francisci Minorum  
de Observantia, & Capuccinorum, Sanctae Mariae de Monte Carmelo Excalceatorum  
nuncupatorum, & Clerici Regulares Societatis Iesu, ac quamplures Archipresbyteri,  
Parochi, Presbyteri, Theologi, Collegii Pontificii de Urbe olim Alumni, alique Cle-  
rici, Monachi, Principes, ac Magnates Gazeni, Hebailcii, & aliarum Familiarum  
insignium Montis Libani, & Antilibani.

*Conducitur  
decreta juxta  
Instructiones,  
& acceptan-  
tur.*

*Petitur exa-  
men, & con-  
firmatio S. Se-  
dis.*

§. 5. Antedicti omnes in sessionibus, tam matutinis, quam vespertinis trigesima men-  
sis Septembris, ac prima, & secunda diebus mensis Octobris anni MDCCXXXVI. habitis,  
insimul convenientes, postquam recitata, & proposita fuerant decreta, canones, & ar-  
ticuli juxta instructionem dictae Congregationis Propagandae Fidei, ut praemittitur, in  
Synodo huiusmodi condita, & contenta, non solum omnia, & singula comprobarunt  
laudaveruntque, ilque omnes, & singuli, qui suffragium, & votum habebant, alii-  
que subscripserunt; verum etiam Literas, quibus & ea, quae gesta erant, significabant,  
& ipsum Ablegatum propter suum zelum, prudentiam, doctrinam, pietatem, sapien-  
temque in rebus gestis habitam rationem, maximopere commendabant, diebus tertia,  
quarta, quinta, septima, & decimaquinta ejusdem mensis, & annis datas, ad Clemen-  
tem Praedecessorem praefatum, & saepe dictam Congregationem perferendas curarunt;  
supplices exposulantes, ut Synodus huiusmodi, praevio Apostolicae huius Sanctae Sedis  
exa-



examine, censura, & correctione, quatenus necessitas exegisset, Apostolica auctoritate approbata, & confirmata, Typis etiam Arabicis dictæ Congregationis Propagandæ Fidei in lucem prodiret.

§. 6. Interea, dum ipse Joseph Simonius Ablegatus Instructioni memoratæ Congregationis, & bonæ mem. Felicis Cardinalis Zondadari, dum viveret, Nationis Maronitarum Protectoris, & hujusmodi ad Montem Libanum Ablegationis Ponentis, mandatis obtemperaturus, & iis, qui in dicta Synodo suffragati fuerant, morem gesturus, statim nonnulla in quibusdam articulis, ut præmittitur, contenta, ac primum hic Romæ, deinde in memorata Synodo jam discussa atque decreta, executioni mandanda curat, ac præsertim omnimodam Monialium a Monachis separationem, non levis eundem Ablegatum inter, & Patriarcham, quoad modum separationis, emerfit dissensio. Accessit deinde controversia de inhibita quacumque vel modica pecuniæ summa, aut aliarum rerum contributione, tum in Sacrorum Oleorum distributione, tum in Sacrorum Ordinum collatione, Patriarchæ, aut Episcopis alias solvi, & erogari solita. Demum de statuta uniuscujusque propriæ Ecclesiæ Antistitis firma incarnatione, & Episcopatum ad certum numerum, juxta solum ab ipso Patriarcha, Archiepiscopis, & Episcopis subscriptum, reductione, dissidium erupit. De hisce omnibus idem Patriarcha, & per suas Literas anno MDCCXXXVII. scriptas, & per suum Nuntium anno MDCCXXXVIII. hanc Almam Urbem assequutum, Apostolicam Sedem consuluit.

Dissensiones  
exortæ circa  
nonnullorum  
executionem.

Quæ pariter  
ad S. Sedem  
deferuntur.

§. 7. Narratis autem, relatisque prius in sæpèdicta Congregatione Propagandæ Fidei non semel habita, quamplurimis, tum quoad puncta in antedictis articulis contenta, tum quoad auctoritatem legitimitatemque Synodi præfatæ, rationum momentis hinc inde adductis, & accuratissime expensis; audita tum Venerabilis Fratris Gabrielis Eva Archiepiscopi Cypri Maronitæ, tum Dilectorum Filiorum Thomæ Budi Abbatis Generalis Monachorum Sancti Antonii dictæ Congregationis Montis Libani, & Pompilii Rodata in Bibliotheca nostra Vaticana Græci Scriptoris, & de rebus Orientalibus non ignari, quibus Synodus præfata revidenda, & examinanda commissa fuerat, relatione; Particularem Congregationem eorundem Venerabilium Fratrum nostrorum Propagandæ Fidei jam a Nobis deputatam, coram Nobis die xxvii. proxime elapsi mensis Augusti, Ponente Dilecto pariter Filio nostro Vincentio Sanctæ Romanæ Ecclesiæ Cardinali Petra ejusdem Congregationis Propagandæ Fidei Præfeto, in locum Dilecti iridem Filii nostri Caroli S. R. E. præfatæ Cardinalis Rezzonici Ponentis absentis suffecto, habendam indiximus.

Eadem exami-  
nantur in  
Congreg. de  
Prop. Fide.

Ac demum  
coram San-  
ctissimo.

§. 8. Proposita fuerunt in Congregatione hujusmodi dubia, quæ sequuntur. I. *An constet de legitimitate dictæ Synodi?* II. *An Canon quoad cohabitationem prohibitam Monialium, seu Mulierum, cum Monachis, sustineatur, vel quomodo moderandus?* III. *An Canon prohibens Patriarchæ quancumque exactionem in distributione Olei Sancti Parochis, sustineatur, & mereatur confirmationem?* IV. *An Canon quoad residentiam Episcoporum Maronitarum in propriis Titulis Ecclesiarum Episcopatum, sit approbandus; & quid quoad Appendicem Synodi Cap. xli. in quo adest divisio Sedium Episcopatum, cum limitibus Diocesum Maronitarum, pro distributione Diocesum in tot Episcopis, itaut non possint amoveri a Patriarcha?* V. *An sit consulendum Sanctissimo pro approbatione dictæ Synodi etiam per Breve Apostolicum?* Ad quæ sane dubia, omnibus sedulo expensis, per eisdem Cardinales responsum fuit. Ad Primum. *Constare de legitimitate Synodi, omnibus suffragantibus.* Ad secundum. *Pro approbatione Canonis, citra tamen approbationem Monasteriorum.* Ad tertium. *Approbandum: & ad Sanctissimum, qui dignetur alio modo providere Domino Patriarchæ.* Ad quartum. *Pro approbatione Canonis demandantis Residentiam Episcoporum: & ad Sanctissimum quoad contenta in Appendice Cap. xli. in quo proponuntur Metropolitanarum, & Episcoporum Maronitarum Sedes, & limites.* Ad quintum. *Ad Sanctissimum, qui dignetur approbare Synodum, cum Breve Apostolico.*

Dubia in Con-  
gr. proposta

Congreg. Res-  
pons.

§. 9. Hinc est, quod Nos, qui in sublimi Sacrosancti Apostolatus specula per Divinæ bonitatis abundantiam consiliati, nihil optamus impensius, quam ut per universum Catholicum Orbem evangelizemus, & dogmata Orthodoxæ Fidei omnes Christiani fideles edoceamus, & Ecclesiasticæ Disciplina præcepta intacta sanctissime servanda curemus: Eapropter, omnibus, & singulis dissidiis, controversiis, dissensionibus, cæterisque quibuscumque, quæ ad hanc usque diem super præmissis omnibus quocumque

Pontifex de  
illis consi-  
lio, Synodum  
approbat, &  
confirmat.



paſto, & quomodolibet excitata fuerunt, perpetuum ſilentium imponentes; necnon omnium, & ſingulorum ſupra memoratorum Patriarchæ, Ablegati, Archiepiſcoporum, Epifcoporum, cæterorumque Nationis Maronitarum hominum votis hac in re, quantum cum Domino poſſumus, favorabiliter annuere, eorumque ſingulares perſonas ſpecialibus favoribus, & gratiis proſequi volentes, atque Apoſtolicis laudibus commendantes, & a quibulvis excommunicationis, ſuſpenſionis, & interdicti, aliſque eccleſiaſticis ſententiis, cenſuris, & pœnis, a Jure, vel ab homine quavis occaſione, vel cauſa latis, ſi quibus quomodolibet innodatæ exiſtunt, ad effectum præſentium duntaxat conſequendum, harum ſerie abſolventes, & abſolutas fore cenſentes; ſupplicationibus eorundem nomine Nobis ſuper hoc humiliter porrectis inclinati, de eorundem Venerabilium Fratrum noſtrorum S. R. E. Cardinalium conſilio, Synodum huiusmodi, omniaque, & ſingula in ea, ut præmittitur, edita Statuta, Decreta, Ordinationes, & Canones, auctoritate Apoſtolicæ tenore præſentium confirmamus, & approbamus, illiſque inviolabilis Apoſtolicæ firmitatis robur adjicimus; ita tamen, quod per noſtram prædictæ Synodi confirmationem nihil derogatum eſſe cenſeatur Conſtitutionibus Romanorum Pontificum Prædeceſſorum noſtrorum, & Decretis Conciliorum Generalium ſuper Ritibus cæterarum quarumcumque Nationum, ſive ſpecialiter, ſive generaliter factis, quæ, non obſtante huiusmodi confirmatione, in ſuo robore permanere debeant; ac ſalva ſemper in præmiſſis auctoritate dictæ Congregationis Propagandæ Fidei, Nobis tamen, ac Succeſſoribus noſtris Romanis Pontificibus, toties, quoties opus fuerit, ſuper præmiſſis omnibus prius conſultis.

§. 10. Decernentes eadem præſentes Literas, ac Synodum, in eaque edita Statuta, Ordinationes, Decreta, & Canones huiusmodi, ſemper firma, valida, & efficaci exiſtere, & fore, ſuoſque plenarios, & integros effectus ſortiri, & obtinere, ac ab omnibus, & ſingulis, ad quos ſpectat, & pro tempore quandocumque ſpectabit, in omnibus, & per omnia inviolabiliter, & inconcuſſe obſervari: ſicque in præmiſſis per quocumque Judices Ordinarios, & Delegatos, etiam Cauſarum Palatii Apoſtolicæ Auditores, judicari, deſiniri, atque interpretari debere, ac irritum, & inane, ſi ſecus ſuper his a quoquam, ſive Patriarcha, Archiepiſcopis, & Epifcopis Nationis Maronitarum, tam ſingulatim, quam una inſimul convenientibus, ſive Apoſtolicis Operariis, qui ab eadem Congregatione ad quacumque Orbis Terrarum partes mittuntur, quavis auctoritate, etiam per hanc Sanctam Sedem conceſſa, niſi expreſſa quoad Synodum huiusmodi a Nobis & Succeſſoribus noſtris Romanis Pontificibus data fuerit facultas, ſcienter, vel ignoranter contigerit attentari. Non obſtantibus præmiſſis omnibus, & Apoſtolicis, ac in Univerſalibus, Provincialibus, & Synodalibus Conciliis editis generalibus, vel ſpecialibus Conſtitutionibus, & Ordinationibus, cæteriſque contrariis quibuſcumque.

§. 11. Cæterum quidquid quoad omnia, & ſingula dubia antediſta, aliaque quæcumque pro totius nationis Maronitarum ſplendore, utilitate, pace, ac concordia proficuum, ac ſalutare fore noverimus, per alias noſtras in ſimili forma Brevis Literas cumulate declarabimus.

§. 12. Volumus autem, ut earundem præſentium Literarum tranſumptis, ſeu exemplis, etiam impreſſis, manu alicuius Notarii publici ſubſcriptis, & ſigillo perſonæ in eccleſiaſtica dignitate conſtitutæ munitis, eadem proriſus fides in iudicio, & extra adhibeatur, quæ adhiberetur ipſis præſentibus, ſi forent exhibitæ, vel oſenſæ. Dat. Romæ apud S. Mariam Majorem ſub Annulo Piſcatoris die prima Septemb. Pontificatus Noſtri Anno II.

*D. Cardinalis Paſſioneus.*

Salvis Conſtitutionibus ſuperſtitibus aliarum Nationum editis. Et facultatibus ejuſdem Congregationis. Clauſulæ pro Decretorum obſervantia, ſublata &c.

Derogationes.

Reliquorum dubiorum Declarationis differtur.

Fides Tranſumptis habenda.

Dat. die 1. Sept. 1741.



## E R E C T I O S E X O F F I C I O R U M

XXXIII.

Ecclesiasticorum in Ordine Equestri Sancti Georgii Martyris in Bavaria.  
auctoritate Apostolica confirmatur.

## B E N E D I C T U S P A P A X I V.

*Ad perpetuam rei memoriam.*

**M**ilitares Equestres Ordines, ad Orthodoxæ Religionis præsidium, & firmissimum adversus Infidelium, Turcarum, & A catholicorum insultus propugnaculum, a Regibus, & Summis Principibus institutos, in quibus Equites Milites præclara nobilitate, spectata virtute, prudentia, ac pietate præditi adscriberentur, tam ipsi Reges, & Summi Principes, quam Romani Pontifices Prædecessores Nostri certatim insignibus honoribus, prærogativis, beneficiis, commendis, ac privilegiis, augere, & cumulare studuerunt, ut unusquisque Equitum Militum ad injunctum sibi munus sui ministerium accuratissime obeundum magis, magisque incitaretur.

Procemium.

§. 1. Quoniam autem, sicut Nobis nuper pro parte Dilecti Filii Nobilis Viri Caroli Alberti Ducis Bavaricæ, & Sacri Romani Imperii Electoris expositum fuit, ipse, ut eximiis bon. mem. Maximiliani Emmanuelis parentis sui, belli, pacisque laudibus, dum viveret, florentissimi, & Sacrosanctæ Religionis studio cum primis flagrantis, qui Equestrem Militiæ Ordinem in honorem Intemeratæ Deiparæ Virginis Mariæ, sub invocatione, & protectione Beati Georgii Martyris erigere constituerat, etiam propter varios bellorum eventus executioni demandare non potuit, eidem tamen Alberto Carolo in supremis tabulis commendavit, ut votis, ac mandatis obsecundaret, suæque pietati faceret satis, eundem Militarem Equestrem Ordinem non solum instituit, verum etiam Apostolica auctoritate confirmandum curavit a fel. recordat. Bened. Papa XIII. Prædecessore Nostro per Apostolicas ejusdem Benedicti sub plumbo literas Anno Incarnationis Dominicæ millesimo septingentesimo vigesimo octavo XV. Kalendas Aprilis, Pontificatus sui Anno V. datas, quarum tenorem præsentibus pro plene, & sufficienter expresso, ac de verbo ad verbum inserto haberi volumus, & in quibus de Ordinis huiusmodi institutione, & confirmatione uberius continetur. Ut autem eundem Ordinem, cuius laudatus Carolus Albertus Dux & Elector, Institutor, ac Magnus Magister existit, & cui quamplurimi Nobiles Viri nomen dederunt, maiori decore, & incremento adaugeat, pro singulari sua pietate, & avita erga res Sacras reverentia, sex Nobiles Viros in Ecclesiastica Dignitate constitutos, prout infra, in Ordinem huiusmodi cooptare desiderans, in Capitulo Militum Equitum memorati Ordinis ad antedictum effectum habito, unanimi omnium suffragantium consensu, decretum voluit, ut iidem sex Nobiles Viri Ecclesiastici, si nostrum hac in re Apostolicum beneplacitum accederet, adlegerentur.

Ordo S. Georgii a Duce Bavaricæ institutus.

A Benedicto XIII. confirmatur.

Erectio sex Officiorum Ecclesiasticorum.

Eorum munera.

§. 2. Præcipuus vero ejusdem Caroli Alberti in ea sententia finis in hoc vertitur, ut, ad maiorem Dei gloriam, & Ordinis splendorem, Sacra Officia, quæ in Ecclesiastici Ordinis pro tempore obeunda sunt, quam maxima potest maiestate, ac dignitate peragantur. Horum itaque sex Virorum Nobilium Equitum Ecclesiasticorum primum quidem exoptat Episcopali Dignitate, & Charactere, ut Pontificalia munera in Ordinis præfati Ecclesiæ sub invocatione S. Georgii Martyris Deo dicata, quæ in Ducalibus & Electoralibus Aedibus posita, & ab omni Ordinarii Episcopi loci jurisdictione immunitis, & exempta est, exercere valeat, insigniri; alterum vero cum Præpositi nomine, & Pontificalium usu constituit, ut vices Antistitis, hoc absente, vel legitime impedito, expleat; tertium, ac quartum Decanorum eisdem nominibus dici, qui Divinis Officiis, sive Horis Canonicis, cum aliorum Militum Equitum intervenitu, in dicta Ecclesia persolvendis in Choro intersint; quintum, ac sextum denique Elemosynarios ab honore appellari, a quibus Decanorum munera, ipsis absentibus pariter, aut legitime impeditis præstentur. Porro pro congruenti, idoneoque antedictorum in suis respective Dignitatibus, & muneribus debito cum decore sustinendis emolumento, idem Carolus Albertus Dux & Elector primos duos, nempe Episcopum, & Præpositum pro tempore existentes, ad Præposituras, ad quas quemlibet nomi-

Emolumenta.



ignia.

nandi sibi jus, cui non est in aliquo hactenus derogatum, competit, nominabit; duobus Decanis Collegiales Præbendas conferet, reliquis duobus ab honore Eleemolynariis, servata antianitatis regula, eas, quibus alii Milites Equites donantur, commendas, pensiones, & beneficia impertietur. Quo autem debitus honor, auctoritas, & reverentia Episcopo, & Præposito pro tempore existentibus concilietur, uterque Magnam Crucem cum Stella super Pallio, & Vestibus; Decani, ad instar Equitum Commendatariorum, Mediam, & Eleemolynarii parvam eandem prorsus, e collo vitta serica cærulei coloris pendentem, quam cæteri Equites ferre solent, Crucem gestare teneantur. Quæ quidem omnia, ut præmittitur, per ipsum Carolum Albertum, in Capitulo cum unanimi Equitum Militum consensu statuta, & decreta, ut debite executioni demandentur, & in posterum firmiter subsistant, ac serventur exactius, ejusdem Caroli Alberti nomine Nobis humiliter supplicatum fuit, ut in præmissis opportune providere, & de benignitate Apostolica indulgere dignaremur.

Confirmatio  
Apostolica.

§. 3. Nos igitur ipsum Carolum Albertum Ducem Electorum, & Ordinis præfati Institutorem, ac Magnum Magistrum, de Catholica Religione, atque Apostolica hac Sancta Sede præclare mereri pergentem, specialibus gratiarum favoribus prosequi volentes, eumque a quibuscumque Excommunicationis, Suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus, quomodolibet innodatus existit, ad effectum præsentium tantum consequendum, harum serie absolventes, & absolutum fore censentes, supplicationibus hujusmodi Nobis ejusdem nomine porrectis inclinati, præmissa omnia, & singula, tenore præsentium, Apostolica auctoritate approbamus, indulgemus, & confirmamus, illisque inviolabilis Apostolicæ firmitatis robur adjicimus, omnesque & singulos juris, & facti defectus, si qui desuper quomodolibet intervenerint, suppemus, & sanamus.

Clausula, &  
Derogationes.

§. 4. Decernentes easdem præsentis literas, & in eis contenta quæcumque, semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis, ad quos spectat, & pro tempore quodcumque spectabit, inviolabiliter observari, sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, & Apostolicæ Sedis Nuntios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, necnon dicti Militaris Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Forma jurif-  
jurandi ab  
Ecclesiasticis  
præstanda.

§. 5. Cæterum earundem præsentium tenore, ac pari auctoritate volumus, & mandamus, primum, ut Episcopus, Præpositus, Decani, & Eleemolynarii pro tempore existentes, quippe qui Ecclesiastici Ordinis, cum in Militarem Equestrem Ordinem præfatum cooptari contigerit, votum seu jusiurandum, scilicet ut prompti semper, & quacumque oblata occasione parati sint, Sanctam Fidem Catholicam, & Apostolicam Romanam, ejusque propagationem, honoremque Deiparæ Virginis, sanguine ipso impavide contra quoscumque palam tueri, & defendere, ita concipiant, ut nullo unquam tempore eidem ad apertum bellum quibuscumque inferendum, inconsulta Apostolica hac Sancta Sede, & non nisi de expressa ejusdem Sedis toties, quoties opus fuerit, pro eorum singulis impetranda licentia accedere teneantur: ac propterea hoc ipsum sibi in emittendo voto, ac iurejurando dicendo, expresse caveant; aliter nullum sit, & inane, ac nullius prorsus roboris, ac momenti.

Pontificalia  
quatenus ipsi  
liceat exer-  
cere.

§. 6. Deinde, ut Episcopus, & Præpositus, qui Pontificalia ut præmittitur, sive statim, sive indictis solemnitatibus, aliisque diebus exercebunt, non nisi in ipsa dumtaxat Ecclesia in Aedibus Ducalibus & Electoralibus, sita, & Militum Equitum dicti Ordinis Conventui assignata, quæ ab omni Ordinarii Episcopi Loci jurisdictione, ut alie-



afferitur, immunis est, atque exempta, obire debeant: in quacunque enim alia Ecclesia Pontificalia huiusmodi qualibet de causa exerceri contigerit, nullo pacto, nisi de Ordinarii Locorum permisso, toties, quoties occasio postulaverit, sub poenis iuxta Canonicas sanctiones inflicti fieri liceat.

§. 7. Tertium, ut cum Episcopus huiusmodi viam universæ carnis ingressus fuerit, idem Dux Elector, ac Ordinis præfati Magnus Magister Virum pietate, ac doctrina insignem, toties quoties id acciderit, nominet, qui postquam omnia, & singula de more, institutoque majorum servanda in Antistitum, sive Residentialium, sive Titularium, ut dicitur, inauguratione, fuerint confecta, & omnino servata, ac dignus ea dignitate repertus fuerit, in Episcopum inauguratur.

Episcopi nominatio conceditur Præfati Magistro.

§. 8. Datum in Arce Grandulphi Albanensis Diocesis sub Annulo Piscatoris die VI. Octobris MDCCXXI. Pontificatus Nostri Anno II.

Dat. die 6. Oct. 1741.

D. Cardinalis Passioneus.

## C A U S A R U M

XXXIII.

Matrimonialium iudicia coram quibus, & quo ordine, ac forma peragenda sint, constituitur.

## BENEDICTUS EPISCOPUS SERVUS SERVORUM DEI

*Ad perpetuam rei memoriam.*

DEi miseratione, cujus iudicia incomprehensibilia sunt, & viæ investigabiles, in suprema Ecclesiæ specula immerentes constituti, ut super universum Dominicum gregem excubias sedulo agamus, ad commissum Pastoralis officii munus pertinere dignoscimus, subnascentes ex infernalis hostis astutia, & hominum malitia, abusus, quibus & animarum saluti perniciēs, & Sacramentis Ecclesiæ iniuria infertur, radicitus evellere, & potestatis Nobis desuper traditæ operam interponere, ut & humana cohibeatur temeritas, & veneranda Divinæ Legis servetur auctoritas.

Proœmium.

§. 1. Siquidem Matrimonii fœdus a Deo institutum, quod, & quatenus naturæ officium est, pro educandæ proles studio, aliisque Matrimonii bonis servandis, perpetuum, & indissolubile esse convenit; & quatenus est Catholicæ Ecclesiæ Sacramentum, humana præsumptione dissolvi non posse, Salvator ipse ore suo pronuntiavit, dicens: *Quod Deus conjunxit, homo non separat*: ad aures Apostolatus nostri pervenit, in quibusdam Ecclesiasticis Curiis inconsulta nimis Iudicum facilitate infringi, & temere, atque inconsiderate de eorundem Matrimoniorum nullitate latis sententiis, potestatem Conjugibus fieri transeundi ad alia vota. Quos sane improvidos Iudices humane naturæ conditione, & voce ipsa quodammodo admoneri oportebat, ne tam præcipiti audacia Sanctum Matrimonii nexum frangerent, quem perpetuum, atque indissolubilem primus humani generis Parens præmonuit, inquiens: *Hoc nunc os ex ossibus meis, & caro de carne mea*: Et illud additum est: *Quamobrem relinquet homo Patrem suum, & Matrem, & adhærebit uxori suæ, & erunt duo in carne una*.

Matrimonium iure naturali, & Divino indissolubile.

§. 2. Huiusmodi autem abolendæ pravitate notitia diversis ex partibus Nobis delata est, atque etiam indicata sunt exempla nonnullorum Virorum, qui post primam, & secundam, ac tertiam, quam duxerant, uxorem, ob nimiam Iudicum præcipitan-  
tiam in nullitate Matrimoniorum declaranda, adhuc illis primis uxoribus superstiti-  
bus, ad quartas contrahendas nuptias devenierant; & similiter seminarum, quæ post primum, secundum, & tertium maritum, quarto etiam, illis quoque viventibus, se junxerant, non sine pusillorum scandalo, & bonorum omnium detestatione, qui sacra Matrimonii vincula ita contemni, & temere perfringi dolebant. Nos autem, his intellectis, gravi affectu dolore, intimo animo ingemuimus, & non prætermisimus Apostolicæ nostræ sollicitudinis partes in Domino adimplere. Siquidem primo Pontificatus Nostri Anno ad Episcopos illarum Partium, in quibus prædicta acciderant, plenissimis datis literis, graviter conquesti sumus de huiusmodi pravitate, quæ in Ecclesia Dei tolerabatur, & ad eam abolendam eorum animos erigere, & pastorem zelum

Excessus abusus in concubiorum dissolutionibus admittendis.

accen-



Causæ, quibus  
tribuitur  
hujusmodi  
prævitæ.

accedere curavimus, quod etiam agimus cum aliis aliarum Regionum Episcopis ubi hujusmodi prævum dirimendorum Matrimoniorum usum irrepsisse cognovimus.

§. 3. Verum Nobis responsum est, id sæpe contingere, partim ex culpa illorum Judicum, quibus, vel in prima instantia, cum Causa coram Judice Ordinario ex aliqua legitima causa cognosci nequit, vel in secunda, cum in partibus nullus adest Judex, ad cujus Tribunal Causa in gradu appellationis devolvatur, vel si adest, iusta de causa coram eo disceptari nequit, Causæ Matrimoniales hujusmodi a Sede Apostolica committuntur, qui vel ob incertitiam, vel ob malam voluntatem, proclives sunt ad Matrimonia dissolvenda, atque eadem Matrimonia, levi, vel etiam nullo habito examine, irrita, ac invalida declarant; partim etiam ex facto Conjugum super nullitate suorum Matrimoniorum litigantium; cum frequenter unus tantum eorum, qui dissolutionem Matrimonii postulat, in iudicio compareat, & Sententia, nullo contradicente, secundum sua vota obrenta, ad alias nuptias convolat; vel ambobus Conjugibus in Iudicium venientibus, altero, qui pro Matrimonio, altero vero, qui contra agit, Sententia de nullitate Matrimonii prolata, nullus est, qui ad superiorem Judicem appellationem interponat; vel quia litigantes in specie quidem discordes, re vera inter se concordem sunt & invicem colludentes, contractum matrimonium dissolvi cupiunt; vel quia Pars, quæ pro validitate Matrimonii stabat, ejusque nullitatem acriter contra adversarium impugnabat, lata a Judice Sententia contra Matrimonium, mutat voluntatem, vel pecunia sibi ad sumptus litis non suppetente, vel aliis deficientibus auxiliis ad litigandum necessariis, & inceptum opus, ac Causam post primam Sententiam deserit: Quo fit, ut deinde ambo Conjuges, vel unus eorum, ad aliud contrahendum Matrimonium se conferat.

Pontificis  
providentia  
circa com-  
missiones causa-  
rum ad partes.

§. 4. Quod autem ad Judices pertinet, quibus extra Romanam Curiam pro Litigantium commodo causæ Matrimoniales committuntur, paterna illa vigilantia, quæ de iustitia unicuique integre sapienterque administranda, solliciti esse debemus, encyclicis Literis ad Venerabiles Fratres Patriarchas, Primates, Archiepiscopos, & Episcopos scriptis vicesima sexta Augusti anno secundo Pontificatus Nostri, providere curavimus, in quibus ea præscripsimus, quæ Sacris Canonibus, & Concilii Tridentini decretis consona, si diligenter, ut speramus, ferventur, in posterum Causæ non nisi personis congrua juris peritia, & necessario probitatis, spectatæque fidei munitis præsidio committentur. Insuper ad ea, quæ in iisdem encyclicis literis constituta sunt, id etiam in præsentem adiungimus: Quod, quamvis Concilii Tridentini Decretum, quo causæ Matrimoniales subtrahæ fuerunt Decani, Archidiaconi, & aliorum inferiorum iudicio, & Episcoporum tantum examini, & jurisdictioni reservatæ, dumtaxat procedat de Archidiaconis, Decanis aliisque inferioribus, qui in eadem Diocesi constituti, vel privilegio aliquo, vel præscriptione, saltem in visitatione, Causarum Matrimonialium cognitionem sibi adrogabant; ac idcirco minime obstat commissionibus, quæ, pro iisdem causis matrimonialibus definiendis, a Sede Apostolica alicui eorum in secunda instantia fierent: nihilominus præcipimus, ac mandamus iis, ad quos hujusmodi Commissionum, seu Delegationum expediendarum cura pertinet, ut in futurum causarum matrimonialium cognitionem non committant nisi Episcopis, præsertim vicinioribus, vel si nullus sit Episcopus, cui ex legitima causa committi possit, tum commissio, & delegatio dirigatur uni ex iis, qui, secundum ordinem, & modum a Nobis in præfatis encyclicis Literis præscriptum, pro Judice idoneo ab Episcopo cum consilio sui Capituli nominatus fuerit.

Causæ Matrimoniales  
non nisi Episcopis & his  
deficientibus  
iudicibus Synodali  
committendæ

Defensor Matrimoniorum  
in singulis  
Diocæsis  
eligatur.

§. 5. Quod vero ad ordinem, & seriem iudiciorum in causis matrimonialibus pro debita, & congrua earum terminatione, servandum spectabat; motu proprio, certa scientia, ac matura deliberatione Nostri, de Sede Apostolicæ potestatis plenitudine hac Nostra in perpetuum valitura sanctione constituimus, decernimus, ac iubemus, ut ab omnibus, & singulis Locorum Ordinariis in suis respective Diocæsis persona aliqua idonea eligatur, & si fieri potest, ex Ecclesiastico cœtu, juris scientia pariter, & vitæ probitate prædita, quæ Matrimoniorum Defensor nominabitur, cum facultate tamen eam suspendendi, vel removendi, si juxta causa adfuerit, & substituendi aliam æque idoneam, & iisdem qualitatibus ornatam; quod etiam fieri poterit, quotiescumque persona ad Matrimoniorum defensionem destinata, cum se occasio agendi obtulerit, erit legitime impedita.

Defensoris  
officia.

§. 6. Ad officium autem Defensoris Matrimoniorum hujusmodi, ut supra electi, spe-



ſpectabit, in iudicium venire, quotieſcumque contigerit, matrimoniales cauſas ſuper validitate, vel nullitate coram legitimo Iudice diſceptari, eamque oportebit in quolibet actu iudiciali citari, adeſſe examini teſtium, voce & ſcriptis Matrimonii validitatem tueri, eaque omnia deducere, quæ ad Matrimonium ſuſtinendum neceſſaria cenſebit.

§. 7. Et demum Defenſoris huiusmodi perſona, tamquam Pars neceſſaria, ad iudicii validitatem, & integritatem cenſeatur, ſen perque adſit in iudicio ſive unus ex Conjugibus, qui pro nullitate Matrimonii agit, ſive ambo, quorum alter pro nullitate, alter vero pro validitate in iudicium veniant. Defenſor autem, cum ei manus huiusmodi committetur, iuramentum præſtabit fideliter officium ſuum obeundi, & quotieſcumque contigerit, ut in iudicio adeſſe debeat pro alicujus Matrimonii validitate tuenda, rursus idem iuramentum præbebit: quæcumque vero, eo non legitime citato aut intimato, in iudicio peracta fuerint, nulla, irrita, caſſa declaramus, ac pro nullis, caſſis, ac irritis haberi volumus, perinde, ac ſi citata, & intimata non eſſet ea Pars, cuius citari intereat, & quam, juxta legum, & canonum præſcripta, ad legitimam iudicii validitatem, citari, aut intimari omnino neceſſarium erat.

Idem ſemper adſit iudicio.

Juramentum præſtet.

Et citetur in omnibus actibus.

§. 8. Cum igitur coram Ordinario, ad quem cauſas huiusmodi cognoscere pertinet, controverſia aliqua proponetur, in qua de Matrimonii validitate dubitabitur, & exiſtentibus in iudicio, vel uno ex Conjugibus, qui pro nullitate Matrimonii, vel ambobus, quorum alter pro validitate, alter vero pro nullitate actionem intendat, Defenſor Matrimonii partes omnes officii ſui diligenter adimpleat. Itaque ſi a Iudice pro Matrimonii validitate iudicabitur, & nullus ſit, qui appellet, ipſe etiam ab appellatione ſe abſtineat; idque etiam ſervetur, ſi a Iudice ſecundæ iſtantiæ pro validitate Matrimonii fuerit iudicatum, poſtquam Iudex primæ iſtantiæ de illius utilitate Sententiam pronunciaverat; ſi autem contra Matrimonii validitatem Sententia feratur, Defenſor inter legitima tempora appellabit adhærens Parti, quæ pro validitate agebat; cum autem in iudicio nemo unus ſit, qui pro Matrimonii validitate negotium inſiſtat, vel ſi adſit, lata contra eum Sententia, iudicium deſeruerit, ipſe ex officio ad ſuperiorem Iudicem provocabit.

Non appellabit a Sententia pro validitate Matrimonii probata.

Contra, ſi pro invaliditate pronunciatum fuerit. Poſt unicam Sententiam, ſive appellatum ſit, ſive non nemini liceat ad alia vota tranſire.

Sub pœnis contra Poligamos ſtatutis.

§. 9. Appellatione a prima Sententia pendente, vel etiam nulla, ob malitiam, vel oſcitantiam, vel colluſionem Defenſoris, & Partium, interpoſita, ſi ambo, vel unus ex Conjugibus novas nuptias celebrare auſus fuerit, volumus, ac decernimus, ut non ſolum ſerventur, quæ adverſus eos, qui Matrimonium contra interdictum Eccleſiæ contrahunt, ſtatuta ſunt, præſertim, ut invicem a cohabitatione ſeparentur, quoaduſque altera Sententia ſuper nullitate emanaverit, a qua intra decem dies non ſit appellatum, vel appellatio interpoſita deſerta deinde fuerit; Sed ulterius ut contrahens, vel contrahentes Matrimonium huiusmodi, omnibus pœnis contra Poligamos a Sacris Canonibus, & Conſtitutionibus Apoſtolicis conſtitutis, omnino ſubiacent, quas in eos, quatenus opus ſit, motu ſcientia, ac poteſtate, ſimili rursus ſtatuiſmus, decernimus, ac revocamus.

§. 10. Poſteaquam vero, appellationis beneficio, ad alterum Iudicem cauſa in ſecunda iſtantiâ delata fuerit, omnia, & ſingula quæcumque coram Iudice in prima iſtantiâ ſervanda præſcripta fuerint, etiam coram altero in ſecunda exaſte, ac diligenter cuſtodientur, citato in quolibet iudicii actu Defenſore matrimonii, qui voce, & ſcripto matrimonii validitatem ſtrenue, ac pro viribus tuebitur. Et ſi Iudex in ſecunda iſtantiâ ſit Metropolitanus, aut Sedis Apoſtolicæ Nuncius, aut Epiſcopus vicinior, Matrimonii Defenſor ſit, qui ab iſtis fuerit deputatus, quemadmodum iſtis deputare mandamus, ut quæ a Nobis ſuperius conſtituta ſunt, peragere poſſit; ſi autem Iudex in ſecunda iſtantiâ erit Iudex Commiſſarius, cui a Sede Apoſtolica cauſæ cognitio demandata ſit, & qui Tribunal, & iurisdictionem ordinariam non habeat, & propterea careat Defenſore Matrimonii, volumus, ut illo Defenſore Matrimonii utatur, qui conſtitutus fuerit ab Ordinario, in cuius Diœceſi cauſam cognoscet, etiam ſi idem Ordinarius ſit, qui primam Sententiam in eadem cauſa pronun-

Defenſoris officia eadem in ſecunda iſtantiâ.

Illius electio ad quem ſpectet.

Novas nuptias contrahere liceat poſt duas conformes, niſi appellatum ſit. Vel alias prohibitum.

§. 11. Inſtructo autem in hunc modum iudicio, ſi ſecunda Sententia alteri conformis fuerit, hoc eſt, ſi in ſecunda, æque ac in prima, nullum, ac irritum matrimonium iudicatum fuerit, & ab ea Pars, vel Defenſor pro ſua conſcientia non crediderit



Vel nisi aliquid novi detegatur.

Appellatio tenetur suspendit executionem. Et in quavis instantia idem Ordo servandus.

Salarium Defensori volenti a quo, & unde constitui debeat.

Eadem omnia servantur in Curia.

Defensoris electio ad quem ibi pertinet.

Iteratum examen Cause semper necessarium.

Coram quibus respective faciendum sit.

derit appellandum, vel appellationem interpositam prosequendam minime censuerit: in potestate, & arbitrio Conjugum sit novas nuptias contrahere; dummodo alicui eorum, ob aliquod impedimentum, vel legitimam causam id vetitum non sit. Potestas tamen post alteram Sententiam conformem, ut supra, Conjugibus facta intelligatur, & locum habeat, salvo semper, & firmo remanente jure, seu privilegio causarum matrimonialium, quæ ob cujuscumque temporis lapsum nunquam transeunt in rem judicatam; sed si nova res, quæ non deducta, vel ignorata fuerit, detegatur, resumuntur, & rursus in judicalem controversiam revocari; quod si a secunda Sententia super nullitate, vel altera Pars appellaverit, vel hujusmodi sit, ut ei, salva conscientia, Defensor Matrimonii acquiescendum non putet, vel quia sibi videtur manifeste injusta, vel invalida, vel quia fuerit lata in tertia instantia, & sit revocatoria alterius præcedendis super validitate in secunda instantia emanatæ, volumus, ut, firma remanente utrique Conjugi prohibitione ad alias transeundi nuptias, quas si contrahere ausi fuerint, pœnis, ut præfertur, a Nobis constitutis subesse decernimus, causa in tertia, vel quarta instantia cognoscatur, servatis diligenter omnibus, quæ a Nobis in prima, & secunda instantia demandata fuerunt, nempe, in quolibet judiciali actu, citato, & audito Defensore matrimonii, qui a Judice tertiæ instantiæ deputatus fuerit.

§. 12. Defensor autem Matrimonii, quem ad munus suum gratis obeundum pro amore Dei, & proximi utilitate, & Ecclesiæ reverentia, in Domino exhortamur, si operam suam sine mercede, aut salario, aliqua ex causa exhibere recusaverit, ab ipsius Causæ Judice ei constituatur, & ab ea Parte, quæ pro validitate Matrimonii agit, si ipsi facultas sit, solvatur; sin minus, a Judice primæ, vel secundæ, vel tertiæ instantiæ respective subministrabitur, qui pecunias ex multis suorum Tribunalium redactas, vel redigendas, & in opera pia erogandas, in hujusmodi sumptus infumere poterunt. Cum vero Judices causæ erunt Judices Commissarii, qui neque forum habent, & consequenter neque pecuniam ex multis collectam, volumus, ac mandamus, ut Defensori Matrimonii satisfiat ex pecunia mulctarum illius Episcopi, in cujus Diocesi Judex Commissarius, juxta Sedis Apostolicæ mandatum, judicium exercebit.

§. 13. Hactenus quidem quoad Causas Matrimoniales, quæ extra Romanam Curiam pertractantur: Quoad Causas vero, quæ Romæ disceptandæ sunt, cum earum cognitio in prima instantia ad S. R. E. Cardinalem in præfata Urbe, ejusque Suburbis, & Districtu Vicarium nostrum in Spiritualibus pro tempore spectet; mandamus, ac jubemus, ut omnia, & singula, quæ in aliis causis extra Romanam Curiam pertractandis præscripta fuerunt, nempe ut judicium peragatur, citato, & audito Defensore Matrimonii ab eodem Cardinali Vicario deputato, aliæque, ut supra, omnino servantur: Tum etiam in aliis causis, quæ in prima instantia, ex consensu Partium, vel in secunda, per appellationem ad Sedem Apostolicam, omisso medio, interpositam, vel in tertia, Romam deferuntur; quas omnes judicari volumus, vel in Congregatione S. R. E. Cardinalium super interpretatione, & executione Concilii Tridentini, vel in causarum Palatii nostri Auditorio, dummodo Nobis, & Romano Pontifici pro tempore justis ex causis non videatur particularis Congregatio S. R. E. Cardinalium, vel Romanæ Curie Prælatorum deputanda. Cum autem causa super matrimonii nullitate agitur in dicta Congregatione S. R. E. Cardinalium Concilii Tridentini Interpretum, Defensor Matrimonii a Cardinali Præfeto ejusdem Congregationis, si vero in Palatii nostri Auditorio, ab Auditore Decano præfati Tribunalis, si demum in Congregatione particulari, a Persona ejusdem Congregationis digniore deputetur.

§. 14. Unica quidem resolutio pro nullitate Matrimonii emanata, si causa in Congregatione Cardinalium Concilii Tridentini Interpretum, vel in Congregatione particulari deputata cognoscatur, & similiter in Palatii nostri Auditorio, unica sententia super eadem nullitate pronunciata minime sufficiat ad tribuendam liberam Conjugibus facultatem novas nuptias contrahendi. Sed, si causa in præfata Congregatione Cardinalium Tridentini Concilii Interpretum introducta fuerit, rursus in eadem, ad Defensoris Matrimonii instantiam, reponatur; Si vero Congregationi particulari commissa fuerit, ad petitionem ejusdem Defensoris, alteri etiam particularis Congregatio deputabitur; Si vero in Palatii nostri Auditorio judicata sit a præfato Defensore appellatione interposita, ab aliis Auditoribus juxta ordinem in gyrum, seu turnum definiatur; Si autem causa universo Tribunali commissa fuerit, ab omnibus Auditoribus rursus



examinabitur : nolentes omnino , ut alio in casu Matrimonii vinculum dissolutum censeatur , nisi duo iudicata , vel resolutiones , aut Sententiæ penitus similes , & conformes , a quibus neque Pars , neque Defensor Matrimonii crediderit appellandum , emanaverint . Quod si secus factum fuerit , & novum initum Matrimonium , nostræ voluntatis huiusmodi transgressores poenis a Nobis , ut supra , statutis submittantur .

§. 15. Et quoniam sæpe apud Sedem Apostolicam preces porrigi solent pro dispensatione Matrimonii rati , & non consummati , quæ ut plurimum pro voto consultivo ad Congregationem S. R. E. Cardinalium Concilii Interpretum , vel nonnunquam ad aliquam Congregationem particularem deputatam , a Romanis Pontificibus pro tempore remitti solent ; ut huiusmodi instantiæ ordines , acrite procedant , volumus , ac mandamus , ut supplex libellus Novis , vel Romano Pontifici pro tempore exhibeatur , in quo plena , & accurata totius facti species contineatur , causæque omnes in eo exprimantur , quæ ad obtinendam petitam dispensationem conducere posse a supplicante censentur , ut Romanus Pontifex , eo lecto , & mature considerato , secum deliberare possit , an petitionem rejiciat , vel ejus examen alicui ex dictis Congregationibus committat ; a qua posteaquam suum votum consultivum editum fuerit , a Secretario ejusdem Congregationis totius negotii series exakte Romano Pontifici pro tempore referatur , qui pro sua prudentia iudicabit , an Congregationis Resolutio sit approbanda , vel potius totius causæ examen alteri Congregationi , vel Tribunali , prout eidem Pontifici videbitur , rursus committendum .

Instantiæ  
pro dispensa-  
tione Matrimo-  
nii rati , &  
non consum-  
mati , non re-  
cipiantur , ab-  
sque remissio-  
ne Pontificis.

Nec absque  
ejus Oraculo  
definiantur .

§. 16. Denum volumus , ac decernimus , easdem præsentis literas semper firmas , & validas , & efficaces existere , & fore , suosque plenarios , & integros effectus sortiri , & obtinere , ac ab illis , ad quos spectat , & pro tempore quodcumque spectabit , in omnibus , & per omnia plenissime , & inviolabiliter observari . Sicque , & non aliter per quoscumque Iudices Ordinarios , & Delegatos , etiam Causarum Palatii Apostolici Auditores , ac ejusdem S. R. E. Cardinales , etiam de latere Legatos , & S. Sedis Nuntios , aliolve quoslibet quacumque præ eminentia , & potestate fugentes , & functuros sublata eis , & eorum cuilibet quavis aliter judicandi , & interpretandi facultate , & auctoritate , ubique judicari , & definiri debere , ac irritum , & inane , si secus super his a quoquam quavis auctoritate scienter , vel ignoranter contigerit attentari . Non obstantibus præmissis , ac Constitutionibus , & ordinationibus Apostolicis , necnon quibuscumque , etiam juramento , confirmatione Apostolica , vel quavis firmitate alia roboratis , Statutis , & consuetudinibus , privilegiis quoque , indultis , & literis Apostolicis sub quibuscumque tenoribus verborum , & formis , ac cum quibuscumque etiam derogatoriis derogatoriis , aliisque efficacioribus , & insolitis clausulis , irritantibusque , & aliis decretis , etiam motu , scientia , & potestatis plenitudine paribus in genere , vel in specie , seu alias quomodolibet concessis , confirmatis , & innovatis . Quibus omnibus , & singulis , etiam si pro illorum sufficienti derogatione de illis eorumque totis tenoribus specialis , specifica , expressa , & individua , ac de verbo ad verbum , non autem per clausulas generales idem importantes mentio , seu quævis alia expressio habenda , ut aliqua alia exquisita forma in aliis tradita observata eisdem præsentibus pro expressis , & insertis habentes , illis alias in suo robore permanfuris , ad præmissorum effectum , ac vice dumtaxat expresse derogamus , cæterisque contrariis quibuscumque .

Perpetuus  
præsentium  
vigor , subla-  
ta &c.

Quibuscum-  
que non ob-  
stantibus .

§. 17. Volumus autem , ut præsentis Literæ in valvis Ecclesiæ Lateranensis , & Principis Apostolorum , necnon Cancellariæ Apostolicæ , ac in Acie Campi Floræ de Urbe , ut moris est , publicentur , & affigantur , sicque publicatæ , & affixæ , omnes , & singulos , quos illæ concernunt , perinde ardeant , & afficiant , ac si unicuique eorum nominatim , & personaliter intimatæ fuissent , quodque earundem præsentium transumptis , seu exemplis , etiam impressis , manu alicujus Notarii publici subscriptis , & sigillo alicujus Personæ in Dignitate Ecclesiastica constitutæ munitis , eadem prorsus fides tam in iudicio , quam extra illud ubique adhibeatur , quæ ipsis præsentibus adhiberetur , si forent exhibitæ , vel ostensæ .

Publicationis  
effectus , &  
exemplorum  
auctoritas .

§. 18. Nulli ergo omnino hominum liceat hanc paginam Nostri decreti , statuti , constitutionis , prohibitionis , revocationis , annulationis , declarationis , mandati , ac voluntatis infringere , vel ei ausu temerario contraire ; Si quis autem hoc attentare præsumperit , indignationem Omnipotentis Dei , ac BB. Petri , & Pauli Apostolorum ejus se noverit incursum .

Sanctio .



Dat. die 3.  
Novembris  
1741.

Datum Romæ apud S. Mariam Majorem Anno Incarnationis Dominicæ millesimo septingentesimo quadragésimo primo, tertio nonas Novembris, Pontificatus Nostri Anno II.

D. Card. Passioneus.  
X. Sub-Datarius.

Visa de Curia.  
N. Antonellus.

Loco ✠ Plumbi.

J. B. Eugenius.  
Publicat. die 29. ejusdem Mensis, & Anni.

XXXIV.

# DECLARATIO,

Cum Instruptione, super Dubiis respicientibus MATRIMONIA in  
Hollandia, & Belgio contracta, & contrahenda.

Dubium su-  
per validitate  
Matr. cum  
Hæreticis  
contracti. in  
Dominis Or-  
dinum Fœde-  
rat. non ser-  
vata forma  
Concillii Tri-  
dent.

Quod a Cle-  
mente XII.  
remissum  
Congreg.  
Concillii.

BENEDI-  
CTUS XIV.  
Congregatio-  
nem coram se  
convocat.

Declarat va-  
lida Matrimo-  
nia ibidem in-  
ter Hæreticos  
contracta.

**M**atrimonia, quæ in locis Fœderatorum Ordinum dominio in Belgio subje-  
ctis iniri solent, sive inter Hæreticos ex utraque parte, sive inter Hæreticum ex  
una parte Virum, & Catholicam Fœminam ex alia, aut viceversa, non servata forma  
a Sacro Tridentino Concilio præscripta, utrum valida habenda sint, nec ne, diu mul-  
tis uberem anxietatis, ac periculorum seminem per multos annos subministravit,  
quum præsertim Episcopi, Parochi, atque illarum Regionum Missionarii, nihil certi  
hac super re haberent, nihil vero inconsulta Sancta Sede auderent statuere, ac de-  
clarare. Cum autem, proxime evolutis annis, in tam anceps, gravique causa Apo-  
stolicæ Sedis iudicium vehementius exposceretur, urgeretque id imprimis vigilantissi-  
mus Iprensis Episcopus, dum pro debito Officii sui, & sua erga B. Petri Cathedram  
observantia, de Ecclesiæ sibi conceditæ statu ad Romanum Pontificem referebat, po-  
nendumque omnino esse tam proluxæ dubitationi finem, gravissimis verbis, ac ratio-  
nibus persuaderet, Clemens XII. id temporis Romanus Pontifex, qui rei gravitatem,  
quantum oportebat, æstimaret, Sacræ Congregationis Eminentiis Cardinalium Concilii  
Tridentini Interpretum in mandatis dedit, ut de tota controversia diligenter more suo  
cognosceret. In re itaque tanti momenti volens eadem Sacra Congregatio quam ac-  
curatissime procedere, commissæ sibi cognitionis initium ab exquisitis aliorum quoque  
Belgii Episcoporum Relationibus, atque sententiis, quas desuper explorari fategit, pe-  
tendum duxit, eodemque tempore audire voluit præstantes aliquot huius Almæ Urbis  
Theologos, quibus injunxit, ut rem totam ea qua decet, maturitate discuterent,  
suamque opinionem proferrent.

§. 1. At dum hæc maxime agerentur, supersedendum per aliquot Menses fuit ab  
istiusmodi Causæ expeditione, propter viduitatem, quæ intercidit Romanæ Ecclesiæ,  
donec ad Summum Pontificatum feliciter evehctus Sanctissimus D. N. BENEDICTUS  
XIV. inter primas Regiminis sui curas, Causæ huius cognitionem repeti iussit a me-  
morata Sacra Congregatione Concilii, quam voluit coram se haberi, ut auditis Emi-  
nentissimorum Patrum Sententiis, ipse demum, quid hac de re tenendum foret, su-  
premo suo pronuntiaret oraculo. Cum igitur Congregatio præfata sub die 12. Maji  
currentis anni 1741. coram Sanctitate Sua fuerit habita, idem Sanctissimus D. N. spatio  
aliquo temporis ad rem secum expendendam accepto, hanc nuper Declarationem,  
& Instruptionem exarari præcepit, qua veluti certa regula, ac norma, omnes Belgii  
Antistites, Parochi, earumque Regionum Missionarii, & Vicarii Apostolici deinceps  
in huiusmodi negotiis uti debeant.

§. 2. Primo scilicet, quod attinet ad Matrimonia ab Hæreticis inter se in locis Fœ-  
deratorum Ordinum dominio subjeclis celebrata, non servata forma per Tridentinum  
præscripta, licet Sanctitas Sua non ignoret, alias in casibus quibuldum particulatibus,  
& attentis tunc expositis circumstantiis, Sacram Congregationem Concilii pro eorum  
invaliditate respondisse; æque tamen compertum habens nihil adhuc generatim, &  
universè super ejusmodi Matrimoniis fuisse ab Apostolica Sede definitum, & alioquin  
opor



oportere omnino ad consulendum universis Fidelibus in iis locis degentibus, & plura avertenda gravissima incommoda, quid generaliter de hisce Matrimoniiis sentiendum sit, declarare; negotio mature perpenso, omnibusque rationum momentis hinc inde sedulo libratis, declaravit, statuitque, Matrimonia in dictis Fœderatis Belgii Provinciis inter Hæreticos usque modo contracta, quæque imposterum contrahentur, etiam si forma a Tridentino præscripta non fuerit in iis celebrandis servata, dummodo aliud non obstitit canonicum impedimentum, pro validis habenda esse; Adeoque si contingat, utrumque Coniugem ad Catholicæ Ecclesiæ sinum se recipere, eodem, quo antea, conjugali vinculo ipsos omnino teneri, etiam si mutus consensus coram Parocho Catholico ab eis non renovetur; Sin autem unus tantum ex Coniugibus, sive Masculus, sive Fœmina, convertatur, neutrum posse, quamdiu alter superstes erit, ad alias nuptias transire.

Ideo, siambo  
Conjuges ad  
Fid. Cath. ve-  
deant, con-  
sensum non  
esse renovan-  
dum.

Si unus con-  
vertatur, eum  
ad alias nu-  
ptias transire  
non posse.

Nuptias a  
Catholicis  
cum Hæreti-  
cis contractas  
deseatur.

§. 3. Quod vero spectat ad ea Coniugia, quæ pariter in iisdem Fœderatis Belgii Provinciis, atque forma a Tridentino statuta, contrahuntur a Catholicis cum Hæreticis, sive Catholicus Vir Hæreticam Fœminam in Matrimonium ducat, sive Catholica Fœmina Hæretico Viro nubat, dolens imprimis quam maxime Sanctitas Sua, eos esse inter Catholicos, qui infano amore turpiter dementati, ab hisce detestabilibus Connubiis, quæ S. Mater Ecclesia perpetuo damnavit, atque intercedat, ex animo non abhorrent, & prorsus ubi abstinentum non ducunt, laudantque magnopere ze- lum illorum Antistitem, qui, severioribus propositis spiritualibus pœnis, Catholicos coercere student, ne sacrilego hoc vinculo se se Hæreticis coniungant; Episcopos omnes Vicarios Apostolicos, Parochos, Missionarios, & alios quoscunque Dei, & Ecclesiæ fideles Ministros in Partibus degentes, serio, graviterque hortatur, & monet, ut Catholicos utriusque sexus ab huiusmodi nuptiis in propriarum Animarum perniciem ineundis, quantum possint, absterreant, eisdemque Nuptias omni meliori modo intervertere, atque efficaciter impedire satagant. At, si forte aliquod huius generis Matrimonium, Tridentini forma non servata, ibidem contractum iam sit, aut imposserum (quod Deus avertat) contrahi contingat; declarat Sanctitas Sua, Matrimonium huiusmodi, alio non concurrente canonico impedimento, validum habendum esse, & neutrum ex Coniugibus, donec alter eorum supervixerit, ullatenus posse, sub ob- tentu dictæ formæ non servatæ, novum Matrimonium inire. Id vero debere sibi po- tissime in animum inducere Coniugem Catholicum, sive Virum, sive Fœminam, ut pro gravissimo scelere, quod admisit, pœnitentiam agat, ac veniam a Deo prece- tur, coneturque pro viribus alterum Coniugem a vera Fide deerrantem ad gremium Catholicæ Ecclesiæ pertrahere, eiusque Animam lucrari, quod porro ad veniam de patrato crimine impetrandam opportunissimum foret, sciens de cetero, ut mox di- ctum est, se istius Matrimonii vinculo perpetuo ligatum iri.

Validas ta-  
men pronun-  
ciat, etiam  
non servata  
forma &c.

Quid tacien-  
dum Coniugi  
Catholico.

§. 4. Ad hæc declarat Sanctitas Sua, ut quicquid hætenus sancitum, dictumque est de Matrimoniiis sive ab Hæreticis inter se, sive inter Catholicos, & Hæreticos ini- tis in locis Fœderatorum Ordinum dominio in Belgio subiectis, sancitum, dictumque intelligantur etiam de similibus Matrimoniiis extra fines Dominiorum eorundem Fœdera- torum Ordinum contractis ab iis, qui addicti sunt Legionibus, seu Militaribus Copiis, quæ ab iisdem Fœderatis Ordinibus transmitti solent ad custodiendas, muniendasque Arces conterminas, vulgo dictas *di Barriera*; Ita quidem, ut Matrimonia ibi præter Tridentini formam, sive inter Hæreticos utrinque, sive inter Catholicos, & Hære- ticos inita, valorem suum obtineant, dummodo uterque Coniux ad eandem Copias, sive Legiones pertineat; Et hanc declarationem vult Sanctitas Sua complecti etiam Civitatem Mosæ Trajectensis, a Republica Fœderatorum Ordinum, quamvis non ju- re domini, sed tantum oppignorationis, ut ajunt, nomine possessam.

Idem iudi-  
candum edi-  
cit quoad per-  
sonas additas  
Prædictis Lo-  
corum, di-  
Barriera.

Et incolas  
Civitatis Mo-  
sæ Traject.

§. 5. Tandem circa Coniugia, quæ contrahuntur, vel in Regionibus Principum Ca- tholicorum ab iis, qui in Provinciis Fœderatis domicilium habent, vel in Fœderatis Provinciis ab habentibus domicilium in Regionibus Catholicorum Principum, nihil San- ctitas Sua de novo decernendum, aut declarandum esse duxit; volens, ut de iis, juxta canonica juris communis principia, probatasque in similibus casibus alias editas a Sacra Congregatione Concilii resolutiones, ubi disputatio contingat, decidatur. Et ita decla- ravit, statuitque, ac ab omnibus imposterum servari præcepit. Die 4. Novembris 1741.

Domiciliarii  
Provinciarum  
Fœd. nuben-  
tes in regio-  
nibus Catho-  
licorum, &  
viceversa,  
subiunt juri  
communi.

Die 4. No-  
vemb. 1741.

A Card. Gentili S. C. Concilii Præf.

C. A. Arch. Philippen. Secr.  
K 2 M A-



## M A T R I M O N I A

Occulta, quibus, & quomodo sint permittenda; quibusque cautelis celebranda, & in actis describenda: Quomodo consulendum educationi, & indemnitate Proles.

*Venerabilibus Fratribus, Patriarchis, Primatibus, Archiepiscopis, & Episcopis*

## B E N E D I C T U S P A P A X I V .

*Venerabiles Fratres, salutem, & Apostolicam Benedictionem.*

Matrimonia  
Palam cele-  
brari jubet  
Ecclesia.  
Concilii Tri-  
dentini De-  
cretum.

**S**atis Vobis compertum esse non dubitamus, *Venerabiles Fratres*, eam semper fuisse piæ Matris Ecclesiæ vigilem curam, ut Sacramentum Matrimonii, *Magnum* ab Apostolo nuncupatum, publice, & palam a Fidelibus celebretur. Quod quidem, ut & Tridentina Synodus, Lateranensis Concilii sub Innocentio III. celebrati vestigiis inhærendo, præcepit, ut posterum, antequam Matrimonium contrahatur, ter a Missarum solemnibus publice denuntiatur; deindeque, nullo legitimo concurrente impedimento, ad illius celebrationem in facie Ecclesiæ, coram Parocho, vel alio Sacerdotem, de ipsius Parochi, seu Ordinarii licentia, & duobus, vel tribus Testibus præsentibus, rite procedatur. Voluit etiam eadem Sancta Synodus, apud Parochum diligenter Librum custodiri, in quo Conjugum, & Testium nomina, diesque, & locus Matrimonii describantur.

Contrarius  
usus nimis  
frequens.

§. 1. Providæ tamen hujusmodi leges, tanta auctoritate saluberrime institutæ, præva horum tempum conditione sensim prolabi visæ sunt, & enerves propemodum redditi, ob Matrimonia usu nimis recepta, quæ occulte adeo celebrantur, ut illorum notitia, quantum fieri potest, obliteretur, & in tenebris ignorantiae perpetuo jaceat conscripta. In more etenim positum est, illa celebrari nullis præ viis factis Denuntiacionibus, coram solo Parocho, vel alio Sacerdote de ejus licentia adhibita præsentia tantum duorum Testium apposite a Contrahentibus advocatorum, quorum fides intra illam, januis tamen occlusis, vel eo temporis momento, quo semota alterius cuiusvis præsentia, scientia initi Matrimonii, præter Parochi, Contrahentium, Testiumque personas, alios penitus effugiat.

Mala & peccata inde consequentia.

§. 2. Quantum a Sacramenti dignitate, & ab Ecclesiasticarum legum præscripto occulta hæc Matrimonia, *Conscientiæ* vulgo nuncupata, ut plurimum abhorreant, satis superque conicere quis poterit, qui mentis aciem ad exitiosos illorum effectus coniuncti Judicii interminatione posthabita, priore Uxore, cum qua clam contraxerunt, relicta, cum alia spe futuri Matrimonii decepta, & in turpem secum vivendi licentiam abducta, palam contrahere promittunt. Quorundam vero mentem ita pravæ cupiditates excæcant, ut novum contrahere secretum Matrimonium audeant, post alterum magno scelere polygamos reddant. Alii etiam eo impudentiæ devenere, ut in huius magni Sacramenti contemptum, post primas secreto initas, alteras aut publice, aut privatim nuptias contrahendo, sese audacium polygamia pariter innodare non perhorrescant. Age vero quam gravia, quam nullo pacto ferenda ex his Matrimoniis mala oriantur. Si enim ad quamcumque Matrimonii suspensionem submovendam, Vitium seorsim a Muliere vivere contingat, sublata est illico individua vitæ consuetudo, & contemptum est verbum Domini: *Adhærebit homo Uxori suæ, & erunt duo in carne una*: Sin hæc vitæ consuetudo servetur, nemo est, qui illam criminis non arguat, & utpote detestabilem, in scandali materiam non traducat. Neque illata per delitescit, & ab omnibus ignoratur.

Proles damna  
spiritualia,  
& temporalia.

§. 3. Leviora quoque damna non sunt, quæ susceptæ Proli irrogantur. Sæpe enim contingit, illam a Parentibus, & a Matre præsertim amotam, nec pie, nec liberallyter



ut in institui; sed incertis fortunæ casibus objectam relinqui, nisi etiam Parentes ipsi, contra naturæ leges, ausu nefario illius vitæ insidiantur. Ubi vero tam immane facinus Parentes deterreat, illosque ad sobolem alendam, instituendamque humanitas ipsa compellat; alia imminat Liberis susceptis ex occulto Matrimonio lugenda Avitarum facultatum, & Bonorum jactura, pro quorum possessione assequenda quamvis clament jura sanguinis, illis tamen careant necesse est, propter occulta Parentum Matrimonia, & ademptam legitimatis, & Filiationis probationem.

§. 4. Huic etiam malorum origini sunt referenda ipsa quoque secreta Matrimonia contracta a Filiisfamilias contra Patris iusta dissentientis voluntatem: ex quibus quam gravia incommoda exoriri soleant, neminem latet. Quid plura? Adeo invaluit malitia, ut quandoque in Minoribus Ordinibus constituti Pensiones, & Beneficia, ad Divinum Cultum, & Ecclesiastica munia instituta, etiam post initum clam Matrimonium retinuerit, sibi que de mammona iniquitatis oculos miserrime comparaverint.

§. 5. Deflenda hæc igitur potius uberibus lacrymis, quam latiore calamo explicanda malorum congeries, cum ex hac Apostolicæ Sedis specula omnes sibi vindicet nostræ vigilantia curas; temperare non possumus, quin Vos ipsos, Venerabiles Fratres, in partem nostræ sollicitudinis evocantes, vestram pietatem, & zelum excitemus ad custodiendas vigilias noctis super Greges Vobis credito, quem luctuosa horum temporum conditio in discrimen adducit. Primum itaque periculi non infrequens occasio Vos reddat difficiliores ad remittendum Publicationes, a quibus contracturi Matrimonium sæpe per malitiosam suggestionem petunt dispensari. Quam caute, solerterque oporteat ea in re Episcopos versari, non obscura Vobis a Concilio Tridentino exhibentur argumenta. Si enim ait eadem Sancta Synodus) probabilis fuerit suspicio, Matrimonium malitiose impediri posse, si præcesserint Denunciationes; tunc vel una tantum Denunciatio fiat; vel saltem Parocho, & duobus Testibus præsentibus, Matrimonium celebretur, & deinde ante illius consummationem Denunciationes in Ecclesia fiant, ut si aliqua subsunt impedimenta, facilius detegantur. Præterea licet Episcopo relictum sit omnimode super Denunciationibus dispensare, hæc tamen facilitas, non a sola Dispensantis voluntate pender, sed a Tridentino coercetur artus prudentiæ, discretique arbitrii legibus; quod idem est, ac legitimam causam dispensationis requirere.

§. 6. Parem quoque, imo fortasse maiorem vigilantiam necesse est a Vobis adhiberi, ne, post remissas Denunciationes, celebretur Matrimonium coram Parocho, vel alio Sacerdote ab ipso Parocho, vel a Vobis deputato, præsentibus duobus, vel tribus Testibus confidentibus, ne ulla celebrationis notitia, vel rumor oriantur. Id enim, ut ad præscriptum Sacrorum Canonum licite fieri possit, non satis est obvia quævis, & vulgaris causa, sed gravis, urgens, & urgentissima requiritur. A Sacro Nostræ Pœnitentiariæ Tribunali, eo potissimum casu fit potestas ita celebrandi Matrimonium, quo Vir, & Pœmina in figura Matrimonii publice degentes, & de quibus nulla viget criminis suspicio, in occulto tamen Concubinato perseverent: Facile enim quisque conficiet, quam absconum esset, eos a statu damnationis per gratiam Sacramenti revocandos, ad publice contrahendum Matrimonium prævis Denunciationibus compelli. Hanc vero praxim Vobis duximus proponendam, non quia Dispensatio præmissis casui solum congruat, cum alii similes, & fortasse urgentiores esse possint, in quibus dispensari expediat, sed quia Vestri Pastoralis Officii partes versari debent in sedulo investiganda legitima, & urgenti causa Dispensationis, ne Matrimonia occulte celebrata luctuosos habeant exitus, quos intimo cordis mœrore recensuimus.

§. 7. Hunc porro in scopum Vos hortamur, & impense admonemus, ut Personarum Matrimonium secreto contrahere petentium diligens fiat a Vobis inquisitio: An scilicet ejus qualitatis, gradus, & conditionis sint, quæ id probe exposcant; an sint sui, vel alieni juris; An Filiisfamilias, quorum nuptiæ Patri iuste dissentienti sint invisæ; ab Episcopali etenim, quod geritis, munere nimium esset alienum, facilem præberi Filio inobedientiæ occasionem; An res sit de Personis Ecclesiasticis, licet in Minoribus Ordinibus constitutis, Pensiones, & Beneficia Ecclesiastica obtinentibus, ut detestabilis illorum recentio in statu Uxorato congruis remediis postea compescatur. Potissimum vero curet Vestra sollicitudo, antequam secreti Matrimonii licentia concedatur, quod Contrahentes clara, & indubia, & quavis fraude immunia exhibeant documenta status liberi, ad averrendum ab iis, qui improbi sint ingenii, polygamizæ periculum.

§. 8. Quod

Filiorum fami-  
lias, &  
Clericorum  
excessus.

Ideo monen-  
tur Episcopi,  
ne facile dis-  
pense a pu-  
blicationibus.

Nec tamen  
permittant  
Matrimonia  
secrete initia.

Qualitates  
Petentium dili-  
genter exa-  
pendant.

Et præcipue  
eorum status  
liberum.



Sacerdotem  
extraneum si-  
ne causa non  
deputent.

§. 8. Quod attinet ad Ministrum Secreti Matrimonii, volumus ad id munus deputari Parochum alterius ex contrahentibus, quem notitia Personarum, experientia, & diuturnus rerum usus, quovis Sacerdote extraneo peritorem effecisse præsumuntur. Si quæ tamen Vobis occurrant circumstantiæ, quæ alium Sacerdotem loco Parochi exposcere videantur; gravi impellente causa: is Sacerdos a Vobis eligatur, qui probitate, & doctrina, & obeundi muneris peritia commendetur.

Contrahentes  
conveniant de  
ipsorum debi-  
to.

§. 9. Uni tamen, aut alteri Sacramenti Ministro a Vobis deputando distincte præcipiatur, ne Matrimonio interlit, nisi prius paterna charitate Coniuges in Domino monuerit, Sobolem procreandam regenerari quamprimum oportere sacro Baptismatis lavacro; ac Christo Judici districtam reddituros esse rationem, nisi Filios ut legitimos agnoverint, eosque pietate, bonisque moribus imbuerint, & frui patientur Bonis temporalibus, a Majoribus in supremis tabulis relictis, vel provida legum auctoritate delatis.

Matrimonii  
occulti docu-  
menta Episcopo exhiberi,  
in ista re-  
ferti, & cau-  
te servari ju-  
bentur.

§. 10. Celebrato autem Matrimonio, indilate a Parocho, vel alio Sacerdote, coram quo initum est, exhibeatur Episcopo illius scriptum documentum, cum nota loci, & temporis, Testiumque, qui celebrationi interfuerunt. Vestrum erit postea diligenter intrascribantur in Libro prorsus distincto ab altero, in quo Matrimonia publice contractus, clausus, & Sigillis obsignatus, in vestra Episcopali Cancellaria caute erit custodiendus: Et eo tantum casu resignari, & aperiri vestra accedente licentia patiendi, quo alia id genus Matrimonia describi oporteat, vel id sibi vindicet iustitiæ administrandæ necessitas, vel denum aliquod documentum ab eo exposcant verum interesse habentes, quibus probationum aliunde petendarum non suppetit copia: Scdulo tamen animadvertentes, quod, re absoluta, denuo claudatur, & Sigillis, ut antea, obligetur. Fides, seu Attestationes clam celebrati Matrimonii, a Parocho, vel Sacerdote, qui vices Parochi gessit, exarandas, Vobisque exhibendas, trascribantur in dicto Libro, prout iacent, de verbo ad verbum, a Persona a Vobis deputanda, quæ apud omnes integritatis, probatique nominis luculentum habeat testimonium. Fides vero, & Attestationes ipsæ in secretiori loco, sacras, recteque a Vobis servantur.

Proles tem-  
pore baptiza-  
ri.  
Ejusque nati-  
vitas Episcopo  
denunciari.

§. 11. Quod si ex occulto huiusmodi Matrimonio Prolem nasci contingat, eadem mundetur salutari Aqua Baptismi in Ecclesia, in qua aliis Infantibus hoc Sacramentum indistincte confertur. Et quia ad operiendum clam initum Matrimonium, facile est in Libro Baptizatorum nullam fieri mentionem Parentum, & eorum Nomina consulto ab illius Matre, suscepta Proles vobis denunciatur; dissiq; Denunciatio fiat, vel immediate per Parentes ipsius, vel per literas eorum character exaratas, vel per fide dignam Personam ab ipsis Parentibus designatam, ut certo, & clare Vobis constet, quod Proles tali loco, & tempore, vel recitatis, vel falso expressis nominibus Parentum, baptizata, est legitima, licet occulti Matrimonii fœdere procreata. Quæ sane omnia cum Vobis innotuerint, ne illorum excidat memoria, in Libro fideliter describentur ab eo, cui facta a Vobis est potestas adnotandi Matrimonia occulte celebrata. Liber in quem Baptizatorum, ac utriusque Parentis nomina referentur, quamvis distingui debeat ab altero Matrimoniorum; eadem tamen diligentia, iisdemque cautelis in Cancellaria Episcopali clausus, & sigillis obsignatus, erit custodiendus, prout Librum Matrimoniorum caute custodiri supra mandavimus.

Contrave-  
nientium po-  
na, Matrimo-  
nii divulga-  
tio.

§. 12. Quia vero nonnulli deesse non possunt, qui propriæ conscientiæ vocibus obfurdescant, & nostris hisce mandatis parere negligant; debita poenarum distinctione pro modo culpæ a Vobis puniantur. Quinimmo cum satis Nobis experientia compertum sit, in huiusmodi negotiis homines, in terram oculos declinantes, ob humanos respectus tardiores effici, & a recte agendi semita revocari: Mandamus idcirco, Matrimonia occulta a Vobis evulgari, & nota fieri, si certo Vobis constiterit, ex aliquo Matrimonio occulto procreatam fuisse Sobolem, & baptizatam suppressis Parentum nominibus, nulla præstita Vobis notitia, ut par erat, ab illius Parentibus, intra triginta dies a Nativitate numerandos.

Predicta om-  
nia contra-  
hentibus edi-  
cenda.

§. 13. Ne autem Contumaces, & Inobedientes, violatæ fidei, proditique Secreti Pastores suos insimulent; sedulo a Vobis curandum est, ut a Parocho, vel alio Sacerdote pro secreta celebratione Matrimonii a Vobis deputando, Coniuges clare, & aperte moncantur, ea lege, & pacto illis permitti Secreti Matrimonii celebrationem, ut Sobol-



Soboles inde procreanda non solum regeneretur Sacro Baptismate, sed post Baptisma denuntietur Episcopo cum nota loci, & tempori administrati Sacramenti, ac sincera indicatione Parentum, a quibus ortum habuit, quemadmodum supra Præmissum est; alioquin matrimonium, licet contractum data per Episcopum Secreti fide, in lucem profertur, in gratiam Filiorum, & ad propulsandam ab illis gravem, nulloque pacto ferendam jacturam.

§. 14. Volumus denique, ac mandamus, Fides, seu Attestationes Matrimonii clam initi, & Sobolis ex eo procreatæ, excerptas ex dictis Libris, modo, quo dictum est, apud vos caute custodiendis, tantam promereri fidem, quantam sibi alii Libri Parochiales Baptismatis, & Matrimonii vindicare consueverunt.

Registis secretis auctoritatis tribuitur.

§. 15. Hæc a vobis, Venerabiles Fratres, in hac temporum calamitate observari enixe præcipimus, ad communem Animarum salutem, & ad præsidium Ecclesiasticæ disciplinæ, propter invalescentem hominum malitiam nova semper detrimenta vel patientis, vel reformidantis. Cæterum nostris hisce literis sublata nolumus ea validiora remedia, quæ huic malo in diem ingruenti consona dignoscet prudentia vestra, ad Pastorale officium cumulate obeundum. Vobis interea paternæ charitatis, & benevolentiae testem, Apostolicam Benedictionem impertimur.

Adhortatio ad Episcopos.

Datum Romæ apud Sanctam Mariam Majorem die 27. Novembris 1741. Pontificatus Nostri Anno II.

Dat. die 17. Nov. 1741.

## B E A T I F I C A T I O N E S

XXXVI.

Servorum Dei, & Beatorum Canonizationes in Basilica Principis Apostolorum peragi debere statuitur.

## B E N E D I C T U S E P I S C O P U S S E R V U S S E R V O R U M D E I.

*Ad perpetuam rei memoriam.*

**A**D Sepulera Apostolorum, quorum consecrata Sanguine Roma, quæ fuerat Magistra erroris, facta est discipula veritatis; ad Sacros B. Petri cineres, super cuius fidei firmitate extructa totius sacri ædificii Cælo inferenda confurgit sublimitas, Romana Mater Ecclesia in suis triumphat Filiis, qui, calcatis Mundi blanditiis, & infernalis hostis superatis insidiis, ad præmia pervenerunt æterna, & quos inter Sanctos Dei Servos, & cælestis beatitudinis consortes, congruo devotionis cultu venerandos, Romani Pontificis a Christo Domino accepta, & per Petrum ad Successores suos derivata decernit auctoritas. Quæ igitur a Romanis Pontificibus Prædecessoribus nostris prudenti consilio, & provida ratione instituta sunt, & longo deinde usu recepta, pie sancteque servata, Nos, quorum humilitatem ineffabilis Dei benignitas ad Cathedram Petri evehere dignata est, docet diligenter servare, & studiose custodire, & si quid vel temporum, vel rerum varietate immutatum est, in integrum restituere, & ad pristinam rationem, ac formam revocare, atque alia disponere, prout in Domino videtur expedire.

Proœmium.

§. 1. Sane quidem omnes, & singulas Beatorum Canonizationes in Urbe nostra peragenda in Basilica B. Petri Apostolorum Principis semper peractas fuisse, antiqua ac fide digna testantur monumenta: Cum autem fel. record. Bened. Papa XIII. Prædecessor noster, a quo ad Cardinalatus honorem assumpti fuimus, in eadem Vaticana Basilica Beatos Turribium ex Majora, Jacobum a Marchia, Agnetem a Monte Politiano, Peregrinum Latinoium, Johannem a Cruce, Franciscum Solanum, Aloysium Gonzagam, Stanislaum Koskam, & biennio post Beatam Margaritam a Cortona, Sanctorum cultu honorandos solemniter de more constituisset; ac deinde B. Johannem Nepomucenum in Sanctorum numerum similiter referre vellet; ei persuasum est, ut id in Basilica nostra Lateranensi solemniter ritu perageret. Nos, qui per id temporis Ecclesiæ Anconitanæ ex concessione, & dispensatione Apostolica præeramus, eundem Benedictum Prædecessorem per nostras litteras certiorum facere non prætermisimus, Beatorum Canonizationes, quoties in Urbe faciendæ erant, nonnisi in Vaticana-

Pontifex re-  
fert morem  
peragendi Ca-  
nonizationes  
in Basilica  
Vaticana.

Qui, ipso  
dissentiente,  
semel inter-  
ruptus fuit sub  
Bened. XIII.



ticana Basilica ab antiquo tempore celebrari consuevisse; & ad hujusmodi officium præstandum eo magis Nos teneri credimus, quia per plures annos, dum in minoribus eramus, unus ex insignis ejusdem Basilicæ Capituli Canonicis extitimus, & per plures etiam annos munere Promotoris Fidei functi fuimus. Tum autem Roma benigne Nobis responsum est, quod in Basilica Lateranensi solemnibus apparatus pro Canonizatione ibidem habenda jam nimium processerat, nostræque literæ serius, quam oportebat, ad Urbem pervenerant.

Et iterum sub  
Clem. XII.

§. 2. Postmodum a piæ mem. Clemente PP. XII. similiter Prædecessore nostro ab Ecclesiæ Anconitanæ, ad Ecclesiæ Bononienlis regimen Apostolica ejus auctoritate translatis Nobis significatum est, prædictum Clementem Prædecessorem BB. Vincentii de Paulis, Johannis Francisci Regis, Catherinæ Fieschi Adorni, & Julianæ Falconeræ Canonizationem propediem in Ecclesia Lateranensi solemniter celebraturum: Sed quoniam per id tempus jam primus Tomus Operis Nostri de Servorum Dei Beatitudine, & Beatorum Canonizatione in publicum editus fuerat, in quo nullam, ante præfati Benedicti Prædecessoris tempora, Beatorum Canonizationem in Urbe solemniter, nisi in dicta Basilica, celebratam fuisse satis superque demonstratum fuerat, ulterius animi nostri sensus aperte superfluum duximus.

Idem accidit  
quoad Beati-  
ficationes.

§. 3. Præterea, cum ante fel. rec. Alexandri PP. VII. pariter Prædecessoris nostri tempora, nulla statuta esset solemnitas in Beatificatione Venerabilium Servorum, & Ancillarum Dei observanda, idemque ritum, & solemnitatem adhibendam in sacra functione hujusmodi, eamque debita cum pompa in Vaticana Basilica explendam decreverit, ita semper posterioribus temporibus servatum est, ut omnes Beatificationes, in eadem Vaticana Basilica celebrarentur, usque ad præfati Benedicti XIII. tempora, quo Romanam Ecclesiam gubernante, quamvis in Vaticana Basilica Beatificatio Ancillæ Dei Beatæ Hiacynthæ Maricottæ, & Servi Dei B. Joannis de Prado facta sit; nihilominus Beatificatio Servi Dei B. Fidelis a Sigmaringa, paulo post Canonizationem B. Johannis Nepomuceni, in Basilica Lateranensi celebrata fuit. Post hanc vero Beatificationem in ejusdem Benedicti Pontificatu in Basilica Vaticana solemniter relati fuerunt in Beatorum numerum Servus Dei postea Beatus, & nunc S. Vincentius de Paulis, & Servus Dei B. Petrus Feresius; in Pontificatu autem Clementis XII. paulo post supradictas Canonizationes in Basilica Lateranensi uno eodemque die unica solemnitate peractas, in eadem Basilica solemniter adscriptus est inter Beatos Servus Dei nunc Beatus Joseph a Leonissa: Cum autem a Nobis, ob ineffabilem Dei benignitatem Pontificatus honorem, ac onus gerentibus, decretum fuisset, ut inter Beatos Servus Dei Alexander de Saulis adscriberetur, sollemnis ejusdem Beatificationis functio in Basilica Vaticana celebrata est.

Non tamen  
sub Pontifica-  
tu SS. D.N.

Qui veterem  
consuetudi-  
nem Decreto  
suo firmat.

§. 4. Matura igitur consideratione perpendentes, quod a Romanis Pontificibus Prædecessoribus nostris omnes Venerabilium Servorum & Ancillarum Dei Sanctificationes in Urbe nostra solemniter peragendæ, laudabili instituto, optimisque ex causis ab antiquissimo tempore in Vaticana Basilica, & quod ab Alexandri PP. VII. Prædecessoris nostri, & successivis deinde temporibus, Beatificationes quoque in eadem Vaticana Basilica, exceptis nonnullis supramemoratis Canonizationibus, & Beatificat. ab iisdem Prædecessoribus nostris Benedicto, & Clemente in Basilica Lateranensi peractis, semper celebratæ fuerunt: Ne igitur commendabili, & antiquæ consuetudini, prædictæ Vaticanæ Basilicæ prærogativæ hujusmodi, ex B. Johannis Nepomuceni Canonizatione, ac Venerabilis Servi Dei Fidelis a Sigmaringa Beatificatione a Benedicto, necnon ex Beatorum Vincentii de Paulis, & Johannis Francisci Regis, ac Beatarum Catharinæ Fieschi Adorni, & Julianæ Falconeræ, respective Canonizatione, & Venerabilis Servi Dei Josephi a Leonissa Beatificatione, a Clemente, Prædecessoribus prædictis, in Ecclesia Lateranensi celebratis, præjudicium aliquod afferatur; hac nostra perpetuo valitura constitutione veterem consuetudinem, ac venerandum Prædecessorum nostrorum institutum, decretumque Alexandri Prædecessoris prædicti, ac integrum ejus tenorem Apostolica auctoritate approbantes, confirmantes, & innovantes, ac illis quodcunque Apostolicæ firmitatis robur adicientes, motu proprio, ex certa scientia, ac Apostolicæ potestatis plenitudine, decernimus, præcipimus, & constituimus, ut in posterum, & perpetuis inde futuris temporibus, omnes, & singulæ Venerabilium Servorum & Ancillarum Dei Beatificationes, ac BB. Canonizat. in Urbe nostra prædicta pro tempore celebrandæ, non in aliis, quam in Basilica Principis Apostolor. de Urbe prædicta, pri-

Et prædictas  
functiones  
deinceps in  
Basilica S. Pe-  
tri fieri man-  
dat, non ob-  
stantibus &c.



privative quoad reliquas Basilicas, Ecclesiæ ejusdem Urbis, celebrari omnino debent; utque Canonizationes, & Beatificationes in eadem Ecclesia Lateranensi a Benedicto, & Clemente Prædecessoribus prædictis, ut præfertur, peractæ, nullo unquam tempore, perinde ac si in ea celebratæ non fuissent, præjudicium aliquod antiquo instituto, & Vaticanæ Basilicæ prærogativæ afferre valeant.

§. 5. Insuper quoniam ab eodem Alexandro Prædecessore nostro, usque ab anno 1659. alterum emanavit decretum super contributione, tam in Beatificationibus, quam in Canonizationibus, favore Sacrarum ejusdem Basilicæ faciendæ, quod a Nobis in prædicto Tomo I. Operis nostri de Beatorum Canonizatione relatum est, motu, scientia, & potestate simili illud approbamus, & confirmamus, & quatenus opus sit, quæ ab ipso Alexandro Prædecessore decreta sunt, rursus decernimus, & constituimus, & in futurum ab omnibus inviolabiliter observari volumus, & mandamus.

§. 6. Præsentibus quoque, ex eo quod interesse ad præmissa habentes ad hoc vocati, & auditi non fuerint, aut ex alia quavis juridica, & legitima, etiam necessario exprimenda causa, vel quocumque prætextu, de intentionis nostræ, aut alio quovis defectu notari, vel impugnari nullo unquam tempore posse, sed semper firmas, validas, & efficaces fore, & esse: Sicque, & non alia, per quoscumque Judices, etiam Causarum Palatii Apostolici Auditores, ac S. R. E. Cardinales, ac quoscumque alios Judices quacumque judicandi facultate fuffultos, judicari, & definiri debere, sublata eis, & eorum cuilibet quavis aliter judicandi, & interpretandi facultate, & auctoritate: irritum quoque, & inane, quidquid secus super his a quoquam quavis auctoritate scienter vel ignoranter contigerit attentari.

§. 7. Non obstantibus Canonizationibus, & Beatificationibus in prædicta Ecclesia Lateranensi, ut præfertur, celebratis, ac nostræ, & Cancellariæ Apostolicæ regula, de jure quæsito non tollendo; necnon Constitutionibus, & ordinationibus Apostolicis, siquæ contra literarum nostrarum hujusmodi tenorem editæ existant, statutis, consuetudinibus, privilegiis quoque, & indultis, quibus, illis alias in suo robore permansuris, hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

§. 8. Nulli ergo omnino hominum liceat hanc paginam nostri decreti, statuti, constitutionis, confirmationis, derogationis, & voluntatis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursurum. Datum Romæ apud S. Mariam Majorem, nono Kal. Decemb. Anno Incarnationis Dominicæ MDCCXXI. Pontificatus Nostri Anno II.

*D. Cardinalis Passionens.*

*X. Sub-Datarius.*

*Visa de Curia.*

*N. Antonellus.*

*Loco & Plumbi.*

*J. B. Eugenius.*

*Registrata in Secretaria Breviarum.*

*Publicat. die 13. Decembr. ejusdem anni.*

*Confirmat  
Decretum A-  
lex. VII. cir-  
ca præstatio-  
nes ejusdem  
Basilicæ Sa-  
crario debi-  
tas.*

*Clausule sa-  
lutares.*

*Decretum ir-  
ritans.*

*Derogationes.*

*Sanctio.*

*Dat. die 23  
Nov. 1741.*

## P R Æ S C R I B I T U R

XXXVII.

Forma, & solemnitas in Exequiis S. R. E. Cardinalium servanda.

BENEDICTUS EPISCOPUS SERVUS SERVORUM DEI

*Ad perpetuam rei memoriam.*

**P**Ræcipuum intimi amoris nostri, & sinceræ in Christo caritatis erga Venerabiles Pontificis studium erga S. R. E. Card. vi-  
Fratres Nostros S. Rom. E. Cardinales, quos in Apostolicæ nostræ sollicitudinis partes  
partem superna cælestis Patrisfamilias evocat dispositio, a Nobis exigit studium, ut  
quemadmodum omnia & singula, eis viventibus, eorumque sublimi dignitati debita defunctos.

*Bullar. Rom. Bened. XIV. Tom. I.*

*L*

*pri-*



privilegia, quantum in Domino possumus, firmo constantique animo tuemur, ita & eorundem ex hac mortali vita decedentium curam geramus, ut & ipsorum funera a Nobis, Romanisque Pontificibus Successoribus nostris, & ipsorum Cardinalium superstitum cœtu, stabili, ac solemnī, etsi lugubri, decorentur honore, & ipsorum animæ incruento Altaris Sacrificio, Ecclesiasticis precibus, ac supplicationibus juventur, quibus adjunctæ, omni macula diluta, quam in terreno huius Sæculi pulvere contraxerunt, per merita Salvatoris nostri Christi Domini, cœlestem patriam ingrediantur: ibique apud Patrem misericordiarum pro Nobis intercedant, Divinamque opem Nobis implorent in gravissimo Apostolici huius ministerii onere ferendo, ut in fine diei repromissum laborantibus in Vineâ suâ æternæ beatitudinis denarium a Domino recipere mereamur.

Cardinalium  
exequiis vario  
ritu celebra-  
te.

Duplices sub  
Bened. XIII.  
qui ipsi de  
mane interese  
soleat.

Clem. XII. eas  
ad primævum  
statum rede-  
git.

Pontifex, in-  
hærendo ve-  
terī consue-  
tudinī.

Ac de con-  
sensu Colle-  
gii S. R. E.

Præscribit hu-  
iusmodi exe-  
quiis de ma-  
ne tantum  
celebrari.

Et Capellam  
Pontificiam  
heberi ad  
Missa.

§. 1. Cum itaque, sicut accepimus, postquam piæ memoriæ Benedictus Papa XIII. Prædecessor noster, pie provideque attendens, quod ab aliquo tempore, & ante ejus Pontificatum, S. R. E. Cardinalium pro tempore in Romana Curia decedentium exequiæ, quæ olim, & veteribus temporibus multifarie, sed augusta semper, & decenti pompa celebratæ fuerunt, tunc vero cum assistentia S. R. E. Cardinalium superstitum cœtus, decantatis in eisdem exequiis a Regularibus ex Ordinibus Mendicantium tribus nocturnis Defunctorum Officiis, ut plurimum de Vespere, & aliquando de mane, aliqua sic suadente causâ, habitæ fuerant, nunquam cum solemnī Defunctorum Missæ celebratione, præsentē defuncti Cardinalis corpore, peragebantur; propterea, ut in exequiis celebrandis huiusmodi, solemnī Missa prædicta semper, prout exigit pia Ecclesiæ consuetudo, præsentē defuncti Cardinalis Cadavere, celebraretur, Cardinalibus ab onere interveniendi de vespere recitationi Officii Defunctorum, non autem Fratribus ex Ordinibus Mendicantium a decantandi Nocturnos Officii prædicti obligatione exemptis, laudabilem personaliter, una cum omnibus, & singulis Ordinibus Capellas Pontificias constitutentibus, ad exequias prædictas de mane celebrandas, in quibus perlacta Missa solemnī a Cardinale reliquorum Cardinalium cœtus Camerario pro tempore existente solemniter celebrabatur, conferendi se ipsum, & in exequiarum huiusmodi fine, supra defuncti Cardinalis corpus per se absolutionem impertiendi, introduxerat morem; quem, usquequo in hac terrena peregrinatione permansit, religiose servavit; felicitis recordationis Clemens Papa XII. similiter Prædecessor noster, provida animi consideratione secum perpendens, quod ad peragendas de mane, & vespere exequias prædictas, pro duplici videlicet uno, & altero lugubribus apparatus, celebratio huiusmodi majores exigebat sumptus, gravioribus dispendiis parcere cupiens, exequias ipsa ad primævum statum redegerit.

§. 2. Nos igitur animo nostro attente, ac diligenter considerantes, quod antiquitus, sicut ex veteribus sacrarum Cœremoniæ libris compertum est, in more Romanæ Ecclesiæ fuit, ut, assistente Sanctæ Romanæ Ecclesiæ Cardinalium Collegio, Missæ, præsentē Cardinalis defuncti cadavere, celebrarentur, & pro ejus anima offerrentur Deo salutare immaculatæ Hostiæ Sacrificium, quemadmodum nunc in omnibus, etiam infimi Ordinis personarum, exequiis piæ, sancteque servari solet, cupientisque antiquam, & laudabilem consuetudinem in usum revocare; & insuper rationi congruum, maximeque conveniens existimantes, ut Romanus Pontifex pro tempore existens eis, qui sibi in oneroso Pontifici regimine adiutores extiterunt, ultimum debitumque sui amoris, suæque pietatis persolvat officium, absque eo tamen, quod eorum patrimonia maiori expensarum onere graventur; præsentī hac nostra perpetuo valitura Constitutione, motu proprio, ex certa scientia, Apostolica Auctoritate, de consensu etiam Venerabilium Fratrum nostrorum Sanctæ Romanæ Ecclesiæ Cardinalium quibuscum deliberationem nostram in Consistorio nostro secreto communicavimus, decernimus, & statuimus quod in posterum Cardinalium in Romana Curia decedentium exequiæ semper de mane, nunquam vero de vespere, celebrentur, & celebrari debeant, infra scripta forma servata, videlicet, quod Fratres ex Ordinibus Mendicantium de mane diluculo ad Ecclesiam, in qua defuncti Cardinalis corpus expositum reperitur, pro inibi prædictis tribus Officiis defunctorum Nocturnis de more decantandis, sollicitè accedant; quibus quidem Nocturnis decantatis, eodem mane, absque ulla lugubris apparatus mutatione, vel aliarum expensarum augmento, Capella Pontificia, intervenientibus Romano Pontifice, ac Sacro Cardinalium cœtu, necnon omnibus, & singulis Capellam Pontificiam constitutentibus, ha-

bea-



beat, & in ea Sacrum Missæ Defunctorum Sacrificium a prædicto Cardinale Cardinalium cœtus pro tempore Camerario existente, eoque impedito, ab altero Cardinale ab eodem Cardinale Camerario delegato, solemniter celebretur, quodque supra defuncti Cardinalis corpus absolutio ab eodem Pontifice præsentate, eoque absente, a dicto Cardinale Camerario, seu eo pariter absente, a Cardinale, ut præfertur, delegato impertiatur.

§. 3. Quocirca Romanum Pontificem pro tempore existentem, Sacrumque nunc & pro tempore etiam existentem prædictæ Romanæ Ecclesiæ Cardinalium cœtum enixe obsecramus, ut in celebratione exequiarum Cardinalium in Curia decedentium, omnia & singula a Nobis per præsentem perpetuo statuta & decreta debitæ executioni demandari, eaque semper, & inviolabiliter servari studeant; qua de re minime dubitamus, sed certa spe in Domino confidimus, quod quisque Romanorum Pontificum Successorum nostrorum memor erit, se vicem gerere in terris Cœlestis æternique Pontificis, qui in morte Lazari amici sui lacrymatus est adeo, ut mirarentur Judæi, & dicerent: *Ecce quomodo amabat eum*; ita & ipse, exemplo Christi Domini, eisdem Cardinales, sibi Coadjutores a Domino datos, in visceribus caritatis completens, in eorum ab hac luce discessu, supremis paterni amoris officiis, & solemnibus Pontificalium exequiarum, ac propitiatorii Missæ Sacrificii celebratione, aliisque piarum orationum subsidiis prosequi libenter curabit, ut & defunctorum animæ, ob eorum Apostolatus munus laudabiliter expletum, una cum Beatis Apostolis manere mereantur in Cœlis, & erga sublimem Cardinalatus dignitatem, ex solemnibus celebratione huiusmodi, populorum obsequium, & veneratio in terris augeatur.

§. 4. Nulli ergo omnino hominum liceat, hanc paginam Nostri decreti, constitutionis, declarationis, exhortationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem, nono Kalend. Decembris, anno Incarnationis Dominicæ millesimo septingentesimo quadragesimo primo, Pontificatus Nostri Anno II.

✠ Ego Benedictus Catholicæ Ecclesiæ Episcopus.

✠ Ego T. Episcopus Ostien., & Valiterren. Card. Rufus Decanus, & S. R. E. Vice-Cancellarius.

✠ Ego A. Episcopus Sabinenfis Card. S. Clementis S. R. E. Camerarius.

✠ Ego L. Episcopus Portuensis Card. Picus.

✠ Ego Petrus Episcopus Tusculanus Card. Corradinus.

✠ Ego V. Episcopus Prænestinus Card. Petra Major Pænitentiarius.

✠ Ego P. A. Episcopus Albanen. Card. Carafa.

✠

✠

✠

✠

✠

✠

✠ Ego Ludovicus Tit. S. Prædix Presbyter Card. Belluga.

✠

✠ Ego A. M. Tit. S. Marci Presbyter Card. Quirinus S. R. E. Bibliothecarius.

✠ Ego Nicolaus Maria Tit. SS. Joannis, & Pauli Presbyter Card. Lercari.

✠

✠

✠

✠ Ego Fr. Vincentius Ludovicus Tit. S. Sixti Presbyter Card. Gotti Ordinis Prædicatorum.

Successoribus  
commendat  
præsentium  
executionem.

Sanctio Con-  
stitutionis.

Data die 23.  
Nov. 1741.

Subscription-  
es S. R. E.  
Cardinalium.







In Provinciis Paraquariæ, Brasiliæ, & ad Flumen de la Plata existentium, libertati,  
& idemnitati consulitur.

*Venerabilibus Fratribus, Antistitibus Brasiliæ, aliarumque Ditionum Carissimo in Christo  
Filio Nostro Joanni Portugalliæ, & Algarbiorum Regi, in Indiis Occidentalibus, &  
America subiectarum.*

## B E N E D I C T U S P A P A X I V .

*Venerabiles Fratres, salutem & Apostolicam Benedictionem.*

**I**mmensa Pastorum Principis Jesu Christi, qui ut homines vitam abundantius haberent, venit, & se ipsum tradidit redemptionem pro multis; caritas urget Nos, ut, quemadmodum ipsius vices plane immerentes gerimus in terris, ita maiorem caritatem non habeamus, quam ut animam nostram non solum pro Christianis fidelibus, sed pro omnibus etiam omnino hominibus ponere satagamus. Et si autem, pro suprema Catholicæ Ecclesiæ procuratore infirmitati nostræ iuncta, Apostolicam hanc Sanctam Sedem, ad quam undique gentium in dies concurritur, ut opportunum, ac salutare emergentibus in Christiana Republica, sive negotiis, sive detrimentis remedium afferatur, hic Romæ, more institutoque Majorum, tenere, ac regere cogimur; nec longinquas distitasque regiones, ut qualemcumque inibi Apostolici ministerii nostri pro lucranda animabus pretioso Jesu Christi sanguine redemptis operam impendamus, ac vitam ipsam, quemadmodum cupimus, profundamus, adire non possumus: tamen sicut nolumus omnes Apostolicæ providentiæ, auctoritatis, benignitatisque partes ab omni natione, quæ sub Cælo est, desiderari; ita Vos, Venerabiles Fratres, quos ad excolendam Vineam Dei Sabaoth Cooperatores eadem Apostolica Sedes sibi adscivit, in Pontificiæ sollicitudinis vigilantiaque nostræ partem libenter advocamus; ut & imposito Vobis muneris magis magisque satisfacere, & coronam legitime certantibus in Cælo repositam facilius consequi valeatis.

Pontificiæ caritas omnes homines ubique Terrarum degentes amplectitur.

Episcoporum operam in subsidium advocat.

Apostolicæ sedis studium pro Infidelium conversione.

§. 1. Porro Fraternitatibus Vestris compertum est, quæ & quanta Romani Pontifices Prædecessores nostri, & Catholici Principes de Christiana Religione benemerentissimi, laborum incommoda, ac pecuniarum dispendia alacri constantique animo passi fuerint, ut hominibus, qui ambulabant in tenebris, & in umbra mortis sedebant, per Sacros Operarios, tum sacris prædicationibus bonisque exemplis, tum donis, tum opibus, tum subsidiis, tum auxiliis, lumen Orthodoxæ Fidei illucesceret, & ad agnitionem veritatis venirent: & quibus etiam nunc muneribus, quibus beneficiis, quibus privilegiis, quibus prærogativis, quemadmodum semper factum est, Infideles cumulantur, ut iis illecti, Catholicam Religionem amplectantur, in eaque manentes, per bona Christianæ pietatis opera æternam salutem adipiscantur.

§. 2. Ea propter non sine gravissimo paterni animi nostri mærore accepimus, post tot inita ab iisdem Prædecessoribus nostris Romanis Pontificibus Apostolicæ providentiæ consilia, post editas Constitutiones, opem, subsidium, ac præsidium Infidelibus omni meliori modo præstandum esse, non injurias, non flagella, non vincula, non servitutem, non necem inferendam esse, sub gravissimis pœnis, & Ecclesiasticis censuris, præscribentes; adhuc reperiri, præsertim in istis Brasiliæ regionibus, homines Orthodoxæ Fidei cultores, qui veluti caritatis in cordibus nostris per Spiritum Sanctum diffusæ sensuum penitus oblii, miseros Indos non solum Fidei luce carentes, verum etiam sacro regenerationis lavacro ablutos, in montanis asperrimisque earundem Brasiliæ, tam occidentalium, quam meridionalium, aliarumque regionum desertis inhabitantes, aut in servitutem redigere, aut veluti mancipia aliis vendere, aut eos bonis privare, eaque inhumanitate cum iisdem agere præsumant, ut ab amplectenda Christi Fide potissimum avertantur, & ad odio habendam maximopere obfirmantur.

Nonnullorum asperitas in Indos tum Infideles, tum etiam Christianos.

§. 3. Hisce malis, quantum cum Domino possumus, occurrere satagentes, primum quidem eximiam pietatem, & in Catholica Religione propaganda incredibilem Carissimi in Christo Filii nostri Joannis Portugalliæ, & Algarbiorum Regis illustris zelum

Ea improbat a pietate Secressimi In-  
stancie Regis

exci-



excitandum curavimus, qui pro filiali sua erga Nos atque hanc Sanctam Sedem observantia, statim se omnibus & singulis suarum Ditionum Officialibus, & Ministris in mandatis daturum pollicitus est, ut quemcumque suorum Subditorum aliter quam Christianæ caritatis mansuetudo exigit, erga Indos hujusmodi sese gerere comperissent, gravissimis juxta Regia edicta poenis afficerent.

Pontifex hortatur Episcopos ut ipsi quoque eam refrænare curent.

§. 4. Deinde Fraternitates Vestras rogamus atque in Domino hortamur, ut nedum debitam ministerii vestri vigilantiam, sollicitudinem, operamque vestram hac in re, cum nominis dignitatisque vestræ detrimento, deesse non patiamini; quinimo, studia vestra Regiorum Ministrorum officiis conjungentes, unicuique probetis, Sacerdotes animarum pastores quanto, præ Laicis Ministris, ad Indis hujusmodi opem ferendam, eosque ad Catholicam Fidem adducendos, ardentiori Sacerdotalis caritatis æstu ferveant.

Confirmat Prædecessorum Constitutiones.

Mandat publicari Edicta in favorem Indorum.

Inhibendo quibuslibet, ne eos in servitutem redigant, vendant, spoliarent &c.

Contravenientes anathemate, & censuris puniant.

Contrariis derogat.

§. 5. Præterea Nos, auctoritate Apostolica, tenore præsentium, Apostolicas in simili forma Brevis Literas a fel. rec. Paulo Papa III. Prædecessore nostro, ad tunc existentem Joannem Sanctæ Romanæ Ecclesiæ Cardinalem de Tavera nuncupatum Archiepiscopum Toletanum die 28. mensis Maji anno MDXXXVII. datas, & a rec. mem. Urbano Papa VIII. itidem Prædecessore nostro, tunc esistenti jurum, & spoliolorum Cameræ Apostolicæ in Portugalliæ & Algarbiorum Regnis debitorum Collectorii Generali, die xxii. mensis Aprilis anno MDCXXXIX. scriptas renovamus, & confirmamus; necnon eorundem Pauli, & Urbani Prædecessorum vestigiis inhærendo, ac impiorum hominum ausus, qui Indos prædictos, quos omnibus Christianæ Caritatis & mansuetudinis officiis ad suscipiendam Christi Fidem inducere oportet, inhumanitatis actibus ab illa deterrent, reprimere volentes, unicuique Fraternitatum vestrarum, vestrisque pro tempore Successoribus committimus, & mandamus, ut unusquisque vestrum, vel per se ipsum, vel per alium, seu alios, editis atque in publicum propositis affixisque edictis, omnibus Indis, tam in Paraquariæ, & Brasilæ Provinciis, ac ad Flumen *de la Plata* nuncupatum, quam in quibuscumque aliis regionibus, & locis in Indiis Occidentalibus, & Meridionalibus existentibus, in præmissis efficacis defensionis præsidio assistentes, universi & singulis personis, tam sæcularibus, etiam Ecclesiasticis cujuscumque status, sexus, gradus, conditionis, & dignitatis, etiam speciali nota, & mentione dignis existentibus, quam cuiusvis Ordinis, Congregationis, Societatis etiam Jesu, Religionis, & Instituti Mendicantium, & non Mendicantium, ac Monachalis, Regularibus, etiam quarumcumque Militiarum, etiam Hospitalis Sancti Joannis Hierosolymitani, Fratribus Militibus, sub excommunicationis lætæ sententiæ per Contravenientes eo ipso incurrendæ pœna, a qua, nonnisi a Nobis, vel pro tempore existente Romano Pontifice, præterquam in mortis articulo constituti, & satisfactione prævia, absolvi possint, districtius inhibeant; ne de cætero prædictos Indos in servitutem redigere, vendere, emere, commutare, vel donare, ab Uxoribus, & Filiis suis separare, rebus, & bonis suis spoliare, ad alia loca deducere, & transmittere, aut quoquo modo libertate privare, in servitute retinere; necnon prædicta agentibus consilium, auxilium, favorem, & operam quocumque pretexto, & quæsito colore præstare, aut id licitum prædicare, seu docere, ac alias quomodolibet præmissis cooperari audeant, seu præsumant; Contradictores quoslibet, & rebelles, ac unicuique Vestrum in præmissis non parentes, in pœnam excommunicationis hujusmodi incidisse declarando, ac per alias etiam censuras, & pœnas Ecclesiasticas, aliaque opportuna juris, & facti remedia, appellatione postposita, compescendo, legitimis super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii sæcularis. Nos enim unicuique Vestrum, vestrorumque pro tempore Successorum, desuper plenam, amplam, & liberam facultatem tribuimus, & impertinamur.

§. 6. Non obstantibus similis memoriæ Bonifacii Papæ VIII. etiam Prædecessoris nostri de una, ac Concilii Generalis de duabus diæti, ac aliis Apostolicis, & in Conciliis Universalibus, Provincialibusque, & Synodalibus editis generalibus, vel specialibus Constitutionibus, & Ordinationibus, Legibus quoque etiam municipalibus, ac quorumcumque locorum piorum, & non piorum, & generaliter quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis,



gulis, etiamsi de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alias expressio habenda, aut aliqua alia exquisita forma ad hoc servanda, foret, tenores huiusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permanentis, ad præmissorum effectum, ac vice duntaxat specialiter, & expresse derogamus, cæterisque contrariis quibuscumque.

§. 7. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ ipsis præsentibus adhiberetur, si forent exhibitæ, vel ostensæ.

Transumptis  
fidem tribuit.

§. 8. Cæterum, Venerabiles Fratres, custodientes Vos vigilias super grege unicuique vestrum credito, ministerium vestrum satagite atque enitami, ea, qua obstricti estis, diligentia, sedulitate, & caritate adimplere, assidue in animis vestris recolentes rationem, quam & Vos Pastorum Principi Jesu Christo æterno Judici de ovibus suis reddituri eritis, & quam ille accuratissime a Vobis exacturus erit. Ita enim fore confidimus, ut unusquisque Vestrum omnem operam atque conatum adhibeat, ne debitum in hoc tam eximie caritatis opere officium desideretur. Interea ad prosperi eventus successum, Apostolicam benedictionem, cum uberrima cœlestium Charismatum copia conjunctam, Vobis, Venerabiles Fratres, peramanter impertimur. Datum Romæ apud S. Mariam Majorem, sub Annulo Piscatoris die xx. Decembris MDCCXLI. Pontificatus Nostri Anno II.

Episcopus ob-  
testatur pro  
præsentium  
executione.

Dat. die 20.  
Dec. 1741.

D. Card. Passioneus.

## C L A U S U R A

XXXIX.

Monasteriorum quorumcumque Virorum Regularium asseritur, sublata quibuslibet dispensandi facultate.

## B E N E D I C T U S P A P A X I V.

*Ad perpetuam rei memoriam.*

**R**egularis disciplinæ observantiam, ante etiam quam & Generalium, ac Particularium alicujus Nationis, aut Provinciæ Conciliorum decretis confirmaretur, & Romanorum Pontificum Prædecessorum nostrorum legibus sanctionibusque præscriberetur, quoad vetitum Mulieribus quibuscumque, etiam consanguineis, intra quorumcumque religiosorum Virorum Clausuram ingressum, tam integerrime custoditam fuisse constat; ut, ne dum sceminis quibuscumque, sed masculis quoque, non tam ad Monasteriorum claustra, seu septa, quam ad ipsa eorumdem Monasteriorum Oportoria, & Ecclesias nullus patuerit aditus, & accessus; quin imo sub gravissimis poenis fuerit interdictus; ne scilicet, ut inquit S. Gregorius PP. I. Prædecessor noster, in Servorum Dei secessibus occasio præbeatur popularibus conventibus, & simpliciores ex hoc animas plerumque, quod absit, in scandalum trahat.

Veteres disciplinæ rigor  
in arce  
Mulieribus &  
Regularium  
domibus, &  
Ecclesiis.

§. 1. Huiusmodi autem regularis disciplinæ observantia, etsi, pro temporum varietate, ac necessitate, tot tantæque subiit vices, ut iidem Prædecessores nostri aditum & accessum ad publicas Monasteriorum Ecclesias duntaxat, sive masculis, sive sceminis, Sacrosanctum Missæ Sacrificium audiendi, Prædicationibus Verbi Dei interessendi, & Sacramentum Sanctissimæ Eucharistiæ sumendi, ac peccata sua confitendi causa, sine tamen Parochorum præjudicio, interdum concesserint; vicissim tamen ipsi Prædecessores nostri, tam ante Concilii Tridentini decreta, quam post eorumdem Decretorum promulgationem denuntiationemque, providis saluberrimisque Constitutionibus ordinationibusque, sub pœna etiam excommunicationis latæ sententiæ, sceminis quibuscumque aditum ingressumque huiusmodi intra Monasteriorum clausuram interdixerunt.

Nihil remissum quoad  
earum ingre-  
ssum intra  
Monasteria.

§. 2.



Sed nimia  
dispensatio-  
num facilitas  
inevitas.

§. 2. Quoniam autem, sic ut dolentes accepimus, alii quidem Apostolicas leges, ac præcepta hujusmodi, vel ad eorum arbitrium interpretantes, foeminas quibuscumque aditum ingressumque, tam manifeste, ac tanta sollemnitate vetitum, permittunt; alii vero privilegia, indulta, prærogativas, facultates, licentias, & alias quocumque pacto excogitatas concessionibus sibi a jure, sive ab homine factas, & impertitas, seu facta, & impertita, ac quorumcumque minorum, dignitatum, ac præeminentiarum ratione debitas, seu debita arrogantes, prætendentes, obtendentesque; foeminas quaslibet intra Monasteriorum claustra, septa, cœnacula, cubicula, aliasque officinas aut admitti, ac recipi sinunt mandantque, aut una secum ducunt; alii denique sub pietatis, ac religionis prætextu, cum Supplicationes, sive cum Sanctissimo Eucharistiæ Sacramento, sive cum sacris Sanctorum Sanctorumque Reliquiis, Statuis, & Imaginibus, per claustra, septa, & alia Monasteriorum loca de more, ut asserunt, habentur, sine ullo prorsus discrimine masculos, & foeminas Supplicationes hujusmodi per eadem loca sequi, & comitari licitum, quinnimo, ut Indulgentias lucrari valeant, necessarium esse obtendunt.

Pontifex cum  
tollere statuit.

§. 3. Hinc est, quod Nos, qui, dum in minoribus essemus, quamplurimos hujusmodi abusus compertos habebamus, in hac sublimi Sacrosancti Apostolatus specula constituti, non tam assiduus nonnullorum aliarum Ecclesiarum Antistitum documentis, quam justis etiam Superiorum, aliorumque Virorum ex Religiosis Ordinibus, Dei honorem, & instituti sui disciplinam zelantium, expostulationibus, de antedictis similibusque abusibus in dies admonemur, ut opportunum, ac salutare iisdem abusibus tollendis, quantum cum Domino possumus, remedium afferamus; auctoritate Apostolica, tenore præsentium, primum quidem omnes, & singulas Constitutiones, Sanctionesque a Romanis Pontificibus Prædecessoribus nostris, tam ante, quam post Concilii Tridentini decreta, super Clausura Monasteriorum quorumcumque religiosorum Virorum editas, renovamus, & confirmamus, necnon in posterum ab omnibus & singulis, ad quos spectat, & in futurum spectabit, sub iisdem pœnis in Constitutionibus, Sanctionibusque eorumdem Prædecessorum nostrorum Romanorum Pontificum, & decretis ejusdem Concilii Tridentini contentis, inviolabiliter observandas esse statuimus, decernimus, præcipimus, atque mandamus.

Renovat, &  
confirmat  
Prædecesso-  
rum Sanctio-  
nes.

Abolet, & re-  
vocat quas-  
cumque facul-  
tates dispen-  
sandi quibus-  
libet concessas.

§. 4. Deinde motu proprio, & ex certa scientia, ac matura deliberatione nostris, deque Apostolicæ potestatis plenitudine, earundem præsentium tenore, omnia & singula indulta, privilegia, prærogativas, facultates, licentias, & quocumque alio pacto nuncupatas concessionibus, omnibus & singulis quibuscumque Ecclesiasticis personis quacumque auctoritate, dignitate, honore, præeminentia, ac jurisdictione fungentibus, etiam Venerabilibus Fratribus Nostris S. R. E. Cardinalibus, sive singulis, sive eorumdem Cardinalium Congregationibus, etiam de Latere Legatis, sive qui Provinciis, & Legationibus Status nostri Ecclesiastici pro tempore præsunt, sive quos ad Carissimos in Christo Filios nostros Romanorum Regem in Imperatorem pro tempore eligendum, vel electum, Reges, & Reginas illustres, aliasque summas Potestates, prout rerum conditio postulaverit, mitti, & ablegari contigerit; sive qui, licet aliarum insignium Ecclesiarum Antistites, tamen tamquam Apostolicæ hujus S. Sedis Legati de Latere alias nuncupati, & habiti sunt, & fortasse habentur, aut haberi, & esse prætendunt, & in posterum habendi sunt; sive Ordinarii, sive Extraordinarii nostri & ejusdem Apostolicæ Sedis ubicumque, etiam ad ipsos Imperatorem, & Reges, ac summas Potestates, Nuntii, sive Inter-Nuntii resident; ac demum quibuscumque aliis quocumque nomine, & expressione nuncupatis personis, quocumque tempore, a quibusvis, etiam ab ipsis Romanis Pontificibus Prædecessoribus nostris, quacumque de causa, occasione, titulo, colore, & prætextu, per quascumque Apostolicas, sive in simili forma Brevis, sive sub Plumbo expeditas literas, sub quibuscumque verborum formis, factas, datas, concessas, & impertitas sive factas, datas, concessas, & impertitas, super hujusmodi accessu, & ingressu revocamus, abolemus, annullamus, atque irritamus, necnon a datarum earundem præsentium die revocata, abolita, annullata, & irrita, ac nullius prorsus momenti, ac vigoris esse, & fore, neminique cuilibet quocumque tempore suffragari statuimus, decernimus, & declaramus.

Earum usum  
intercedit, &  
irritum fore  
declarat.

§. 5. Quomodo etiam statuimus, decernimus, & declaramus, quemlibet omnium antedictorum, etiam speciali mentione digniorum, quacumque facultate hujus-



jusmodi temere uti audentem, ipso facto absque ulla alia declaratione, pœnas, & Ecclesiasticas censuras, a quibus, præter quam a Nobis, & pro tempore existente Romano Pontifice, nisi in mortis articulo, absolvi possit, incurrere, & incursum esse, licentiamque hujusmodi cuicumque concessam nullo modo suffragari, atque nullius momenti, perinde ac si minime concessa fuisset, ipso facto fore, & haberi, ac pœnas, & censuras Ecclesiasticas ipso etiam facto, ut præmittitur, per contrafacientem incurrere, & incursum esse.

§. 6. Decernentes easdem præsentis literas, & in eis contenta quæcumque, etiam ex eo quod quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentiae, & dignitatis existant, seu alia specifica, & individua mentione, & expressione digni, illis non consenserint, nec ad ea vocati, citati, & auditi, causæque, propter quas præsentis emanarint, sufficienter adductæ, verificatæ, & justificatæ non fuerint, aut ex alia qualibet etiam quantumvis juridica, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, aut intentionis nostræ, vel interesse habentium consensus, aliove quomodolibet, etiam quantumvis magno, & substantiali, ac incogitato, & inexcogitabili, individuanque expressionem requirente defectu notari, impugnari, infringi, retractari, in controversiam vocari, aut ad terminos juris reduci, seu adversus illas aperitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestati plenitudine paribus concessio, vel emanato quempiam in iudicio, vel extra illud uti, seu se juvare ullo modo posse; sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inviolabiliter, & inconcussè observari; sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, & Sedis prædictæ Nuntios, aliove quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definitum debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 7. Non obstantibus præmissis, ac quatenus opus sit, nostra, & Cancellariæ Apostolicæ regula de jure quæsito non tollendo, aliisque Constitutionibus, Ordinationibus Apostolicis, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, ac usibus, & styliis, etiam immemorabilibus; privilegiis quoque, indultis, & literis Apostolicis prædictis, aliisque quibuslibet personis, etiam quacumque Ecclesiastica, vel mundana dignitate fulgentibus, & alias quomodolibet qualificatis, ac specialem expressionem requirentibus, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu, scientia, & potestatis plenitudine similibus, ac consistorialiter, & alias quomodolibet in contrarium præmissorum concessis, editis, factis, ac pluries iteratis, & quantiscumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum, hac vice dumtaxat specialiter & expresse derogamus, ac derogatum esse volumus, cæterisque contrariis quibuscumque.

§. 8. Cæterum per præsentis non intendimus derogatum esse iis concessionibus, quæ ad favorem quarumcumque Nobilium feminarum, ex eo, quod sive earundem Majorum, ac pro tempore existentes de familia, fuerint, & habeantur Fundatores, vel insignes Benefactores illius Monasterii, intra cujus claustra, vel septa feminas etiam

Præsentium  
firmitati con-  
sulit.

Clausula sub-  
lata, & De-  
cretum ini-  
tans.

Derogat con-  
trariis.

Præservat  
privilegia a  
S. Sede legiti-  
me concessa  
Patronis &c.



Dummodo sola pietatis causa iis utantur.

de familia ingredi, vel concessum, vel cautum esse sibi voluerunt, & de concessione huiusmodi confirmationem ab Apostolica hac Sancta Sede obtinuerunt; siue sceminae huiusmodi sint Consanguineae, & affines eorum, qui sunt Domini in Temporalibus locorum, in quibus Monasteria sita reperiuntur, & quacumque legitima tituli, vel consuetudinis causa, & occasione, ingressu huiusmodi de praesenti gaudent, factae, & impertitae fuerunt; dummodo concessiones huiusmodi per Apostolicas in simili forma Brevis, vel sub Plumbo desuper expeditas literas dumtaxat, & non aliter omnino factae, & impertitae fuisse prius Ordinarii locorum Antistitibus, vel Praefulis, per legitima, & autentica documenta constare fecerint; & dummodo nec vagandi, nec otandi, nec comedendi coenandique, nec per ambulacra, cubicula, cœnacula, aliaque loca, & officinas discurrendi causa, sed ad Ecclesias accedendi, Sacrosanctum Missae Sacrificium audiendi, aliaque erga Deum pietatis officia, & opera exercendi studio ingrediantur; & dummodo de earum adventu, & ingressu interdiu, & opportune faciendo, Superiores pro tempore existentes prius certiores fiant, ad hoc ut, absque Fratrum incommodo, & offensione, recto tramite ad Ecclesiam pergatur, & alia de jure servanda serventur.

Transumptis fidem tribuit.

§. 9. Volumus autem, ut earundem praesentium literarum transumptis, exemplis, etiam impressis, manu alicujus Notarii publici subscriptis, & Sigillo personae in Ecclesiastica dignitate constitutae munitis, eadem prorsus fides in iudicio, & extra illud ubique locorum habeatur, quae haberetur ipsis praesentibus, si forent exhibitae, vel ostensae. Datum Romae apud S. Mariam Majorem sub Annulo Piscatoris die 3. Januarii 1742. Pontificatus Nostri Anno II.

Dat. die 3. Jan. 1742.

D. Card. Passencus.

# XL.

## DE CLAUSURA MONIALIUM.

Confirmantur Sanctiones Ecclesiasticae, antea editae. Revocantur facultates extraordinariae permittendi ingressum, & egressum e Monasteriis.

## BENEDICTUS PAPA XIV.

*Ad perpetuam rei memoriam.*

Exacta Monialium Clausura semper in Ecclesia servata fuit.

Salutare in Catholica Ecclesia institutum, ab ipsa antiquitate susceptum, ac tanta cum sollicitudine & pastoralis zelo custoditum, ut hos ille Ecclesiastici germinis, decus, atque ornamentum gratiae spiritualis, laeta indoles, laudis & honoris opus integrum, atque incorruptum, Dei imago respondens ad sanctimoniam Domini, illustrior portio gregis Christi, Sacrae Virgines, quarum, quo sublimior gloria est, major & cura est, intra Monasteriorum septa, & claustra vigili sollicitaque custodia servarentur, tam ante, quam post Tridentinae Synodi Decreta; Romani Pontifices Praedecessores nostri tot sanctissimis Legibus, & iunctis Apostolicae providentiae caritatique consiliis communire, & confirmare studuerunt, ut, quae se Christo dicaverint, & a carnali concupiscentia recedentes, tam carne, quam mente se Deo voverint, consumment opus suum magno praemio destinatum.

Relaxatio huius disciplinae ab aliquibus inducta.

§. 1. Quoniam autem, etsi providas huiusmodi Sanctiones, Constitutionesque, si ea, qua decet, regularis disciplinae observantia custodirentur, satis esse scimus, ut Virgines ea, quae Coelestis earundem Sponsi Jesu Christi sunt, cogitantes, sint sanctae & corpore, & spiritu; longa tamen experientia edocti, & assiduis Venerabilium Fratrum aliarum Ecclesiarum Antistitum querelis admoniti, supremas Apostolicae auctoritatis providentiae partes requiri, ut abusus quamplurimis ex nimia quorumcumque, aut sibi quocumque pacto arrogantium, aut praetendentium, aut obtinentium facultatem alias sibi quomodolibet, siue a jure, siue ab homine concessam, vel demandatorum munerum ratione debitam esse, ut siue ipsi, siue alii, ingredi claustram Monialium, aut ipsae Moniales e claustra ob quascumque etiam non legitimas causas egredi, & extra claustram huiusmodi commorari possint, licentiam concedendi, indulgentia sensim inductis, opportune occurratur.



§. 2. Hinc est, quod nos, pro suprema omnium Christianidelium procuracione imbecillitati nostræ in universalis Orthodoxæ Ecclesiæ regimine divinitus imposita, opportunitatem hujusmodi remedium, quantum cum Domino possumus, adhibere satagentes, Auctoritate Apostolica, tenore præsentium, omnes, & singulas Constitutiones a Romanis Pontificibus Prædecessoribus nostris, tam ante, quam post Concilium Trident. Decreta, super clausura Monialium editas renovamus, & confirmamus, necnon imposterum ab omnibus, & singulis, ad quos spectat, & in futurum spectabit, sub eisdem poenis in Constitutionibus eorundem Prædecessorum nostrorum Romanorum Pontificum, & Decreta Conc. Trident. præfati contentis, inviolabiliter observandas esse statuimus, decernimus, præcipimus, atque mandamus.

Pontifex confirmat Prædecessorum Constitutiones.

§. 3. Præterea motu proprio, & ex certa scientia, ac matura deliberatione nostris, deque Apostolicæ potestatis plenitudine, earundem præsentium tenore, omnia, & singula indulta, privilegia, prærogativas, facultates, licentias, & quocumque alio pacto nuncupatas concessiones, omnibus & singulis quibuscumque Ecclesiasticis personis, etiam nuncupatas concessiones, omnibus & singulis quibuscumque Ecclesiasticis personis, quacumque auctoritate, dignitate, honore, præminencia, ac jurisdictione fungentibus, etiam Venerabilibus Fratribus nostris S. R. E. Cardinalibus sive singulis, sive eorundem Cardinalium Congregationibus, etiam de Latere Legatis, sive, qui Provinciis, & Legationibus Status nostri Ecclesiastici pro tempore præsunt, sive quos ad Carissimos in Christo Filios nostros Romanorum Regem in Imperatorem pro tempore eligendum, vel electum, Reges & Regina illustres, aliasque Summas Potestates, prout rerum conditio postulaverit, mitti, & ablegari contigerit; sive qui, licet aliarum insignium Ecclesiarum Antistites, tamen tamquam Apostolicæ hujus Sanctæ Sedis Legati de Latere alias nuncupati, & habiti sunt, & fortasse habentur, aut haberi, & esse prætendunt, & imposterum habendi sunt; sive Ordinarii, sive Extraordinarii Nostri, & ejusdem Apostolicæ Sedis ubicumque, etiam apud ipsos Imperatorem, & Reges, ac Summas potestates Nuntii, sive Inter-Nuntii resident (exceptis dumtaxat locorum Ordinariis, iisque omnibus Superioribus, quibus tamquam Ordinariis, & ordinaria jurisdictione utentibus, Monialium Monasteria subiecta, & addicta sunt, in casibus tamen necessariis, & servatis alia de jure servandis, & non aliter omnino) ac demum quibuscumque aliis quocumque nomine, & expressione nuncupatis personis, quocumque tempore, a quibusvis, etiam ab ipsis Romanis Pontificibus Prædecessoribus nostris, quacumque de causa, occasione, titulo, colore, & prætextu, per quasvis Apostolicas, sive in simili forma Brevis, sive sub Plumbo expeditas Literas, sub quibuscumque verborum formis facta, data, concessa, & impertita, sive factas, datas, concessas, & impertitas, super hujusmodi ingressu, revocamus, abolemus, annullamus, atque irritamus; necnon a datarum earundem præsentium die revocata, abolita, annullata, & irrita, ac nullius prorsus momenti, ac vigoris esse, & fore, neminique cuilibet quocumque tempore suffragari.

Alimit, & revocat facultates dispensandi quibuslibet concessas.

Salva auctoritate Ordinariarum.

§. 4. Ac quemlibet omnium antedictorum, etiam speciali mentione dignorum, quacumque facultate hujusmodi, sive pro se, sive pro aliis temere uti audentem, ipso facto, absque ulla alia declaratione, poenas, & Ecclesiasticas censuras contra violantes Clausuram Monialium infligas, a quibus, præterquam a nobis, & pro tempore existente Romano Pontifice, nisi in mortis articulo, absolvi possit, incurrere, & incursum esse; licentiamque hujusmodi concessam nullo modo suffragari, atque nullius momenti, perinde ac si minime concessa fuisset, ipso facto fore, & haberi, ac poenas, & censuras Ecclesiasticas ipso etiam facto, ut præmittitur, per contrafacientem incurri, & incurfas esse, statuimus, decernimus, ac declaramus.

Usam facultatum hujusmodi sub Censuris interdictis, & irritum decernit.

§. 5. Decernentes easdem præfatas Literas, & in eis contenta quæcumque, etiam ex eo, quod quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentiæ, & dignitatis, existant, seu alia specifica, & individua mentione, & expressione digni, illis non consenserint, nec ad ea vocati, citati, & auditi, causæque, propter quas præfatas emanarint, sufficienter adductæ, verificatæ, & justificatæ non fuerint, aut ex alia qualibet, etiam quantumvis juridica, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo umquam tempore de subreptionis, vel obreptionis, aut nullitatis vitio, aut intentionis nostræ, vel interesse habentium consensus, aliove quomodolibet, etiam quantumvis magno, & substantiali, ac incogitato, & inexcogitabili, individuumque

Clausula præservativa, de perpetuo præsentium vigore.



subdita cuius-  
bet fecus ju-  
dicandi, &  
interpretandi  
facultate.

Derogationes  
amplissime.

Exemplorum  
auctoritas.

Dat. die 3.  
Jun. 1742.

expressionem requirente defectu notari, impugnari, infringi, retractari, in controver-  
siam vocari, aut ad terminos juris reduci, seu adversus illas aperitionis oris, ressi-  
tutionis in integrum, aliudve quodcumque juris, facti, vel gratiæ remedium intenta-  
ri, vel impetrari, aut impetrato, seu etiam motu, scientia, & potestatis plenitudi-  
ne paribus concessio, vel emanato quempiam in iudicio, vel extra illud uti, seu se  
juvare ullo modo posse; sed ipsas præsentis Literas semper firmas, validas, & effi-  
caces existere, & fore, suosque plenarios, & integros effectus fortiri, & obtinere,  
ac ab illis, ad quos spectat, & pro tempore quodcumque spectabit, inviolabiliter,  
& inconcussè observari: sicque, & non aliter in præmissis per quoscunque Judices  
Ordinarios, & delegatos, etiam causarum Palatii Apostolici Auditores, ac S. R. E.  
Cardinales; etiam de latere Legatos, & Sedis prædictæ Nuntios, aliosve quoslibet  
quacumque præeminentia, & potestate fungentes, & functuros, subacta eis, & eo-  
cari, & definiri debere, ac irritum, & inane, si fecus super his a quoquam quavis  
auctoritate scienter, vel ignoranter contigerit attentari.

§. 6. Non obstantibus præmissis, ac, quatenus opus sit, nostra, & Cancellariæ A-  
postolicæ Regula *de jure quæsito non tollendo*, aliisque Constitutionibus Apostolicis,  
necnon quibuscunque, etiam iuramento, confirmatione Apostolica, vel quavis firmitate  
alia roboratis Statutis, & consuetudinibus, ac uibus, & stylis, etiam immemorabi-  
libus; privilegiis quoque, indultis, & Literis Apostolicis prædictis, aliisque, quibuscunque  
personis, etiam quacumque Ecclesiastica, vel mundana dignitate fulgentibus, &  
alias quomodolibet qualificatis, ac specialem expressionem requiruntibus, sub quibus-  
cumque verborum tenoribus, & formis, ac cum quibuscunque etiam derogationibus de-  
rogatoriis, aliisque efficacioribus, efficacissimis, & insolitis clausulis, ac irritantibus,  
& aliis decretis, etiam motu, scientia, & potestatis plenitudine similibus, ac consi-  
stis, ac pluries iteratis, & quantiscumque vicibus approbatis, confirmatis, & inno-  
vatis. Quibus omnibus, & singulis, etiam si pro illorum sufficienti derogatione de il-  
lis, eorumque totis tenoribus specialis, specifica, expressa, & individua, ac de ver-  
bo ad verbum, non autem per clausulas generales idem importantes, mentio, seu  
quævis alia exquisita forma ad hoc servanda foret, tenores huiusmodi, ac si de ver-  
bo ad verbum, nihil penitus omisso, & forma in illis tradita, observata, exprime-  
rentur, & inferrentur, præsentibus pro plene, & sufficienter expressis, & insertis  
habentes, alias illas in suo robore permanens, ad præmissorum effectum, hac vice  
dumtaxat specialiter & expresse derogamus, ac derogatum esse volumus, cæterisque  
contrariis quibuscumque.

§. 7. Volumus autem, ut earundem præsentium Literarum transumptis, seu ex-  
emplis, etiam impressis, manu alicujus Notarii publici subscriptis, & sigillo personæ  
in Ecclesiastica dignitate constitutæ munitis, eadem prorsus fides in iudicio, & extra  
illud ubique locorum habeatur, quæ haberetur ipsi præsentibus, si forent exhibitæ,  
vel ostensæ. Datum Romæ apud S. Mariam Majorem, sub Annulo Piscatoris die  
11. Januarii MDCCXLII. Pontificatus Nostri Anno II.

D. Cardinalis Passioneus.  
Publicat. die 5. ejusdem mensis, & Anni.

XII.

## I N D U L T U M

Pro celebratione Missarum super Triremibus Militiæ Hospitalis S. Jo: Hierosolymit.

B E N E D I C T U S P A P A XIV.

*Ad perpetuam rei memoriam.*

Summarium  
precum, &  
rationum.

**E**Xponi nobis nuper fecit Dilectus Filius Magnus Magister Hospitalis Sancti Joan-  
nis Hierosolymitani, quod ipse, considerans tam Fratres Milites, quam Officia-  
les, Nautas, & Turmam Catholicam, qui super Classe Triremium Hospitalis præfati  
repe-



reperiuntur, tempore expeditionum, præsertim in Littore Maris Africi, & Lybici, aliisque partibus communi Christiani nominis hosti subiectis, longo tempore, & multis in solemnioribus anni Festis diebus, prout etiam quando in oris maritimis Catholicorum Principum, & illorum portubus existant, tum propter anni tempestates sibi adversas, quæ minime permittunt tentorium in terra figere, & obtendere, sub quo Sacrosanctum Missæ Sacrificium celebrari possit, tum propter distantiam Terræ firmæ, Sacrosanctum Missæ Sacrificium huiusmodi audire non posse; ut incommodis, & inconvenientibus huiusmodi, ne pietas, & devotio Fratrum, Subditorumque ejusdem Hospitalis minuat, occurrere possit, idem Missæ Sacrificium in Triremibus prædictis celebrari posse plurimum deliderat: Nobis propterea dictus Magnus Magister humiliter supplicari fecit, ut in præmissis opportuna providere, & ut infra indulgere de benignitate Apostolica dignaremur.

§. 1. Nos igitur piis dicti Magni Magistri votis hac in re, quantum cum Domino possumus, favorabiliter annuere, eumque specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, huiusmodi supplicationibus inclinati, moderno, ac pro tempore existenti Magno Magistro, & Dilectis Filii Consilio Hospitalis prætati, petitam facultatem celebrari faciendi Sacrosanctum Missæ Sacrificium huiusmodi, tum tempore navigationis, quo Triremes huiusmodi anchoratæ sunt, in quibusvis oris, littoribus, & portubus habitatis, & non habitatis, & dummodo celebratio Missæ huiusmodi eo tempore, quo mare tranquillum, & Cælum serenum reperiatur, & cum assistentia alterius Presbyteri, seu Diaconi, itaut periculum effusionis Sanguinis in dicta celebratione minime adsit; auctoritate Apostolica tenore præsentium concedimus, & indulgemus. Non obstantibus Constitutionibus, & ordinationibus Apostolicis, cæterisque contrariis quibuscumque.

Pontifex rogavit.

Cum conditionibus opportunitatis.

Dat. die 15. Jan. 1742.

Datum Romæ apud Sanctam Mariam Majorem, sub Annulo Piscatoris die XV. Januarii MDCCXLII. Pontificatus Nostri Anno II.

D. Cardinalis Passioneus.

## DE DOCTRINA CHRISTIANA

XLIII.

Populis tradenda: Qua ratione, & methodo Fidelium indigentia hac in re consulendum sit.

Venerabilibus Fratribus, Patriarchis, Primatibus, Archiepiscopis, & Episcopis

## BENEDICTUS PAPA XIV.

Venerabiles Fratres, salutem, & Apostolicam Benedictionem.

ET si minime Nobis dubitandum sit, omnes, quibus animarum cura credita est, Vosque præsertim, Venerabiles Fratres, ad Apostolatus officium repositos, atque in Prælationis fastigio a Deo constitutos, in id potissimum sollicitudinem intendere, ut Christianus Populus Cœlestis Doctrinæ pabulo enutritus, & rudimentis Fidei saluberrime instructus, in semitam Mandatorum Domini, faciem Vobis præferentibus, feliciter dirigatur: temperare tamen non possumus, quin vos ipsos Nostræ Auctoritatis, ac Paternæ dilectionis stimulis excitemus ad tam pium, tamque salutare Opus Doctrinæ Christianæ impensiori cura promovendum, sublatis iis impedimentis, quæ animarum saluti adversantur.

Cura Pontificia de Fidei instructione.

§. 1. Quia vero scientibus Legem loquimur, & vigiles Ecclesiarum hortamur Antistites, quibus nec Pietatis, nec alia sacrarum Literarum defunt prædia; supervacaneum ducimus plurimis urgere argumentis, non satis esse ad cœlestem Beatitude assequendam, consulum, & involute credere a Deo revelata, & ab Ecclesia Catholica proposita Mysteria; sed hanc cœlestem Doctrinam divinitus traditam, & quæ ex auditu

Aliqua Mysteria Fidei explicitè credenda de necessitate mendii, aliqua de necessitate præcepti.

con-



Tenenda quo-  
que morum  
præcepta.

Episcoporum  
officium quo-  
ad traditio-  
nem Doctrinæ  
Christianæ.

Quatenus  
extendatur.

Exempla  
Sanctorum  
Episcoporum.

Inferiorum  
Pastorum ope-  
ra ab Episco-  
pis dirigenda.

Parochorum  
munus du-  
plex, prædi-  
candi, & ca-  
techizandi.

Eorum la-  
bor ab aliis  
de Clero sub-  
levandus.

concipitur, Doctoris legitimi ac fidelis ministerio ita esse accipiendam, ut singilla-  
tim illius capita explicentur, & eorum aliqua necessitate *medii*, aliqua vero necessi-  
tate *præcepti* Fidelibus, ad credendum proponantur: Præterea licet per Fidem justi-  
ficari dicamur, cum ea sit humanæ salutis initium; & fundamentum; ad futuram ta-  
men, quam inquirimus Civitatem, ut pervenire aliquando mereamur, satis comper-  
tum est, solam Fidem non sufficere; sed viam nosse, constanterque tenere oportere,  
nempe præcepta Dei, & Ecclesiæ, tum virtutes, quas persequi, tum vitia, quæ stu-  
diosè declinare debemus.

§. 2. Quæ quidem omnia cum primis Catholicæ Fidei rudimentis, sive *Doctrina*, ut  
aiant, *Christiana*, contineantur; Episcopalis muneris exigit ratio, ut illa in singulis  
Diocesis, & ubique locorum recte, atque ex ordine explicetur; nec posse Episco-  
pos sine tacito conscientiæ convicio illam negligere, sed in hoc opus maxime neces-  
sarium omnem curam, & diligentiam conferre debere. Id tamen oneris non ita Epis-  
copo impositum esse intelligimus, ut ipse per se Doctrinæ Christianæ semper interfit,  
pueros interroget, & Mysteria Fidei, quam profiteamur, aperiat: Nimium quippe no-  
vimus, in Pastoralis sollicitudinis munere prægavari Apostolicæ servitutis sarcinam,  
ac plane intelleximus, cum Anconitanam primum, tum deinde Bononiensem Eccle-  
siam regeremus, multis, variisque curarum veluti fluctibus jactari Præsulem suo sa-  
etiam a Visitatione Diocesis tempore, quandoque addit ubi doctrina traditur Christi-  
anæ Religionis evolvat, & annunciet; Pastoris operam in maximam crediti sibi  
Gregis utilitatem cessuram, ejusdemque exemplum alios excitaturum ad Vineam Do-  
mini Sabaoth pro viribus excolendam.

§. 3. Hanc administrandæ Ecclesiæ quasi legem sibi duxerunt nedum veteres, sed  
recentiores etiam Præsules, Beatorum Civium Albo adscripti; Carolus nempe Borro-  
mæus, Franciscus Salesius, Turribius, Alexander Sauli, quorum aliqui (ut literis  
consignatum est) cum gravioribus dissentii, atque impediti curis, adesse coram non  
possent, operæ, ac diligentiae suæ Vicarium aliquem ex Canonicis, aut ex Sacerdo-  
tibus designabant qui, susceptis Pastoralis Ministerii partibus, Adolescentulos ad  
omnia Religionis Officia Fidei elementis informarent.

§. 4. Optimum ergo, & ad profectum animarum maxime accomodatum erit Anti-  
stitis exemplum, si, quod antea dictum est, id omni tempore, præsertim vero dum  
obit Diocesim, in singulis Paræciis impleverit. Sed ut quisque facile conjiciet, ad  
hoc vires ejus non suppetunt: Ideoque ut propositum assequatur, necesse est, diligen-  
tia, quanta potest maxima, curet, ne in aliis, quos tam laudabilis, tamque fructuo-  
si operis Vicarios constituit, studium, ac sedulitas desideretur.

§. 5. Duo potissimum opera a Tridentina Synodo Curatoribus animarum sunt im-  
posita: alterum ut Festis diebus de rebus divinis sermonem ad Populum habeant; al-  
terum, ut pueros, & rudiores quosque, Divinæ Legis, Fideique rudimentis informant.  
Si statis diebus eam Parochi concionem habebunt, quæ non persuasibilibus humanæ  
Sapientiæ verbis obstrepat auribus, sed captui Auditorum accommodata in eorum ani-  
mos ostensione spiritus illabatur; si Mysterium aliquod annuciabunt, in primis vero,  
quod eo tempore Ecclesia recolit, ea differentes, quæ ad virtutum incitamento sint,  
& ad vitia fugenda, graviora præsertim, & quæ sædius grassantur in Populo; si die-  
bus ipsis (hoc enim pariter debent suo muneri) pueros, tamquam infantes modo  
genitos, nutrant Doctrinæ lacte, nunc hos, nunc illos interrogando, dubia, atque  
involuta explicando; Si demum cum Apostolo attendant lectioni, exhortationi, &  
doctrinæ, ut perfectus sit homo Dei, & ad omne opus bonum instructus: fas est cre-  
dere, exitum optatis respondere posse, & Populum acceptabilem sectatorem bono-  
rum operum facile exiturum.

§. 6. Verum satis experientia compertum est, imparem esse solius Parochi laborem;  
cum nequeat unus omnes instruere, ubi Doctoris diligentiam numerus vincit. Quo-  
ties tamen Episcopus toto animo, ac studio in Ecclesiam sibi commissam incumbat,  
nunquam necessariis, & opportunis destituetur auxiliis. Semper enim invenias, qui  
Tonsura initiari, qui per Minorum, qui per Sacrorum Ordinum gradus ad Sacerdo-  
tii fastigium promoveri, qui denique ab Ecclesiastica Beneficia viam sibi munire stu-  
deant. Gravissimis idcirco verbis (& verbi facta respondeant) affirmant Episcopus,  
numquam se facturum, ut Tonsura inauguret grandiores ætate, aut Minores præfer-  
tine



tim vero Majores Ordines iis conferat, qui in tradenda Christiana Doctrina operam suam Parochis commodare neglexerint. Hunc porro Clericorum numerum idem Episcopus in singulas suae Civitatis, & Dioecesis Parochias apte distribuat, & eorum aliquos determinatae Ecclesiae adscribat. Denunciet praeterea, ac fidem praestet, in conferendo Parochiarum, & aliorum Beneficiorum Jure, plurimum apud se ponderis, & momenti habiturum studium, & diligentiam in hoc opus a Clericis colleram: atque in re ipsa constabit, non Rectori tantum impositum esse docendi munus, sed plures illi praesto esse, ut omnes Officii sui numeros cumulate implere possit.

§. 7. His accedit, Sacris Apostolicis Constitutionibus, & septima praesertim fel. rec. Leonis X. Praedecessoris Nostri edita in Concilio Lateranensi, saluberrime cautum fuisse, ut tam Ludimagistri discipulos suos, quam Piae Foeminae Puellas instituentes, sana, & incorrupta Doctrina, (Episcopo id potissimum urgente) tamquam pabulo vitae, nutriant, & confirmant. Constat etiam, ipsum Episcopum posse, ac debere Sacris Oratoribus quam diligentissime commendare, ut pro concione in Parentum aures animosque ingerant, sua interesse Mysteriis nostrae Religionis susceptam prolem imbueret: & si ad id minus idonei fuerint, filios in Ecclesiam adduci oportere, in qua Divinae Legis praeccepta explicantur. Pluribus itidem in locis pia, ac laudabilis, & ubi non sit recepta, inducenda consuetudo invaluit, ut Parocho idem munus persequenti auxilium ferant Laici tum viri, tum mulieres, in Christiana institutione veluti adjutricem operam navantes, qui audiunt pueros, ac puellas Orationem Dominicam, Angelicam Salutationem, Symbolum Apostolorum, aliaque id genus memoriter pronunciantes. Alibi quoque Sodalitiae exacta sunt, quorum cura in explicanda Christianae Religionis disciplina versatur, & quorum Institutum nedum meritis laudibus cumulat san. mem. Pius V. in sua Constitutione, quae incipit: *Ex debito*; sed in omnibus etiam Dioecesis propagari enixe exposcit. Quae quidem omnia in unum collecta si sedulo perpendantur, certum omnibus, atque exploratum erit, ubi multa sit messis, paucos nequaquam esse Operarios, nec eos deesse, qui parvulis panem petentibus frangant.

§. 8. Sed quia compertum est, non solum Adolescentulos, illosque qui confirmata sunt jam aetate, in divinarum rerum ignorantia versari, sed etiam viros, ipsosque senes salutaris Doctrinae esse omnino expertes; vel quia numquam illam perceperunt, vel quia jamdiu perceptam paulatim delevit oblivio: huic etiam malo provida Episcoporum occurret vigilantia, si operis sui Vicarios cogent, quae parata sunt, remedia sedulo adhibere.

§. 9. Ut autem ab iis, qui in prima sunt aetate, sermo instituatur, ad Sacram Eucharistiam, & Confirmationem admitti plures postulant: Pauci enim enixam hanc voluntatem, ac fere impatiens studium non praefecerunt. Moneat igitur Episcopus Parochos, eisque districte praecipiat, ne quis eorum sacrum Eucharistiae Sacramentum administret, *Schedulam*, ut ajunt, confirmationis iis tradat, qui graviora Fidei, & Doctrinae capita, & Sacramenti virtutem, & vim ignoret; vel quia parum in hoc Tirotinio profecerint, vel quid ea neglexerint audire, quae ad hujusmodi Sacramenta pie, riteque suscipienda statim temporibus tradita sunt. Hoc sane pacto primae aetatis satis videri potest consultum.

§. 10. Si vero loquamur de Adolescentia, quoniam unusquisque proprium donum habet ex Deo, usu satis constat, alios Ecclesiasticae, alios vero saecularis vitae rationem inire. De primo hominum genere verba jam fecimus, cum de iis ageremus, qui Ordinibus initiari volunt. Id unum addi posse videtur, rem fore magni commodi, multaeque utilitatis plenam, si qui se sistant examini; eos Praeful potissimum interroget de iis, quibus Christiani hominis scientia continetur. Etenim magistra rerum experientia edocuit, ex his aliquos, tametsi latini sermonis nitore, & elegantia excultos, in scientiarum curriculo liberaliter institutos, & quae ad Ordines pertinet apprime callentes, de Doctrina tamen Christiana percunctanti parum, aut nihil apposite respondere.

§. 11. Si autem ad eos, qui in saeculo degunt, mentis aciem convertimus, palam fit, illos ut plurimum sacri conjugii foedera inire. Verum cum Matrimonio jungendi non sint, si Parochus, ut debet, prius interrogando deprehenderit, Matrem, seu Foeminam, quae ad salutem necessaria sunt, ignorare; Vix tantae, ac tam lucuosae ignorantiae locum relinquet Episcopus, qui Pastores animarum admonet officii sui, & huic si desint, negligentiae repetat poenas.

§. 12. Omnes denique omnium aetatum, atque ordinum homines solent identidem sordes animae Poenitentiae Sacramento detergere. Curabit itaque Episcopus, ut Sa-

Item a Puero-  
rum, & Puell-  
arum Magi-  
stris.

A Patrifam-  
ilias.

Ab aliis Lai-  
cis viris, &  
mulieribus.

Et a plis So-  
dalitatis, in  
hunc finem  
erectis.

Christiana  
institutio om-  
ni aetati ne-  
cessaria.

Quid agen-  
dum cum pue-  
ris.

Quid cum  
Adolescenti-  
bus, qui ad  
Ordines pro-  
moveri cu-  
piunt.

Quid cum  
illis, qui Ma-  
trimonio jun-  
gendi sunt.

Ignorantibus  
qua scire o-  
porteret neces-  
sitate medi-  
deneganda est  
absolutio.

cer-



cerdos excipiens Confessiones, fixum illud, immotumque animo semper habeat, invalidam esse Absolutionem Sacramentalem, quam quis ignoranti res necessarias necessitate *medii* impertitur, nec posse homines Deo per huiusmodi Sacramentum reconciliari, nisi prius excussa huius ignorantiae caligine, ad agnitionem Fidei educantur. Sedulo etiam animadvertet Confessarius, in aliud tempus reiiciendam esse Absolutionem illius, qui necessaria necessitate *praecepti* suo vicio nescit, & eo quandoque casu Pœnitentem absolvi posse, quo se vincibilis huius ignorantiae reum agnoscat, & accuset; ac intime dolens, tum a Deo veniam precetur, tum Confessario serio promittat, operam se impense daturum, qua Divinae Gratiae praesidio, discat etiam necessaria necessitate *praecepti*.

S. 13. Hanc profecto Christiani Populi instituendi rationem si Pastores sibi proposuerint, si eorum consilia, labores, & studia ad propositam methodum duxerint referenda; sperare fas est, Fide, & Opere Gregem ita in dies profecturum, ut coedificetur in habitaculum Dei in Spiritu Sancto. At vero cum maximi momenti ea res sit, nullaue alias ad Dei gloriam, & ad animarum salutem utilius instituta, mirari nemo debet, quod plurima passim obijciantur impedimenta.

S. 14. Sitae quandoque sunt in agro parvae, humilesque Ecclesiae, aliae Parochiali proximae, aliae vero longo intervallo disjunctae, ad quas diebus festis Patresfamilias una cum liberis accedunt, Sacerdotem Sacris operantem audituri; ex quo fit, ut suae Parochiae nunquam fere intersint, nec ullum de Mysteriis Fidei, de Praeceptis, de Sacramentis verbum accipiant. Episcopus huic malo occurret, suamque obijcet auctoritatem. Et primo quidem, quoad parvas Ecclesias Parochiali proximae, expressa lege caveatur, ne quis antea Sacrificium faciat, quam Parochus Missam celebraverit, sermonem habuerit, ceterasque sui muneris partes absolverit. Hoc enim pacto Ecclesia Parochialis confluentium Parochianorum numero celebrabitur. Quo vero ad parvas Ecclesias a Parochiali longe sepositas, cum difficile admodum sit, Parochianos ob locorum distantiam, longum iter, atque asperum, hyemali praesertim tempore, cum pluviae inundant, Parochialem adire, ibique Divinis Officiis interesse, relicta Ecclesia proximior decernat Episcopus, gravibus etiam statutis poenis, quod Sacerdotes ibi operantes Christianae Doctrinae summam Populo tradant, Divinamque Legem annuncient. Monendus tamen est Parochus, ne alienae operae nimium tribuat, sed videat ipse quo loco res sint, cum pueri Sacramentum Eucharistiae, & Confirmationis, alii vero Matrimonii, sibi administrari exposcant.

S. 15. Praeterea sua etiam Urbes habent impedimenta: Saepè enim contingit, in aliis Ecclesiis, ac praesertim Regularium, solemnibus ritu, magnaue Populi frequentia, Festum aliquem diem celebrari: ideoque si in Ecclesia Parochiali, summo mane, aut statim a prandio Catechismus habeatur; aut nemo, aut pauci admodum sunt, qui eidem Catechismo intersint, quique praescriptas horas non caudent. Sin vero capientur horae Civitatis commode magis appositae, usu compertum est, populum ad Ecclesiam confluere, in qua Festus dies agitur; & celebritate pompae illectum, Doctrinam Christianam non sine gravi animae detrimento deferere. In hoc articulo quia certa, & communis regula praescribi non potest, id totum relictum esse volumus Prudentiae vigilis Ecclesiae Antistitis, qui attenta loci, temporis, personarum qualitate, expensive rerum omnium momentis, ita studeat solemnibus diei celebritatem cum Doctrina Christiana componere, ne alteri altera sit impedimento. Quod si Regulares, & Exempli contradixerint, & sanctum hoc Doctrinae opus, licet ab Episcopis prius admoniti, suis functionibus perturbare praesumpserint; Nostram locorum Ordinariis auctoritatem, qua potimur in exemptos, pollicemur; nec alia Pontificiae vigilantiae deerunt remedia, ne Parochiales Ecclesiae debitis fraudentur obsequiis.

S. 16. Plurimum quoque ad Christiani Populi institutionem conferre poterit, si Visitatores elegantur, quorum alii Civitatem, alii Dioecesim lustrantes, omnia sedulo inquirent, ut certior factus Episcopus, pro meritis cuiusque Pastoris, aut praemia decernat, aut poenas.

S. 17. Clementis Papae VIII. aliorumque Praedecessorum nostrorum vestigiis inhaerentes, hortamur in Domino, & enixe commendamus, in Doctrina Christiana tradenda adhibere libellum de Clementis eiusdem mandato a Cardinali Bellarmino conscriptum, mox in deputata Congregatione diligenter examinatum, & approbatum; ac denique ab eodem Clemente in lucem eo saluberrimo consilio edi iustum, ut unus deinceps, idemque modus in docendo, & discendo Christianam Doctrinam, ab omnibus tene-

retur.

Quid agendum cum ignorantibus quae scienda sunt necessitate praeepti.

Occurrentia impedimenta.

In aliquibus Ecclesiis ruralibus non permittenda Missarum celebratio, nisi post Missam Parochialem.

In aliis injungendum Praeceptis non Curatis ut Populum instruant.

In Civitatibus praescribenda ratio celebrandi Festivitatis in Ecclesiis non parochialibus.

Visitatores per Civitates, & Dioeceses Deputandi.

Commendatur Liber Cardinalis Bellarmini de Doctrina Christiana.



retur. Nihil hac uniformitate optabilius; nihil ad præcavendos, qui in multiplicem Catechismorum varietatem irrepere possent errores, conducibilibus, atque opportunis. Sicubi vero contigat, ob peculiare regionum necessitates, alium quempiam adhiberi forte libellum; sedulo invigilandum erit, nequid ille contineat, nequid in eum unquam inducatur, a Catholica veritate absonum. Curandum insuper, ut in eo fidei dogmata clare, & dilucide sint explicata, additis, si quæ desunt, necessariis, ac sublatis quæ redundant. Brevis enim, & univoca docendi methodus multum proficere solet ad faciliorem interrogationem, cum quis periculum facit progressus puerorum.

Et generaliter uniformitas in methodo, & ratione docendi.

§. 18. Complectatur Liber huiusmodi etiam Fidei, Spei, & Charitatis Actus, quos recte scienterque compositos esse, minime dubitandum. Sed si aliter se res habeat, castigati emendato prælo donentur. Actus prædicti paucis potius, quam multis verbis offerri gaudent; dum illis tamen tota vis, & natura virtutis explicetur. Et quia Christianam Religionem profitenti maxime necessaria est consuetudo, & exercitatio sæpius eliciendi dictos Actus; idcirco ne illorum usus circumferibatur angustis finibus, & exiguo numero a quibusdam singulis annis præfinito; Episcopus suæ non minus, quam alienæ salutis studiosus, provide statuatur, ut in Parochiis, tum Urbis, tum Diocesis, Rectores Animarum, post Missam Festo die celebratam, statim ante Aram provoluti, clara, & intelligibili voce dictos virtutum actus eliciant, & præire satagent Populo, verba ab ipsis prolata devote reddituro. Hoc enim pacto Fideles sentiant illos memoriæ mandabunt, & assuescent, nedum Festis, sed aliis etiam diebus, in hac pia exercitatione versari.

Actus Fidei, Spei, & Charitatis Populo tradendi. Et publice Ecclesiis frequentandi.

§. 19. Saluberrimas has erudiendi Gregis rationes, quas Vobis, Venerabiles Fratres, per hæc Apostolica scripta notas esse volumus, quisque vestrum facile intelliget, consonas esse. *Monitis Nostris Pastoralibus* prælo jam demandatis, cum Sponsam Nostram Bononiensem Ecclesiam Paterna Charitate cominus amplecteremur: illasque præterea ex Pontificis Constitutionibus hausas esse, & spectabilem Antistitem Testimonium, & exemplo comprobatas. Quia vero maximam inde utilitatem proficisci experimento cognovimus; quo majori possumus studio Vos hortamur, & admoneamus, ac per Viscera Misericordiæ Dei nostri enixe obtestamur, ut pro injuncto Vobis Pastoralis Ministerii debito, præmissorum executioni strenuo, constantique animo incumbatis: sedulo recogitantes, quidquid laboris, studii, ac vigilantie in nunc scopum collatum fuerit, Deum omnium Bonorum Datorem uberi mercede retributurum, & Apostolicam Benedictionem ex animo Vobis impertimur. Datum Romæ apud S. Mariam Majorem die VII. Februarii MDCCXLII Pontificatus Nostri Anno II.

Adhæratio Pontificis ad Episcopos, cum mentione Instructionum Pastoralium ab ipso editarum.

Dat. die 7. Febr. 1742.

## M A R O N I T A R U M

Patriarchæ attribuitur annuum caritativum subsidium; abrogata consuetudine colligendi præstationes pecuniarias in distributione Sacrorum Oleorum. *Episcopis Maronitis* certæ Sedes assignantur.

XLIII.

## B E N E D I C T U S P A P A X I V.

*Ad perpetuam rei memoriam.*

Apostolica Prædecessorum nostrorum Romanorum Pontificum Jesu Christi Pastorum Principis, cujus Supremas vices plane immerentes gerimus, in terris Vicario- rum sollicitudo, ac providentia ad æternam Christifidelium salutem procurandam semper intenta, in eo maximopere commendatur, quod inter cætera ab illdem ad animabus ejusdem Jesu Christi sanguine redemptis opportune, ac frugifere consulendum, sapientissime instituta atque sanctissime custodita, omni etiam cura, ac labore confirmare, & sub canonicis censuris, ac pænis exigere studuerint, nimirum, ut & Ecclesiarum Pastores, quibus ovium salus commissa est, non Mercenariorum more, sed attendentes sibi, atque universo gregi, in quo Spiritus Sanctus posuit eos regere Ecclesiam Dei, præsidentes, inque suis residentes Ecclesiis vigilarent; & ab Ecclesia-

Disciplina Ecclesiæ, quoad residentiam Episcoporum, & gratuitam Sacrorum administrationem.

*Bullar. Rom. Bened. XIV. Tom. I.*

N

flico



flico Ordine omnis vel minima avaritiæ suspicio, aut simoniacæ labis species, in iis præsertim, quæ ad Sacramentorum administrationem spectant, penitus amoveretur. Non alia sane ratione Antistitum inauguratio spirituale dicitur sedus conjugii, quod est inter Episcopum, & Ecclesiam, cui præficatur, in electione initiatum, in consecratione ratum, in consecratione consummatum, ita ut transcurfiones etiam de una ad aliam Ecclesiam, nulla intercedente legitima gravissimaque causa, veluti spiritualis adulterii species existimatae fuerint a Sanctis Patribus & Sacrorum Canonum sanctionibus, per maximas poenas coercitæ. Eodem prorsus modo, ut non solum sine Simoniæ labe, verum etiam sine avaritiæ suspicione Sacramenta administrarentur, inhibuit fuit, ne pro passu, vel alicujus consuetudinis obtentu, in iis, quæ Sacramenta respiciunt, etiam a sponte dantibus, non secus ac voluntariæ antiquitus fiebant oblationes, quidquam directe, vel indirecte accipiatur, aut exigatur.

Laudantur  
Canones Syno-  
di Nationalis  
Maronitarum  
circa utrum-  
que caput.

§. 1. Eapropter Apostolicis laudibus prosequimur Venerabiles Fratres Josephum Petrum Antiochenum & Antistites Maronitas, cæterosque, qui in Synodo Provinciali, sive totius Nationis Maronitarum, Apostolica fel. rec. Clementis PP. XII. Prædecessoris nostri, qui ad hujusmodi effectum ad Montem Libanum dilectum Filium Magistrum Josephum Simonium Affemanum in utraque Signatura nostra Referendarium, Prælatum nostrorum Domesticum, & Intimum Cubicularium ablegaverat, primum indicta, & celebrata, deinde nostra quoque auctoritate, per alias nostras in simili forma Brevis Literas die prima mensis Septembris anno MDCCXLI. proxime elapso datas, quarum tenorem præsentibus pro expresso, & inserto haberi volumus, & in quibus uberius continentur, approbata confirmataque, interfuerunt. Enimvero, cum Antiocheni pro tempore Patriarchæ Maronitarum, ob ius quoddam, quod nullis canonis documentis fuisse, sed antiquissima consuetudine, sive propria auctoritate, sive quomodolibet invecitum erat, non solum Antistites, qui jam suis Ecclesiis addicti, ab iisdem propter Turcarum tyrannidem absentes ipsarum Ecclesiarum populis præesse minime possent, aliis, sed prioribus, quibus incardinatierant, & haud dimissis, Ecclesiis in Chesroani, & Montis Libani Diocesisbus existentibus, veluti suos ad nutum amovibiles præficere Vicarios; verum etiam oblationes pecuniarias, vel alterius rei præstationes, pro necessaria victus dignitatisque Patriarchalis, aliis deficientibus congruentibus redditibus, sustentatione, ut afferbatur, tempore, & occasione distributionis Sacrorum Oleorum fieri consuetas exigere solerent; hujusmodi asserto juri tanquam non legitimo, quin immo Sacris Canonibus inviso, per duos Canones in eadem Synodo conditos derogatum fuit.

Etiam ex-  
amen insti-  
tuta in Cong-  
regatione  
partic. de  
Prop. Fide.

§. 2. Verum inter alia dubia, quæ proposita, & examinata fuerunt in particulari Congregatione aliquot Venerabilium Fratrum Nostrorum S. R. E. Cardinalium negotiis propagandæ Fidei præpositorum pro approbatione dictæ Synodi a Nobis deputata, & coram Nobis habita, etiam hæc duo fuere discussa, nempe primum: *An Canon prohibens Patriarchæ quamcumque exactionem in distributione Olei Sancti Parochis, sustineatur, & mereatur confirmationem?* Secundum: *An Canon quod residentiam Episcoporum Maronitarum in propriis Titulis Ecclesiarum Episcopatum, sit appellandus, & quid quoad Appendicem Synodi Cap. XLI. in quo adest divisio Sedium Episcopatum cum limitibus Diocesium Maronitarum, pro distributione Diocesium in tot Episcopis, itant non possint amoveri a Patriarcha?*

Articulus Ap-  
pendicis Sy-  
nodi de nu-  
mero, & li-  
mitibus Dio-  
cesum Maro-  
nitarum.

§. 3. Tenor autem memoratæ Appendicis est, qui sequitur. *Appendix XLI. post Synodum Montis Libani, Metropolitanorum, & Episcoporum Maronitarum Sedes, & Limites. Patriarcha Antiochiæ, ac totius Nationis Maronitarum Sedem habet in Monte Libano in Cornubio, quod Canubinese dicitur: Sub eo erant Archiepiscopi & Episcopi sequentes. I. Tyri. II. Damasci. III. Cypri. IV. Alepi. V. Beryti. VI. Tripolis. VII. Botri. VIII. Aco, seu Ptolemaidis. IX. Laodiceæ. X. Apameæ. XI. Arceæ. XII. Eden. XIII. Sarepta. XIV. Pancadis. XV. Lистра, seu Bybli. XVI. Neapolis. Sed in Synodo Montis Libani die xxx. Septembris MDCCXXXVI. decreverunt Patres, ut Maronitarum Dioceses impofterum ad oculo tantum redigerentur; Jahoa Reverendissimo Domino Patriarchæ Episcopos nonnullos titulares ordinandi potestate; videlicet I. Alepi, seu Beroæ, & adjacentium Locorum. II. Tripolis: Hujus Pontificis jurisdictio extenditur a Tripoli, & Jania ad Arcam Balaneam, Aradum Orthosiadem, Gabalum, Laodiceam, usque ad finem Alepi. III. Bybli, & Botri: hujus jurisdictio extenditur in Dioceses Bybli, & Botri, Acouræ, Dairalamali, & Regionis Bisarajæ. IV. Helio-  
polis,*



polis, seu Baalbech: hujus jurisdictio extenditur in Dioecesem Heliopolis, & Phœbæ in Bybliensis Regionis confinio; & dimidiæ partis ditionis Gazirensis, cujus caput Gusta, & Gazir. V. Damasci: hujus jurisdictio extenditur in Dioecesim Damascenam, necnon ampliatur ad alteram dimidiam partem ditionis Gazirensis; cujus caput est Agelton, complectitur præterea Bascontam Zuc-Charabam, & Zabbur-  
gam. VI. Cypri; hujus jurisdictio complectitur universa Insulæ illius Castella, ac præterea in Chæroena Regione habet Bacafajam, Bai-scebabam, earumque Villas, necnon Villas Chæroenæ usque ad Pontem Beryti. VII. Beryti; hujus jurisdictio extenditur a Beryto usque ad Mathanam, & Giordam, & Algarbam, & Sciacbaram Mathanæ, & usque ad Pontem Flavii Cadi, seu Tamyris. VIII. Tyri, & Sydonis; hujus jurisdictio complectitur Sidonem, Tyrum, earumque Villas, necnon Suph-Bacaa, Vallem Tainæ, & adjacentes Terras a Fluvio Tamyri, usque ad Sanctam Civitatem Hierusalem. Nos subscripti hanc Dioecesum distributionem approbamus: Datum in Sancta nostra Synodo in Monasterio Deiparæ de Loaisa die xxx. Septembris MDCCXXXVI. Joseph Petrus Patriarcha Antiochiæ. Gabriel Sareptæ, Simeon Damusci. Abdalla Beryti. Elias Arcæ. Basilus Tripolis. Philippus Lysræ. Stephanus Botri. Gabriel Aco. Johannes Laodiceæ. Ignatius Tyri. Gabriel Alepi. Michael Paneadis. Tobias Cypri.

S. 4. Ad primum autem responsum fuit. Approbandum, & ad Sanctissimum, qui dignetur alio modo providere Domino Patriarchæ. Ad secundum etiam responsum fuit. Pro approbatione Canonis demandantis Residentiam Episcoporum, & ad Sanctissimum quoad contenta in Appendice Cap. XLI. in quo proponuntur Metropolitanorum, & Episcoporum Maronitarum Sedes, & Limites.

Congregatio  
is judicium.

S. 5. Nos igitur, qui nihil optamus impensius, quam ut Ecclesiastica disciplina per universum Catholicum Orbem, ubi quidem integra viget, magis magisque confirmetur, ubi vero collapsa est, opportune instauretur; ut in rebus tanti momenti ea, qua opus est, consiliis, maturitatis, & examinis ratione procederemus, Venerabili Fratri nostro Vincentio S. R. E. præfatæ Cardinali Petra nuncupato ejusdem Congregationis Propagandæ Fidei Præfecto commisimus, ut postquam cum dictæ Synodi Revisio ibus, aliisque rerum Maronitarum peritis super præmissis accuratissime egisset, ad Nos referret. Quoniam autem ipse Venerabilis Frater Noster Vincentius Cardinalis auditis Revisoribus aliisque, ut præmittitur, rerum Maronitarum peritia instructis, erutisque ex Archivo dictæ Congregationis Propagandæ Fidei documentis, iisque invicem expensis, ad Nos retulit, oblationes pecuniarias, vel alterius rei præstationes, fieri quidem tempore, & occasione distributionis Sacrorum Oleorum, revera esse, ut ab initio ceptum fuit, pecuniarias oblationes, vel alterius rei præstationes Patriarchis pro tempore existentibus, alimentorum, & dignitatis tuendæ, munerisque Patriarchalis commodum obeundi causa, debitas atque præscriptas; necnon residentiam Episcoporum Maronitarum in propriis titulis Ecclesiarum, & divisionem Sedium Episcopaliū, cum limitibus Diocesum, earumque reductionem, prout in Appendice præinserta continentur, omnino necessariam, utilem, ac salutarem esse: Hinc est, quod Nos, qui inclytam Nationem Maronitarum quamvis Hæreticis, Schismaticis, Maumethanis, & Idololatriis, undique circumseptam, tamen veluti rosam inter spinas, & scopulum inter undas, semper in Catholica Romana Fide constantem, ac propterea a Romanis Pontificibus Prædecessoribus nostris tantopere existimatam, ad eorundem Prædecessorum nostrorum exempla plurimi facimus, & Apostolica caritate complectimur; motu proprio, & ex certa scientia, ac matura deliberatione nostris, deque Apostolicæ potestatis plenitudine, tenore præsentium, primum utrumque Canonem, & in eis contenta quæcumque, ac præinsertam Appendicem approbamus, & confirmamus, illisque Apostolicæ firmitatis robur perpetuo adjicimus, atque in perpetuum deinceps observari præcipimus, & mandamus.

Pontifex,  
expensis ite-  
rum capitibus  
in suspensio  
relictis.

Canones, &  
Appendicem  
confirmat.

S. 6. Deinde modernum Patriarcham, ejusque Prædecessores, nec non tam eos, qui dedissent, quam qui accepissent dictas oblationes pecuniarias, vel alterius rei præstationes, easque sive datas, vel dandas, sive acceptas, vel accipiendas pro Sacrorum Oleorum distributione esse existimassent, ab omni Simoniacæ labis pravitate, & turpi avaritiæ quæstu immunes fuisse, & esse, neque imposterum a quoquam ausu temerario, veluti Simoniacos, & avaros, insimulari posse, & debere declaramus.

Patriarcham,  
ejusque De-  
cessores, ab  
avaritiæ, aut  
Simoniæ nota  
purgatos, de-  
clarat.  
Eidem, ejus-  
que Successo-  
ribus, annuum  
Caritativum  
Subsidium  
proalimenti  
attribuit.

S. 7. Præterea, ne moderno, & pro tempore existenti Patriarchæ, ut præmittitur, desint alimenta, & subsidia, statuimus, & quatenus opus sit, præcipimus, & man-



mandamus omnibus, & singulis Ecclesiarum, Monasteriorumque Parochis, & Superioribus Nationis Maronitarum, ut singuli Parochi, & Superiores hujusmodi, juxta designationem instructionemque ab ipsa Congregatione Propagandæ Fidei confectam, atque una iisdem nostris Literis adjungendam, & in virtute Sanctæ Obedientiæ, & ponendis omnino servandam, singulis annis die Dominica infra Octavam solemnitatis Beatæ Virginis Mariæ Immaculatæ in Cælum Assumptæ, a currenti anno pecuniarias oblationes sub nomine Caritativi Subsidiî contribuant, & solvant; nec non statum Animarum, quarum curam gerunt, ad sæpeditæ Synodi scriptum, & de more, sicut antea in Sacrorum Oleorum distributione fiebat, accipiant, ipse vero pro tempore existens Patriarcha alio opportuno tempore Sacra Olea gratis omnino transmittat, siue distribuât, & nihil penitus, vel pecuniæ, vel alterius cuiuscumque rei, etiam a sponte dantibus recipiat, aut exigat.

Sacra vero  
Olea absque  
ullius oblationis  
exactione  
distribuî ju-  
bet.

Dioecesium  
numerum se-  
ptenarium,  
præter Patri-  
archalem præ-  
nit.

In quibus  
Episcopos  
perpetuo in-  
cardinari de-  
cemus.

Patriarchæ  
iura, & fo-  
cultates an-  
nunciat

Si præjudi-  
cio aliorum  
hic non ex-  
pressionem.

Executio  
reductionis  
Dioecesium  
providet dif-  
fertur.

§. 8. Insuper motu, scientia, potestate, ac tenore paribus statuimus, & declara-  
mus numerum Sedium, ac Dioecesium Episcopaliū, & Episcoporum Maronitarum,  
ad septem duntaxat, excepta Patriarchali Sede & Archidieceſi, quæcum octo exi-  
stunt; redigendum reducendumque esse, prout in præinserta Appendice cum suis re-  
spective distinctis Dioecesium, Oppidis, Terris, Ecclesiis, ac Monasteriis, juxta præ-  
scriptos fines, ac terminos, redactus reduſtusque est, & Nos, quatenus opus sit, de  
novo redigimus, & reducimus, & redactum reduſtumque esse & haberi, decernimus.

§. 9. Item volumus, & mandamus, ut, postquam reduſtio hujusmodi, ut infra,  
locum habuerit, in hiſce octo Dioecesium distinctis, & ab invicem diviſis, ac ſepa-  
ratis, tam Patriarcha in ſua, (quam ad ſui arbitrium ſemel eligendam, ſed ſemel  
electam, & Archidieceſim, nuncupatam, Patriarcham eligentem ejuſque Succesſores  
nunquam permutare poſſe decernimus, & deſignamus,) quam ſinguli ſeptem Episcopos  
in ſuis reſpective Dioceſibus conſtituti, & incardinati perpetuo ſint, & habeantur;  
ita, ut nunquam ad Patriarchæ pro tempore exiſtentis nutum amoveri poſſint, niſi  
vel per canonicam, ob graviffima crimina, juris ordine ſervato, privationem, vel  
per legitimam de una ad aliam Dioceſim juxta Sacrorum Canonum regulas, & Ju-  
ris communis diſpoſitiones, translationem.

§. 10. Præter hæc modernus, & pro tempore exiſtens Patriarcha jus habeat Anti-  
ſtites juxta morem, & non alias, in qualibet Sede, & Dioceſi paſtoris ſolatio deſti-  
tuta conſtituendi, & incardinandi; ſingulis triennis ſingulas Dioceſes per ſe ipſum  
viſitandi; Decimas conſuetas (Decima tamen Decimarum ſingulis Antiſtitibus in ſuis  
reſpective Dioceſibus reſiſta) in iſdem Dioceſibus colligendi; & Emolumenta Di-  
ſpenſationum, quæ ad Patriarcham ſpectant, exigendi; nec non Legata, vel dictæ  
Dioceſi, quæ Sedi Patriarchali unita fuerit, vel ipſi pro tempore Patriarchæ reſiſta  
acquirendi; & pro hujusmodi effectu unum aut plures Collectores, & Miniſtros in  
dictis Dioceſibus deputandi; Sacra Olea conſecrandi, & in ſingulas ſeptem Dioceſes  
privative diſtribuendi, & ut ante ſtatutum eſt, & non aliter, mittendi; Cæte-  
rum aliis, ſi quæ ſunt Patriarchæ pro tempore exiſtenti reſervata, & debita tam  
præſcripto jure, quam in veſta conſuetudine, juribus, de quibus nulla in hiſce præ-  
ſentibus fit mentio, nullum ideo præjudicium per ipſas præſentes inferri, & illa tum  
eſſe volumus, & intendimus.

§. 11. Denique ut reduſtio Sedium Episcopaliū e tredecim ad ſeptem, præter Pa-  
triarchalem, duntaxat, prout in præinserta Appendice contenta atque præſcripta,  
debitæ executioni juxta commendatiſſimum caritatis, & providentiæ Ordinem de-  
mandetur; volumus atque præcipimus, ut moderni Antiſtites Maronitæ, qui veluti  
Patriarchæ Vicarii miſſi, dum reduſtio hujusmodi ſtatuta fuit, tredecim in Che-  
froano in humanis agebant, etſi, interea temporis duobus eorundem viam univerſæ  
carnis ingreſſis, undecim in præſentia numerentur, eodem paſto, quemadmodum an-  
tea ſervabatur, veluti ipſius Patriarchæ Vicarii ad nutum amovibiles eoſque ſint,  
& habeantur, donec ſeptenarius eorundem ſuperſtitum numerus remanſerit. Quo  
facto, reduſtio ſeptem Sedium hujusmodi tunc, & non antea, locum habeat, &  
conſtituta intelligatur; atque idem pro tempore exiſtens Patriarcha, electa prius Pa-  
triar-



triarchali Sede, singulos singulis Sedibus Antistites ad sui libitum, sed secundum prudentiæ, & caritatis leges præficiat, & assignet, ita tamen, ut assignatio hujusmodi perpetuo facta, & unusquisque Antistes perpetuo constitutus, & incardinatus sit, & intelligatur, Sedi, & Diœcesi, quæ semel unicuique assignata fuerit.

§. 12. Decernentes easdem præsentis literas, & in eis contenta quæcumque, etiam ex eo, quod quicumque in præmissis quomodolibet jus, vel interesse habentes, seu habere prætendentes, cujuscvis status, gradus, ordinis, præminentiae, vel dignitatis, seu alias specifica, & individua mentione, & expressione digni existant, iisdem præsentibus non consenserint, nec vocati, seu auditi fuerint, tametsi suorum indultorum, vel privilegiorum vigore consentire, seu vocari, & audiri semel, vel pluries quoquomodo debuissent, aut ex alia quantumvis juridica, & privilegiata causa, colore, prætextu, & capite, etiam in corpore juris clauso, ullo unquam tempore de subreptionis, vel obreptionis, seu nullitatis vitio, aut intentionis nostræ, vel interesse habentium consensu, aliove quolibet etiam quantumvis magno & formali, ac substantiali defectu notari, impugnari, infringi, in controversiam revocari, ad terminos juris reduci, seu adversus illas apertionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari nullatenus possit, sed semper, & perpetuo validas, firmas, & efficaces existere, & fore, suosque plenarios, & integros effectus sortiri, & obtinere debere, & ab omnibus, ad quos spectat, & pro tempore quandocumque, & quomodocumque spectabit, inviolabiliter observari: sicque, & non aliter per quoscumque Judices Ordinarios, & Delegatos, quavis auctoritate, præminentia, aut potestate fungentes, & funduros, etiam Causarum Palatii Apostolici Auditores, & distæ S. R. E. Cardinales, etiam de Latere Legatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Præsentium  
Literarum  
perpetuo vi-  
gori consuli-  
tur.

Sublata secus  
judicandi fa-  
cultate.

§. 13. Non obstantibus præmissis omnibus, ac nostra, & Cancellariæ nostræ Apostolicæ, quatenus opus sit, regula du jure quæsito non tollendo, nec non Apostolicis, atque in Universalibus, Provincialibusque, & Synodalibus Conciliis editis generalibus, vel specialibus, præsertim pro universa Natione Maronitarum Constitutionibus, & Ordinationibus, aliisque etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque, indultis, & literis Apostolicis, sive universæ Nationi, sive Patriarchæ, Antistibus, & populis Maronitis, sub quibuscumque tenoribus, & formis, ac cum quibuscumque etiam derogatoriis derogatoris, aliisque efficacioribus, efficacissimis, & insolitis clausulis, irritantibusque, & aliis decretis, in genere, vel in specie, aut alias in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenore præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, & præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Contrariæ  
non obstat  
decernitur.

§. 14. Volumus autem, ut earundem præsentium literarum transcriptis, seu exemplis, tam latine, quam Syriace, aut Arabice, tum manuscriptis, tum typis impressis, & manu alicujus Notarii publici subscriptis, & sigillo personæ in dignitate Ecclesiastica constitutæ munitis, eandem prorsus fides adhibeatur quæ adhiberetur eisdem præsentibus, si forent exhibitæ, vel offensæ.

Earundem  
Literarum  
exemplis, &  
versionibus  
auctoritas tra-  
bitur.

Datum Romæ apud S. Mariam Majorem sub Annulo Piscatoris die XIV. Februarii MDCCXLIII. Pontificatus Nostri Anno II.

D. Card. Passioneus.



XI. IX.

## ABOLITIO TRIBUNALIIUM,

Et Judicium particularium ab Innocentio XII. facta confirmatur, & innovatur quoad Judicaturas deinceps erectas; Nonnullarum Congregationum, & Tribunalium facultates, & jurisdictiones præfinitur.

## BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

Pontificis  
studium pro  
expeditiori  
justitiæ admi-  
nistratiōe.

Congrega-  
tionis parti-  
cularis depu-  
tatio. ejusque  
consilium.

**Q**Uantum ad procurandam Reipublicæ temporalem felicitatem conducat, si cuique petenti jus suum prompte, & expedite reddatur, initio Pontificatus nostri animo revolvētes, sollicito mentis oculo circumspeximus, si qui abusus, aut prævæ consuetudines paulatim, ut contingere solet, irrepsissent, quæ judiciorum ordinem bene, ac sapienter a Prædecessoribus Nostri in hac alma Urbe constitutum perturbarent, justitiæque cursum impedirent, ut opportuna Paternæ Nostre Provinciæ remedia as-ferremus.

§. 1. Cum itaque Congregatio nonnullorum Venerabilium Fratrum Nostrorum Sanctæ Romanæ Ecclesiæ Cardinalium, ac nonnullorum dilectorum Filiorum Romanæ Curiae Prælatorum, & Jurisperitorum, ad submovendos huiusmodi abusus, qui in Romana Curia propter nimium frequentes Judicium particularium, aliorumque privativam ex privilegio jurisdictionem in certis causis exercentium deputationes exortifuerant, a Nobis Apostolica auctoritate specialiter deputata, censuerit ad huius mali, & incommodo occurrendum, ut novæ nostræ perpetuo valituræ literæ per Nos, ut infra, promulgentur, per quas nedum specificè confirmetur auctoritate Nostra, cum insertione totius tenoris, provida Constitutio sel. rec. Innocentii Papæ XII. Prædecessoris Nostri, quæ incipit: *Romanus Pontifex*; sed ulterius omnes judicaturæ particulares quæcumque, & cujuslibet generis, post præfatam Constitutionem restitutæ, vel denuo hætenus erectæ, & constitutæ, vigore literarum NostRARUM, & aliorum Romanorum Pontificum Prædecessorum Nostrorum, tam sub Plumbo, quam sub Annulo Piscatoris, aut Motus Proprii, seu Chirographi desuper expeditarum, de medio tollantur, expliciteque abrogentur: Nos, qui ex Pastoralis Officii Nostri munere, Tribunalia quæcumque Judicium Ordinariorum, veluti justitiæ fontes in agro Dominico Nobis ex Alto commisso constitutos, ab omni impedimento, & perturbatione eximere cupimus, providum Congregationis prædictæ consilium, nostrisque consonum desiderii, libenter amplectens, Motu proprio, ex certa scientia, ac de Apostolicæ potestatis plenitudine Nostra, prædicti Innocentii Prædecessoris Constitutionem præfatam, cujus tenor talis est, videlicet:

Innoc. XII.  
Constitutio  
pro suppressi-  
one Tribu-  
naliū parti-  
cularium.  
Proœmium

§. 2. INNOCENTIUS Episcopus Servus Servorum Dei ad perpetuam rei memoriam. *Romanus Pontifex* curæ agri Domini moro diligenti Patrisfamilias indefinenter invigilans, ut, juxta verbum Propheticum, noxia evellat, & destruat, utilia vero plantet, & ædificet, ea etiam, quæ alias rationabilibus tunc suadentibus causis a Sede Apostolica concessa fuerunt, ex aliis validioribus, seu supervenientibus rationibus, quibus præsertim faciliori, ordinario, & juridico justitiæ cursui in Romana Curia cæterarum Magistris, uberius consultatur, ad viam juris reducere, moderari, immutare, & revocare non desinit, & in his sollicitudinis suæ studium interponit, quando, & prout in Domino conspiciat salubriter expedire.

Numerus &  
facultates  
Tribunalium  
particularium  
ordinem justitiæ retardant.

§. 3. Hinc est, quod Nos sedula meditatione pensantes, privilegia privativarum, seu cumulativarum jurisdictionum, etiam cum facultate proprios, seu benevolos Notarios habendi, seu deputandi, quampluribus præfatæ Curiae particulariter institutis Judiciis, seu Tribunalibus a Romanis Pontificibus Prædecessoribus Nostri aliquorum sæculorum spatio concessa, ita paulatim quidem, sed in immensum excreverit, ut Judicium, & Tribunalium Ordinariorum jurisdictio magnopere decreverit, & super hujusmodi jurisdictionum conflictu, & Judicium competentia, frequentes contentiones, expeditam Causarum terminationem cum Litigantium damno, & Causidicorum incommodo differentes, irrepsissent, ac propterea inter alia, quæ circa eandem Curiam emendanda, reformanda, & rectius ordinanda suscepimus, quantum Nobis ex alto conceditur, hujusmodi absurdis occurrere, ac præ-



præfata Curia, ejusque Judicium, & Tribunalium majori decori, & ordini, sicut justitiæ ratio, & publica utilitas postulant, hac nostra speciali constitutione prospicere volentes: Motu proprio, ex certa scientia, & matura deliberatione Nostris, deque Apostolicæ potestatis plenitudine, necnon de nonnullorum dilectorum filiorum ejusdem Curia Prælatorum, & Virorum pietate, & doctrina, prudentia, & rerum usu præstantium, ad hunc effectum de mandato Nostro pluries congregatorum, consilio, omnia, & singula hujusmodi particularia Tribunalia, & speciales Judices vigore præfatorum privilegiorum in eadem Curia hæcenus constituta, seu constitutos, tenore præsentium penitus, & omnino supprimimus, abolemus, & abrogamus. Ac propterea ad viam juris reducimus omnia, & singula indulta, & facultates, & privilegia habendi, seu deputandi tam in prima, quam in ulterioribus instantiis, omnes prædictos particulares Judices quocumque nomine nuncupatos, ac etiam Assessores, Congregationibus, etiam S. R. E. Cardinalium, Ecclesiis, & Basilicis, etiam Patriarchalibus, Monasteriis Abbatibus, Collegiis, etiam Nationalibus, etiam sub cura, & administratione Presbyterorum, seu Clericorum Regularium Societatis Jesu existentibus, Archiepiscopatibus, & Hospitalibus, etiam Sancti Spiritus in Saxia, & Neophitorum, Archiconfraternitatibus, Confraternitatibus, etiam Annuntiationis Beatæ Mariæ Virginis, Montibus etiam Pietatis, Monasteriis, etiam Mulierum Pœnitentium, Ordinibus, Congregationibus, & Institutis, etiam Societatis Jesu, Curis, & Judiciis, etiam Burgi, & Arcis S. Angeli, Militiis, etiam S. Joannis Hierosolymitani, quibuscumque Universitatibus, & Consulatibus, etiam Artium, Conservatoriis, Domibus Piiis, etiam Almæ Domui Lauretanae. Cappellis, etiam ad Præsepe Jesu Christi, & Imaginis Beatæ Mariæ Virginis in Basilica Sanctæ Mariæ Majoris, Altaribus, cæterisque aliis Locis Piiis quocumque pariter nomine nuncupatis, seu Cardinalibus eorum Protectoribus, Archipresbyteris, Abbatibus, Vicariis, aliisque administratoribus quibuscumque, ac Præfectis, etiam Palatii nostri Apostolici, in quibusvis Causis Civilibus, Criminalibus, aut mixtis, activis, & passivis dictarum Ecclesiarum, Locorum Priorum, aliorumque ut supra, necnon eorum Officialium, Dignitatum, Canonicorum, Beneficiatorum, Affluariorum, Enphyteutarum, Colonorum, aliorumque quomodolibet inservientium iisdem Locis Piiis, illorumque bonis, & Tenuis, etiam cum quibusvis facultatibus, & auctoritatibus eligendi Notarios sibi benevolos, ac procedendi summarie de plano, sola facti veritate inspecta, sine strepitu, & figura Judicii, manu Regia, ac quacumque appellatione, reclamatione recursum, revisione supplicatione, seu restitutione in integrum remotis, seu cum aliis similibus, aut majoribus facultatibus, etiam per Nos, & quoscumque Romanos Pontifices Prædecessores nostros, sub quibusvis verborum tenoribus, & formis, & cum quibuscumque etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis in genere, vel in specie, etiam motu, scientia, & potestatis plenitudine paribus, ac consistorialiter, vel ad Imperatoris, Regum, Reginarum, Republicarum, & Principum quorumlibet preces, & instantiam, seu eorum contemplatione, & intuitu, ac etiam in limine foundationis, seu ex quacumque causa, non tamen vere onerosa, videlicet congrua, & effectiva solutionis Camere nostræ legitime factæ, & non alias, vel pro bono publico Spirituali, aut temporali, etiam ex causa studii, & Catholicæ fidei, ac alias quomodolibet in contrarium præsentium concessa, confirmata, & approbata, ac pluries, & quantiscumque vicibus innovata, quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita, & certa forma ad hoc servanda foret, illorum omnium, & singulorum tenores formas, causas, & occasiones, præsentibus pro plene, & sufficienter expressis, servatis, & specificatis respectivè habentes, perinde ac si præfata indulta, facultates, & privilegia concessa confirmata, & innovata non fuissent, ad effectum præsentium specialiter, expresse, plenissime, & amplissime derogamus, & derogatum esse volumus, & mandamus.

§. 4. Isdem pariter modo, & forma, omnia & quæcumque indulta, facultates, & privilegia dilecto Filio nostro, ac pro tempore existentis in Urbe, ejusque districtu Vicario in Spiritualibus Generali, sub quibusvis formis, decretis, clausulis, aliisque supradictis, per quoscumque Romanos Pontifices Prædecessores nostros, & præsertim per fel. rec. Clementem Papam X. etiam Prædecessorem Nostrum quibusdam suis pridie Idus Augusti anno Incarnationis Dominicæ millesimo sexcentesimo septuagesimo primo expeditis literis concessa, ad statum, in quo erant ante literas præ mem. Paulo Papæ V. pariter præ-

Ideo revocantur Indulta habendi, aut deputandi Judices particulares.

Cum facultatibus eligendi Notarios, aliisque etiam quomodocumque concessis.

Non tamen concessis ex causa vere onerosa.

Jurisdicção Card. Vicarii Urbis reducitur ad primum statum.



Prædecessoris Nostri Kalendis Martii anno ejusdem Incarnationis millesimo sexcentesimo undecimo super reformatione Tribunalium Urbis editas, & respectivè juxta easdem literas, in judicialibus, reducimus.

Causæ jam contestatæ expediti præmittuntur intra certum tempus.

§. 5. Liceat tamen Judicibus, ut supra, suppressis, & abrogatis, qui vigore privilegiorum, ut præfertur, processerunt, causas eorum iisdem hæcenus jam instructas, seu alias legitime contestatas, prædictis non obstantibus, per totum mensem Decembris proxime venturi, prout juris fuerit, expedire, ita ut eo tempore elapso, hujusmodi causæ ad Judices Ordinarios, & competentes Romanæ Curie, in statu, & terminis, ipso facto devolvantur.

Recurfus tamen, & appellationes ad Judices Ordinarios sive ad signatam Papæ fieri jubentur.

§. 6. Quod si hujusmodi causis interim expeditis, appellari, reclamari, supplicari, recurrri, aut restitutionem in integrum peti contigerit, appellationes hujusmodi, reclamationes, supplicationes, recursus, & restitutionis in integrum petitiones, non amplius ad Tribunalia antiquorum privilegiorum, sive ad Protectores, Archipresbyteros, aliosque, ut supra, sed ad Signaturam Justitiæ, & respectivè ad suos Superiores, & ordinarios, prout in cæteris causis per Judices Ordinarios expeditis servatur, devolvantur, & devoluta sint, & esse censeatur.

Item quoad recursus & appellationes est Curiam interponendas.

§. 7. Similiter etiam in casu appellationum, reclamationum, supplicationum, recursuum, ac restitutionis in integrum petitionum a sententiis, & decretis Judicum per eisdem privilegiatos extra Curiam præfatam deputatorum, seu deputandorum in posterum interponendarum, eadem appellationes, reclamationes, supplicationes, recursus, ac restitutionis in integrum petitiones non amplius ad supranominatos cujuscumque dignitatis, etiam Cardinalitæ sint, qui etiam ratione Episcopatum, Guberniorum, Abbatiarum, Commendarum, aut ex alio quovis titulo, vel privilegio, hujusmodi jurisdictionem tum in committendo, tum in decernendo, vel in judicando, usque ad præsens in Urbe per se, vel per alios exercuerunt, sed ad Judices Ordinarios, & competentes ejusdem Romanæ Curie devolvantur indifferenter, & pari modo sicuti in cæteris causis per alios Judices de Partibus expeditis servatur, nulla habita ratione privilegiorum, & antiquorum facultatum.

Quomodo procedendum in secundæ tertii, & ultioribus instantiis.

§. 8. Habentes autem facultatem eligendi in partibus Judicem secundarium instantiarum, teneantur illum ibidem per unicam, & universalem deputationem ad omnes hujusmodi causas constitnere, & si vel super recusatione, vel super modo procedendi coram dicto Judice deputato, emerget controversia, ad Signaturam Justitiæ, prout in cæteris causis, & negotiis fieri solet, recurratur. In terris vero, seu ulterioribus instantiis, eo modo, quo in causis appellationum a Judicibus de Partibus ad Romanam Curiam legitime devolutarum procedi solet, observetur.

Jurisdictiones Consulatuum, & Universitatum extinguntur, & transferuntur ad Judices Ordinarios.

§. 9. Quoad Consulatuum artium, & Universitates, etiam Medicorum, & Mercatorum sublati omnibus Assessoribus, & Abrogata in judicialibus quacumque Consulum, & Universitatum jurisdictione, ita ut eorundem, & earundem jurisdictio ex nunc, etiam quoad causas instructas, & legitime contestatas, penitus, & omnino cessare debeat, & cessasse intelligatur, succedant, & procedant competentes Judices Ordinarii, juxta eorum ordinarias facultates; nulla, ut supra, habita ratione privilegiorum, & antiquarum facultatum; inter quos sit locus præventioni; adhibitis, quatenus Judicibus ipsis opus videatur, iisdem Consulibus solummodo tanquam peritis in rebus, & negotiis eorum artem concernentibus. Excipimus tamen, & sub præsentis nostræ Constitutione comprehensos esse volumus tum Consules Agriculturæ, illorumque Assessorem, tum Notarios Curie Burgi, Mercatorum, & Aromatariorum pro eorum officiis titulo oneroso acquisitis, seu administratis, donec aliter provideatur.

Excepto Consulatui Agriculturæ, & Notariis Curie Burgi, Mercatorum & Aromatariorum.

De Notariis respectu Locorum Priorum.

§. 10. Ad hæc Basilicæ, Collegia, Hospitalia, cæteraque memorata Loca Pia, quæ ex concessione Apostolica, vel inveterata consuetudine, electionem, & usum proprii Notarii in primis, & ulterioribus instantiis habebant, in posterum in causis, in quibus agatur de vero, ac proprio interesse dictarum Ecclesiarum, & Locorum Priorum, non teneantur ad aliquam solutionem extractus, seu registri, sed Notarii quorumvis Tribunalium debeant in dictis causis, & in qualibet instantia, conficere instrumentum Actorum, prout jacent, nihilque ab eis ultra quartam partem ejus mercedis, quæ solvenda esset pro extractu, seu registro, pro dicto Instrumento Actorum, sub quovis prætextu, etiam excessivitatis scripturæ, petere vel exigere valeant.

Præservatur jurisdictio Cathedrali Archipresbyteri. Titularium &c. quoad servitium Ecclesiarum.

§. 11. Postremo declaramus, per præsentis nostras literas nullatenus ademptam esse Cardinalibus, Archipresbyteris, Titularibus, seu Protectoribus, eorumque Vicariis, aliisque



Deputatis, facultatem, seu jurisdictionem in iis, quæ servitium Ecclesiæ, seu Locis Pii, circa tamen disciplinam Ecclesiasticam, & merum correctionem duntaxat, concernunt; minusque sub iisdem præsentibus Tribunalia Camera Apostolicæ, Legatum Avenionensem, Judicem Fabricæ S. Petri, neque ipsas Congregationes in solito liberculo, seu Elencho Congregationum, ac Tribunalium Urbis descriptas, comprehendit.

Item facultates iudicium, & Tribunalium intus enunciatorum.

§. 12. Decernentes easdem præsentibus literas, & in eis contenta quæcumque, etiam ex eo, quod omnes, vel singulis supradicti, ac alii quicumque in præmissis quomodolibet jus, vel interesse habentes, seu habere prætendentes, cuiusvis status, gradus, ordinis, præeminentiæ, vel dignitatis, seu alias specificæ, & individua mentione, & expressione digni existant, iisdem præmissis non consenserint, nec ad ea vocati, seu auditi fuerint, tamen suorum indultorum, vel privilegiorum vigore, consentire, seu vocari semel, vel pluries quoquo modo debuissent, aut ex alia quantumvis juridica, & privilegiata causa, colore, prætextu, & capite, etiam in corpore juris clauso, ullo unquam tempore de subreptionis, vel obreptionis, seu nullitatis vitio, aut intentionis nostræ, vel interesse habentium consensu, alioque quolibet, etiam quantumvis magno, ac formali, & substantiali defectu notari, impugnari, infringi, in controversiam revocari, ad terminos juris reduci, seu adversus illas apertionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari nullatenus posse; sed semper, & perpetuo validas, firmas, & efficaces existere, & fore, suasque plenarias, & integros effectus sortiri, & obtinere debere, & ab omnibus, ad quos spectat, & pro tempore quomodocumque spectabit, inviolabiliter observari. Sic, & non aliter per quoscumque Iudices Ordinarios, & Delegatos quavis auctoritate, præeminentiâ, aut potestate fungentes, & functuros, etiam Causarum Palatii Apostolici Auditores, & S. R. E. Cardinales, etiam de latere Legatos, sublata eis, & eorum cuilibet quavis aliter iudicandi, & interpretandi facultate, iudicari, & definituri debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Clausula pro omnimoda literarum executione.

Adempta secus iudicandi facultate.

§. 13. Non obstantibus, & singulis præmissis, & quatenus opus sit nostra, & Cancellariæ Apostolicæ regula de iure quæsto non tollendo, & pariter, quatenus opus sit, nec mem. Pii Papæ IV. similiter Prædecessoris nostri de gratiis quaecumque interesse Camera Apostolicæ concernentibus in dicta Camera intra certum inibi præscriptum tempus præsentandis, & registrandis; ita ut præsentibus in ea præsentari, & registrari nullo unquam tempore, vel modo necesse sit; necnon aliis Constitutionibus, & ordinationibus Apostolicis, ac Urbis nostræ, dictarumque Ecclesiarum, omniumque, & singulorum supradictorum, quibusvis, etiam juramento, vel alia quavis firmitate sub quibuscumque verborum tenoribus, & formis, clausulis, decretis, aliisque supradictis in contrarium præmissorum roboratis, seu confirmatis, & innovatis Statutis, ac usibus, styli, & consuetudinibus, etiam immemorabilibus, quibus pariter modo, forma, & tenore præmissis, ad effectum præsentium, illis alias in suo robore permansuris, amplissime, ut præfertur, derogamus, cæterisque contrariis quibuscumque.

Derogationes.

§. 14. Nulli ergo omnino hominum liceat paginam hanc nostrarum suppressionis, abolitionis, abrogationis, reductionum, derogationum, voluntatis, mandati, declarationis, & decreti infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, & B. Petri, & Pauli Apostolorum ejus se noverit incursum. Datum Romæ apud S. Mariam Majorem anno Incarnationis Dominicæ millesimo sexcentesimo nonagesimo secundo, xv. Kalen. Octob. Pontificatus nostri Anno II. Apostolica Auctoritate prædicta confirmamus, & approbamus, illamque, perinde, ac si a Nobis sub præsentium data emanasset, in omnibus, & per omnia innovamus, exceptis tamen, quæ præsentibus hisce nostris in aliquo adversari comperiuntur.

Sanctio.

Dat. die 27. Sept. 1692. Pontifex infertam Constitutionem confirmat & renovat.

§. 15. Insuper omnes, & singulas Judicaturas particulares quascumque, & cuiuslibet generis, post præinsertam Constitutionem restitutas, vel de integro hætenus erectas, & constitutas vigore literarum nostrarum, & aliorum Romanorum Pontificum Prædecessorum nostrorum, tam sub plumbo, quam sub Annulo Piscatoris, aut motus proprii, seu Chirographi desuper expeditarum, etiam ex causa privata, seu publice utilitatis, & ex quacumque etiam onerosa causa, aut pro bono Religionis, etiam cum quibusvis derogatoriis derogatoriis, aliisque efficacioribus, & efficacissimis clausulis, irritantibusque decretis, quibuscumque Universitatibus, Locis Pii quo-

Præterea abolet Judicaturas particulares quavis auctoritate deinceps erectas.



cunque nomine nuncupatis, seu Cardinalibus eorum Protectoribus, aliisque tam Ecclesiasticis, quam Sacularibus Personis, quantumvis speciali, & specialissima mentione dignis, eorumque domibus, ac familiis quomodolibet concessas, comprehensis etiam Archihospitali Sancti Spiritus in Saxia, & Hospitio Apostolico S. Michaelis ad Ripam nuncupato, eisdem presentibus eas pro expresse habentes, in totum, ac si nunquam concessae fuissent, abolemus, penitusque abrogamus.

Facultates  
Congreg. boni  
Regim. ad pri-  
mavum sta-  
tum reducit.

Salva electio-  
ne Ministro-  
rum & econo-  
micorum.

Causae Laure-  
tanæ per ap-  
pellationem  
ad Iudices  
Ordinarios  
devolvantur.

Item Firman-  
æ in civili-  
bus.

Congregatio-  
num genera-  
lium facultates  
ad vere-  
rum Decretum  
nomine.

Visitatorum  
autem, ad  
viam juris,  
& literarum  
Innoc. XII.  
redigantur.

De jurisdic-  
tione Præfe-  
cti Arcis S.  
Angeli.

Privilegia,  
Cand. Vicarii  
Urbs redu-  
cuntur ad tra-  
mites Refor-  
mationis Pau-  
li V.

§. 16. Ne autem pro infraascriptarum Congregationum respective parte occasio aliqua controversiarum quomodolibet in posterum oriatur, præfatæ Congregationis particularis a nobis, ut præfertur, deputatæ consilio inhærentes, quoad Congregationem boni Regiminis a rec. mem. Clemente Papa VIII. iamdiu institutam, deinde a fel. rec. Paulo V. & Innocentio XI. Romanis Pontificibus similiter Prædecessoribus nostris, facultatibus auctam, servandam esse volumus, & mandamus decretum prædicti Innocentii XII. Prædecessoris nostri sub die 9. Augusti 1693. promulgatum, abrogatis, quatenus opus sit, in iis, quæ concernunt Causas mere judiciales, & contentiosas, amplioribus facultatibus, si quæ eidem Congregationi boni Regiminis contra formam prædicti Decreti Innoc. XII. Prædecessoris præfati per Constitutionem piæ mem. Clementis Papæ XII. similiter Prædecessoris nostri, quæ incipit: *Divina Providentia*; sub datum apud S. Mariam Majorem 1. Idus Februarii Anno Incarnationis Dominicæ MDCCXXXIII. concessæ videri possent, firmis de cæteris remanentibus aliis in eadem Constitutione, signanter in §. *Insuper*, circa Ministrorum & economiæ Communitatum Præpositorum electionem, & deputationem.

§. 17. Et quoad Lauretanam, nullam ei competere jurisdictionem in causis Lauretanis quibuscunque, per appellationem, seu recursum a Judicatis de partibus; appellationesque, & recursus hujusmodi a prædictis Judicatis, pertinere dumtaxat ad Iudices Ordinarios Romanæ Curiae nostræ, prout præmissa Innocentii XII. Constitutio disponit.

§. 18. Ac quoad Firmanam, nullam ei competere judicalem cognitionem in causis civilibus in gradu appellationis, seu recursus a Judicatis judicum Civitatis, & Status Firmani.

§. 19. Quo vero ad alias Congregationes generales in liberulo, aut Elencho descriptas, seu quoad causas in illis cognoscendas, omnino servanda esse disposita per rec. mem. Sixti V. similiter Prædecessoris nostri Constitutionem, quæ incipit: *Immensa*; cum declarationibus contentis in decreto Congregatione particulari jussu prædicti Innocentii XII. Prædecessoris nostri sub die 19. mensis Augusti anno Domini MDCXCIII. promulgato, prout alias similiter demandatum extitit a Congregatione reformationis Tribunalium Urbis nostræ, approbante prædicto Clemente XII. Prædecessore præfato sub die 14. mensis Aprilis anni MDCCXXXI. & non aliam eis respective jurisdictionem competere, motu auctoritate prædictis nostris, declaramus, decernimus, statuimus, ac sancimus.

§. 20. Ac insuper sub presentium dispositione Visitatores Apostolicos, quantumvis S. R. E. Cardinales, deputatos cum certis facultatibus pro Sacra Visitatione Ecclesiarum, Locorumque Piorum, eorum facultates prædictas ad trames juris, & literarum Apostolicarum ab Innocentio Prædecessore prædicto in forma Brevis sub annulo Piscatoris sub die XVI. Januarii anni Domini MDCXCIII. desuper expeditarum reducendo, comprehensos esse.

§. 21. Præfecti vero, seu Castellani Arcis nostræ S. Angeli jurisdictionem, quam dumtaxat quoad Balistarios, & ejusdem Arcis auxiliares, in eorum ministeria concernentibus, præservatam esse volumus, in cæteris omnibus causis, & negotiis indifferentibus, seu prædicta officia militaria nequaquam concernentibus, & ad trames decretorum alias ab eodem Innocentio Prædecessore xxviii. Septem. MDCXCII. ac tertia Maji MDCXCIII. editorum, comprehendi pariformiter earundem tenore presentium declaramus.

§. 22. Ac demum indulta, & facultates, necnon privilegia quæcumque, & præfertim super cumulativa in causis laicalibus, Tribunali Venerabilis Fratris nostri prædictæ Sanctæ Romanæ Ecclesiæ, Nostri, & Romani Pontificis pro tempore existentis in Urbe nostra, ejusque districtu Cardinalis Vicarii competentia, & præsertim per literas fel. rec. Clementis X. quæ, *Supremæ Majestatis*, sub pridie Idus Augusti MDCLXXI. ac per alias Benedicti XIII. quæ, *In Supremo*, sub XVI. Kalend. Septem-



Septembris MDCCXXIV. necnon per alias literas Clementis XII. Prædecessorum nostrorum, quæ, *Romanus Pontifex*, respectu incipiunt, novissime de anno MDCCXXXV. promulgatas, ad statum, in quo erant ante reformationem rec. mem. Pauli Papæ V. similiter Prædecessoris nostri, & ad ejusdem reformationis tramites Apostolica auctoritate redigimus, necnon utriusque Clementis, & Benedicti Prædecessorum prædictorum literas, tenore præsentium abrogamus, & de medio in hac parte tollimus, & abolemus.

§. 23. Volumus autem, quod propter præmissa, hujusmodi Judicibus suppressis, & abrogatis iurisdictione quoad causas actu coram eis pendentes, seu hætenus jam instruktas, dummodo ipsi per totum mensem Augusti præsentis anni MDCCXLII. ad earum expeditionem omnino deveniant, non censeatur eo ipso adempta sed præfato tempore elapso, causæ prædictæ ad suos competentes Judices in statu, & terminis devolvantur, & eo ipso devolutæ censeantur, & quoad jura coram suppressis Judicibus producta, eorum stetur indicationi.

Permittitur  
Judicibus ab-  
rogatis expe-  
dire Causas  
pendentes in-  
tra semestre.

§. 24. Ac omnia, & singula præmissa, necnon præsentibus seu nullo unquam tempore, pro eo, quod quicumque in præmissis jus, seu interesse habentes, seu habere prætendentes, ad id vocati, & auditi non fuerint, seu ex quavis alia causa, vel quocumque prætextu, quæsito colore, vel ingenio, notari, impugnari, invalidari, retractari, & ad terminos juris reduci, seu in jus, vel controversiam revocari, nec sub quibuscumque similibus, vel dissimilibus revocationibus, limitationibus, & aliis contrariis dispositionibus comprehendi, sed semper ab illis excepta, validaque, & efficacia fore, & esse, suosque plenarios, & integros effectus sortiri, & obtinere; sicque & non alias per quoscumque Judices, etiam Causarum Palatii Apostolici nostri Auditores, ac ejusdem S. R. E. Cardinales, etiam de latere Legatos, Vicelegatos, dictæque Sedis Nuncios, sublata eis aliter judicandi, & definiendi forma, & facultate, judicari, & definiri debere; & quidquid secus super præmissis contra earundem præsentium tenore quomodolibet attentari contigerit, irritum ex nunc decernimus, & declaramus.

Clausula &  
Decreta pro  
Constitutionis  
observantia.

§. 25. Non obstantibus nostris, & Cancellariæ Apostolicæ regula, de jure quæsito non tollendo, necnon nostris, & prædictorum Prædecessorum nostrorum, & eorum cujuslibet Constitutionibus, Ordinationibus, & Decretis prædictis, atque omnium, & singularum Congregationum prædictarum, & earum cujuslibet respectu erectionibus, necnon & cujuslibet illarum, etiam juramento, confirmatione Apostolica, vel quavis alia firmitate roboratis, statutis, & consuetudinibus, necnon privilegiis, indultis, & literis Apostolicis sub quibuscumque tenoribus, & formis, etiam motu patri, & consistorialiter, etiam in earum, & earum cujuslibet respectu erectione prædicta, seu alias quomodolibet concessis, approbatis, & innovatis: Quibus omnibus, quæ præsentibus quomodolibet obesse possent, etiam si de illis specialis, specifica, & expressa, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi etiam veriores præsentibus pro expressis habentes, illis alias in suo robore mansuris, ad effectum præsentium, & validitatis omnium, & singulorum præmissorum, hac vice dumtaxat harum serie specialiter, & expresse derogamus, & derogatum esse volumus, omnibusque contrariis quibuscumque.

Derogationes  
amplissime.

§. 26. Per præsentibus autem non intendimus, facultatibus Venerabilis Fratris nostri S. Rom. Eccl. Cardinalium Collegii Decani nunc & pro tempore existentis, ratione Ostien. & Veliternen. Ecclesiarum, quibus nunc & pro tempore præesse dignoscitur, tum etiam facultatibus dilecti filii, nunc & pro tempore etiam existentis Palatii nostri Præfecti, ratione Præfecturæ Palatii prædicti, ad formam literarum Bened. XIII. Prædecessoris nostri sub Annulo Piscatoris in forma Brevis sub datum diei xxiv. mensis Septem. anni Dom. MDCCXXVIII. desuper expeditarum, eis, & eorum cuilibet competentibus, in aliquo præjudicare.

Facultates  
Cardinalis  
Decani, nec-  
non Præfecti  
Palatii Apo-  
stolici præfer-  
vantur.

§. 27. Nulli ergo omnino hominum liceat hanc paginam Nostri decreti, constitutionis, declarationis, revocationis, annulationis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Sanctio Con-  
stitutionis.



Dat. die 15.  
Febr. 1742.

Datum Romæ apud Sanctam Mariam Majorem quintodecimo Kalendas Martii anno Incarnationis Dominicæ millesimo septingentesimo quadragesimo primo, Pontificatus Nostri Anno II.

P. Card. Pro-Datarius.

D. Card. Passioneus.

Visa de Curia.

N. Antonellus.

J. B. Eugenius.

Registrata in Secretaria Brevium.

Publicata die 27. ejusdem Mensis, & Anni.

XLV.

# DISPENSATIONUM

- Matrimonialium causas veraciter exponendas, & ab Executoribus omnino verificandas esse statuitur.

BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

Dispensationes nonnulli iustis ex causis concedi debent.

Earum expediendarum ratio.

Opinio quorundam circa causarum exprimendarum veritatem, reprobatur.

Ubi preces obreptitiæ, gratia nulla est.

Periculum vitæ specialiter verificandum.

Decretum S. Pii V. contra Officiales falsa exprimentes.

**A**D Apostolicæ servitutis nostræ ministerium pertinet sedula invigilare cura, ut dispensationes super gradibus affinitatis, seu consanguinitatis, intra quos Matrimonia contrahi prohibentur, vel super aliis a Sacris Canonibus statutis impedimentis, nisi ex debitis causis non concedantur, & omnia inde amoveantur, unde nota aliqua ab improbis aspergi possit nomini, ac decori Romanæ Ecclesiæ, cui, licet immerito, Divina benignitate præsidemus.

§. 1. Sane quidem ad Dispensationes obtinendas, ab iis, qui eas postulant, in supplici libello causæ pro illis consequendis exprimi solent; quæ si ejusmodi fuerint, ut juxta canonicas Sanctiones, & prudens Ecclesiasticæ provisionis arbitrium, locus ad dispensandum esse videatur, dispensatio concedi solet, ejusque executio Ordinario, ut plurimum committi, cui onus incumbit diligenter inquirere, an causæ expositæ veritate nitantur, ut, veris illis existentibus, gratia executioni demandetur, secus vero, si causæ nullatenus veritati consentaneæ sint. Si autem contingat, ob causas minime veras existentes, ut dispensatio executioni non tradatur; qui eam impetrarunt, apud negotiorum Gestores, seu Literarum Apostolicarum Expeditores con- queruntur; a quibus nonnunquam responderi solet, executionem perperam, & iniuria denegatam fuisse, quia expressio causarum, earumque verificatio, in dispensationibus non est aliquid substantiale, sed formalitas quædam, & Forensis sili consuetudo: quod non minus veritati adversatur, quam executionis ordinem, ac modum bene, ac prudenter constitutum subvertit; cum expressio causarum, earumque verificatio, ad substantiam, & validitatem dispensationis pertineat, illisque deficientibus, gratia nulla, ac irrita sit, nullamque executionem mereatur.

§. 2. Id autem, ut plurimum evenit in dispensationibus, in quibus apponi solet clausula: *Oratoribus vitæ periculum immineret*: quæ cum sæpe in dispensationibus in primo, vel in secundo gradu, & in nonnullis aliis canonicis impedimentis, sine ulla ratione, causa, & veritate, expressa reperiatur; Ordinarii Locorum, qui cautius, & accuratius se gerunt, nisi vitæ periculum immineat, dispensationem exequi recusant; alii vero, fortasse falso rumore industi, quod hujusmodi clausula sit mera formalitas, indulgentius quam necesse est procedentes, periculo vitæ neque argumentis probabilibus verificato, eoque Oratoribus saltem verisimiliter imminere comperto, gratiam Dispensationibus exequentur.

§. 3. S. M. Prædecessor noster Pius PP. V. in sua Constitutione per viam Motus proprii expedita, & publicata sub die v. Decembris anno MDLXVI., cuius initium est: *Sicut accepimus*; decrevit, omnes, & singulos Procuratores, tam Officii Sacræ Pœnitentiariæ, seu Contradictarum, quam alios quoscunque Solicitatores, & Scriptores, qui veritatem facti, a narratione, quam ab ipsis Partibus habuerunt, quæ-

ad



ad substantialia; & qualitates necessario exprimendas, diversam faciant, seu quomodo intervertunt, aut immutant, aut depravant, & per subreptionem, & obreptionem gratias a Romanis Pontificibus extorquent, poenam falsi incurrere, & ea puniri omnino debere.

§. 4. Huiusmodi autem constitutio quanquam videatur pertinere duntaxat ad Procuratores, Solicitatores & Scriptores Officii Sacrae Pœnitentiarie, ubi per id temporis matrimoniales Dispensationes etiam in foro externo concedi solebant, nihilominus pro Pastoralis nostrae, & Paternae cura ex Alto nobis commissa, hortamur, monemus, ac præcipimus omnibus, & singulis negotiorum Gestoribus, Procuratoribus, & Expeditores Literarum Apostolicarum, etiam Datarie nostrae, ut cum supplices preces pro aliqua Matrimoniali Dispensatione porrecturi sunt, id primum ante omnia agant, ut plenam atque exactam facti notitiam assequi curent, sciscitantes ab ipsis Oratoribus, an hæc, & illæ causæ adsint, ex quibus sciunt dispensationem concedi solere in hoc, vel illo gradu; deinde in supplici libello facti speciem nitide, ac sincere exponant; caveantque diligenter, ne illam aliquatenus in rebus substantialibus alterent, immutent, invertant, corrumpant, sed stricte adhæreant iis, quæ ab Oratoribus sibi exposita fuerunt; & multo magis abstineant, ne quid falsi, aut facti proprio ingenio inventum, vel excogitatum, ad gratiam dispensationis facilius obtinendam, in precibus obtrudant; demum, præ oculis habentes, se operam suam in Ecclesiasticis negotiis in hac Alma Urbe exhibere, ubi Cathedra veritatis est, ipsam solam ament, & sectentur veritatem, non lucrum, aut gratiam, & favorem supplicantium; diligenterque videant, ne mendacii, aut erroris merito argui, cum animæ suæ detrimento possint, falso, & perperam afferentes, causas, earumque verificationes, ex provida Nostrorum Prædecessorum dispositione, in huiusmodi gratiis, ad Ecclesiasticæ disciplinæ vigorem, & Canonicarum legum, & Apostolicarum Constitutionum voluntatem servandam, apponi, & respectu demandari solitas, vanas, & superfluas esse, & tanquam inanes Curiae formalitates, parvi aut nihili esse faciendas.

§. 5. Præterea huiusmodi graves abusus, quibus honor & decus huius Almæ Urbis dehonestatur, & Sedis Apostolicæ splendori ac dignitati officitur, penitus abolere cupientes; motu proprio, ex certa scientia, ac de Apostolicæ potestatis plenitudine prælatam Constitutionem s. m. Pii V. Prædecessoris nostri extendimus, dilatamus, ac producimus ad omnes prædictos negotiorum Gestores, Procuratores, & Expeditores literarum Apostolicarum, cuiuscumque status, gradus, ordinis, & conditionis, & quocumque indulto, privilegio, & dignitate munitos; & quatenus opus sit, eam de novo ferimus, statuimus, & innovamus; volentes, ac decernentes, ut in omnibus superius expressis casibus, poena falsi contra Delinquentes locum habeat; sine tamen præiudicio obligationis refundendi expensas Oratoribus, qui, ob illorum culpam, eiusmodi dispensationes, quæ executioni demandari nequeunt obtinuerunt.

§. 6. Denique omnes, & singulos Venerabiles Fratres, Archiepiscopos, Episcopos, & locorum Ordinarios, cæterosque Executores Literarum Apostolicarum, quibus huiusmodi Dispensationum executio committi solet, enixe rogamus, & obsecramus, ut sedulo, ac diligenter attendant, priusquam dispensationis gratiam exequantur, an causæ in Apostolicis literis expressæ, & quarum verificatio eorum curæ, & vigilantie a Sede Apostolica commissa est, veræ ne, an secus existant, an potius Sedi Apostolicæ falsum expositum, & veritas reticita fuerit: qua super re eorum conscientiam oneramus.

§. 7. Et quoniam in iisdem Apostolicis literis super Dispensationibus in gradibus prohibitis, aliisque præfatis impedimentis, nonnulla observata sunt, quæ negotium Executoribus quandoque exhibere, & scrupulos eorum animis ingerere solent, Apostolicæ nostræ sollicitudinis erit, ea dilucidius, & apertius in iisdem dispensationum literis Apostolicis exponere, ac declarare, ut omni dubitatione sublata, & causis coram Executore huiusmodi probationum genere probatis, quo de illarum veritate moraliter certus reddatur, Apostolicæ literæ Matrimonialium Dispensationum sine ulla hæsitacione ad debitam executionem deduci possint.

§. 8. Mandamus quoque, & iungimus dilecto Filio Nostro Pompejo Tituli S. Eusebii S. R. E. Presbytero Cardinali Aldrovando nuncupato Produlario Nostro; ejusque Successoribus Datarie Apostolicæ Produlariis, seu Dataris pro tempore existentibus, ut in præmissis reos, & culpabiles repertos, poena falsi, ut præfertur, puniant;

Admonitio ad omnes negotiorum gestores &c.

Ad quos extenditur poena falsi, si in exponendis dispensationum causis deliquerint.

Executoribus iungitur verificatio causarum in litteris expressis.

Litteræ Dispensationum in quibusdam distinctius concipi jubentur.

Delinquentium punitione Dataris demandatur.



Non obstantibus quibuscumque. niant, cum potestate citandi, etiam per edictum, constituto summarie de non tuto accessu, aliaque dicendi, & faciendi in præmissis necessaria, seu quomodolibet. Non obstantibus Constitutionibus, & Ordinationibus Apostolicis, statutis, & consuetudinibus, & quibuscumque indultis, & privilegiis, quibuscumque personis etiam speciali mentione dignis, datis, & concessis, cæterisque contrariis quibuscumque.

Sanctio.

S. 9. Nulli ergo omnino hominum liceat, hanc paginam nostri Decreti, constitutionis, monitionis, mandati, ac voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 25.  
Febr. 1742.

Datum Romæ apud Sanctam Mariam Majorem, quinto Kalend. Martias, anno Incarnationis Dominicæ millesimo septingentesimo quadragesimo primo, Pontificatus Nostri Anno II.

P. Card. Pro-Datarius.

D. Card. Passioneus.

VISA DE CURIA

N. Antonellus.

Loco  $\oplus$  Plumbi.

J. B. Eugenius.

Registrata in Secretaria Brevium.

Publicat. die 10. Martii 1742.

XLVI.

# P R O E L E V A T I O N E

Corporis Vener. Servi Dei Camilli de Lellis.

*Dilecto Filio, Magistro Ludovico Valenti in utraque Signatura nostra  
Referendario, ac Fidei Promotoris.*

## B E N E D I C T U S P A P A XIV.

*Dilecte Fili, salutem & Apostolicam Benedictionem.*

Beatificatio  
Servi Dei an  
decreta.

Ideo ipsius  
Corpus in no-  
biliorem lo-  
cum elevari  
jubetur.

Præscribitur  
recognitionis  
forma.

**D**E Congregationis Venerabilium Fratrum Nostrorum S. R. E. Cardinalium Sacris Ritibus præpositæ consilio, & assensu, ut Servus Dei Camillus de Lellis Fundator Clericorum Regularium Congregationis Ministrantium Infirmis imposterum Beati nominis nuncupetur, ejusque Corpus, & Reliquiæ venerationi Fidelium (non tamen in Processionibus circumferendæ) exponantur, & alias, prout in aliis nostris in simili forma Brevis Literis desuper expediendis uberius continebitur, quamprimum Auctoritate Apostolica indulgere intendentes; ac cupientes, ut ejusdem Servi Dei Corpus ex tumulo in Ecclesia sub invocatione Sanctæ Mariæ Magdalænæ de Urbe ejusdem Congregationis Ministrantium Infirmis sito, in quo conditum reperitur, elevatum, in decentiorem nobilioremque locum transferatur, & collocetur, ad quem accedentes Christifideles venerentur; necnon ut ea omnia, quæ in hujusmodi elevationibus servari solent, exacte servantur: Tibi, qui Promotoris Fidei munus, quod nos, dum in minoribus essemus, præstitimus, tanta cum sapientia, integritate, pietate, zelo, ac sedulitate obire pereis, per præsentem committimus, & mandamus, ut Te ipsum ad locum, in quo positum est ejusdem Dei Servi Corpus, conferas, & clausis Januis, & quibuscumque aliis (præter publicum Notarium acta omnia per Te conficienda rogaturum; nec non Dilectos Filios modernos Præpositum Generalem, ac Assistentes, & Postulatorem Causæ dicti Servi Dei in eadem Congregatione Sacrorum Rituum, atque eos Ministros, seu Fostores, quos ad hujusmodi Ministerium & opus necessarios esse duxeris tantum, nec omnino alios) sub excommunicationis lætæ sententiæ pœna ipso facto absque alia declaratione incurrenda, a qua nemo nisi a Nobis, seu Romano Pontifice pro tempore existente absolutionis beneficium, præterquam in mortis articulo constitutus, obtinere queat, & ipso facto ab omnibus quibuscumque status, dignitatis, conditionis, auctoritatis, & præminentiæ, etiam S. R. E. præ-



E. prædictæ Cardinalibus statim incurrenda, aliisque ad nostrum arbitrium imponendis poenis, & censuris, penitus exclusis, tumultum, in quo Corpus dicti Servi Dei jacet, per antedictos Ministros effodi, arcamque, seu loculum, in quo conditur, referari facias; necnon omnia, & singula accuratissime inspicias, quæ ad authenticitatem ejusdem Corporis firmandam apposita fuisse memoriæ traditum est, ac præsertim signa, aliæque hujusmodi recognoscas, cæteraque scruteris, quæ, pro tua hac in re singulari peritia, duxeris notanda. Præterea tibi committimus, & mandamus, ut singulis antedictis, quos solos tecum dumtaxat, ut præmittitur, interesse statuimus, sub suspensionis, interdicti, & excommunicationis lætæ sententiæ, aliisque poenis, & censuris Nobis, ut præfertur, reservatis, denunties, & inhibeas, ne quilibet eorum, Nobis insciis, & inconsultis, quidpiam, vel minimam Corporis partem dicti Servi Dei auferre, detrachere, ac secum alportare audeant. Postquam vero hæc omnia præstiteris, idem Corpus in aliqua arca, seu loculo recondas, tuo in cera hispanica signo munias, & in aliquo decentiori loco diligentissime, ac tutissime custodiendum cures, donec opportuno tempore debitis cum honore, & cautelis in eo loco, in quo in futurum servandum colendumque erit, collocetur. Eapropter tibi omnes, & singulas super negotio hujusmodi ea, qua decet & opus est, fide, ac diligentia perficiendo, necessarias & opportunas facultates auctoritate Apostolica renovere præsentium tribuimus, & impertimur. Non obstantibus Constitutionibus, Ordinationibus Apostolicis, cæterisque contrariis quibuscumque.

Reliquiarum  
detractio pro-  
hibetur.

Loculi obli-  
gnatio.

Conceduntur  
facultates &c.

Datum Romæ apud Sanct. Mariam Majorem sub Annulo Piscatoris, die v. Martii MDCCXLII. Pontificatus Nostri Anno II.

Dat. die 15.  
Mart. 1742.

D. Card. Passioneus.

# DE NON IMPEDIENDA

XLVII.

Executione Citationum, Mandatorum, aliarumque Provisionum  
Romanæ Curie, seu Sedis Apostolicæ.

## BENEDICTUS EPISCOPUS SERVUS SERVORUM DEI

*Ad perpetuam rei memoriam.*

Pastoralis regiminis sollicitudo ex alto Nobis immerentibus commissa exigit, ut non solum curemus novas leges, si quando rerum conditio, aut necessitas postulat, condere; sed etiam, quæ a Romanis Pontificibus Prædecessoribus nostris provide, ac salubriter constituta sunt, si vel hominum culpa, vel ipsa rerum humanarum fluxa, ac volubili natura in desuetudinem abierunt, in usum revocare, eaque Apostolicæ confirmationis robore communire.

Præmissum.

§. 1. Alias siquidem a Congregatione Particulari super reformatione Tribunalium Urbis a piæ memoriæ Innocentio XI. Prædecessore Nostro deputata, per ejusdem Prædecessoris Literas, quæ incipiunt: *Decet Romanum*: datas iv. Kalend. Julii Anno Domini MDCLXXXIX. in forma specifica deinde confirmatum emanavit Decretum tenoris sequentis, videlicet; *Quontam vero fertur, quod Ministri, & Officiales Civitatum, & Oppidorum, & locorum, in quibus DD. Clerici, & Commissarius Camere aliique Prælati, ratione Episcopatum, vel Abbatiarum, & Commendarum, & Præfectus Sac. Palatii Apostolici, exercent Jurisdictionem temporalem, ac etiam Ministri, & Officiales Baronum, & Domicellorum, & aliorum quorumcumque de facto, quamvis indebite, quandoque præstare audent impedimentum, ne in dictis locis, eorumque Territoriis exequantur per Cursos, & Mandatarios, aliosque Ministros, & Executores Tribunalium Urbis, & alios, quibus demandatum fuerit, Citationes, & mandata, aliæque provisiones Judicum, & Tribunalium Curie, & præsertim Auditoris Camere, absque eorum licentia, & beneplacito inscriptis ut vulgo dicitur, exequatur; Idcirco declaratum, & decretum fuit, quod tam Citationes verbales, & personales, vel domi, siue in manibus Domesticorum, aut per edicta, quam etiam mandata quæcumque,*

Decretum sub  
Innoc. XI. edi-  
tum, pro om-  
nibus exe-  
cutione Cita-  
tionum, Man-  
datorum &c.  
a Tribunalibus  
Romane cu-  
rie expedi-  
tum &c.

parti-



pariter tam in Personis, quam in bonis, in quibuscumque Causis civilibus, & criminalibus, libere possint fieri, & exequi absque alia licentia, beneplacito, vel exequatur, aut requisitione Officialium, & Ministrorum loci: neque dictos Officiales, & Ministros, etiam ipsosmet Cardinales, & Prælatos, & clericos, & Commissarium Camerae, ac Barones, & Domoscellos, & alios quoscumque, posse in hoc aliquod directum, vel indirectum impedimentum præstare, sub pœnis contentis in Constitutionibus Apostolicis contra usurpantes jurisdictionem Sedis Apostolicæ, vel illam, ejusque liberum exercitium impediētes, aut Curiae resistētiā facientes; & inadvertenter, ac indebite requisiti de aliqua licentia, vel beneplacito, nullatenus possint, nec debeant, sub eisdem pœnis, apponere Exequatur, vel alias in scriptis apponere manus in ipsis expeditionibus Tribunalium Romanæ Curiae.

Quod a pluribus observatum non fuit.

§. 2. Hujusmodi autem tam providum, ac salubre Decretum non modo in nonnullis Ecclesiasticæ nostræ Ditionis Locis nunquam observatum fuisse, neque in præsentibus observari comperimus: Sed insuper, præter eos, qui in eodem Decreto nominati sunt, alios quoque ex multorum fide dignorum relatione, & experientia ipsa, dum in minoribus essemus, Nosmetipsi, non sine animi nostri dolore & indignatione, cognovimus reperiri, qui debitam citationum, mandatarum, aliarumque provisionum Judicum, & Tribunalium Romanæ Curiae executionem minime permittere, sibi laudi, atque honori ducunt, nisi prius ipsis exhibita fuerint, & eorum licentia, seu beneplacitum oretenus, vel inscriptis, quod vulgo dicitur, *Exequatur*, fuerit impetratum; quinimmo nonnunquam eo audaciæ, ac temeritatis processerunt, ut etiam impedimentum præstare ausi sint, interdicentes suis Officialibus, ac Ministris, ne iisdem obsequerentur, negantesque eam exhibere commoditatem, opem, atque auxilium, quod pro illis exequendis præbere tenebantur.

Prætextus obviandi soliti.

§. 3. Et quoniam tanti ausus deformitatem, quo Apostolicæ Sedis dignitas contemnitur, & auctoritas conculcatur, per se ipsi agnoscunt; modo obtegere curant eo prætextu, quod locus eorum regimini, & potestati subiectus ejusmodi potiatetur privilegio, ut ex eo Causæ extrahi nequeant, sed in eodem debeant debito fine terminari; modo autem quod ipsi volunt Patres inter se litigantes ad concordiam adducere, ne substantias suas in rerum minimarum litibus sustinendis infumant.

Pontifex præinsertum Decretum innovat.

§. 4. Ut autem hujusmodi malo, quod pessimi exempli, & pravi effectus esse dignoscitur, priusquam magis invaleseat, opportuno Pastoralis providentiæ nostræ remedio occurramus, motu proprio, ex certa scientia, ac de Apostolicæ potestatis plenitudine, tenore præsentium, præfatum Innocentii XI. Prædecessoris nostri Decretum approbamus, confirmamus, & de novo, quatenus opus sit, ferimus, statuimus, ac innovamus, atque illud ab omnibus cujuscumque ordinis, gradus, status, ac dignitatis in perpetuum servari, & custodiri volumus, & mandamus.

Et ab omnibus, & quibuscumque servari jubet.

§. 5. Præterea decernimus, ac definimus, eodem Decreto omnes, & quoscumque Gubernatores, Rectores, Præsides quorumvis Locorum, Terrarum, ac Civitatum Status, nedum immediate, sed etiam mediate in temporibus Sedi Apostolicæ subiectos, atque insuper omnes Præfectos, seu Præsides Provinciarum ejusdem Status, quibuslibet suffultos privilegiis, seu facultatibus, etiam Legatorum a Latere; atque insuper Pro-Legatum Avenionensem, atque etiam S. R. E. Cardinales, etiam a Latere nostro Legatos, eorumque Ministros, atque Officiales comprehendendi, & comprehensos censeri debere.

Pœnæ in contravenientes.

§. 6. Et quoniam in impedienda executione hujusmodi citationum, mandatorum, aliarumque provisionum Romanæ Curiae, vel Sedis Apostolicæ, ut plurimum primas partes tenent, aut certe in causa & culpa sunt, vel litigantes, vel ii, quorum interest, executiones prædictas impediri; vel alii in causis, vel rebus, de quibus agitur, nullum interesse habentes; vel Notarii, sive Tabelliones publici, qui acta ad executiones hujusmodi explendas necessaria conficere, & muneris sui partes obire recusant: Nos ad intolerabilem hanc pravitatem prorsus abolendam ex omni parte opportune providere volentes, cupientesque, ut qui Apostolici culminis reverentia, ut par, est, non commoventur, pœnarum metu in officio contineantur; motu, & auctoritate simili, hac nostra perpetua Constitutione statuimus, ac definimus, ut omnes & singulæ Personæ tam Sæculares, quam Ecclesiasticæ, & Regulares cujuscumque dignitatis, status, & præminentiae, seu ordinis, interesse quodcumque in Causis, vel rebus, de quibus agitur, habentes, quæ Citationes, & Causarum Commissiones, decretas; vel decer-

In ipsos litigantes, aut interesse habentes.



decernendas, aut quævis alia mandata Romanæ Curiae, seu rescripta Apostolica iustitiam, vel gratiam continentia, quo minus juxta illorum tenorem executioni demandentur, per se, vel per alium quovis quæsito colore impedire, aut impediri facere præsumpserint, aut pro illis impediendis ad Sæculares, vel Ecclesiasticos, seu Regulares in quavis dignitate, vel ordine constitutos, seu eorum Officiales publice, vel occulte, per se, vel per alium, quovis quæsito colore recursum habuerint, causam pereant, & omne jus tamen petitorio, quam possessorio, in re, vel ad rem, de qua agitur, eis competens eo ipso amittant.

§. 7. Aliæ vero Personæ sive Sæculares, sive Ecclesiasticæ, aut Regulares, quæ in Causis, vel rebus hujusmodi nullum interesse habent, executionem Citationum hujusmodi, Causarum, Commissionum, & aliorum quorumcumque mandatorum, seu rescriptorum, & provisionum Apostolicarum, ut præmittitur, impediunt, aut impediuntibus hujusmodi auxilium, consilium, vel favore publice, vel occulte, directe, vel indirecte præstantes, cujuscumque ordinis, gradus, conditionis, vel præeminentiæ existant, si Sæculares fuerint, sententiam excommunicationis, si vero Ecclesiasticæ, aut Regulares, poenam suspensionis, tam ab exercitio Ordinum, quam cujuscumque Officii, aut dignitatis ipso facto incurrant, a quibus (excepto quoad excommunicationem mortis articulo) non ab alio, quam a Romano Pontifice pro tempore existente, absolutionis beneficium possint obtinere.

In Judices,  
Magistratus,  
aliique im-  
pedientes.

§. 8. Notarii autem, sive Tabelliones publici, qui de executionibus citationum, causarumque commissionum, & mandatorum, ac provisionum hujusmodi faciendis, aut quo minus fiant, de inhibitionibus requisiti fuerint, & instrumenta publica desuper ad instantiam interesse habentium, seu interesse prætendentium, soluto tamen congruo salario, conficere recusaverint, exercitium Officii Tabellionatus amittant, fiantque perpetuo infames, & ad Instrumenta, sive Scripturas publicas in posterum conficiendas inhabiles reddantur, donec ab hujusmodi reatu absolutionem, & infamiæ absterisionem obtinuerint.

In Notarios.

§. 9. Non obstantibus ordinationibus, & Constitutionibus Apostolicis, Decretis, & Statutis, etiam Apostolica auctoritate confirmatis, quibuscumque privilegiis, indultis, & concessionibus, quacumque possessione, & consuetudine etiam immemorabili, & titulo colorato ex ea resultante, scientia, & patientia, & tolerantia quorumcumque Superiorum, etiam Sedis Apostolicæ, roborato, cæterisque contrariis quibuscumque; aut si aliquibus communiter, vel divisim ab eadem sit Sede indultum, quod interdicti, suspendi, & excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi mentionem: quod quidem indultum decernimus eis, quacumque auctoritate muniti sint, in hoc aliquo qualiter suffragari non posse, quo minus hujusmodi sententiis, & poenis subjaceant.

Derogatur  
Legibus,  
Consuetudinibus  
& Indultis  
in contrarium  
facient.

§. 10. Per præfentes autem non intendimus in aliquo derogare privilegiis, gratiis, indultis, a Nobis, aut a Romanis Pontificibus Prædecessoribus nostris concessis nonnullis locis, Civitatibus, Provinciis, aut Regnis, ut causæ extra eorum territoria extrahi nequeant, dummodo citationes, causarumque commissiones, & alia quæcumque mandata, & provisiones Apostolicæ, debitam in iisdem obtineant executionem.

Salvis Privilegiis,  
de non  
avocando.

§. 11. Volumus autem Constitutionem, & Decretum hujusmodi, postquam Valvis Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, Curiaeque Generalis in Monte Citorio, ac in Acie Campi Floræ de Urbe, ut moris est, affixa, & publicata fuerint, omnes & singulos tam in Romana Curia, quam extra eam existentes perinde afficere, & arctare, ac si unicuique eorum personaliter, & nominatim intimata fuissent; quodque illorum exemplis etiam impressis, manu tamen Notarii publici subscriptis, & sigillo Personæ in Dignitate Ecclesiastica constitutæ munitis, eadem prorsus fides, tam in iudicio, quam extra ubique locorum adhibeatur, quæ præsentibus adhiberetur, si forent exhibita, vel ostensa.

Publicationis  
vigor, &  
exemplorum  
auctoritas.

§. 12. Nulli ergo omnino hominum liceat hanc paginam nostræ confirmationis, statuti, decreti, mandati, voluntatis, ac derogationis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

Sancit.



Datum Romæ apud S. Mariam Majorem Anno Incarnationis Dominicæ millesimo  
Data die 30. septingentesimo quadragesimo secundo, tertio Kal. Aprilis, Pontificatus Nostri Anno  
Mensis 1742. secundo.

P. Pro-Datarius.

D. Cardinalis Passioneus.

Visa de Curia.

N. Antonellus.

J. B. Eugenius.

Registrata in Secretaria Brevium.

Publicat. die 13. Aprilis ejusdem Anni.

XLVIII.

## DE APPELLATIONIBUS.

Et Inhibitionibus concedendis, vel denegandis.

BENEDICTUS EPISCOPUS SERVUS SERVORUM DEI

Ad perpetuam rei memoriam.

Pontificis su-  
dium pro re-  
cto Judicio-  
rum Ecclesia-  
sticorum Or-  
dine.

**A**D militantis Ecclesiæ regimen nullo meritum Nostorum suffragio, sed imper-  
scrutabilis consilii altitudine evocati, inter graves curas, quas assiduo pro Nostro  
munere sustinemus, postrema illa non est, inquam totis viribus Nobis incumbendum  
esse ducimus, ut graves nimium, diuturnæ, nulloque unquam tempore internisse E-  
piscoporum, aliorumque ordinariam jurisdictionem habentium querelæ adversus Majora  
Tribunalia, atque illa etiam Nostre Romanæ Curie, propositæ, tandem compe-  
scantur.

Ordinariorum  
querelæ ad-  
versus Judices  
Superiores.

§. 1. Intimo siquidem animi Nostri mœrore, cum in minoribus adhuc essemus, jam-  
diu intelleximus, plerosque Locorum Ordinarios conqueri, sensim abutium irrepsisse,  
quod ad malitiosam petentium suggestionem, a Patriarchis, Metropolitans, Sanctæ Se-  
dis a latere Legatis, & diversis dictæ Romanæ Curie Judicibus, Inhibitionis sine dile-  
ctu Causæ, & rei, de qua agitur, examine, passim concedantur; Et quavis in mo-  
re positum sit, dictas Inhibitiones indebite expeditas pro causæ meritis revocari, &  
aboleri; remedium tamen inflicto vulnere non satis esse dicunt, cum interea opor-  
teat Episcopos, aliosque inferiores Judices, in ipso causarum, & Judiciorum cursu,  
otiosos immorari, jus suum judicialiter asserere, & vindicare, & ad continendos in  
officio Populos gravia sæpe incommoda, & dispendia subire.

Superiorum e-  
xcusationes.

§. 2. E contrario Nobis quoque, dum etiam in minoribus essemus, Superiorum Ju-  
dicii responsiones audire contigit, asserentium, memoratas querelas inanes esse, nec  
ulli innixas fundamento, utpote ex hac unica re causam, & originem habentes, quod  
inferioribus grave est obedientiæ, ac subiectionis iugum erga majora Tribunalia, ipsi-  
que nimis displicet, sibi subditis appellationis beneficio succurri.

Pontifexissi-  
dis compone-  
re intendit,  
ad quam  
Causam, &  
Constit. Apo-  
stolicarum.

§. 3. Porro cum facile hæc dissidia componi, & succrescentia litium semina avelli  
possint, si, quæ a Sacra Tridentina Synodo, ab Apostolicis Constitutionibus, & Con-  
gregationum Decretis provide sancita sunt, debite executioni mandentur; Nos idcir-  
co ad conservandam Ecclesiæ disciplinam, restituendamque Tribunalibus formam eis-  
dem canonicis legibus contentaneam, pro credito Nobis Apostolicæ servitutis Officio,  
opportune duximus consulendum.

Unumquem-  
que Prædeces-  
sorum hanc de re  
editas.

§. 4. Inhærentes itaque Decretis ejusdem Sacri Concilii, necnon Congregationis E-  
piscoporum, & Regularium, iussu, & approbatione rec. mem. Clementis PP. VIII. Præ-  
decessoris Nostri alias editis die xvi. Octobris MDC. Itemque aliis Congregationis par-  
ticularis, iussu pariter, & approbatione sel. rec. Urbani PP. VIII. similiter Prædeces-  
soris Nostri, promulgatis die V. Septembris MDCXXVI. eorumque declarationibus nu-  
per superadditis a piæ mem. Benedicto XIII. etiam Prædecessore Nostro in Appen-  
dice Concilii Romani, aliisque Apostolicis Constitutionibus, hac de re alias editis, &  
innovatis, & præsertim Constitutioni piæ mem. Gregorii XV. quæ incipit: *Inscrutabi-*  
*li,*



*bili*, sub Datu a Romæ apud Sanctum Petrum Anno Incarnationis Dominicæ MDCXXII. nonis Februarii.

§. 5. Districte præcipimus, & mandamus, ne deinceps ab executione Decretorum dicti Sac. Concilii Tridentini, in omnibus illis causis, & negotiis, in quibus executioni huiusmodi Episcopis, & Locorum Ordinariis, etiam uti Sedis Apostolicæ Delegatis, ab eodem Sacro Concilio, vel dictis Apostolicis Constitutionibus, *appellatione*, vel inhibitione quacunque precepta, commissa est, appellatio aliqua in Tribunalibus prædictis recipiatur, vel Inhibitiones, Citationes generales, vel speciales, cum Commissionibus inserta, Monitoria, & alia huiusmodi, per quæ dictorum Decretorum executio retardetur, aut Processus ad ulteriora in eadem executione suspendatur aut impediatur, quoquo modo concedantur.

Appellationes cum inhibitione concedi prohibet.

In causis, quarum executio a Conc. Trident. demandata est Ordinariis, appellatione remota.

A Decretis circa Cultum Divinum, & celebrationem Missæ.

§. 6. Itaque a quibuscunque Mandatis, prohibitionibus, provisionibus, & statutis tam in Visitatione, quam extra, pro Divino cultu conservando, & augendo, & præsertim circa ea, quæ observanda, & evitanda sunt in celebratione Missæ, aut alio quovis modo respiciunt executionem Decreti Sac. Concilii *sess. 21. de Reform. cap. 8. & sess. 22. in Decret. de obser. & evit. in celebrat. Missæ.*

§. 7. Item a Decretis cogentibus Clericos tam Sæculares, quam Regulares, etiam Monachos, & exemptos, ad publicas Processiones, servata tamen forma Constitutionis san. mem. Pii V. quæ incipit: *Et si mendicantium*; prout etiam a Decretis, & provisionibus super præcedentia inter Personas Ecclesiasticas, tam Sæculares, quam Regulares in eisdem Processionibus, vel allocutione Defunctorum, delatione Umbellæ, & huiusmodi: Necnon super observatione Censurarum, etiam Episcopali, & Fæstorum Diocesis, juxta dispositionem ejusdem Sacri Concilii *sess. 25. de Regular. cap. 12. & cap. 13.*

A Decretis circa Pius Ecclesiasticos.

§. 8. Item in omnibus illis, quæ ad curam Animarum, & Sacramentorum administrationem quoquo modo pertinent, & præsertim adversus Monitiones, Censuras, aut alias provisiones, per quas Parochi, ut alii Curam Animarum exercentes, diebus saltem Dominicis, & Fæstis solemnibus Plebes sibi commissas salutaribus verbis pascere compellantur, docendo ea, quæ ad salutem necessaria sunt, juxta Decretum Sacri Concilii *sess. 5. de Reform. cap. 2.*

A Decretis circa curam Animarum, & Sacramentorum administrationem.

§. 9. Item adversus deputationem Vicariorum etiam perpetuorum, cum assignatione Congruæ, per quos Cura Animarum exerceatur, quoties plura Beneficia curata ex Dispensatione Apostolica ab aliquo obtineantur; vel quoties eadem Beneficia Curata Cathedralibus, Collegiatis, seu aliis Ecclesiis, vel Monasteriis, Beneficiis, seu Collegiis, aut piis Locis quibuscunque perpetuo unita, & annexa reperiuntur; juxta præscriptum dicti Sacri Concilii *sess. 7. de Reform. cap. 5. & cap. 7. & juxta Constitutionem san. mem. Pii V. quæ incipit: At exequendum.*

A deputatione Vicariorum, cum assignatione Congruæ, in Parochialibus unitis &c.

§. 10. Item adversus Visitationem Beneficiorum Curatorum, ut supra, perpetuo unitorum, necnon quarumcumque Ecclesiarum quomodolibet exemptarum, prout etiam adversus Decreta, & provisiones ab Ordinario capiendas, ut quæ in eis reparatione indigent, reparantur, & Cura Animarum, si qua illis imminet, aliisque debitis obsequiis minime defraudentur, juxta dispositionem Sacri Concilii eadem *sess. 7. de Reform. cap. 8. & sess. 21. cap. 7. & sess. 21. cap. 7.*

A Visitatione Parochialium sic unitarum, etiam exemptarum & a decretis quoad Cultum Divinum, & Curam Animarum.

A provisionibus capiendis pro meliori Eccles. Paroch. servitio, & regimine.

§. 11. Item a Decretis, seu Mandatis, per quæ Episcopi, etiam uti Apostolicæ Sedis Delegati, in Ecclesiis Parochialibus, aut Baptismalibus, in quibus Populus ita numerosus est, ut unus Rector non possit sufficere Ecclesiasticis Sacramentis ministrandis, & Cultui Divino peragendo, cogant Rectores, vel alios, ad quos pertinent, sibi tot Sacerdotes ad hoc munus adjungere, quot sufficiant ad Sacramenta exhibenda, & Cultum Divinum celebrandum: Aut etiam invitis Rectoribus, procedant ad constitutionem novarum Parochiarum, cum assignatione competentis portio- nis, ubi ob locorum distantiam, sive difficultatem, Parochiani, sine magno incommodo, ad percipienda Sacramenta, & Divina Officia audienda accedere non possunt, vel denique propter paupertatem, & in cæteris calibus a jure permissis, deveniat ad uniones perpetuas aliorum Beneficiorum simplicium, non tamen Regularium, juxta dispositionem Sacri Concilii *sess. 21. de Ref. cap. 5. & sess. 24. similiter de Ref. cap. 13.*

A correctione Parochiarum, & a Coadjutorum, aut Vicariorum, dea deputatione.

§. 12. Item a deputatione Coadiutorum, aut Vicariorum pro tempore, vel aliis provisionibus ab Episcopo capiendis, etiam tamquam Apostolicæ Sedis Delegato, quando illiterati, & imperiti Parochialium Ecclesiarum Rectores sacris minus apti sunt officiis:



cum assignatione partis fructuum pro sufficienti illorum victu; Necnon a suspensione, atque etiam a privatione illorum, qui turpiter, & scandalose vivunt, & postquam præmoniti sunt, in sua nequitia incorrigibiles perseverant, juxta præscriptum ejusdem Concilii *d. sess. 21. de Reform. cap. 6.*

A translationibus Beneficiorum, & decretis pro Ecclesiarum instauratione.

§. 13. Item a translatione Beneficiorum simplicium, etiam Jurispatronatus, ex Ecclesiis, quæ vetustate, vel alias collapsæ sunt, & ob eorum inopiam nequeant instaurari, vocatis iis, quorum interest, in Matrices, aut alias Ecclesias, cum omnibus emolumentis, & oneribus: prout etiam a Decretis cogentibus Patronos, Rectores, Beneficiatos, aut Parochianos, sive Populum, ad refectionem, & instaurationem Ecclesiarum Parochialium, servata forma Sacri Concilii *sess. 21. cap. 7.*

A provisionibus adversus Curatos non residentes.

§. 14. Item a censuris, sequestratione, & subtraCTIONe fructuum, aut aliis quibuscumque provisionibus, pro cogendis ad residentiam Parochis, cæterisque omnibus, quibus Cura Animarum incumbit, juxta Decretum ejusdem Sacri Concilii *sess. 23. de Reform. cap. 2.*

A denegatione, suspensione, & limitatione facultatis audiendi Confessiones.

§. 15. Item a denegatione, revocatione, suspensione, vel restrictione, & limitatione facultatis audiendi Confessiones, respectu eorum, qui Parochiale Beneficium non obtinent, etiam si fuerint Regulares, pro excipiendis Confessionibus Sæcularium, juxta ordinationem Sacri Concilii *sess. 23. cap. 15.* & Prædecessorum Nostrorum Constitutiones, ac præcipue illam *fel. rec. Clementis X.* quæ incipit: *Superna.*

A distinctionibus, & institutionibus Parochiarum.

§. 16. Item in illis Civitatibus, aut Locis, ubi vel Parochiales Ecclesiæ certos non habent fines, nec earum Rectores proprium Populum, quem regant, sed promiscue petentibus Sacramenta administrant, vel etiam nullæ sunt Parochiales, a divisione, seu distinctione Parochiarum, earumque ordinatione, sive institutione in titulum perpetuum, juxta Decretum Sacri Concilii *sess. 24. de Reform. cap. 13.*

A deputatione Oeconomi, inductione Concursum, & provisione Parochiarum.

§. 17. Item a deputatione Vicarii, vel Oeconomi, cum assignatione Congruæ, pro tempore, quo vacat Ecclesia Parochialis: prout etiam ab inductione concursu, relatione examinatorum, necnon prælectione, & provisione Episcopi in eodem Concursu, juxta definitionem Sacri Concilii eadem *sess. 24. de Reform. cap. 18.*

A Decretis circa prædicationem Verbi Dei, vel publicas sectiones.

§. 18. Item a Mandatis, seu Decretis inhibentibus prædicationem, vel publicas lectiones, aut coercentibus, vel punientibus quoscumque, etiam exemptos tam Sæculares, quam Regulares, qui in alienis Ecclesiis, quæ suorum Ordinum non sunt, absque Episcopi licentia, & in Ecclesiis suis, aut suorum Ordinum, non petita illius benedictione, aut ipso contradicente, prædicare præsumperint; juxta Decretum Sacri Concilii *sess. 5. de Reform. cap. 2. & sess. 24. similiter de Reform. cap. 4.* & Constitutionem piæ mem. Gregorii XV. quæ incipit: *Inscrutabili.* Una cum declarationibus contentis in Constit. Clementi P. X. quæ incipit: *Superna.*

A Visitatione, & correctione omnium pertinentium ad curam Animarum, & Sacramentorum administrationem.

§. 19. Et generaliter in omnibus iis, quæ pertinent ad Curam Animarum, & rectam Sacramentorum administrationem, adversus visitationem, correctionem, coercionem, & quascumque alias provisiones Episcopi Diocesani, etiam quoad exemptos, sive Sæculares, sive Regulares, juxta laudatam Constitutionem Gregorii XV. quæ incipit: *Inscrutabili.*

A Decretis, & provisionibus ad Monasteria Clausuram, earumque Regimen spirituale, & temporale.

§. 20. Item adversus quascumque Provisiones, & Decreta pro conservanda, aut restituenda clausura Sancti-Monialium, aut pro correctione, seu punitione eorum, qui circa Personas intra Monasteria degentes, aut circa Clausuram, vel circa Bonorum administrationem, deliquerint. Prout etiam ab examine pro approbatione, vel probatione Confessariorum sive Regularium, sive Sæcularium, quomodocumque exemptorum, & tam ordinariorum, quam extraordinariorum, pro excipiendis Confessionibus Monialium, etiam Regularibus subiectarum. Itidemque a Decretis, vel aliis quibuscumque provisionibus cogentibus Administratores, sive Sæculares, sive Regulares quomodolibet exemptos, ad reddendam singulis annis rationem Bonorum ad Monasteria Santi-Monialium hujusmodi pertinentium: Ac demum a quibuscumque Decretis super amotione Capellanorum, Sacristarum, & aliorum quorumcumque Officialium, & Ministrorum, tam Sæcularium, quam Regularium, ipsis Monialibus, vel eorum Ecclesiis inservientium, juxta dispositionem Sacri Concilii *sess. 25. de Regular. & Monial. c. 5. c. 9. & cap. 10.* servata tamen, quoad Regulares, & exemptos forma prædictæ Constitutionis *rec. mem. Gregorii XV.* quæ incipit: *Inscrutabili.*

A Visitatione Diocesis; etiam quoad Monasteria, in quibus Regularis observantia non vigeat; & decretorum executione.

§. 21. Item adversus pastorem Visitationem Diocesis, & præsertim Monasteriorum Commendatarum, Abbatiarum, Prioratum, & Præpositurarum, in quibus non vigeat Regu-



Regularis Observantia, necnon Beneficiorum, tam Curatorum, quam non Curatorum Sæcularium, & Regularium qualitercumque commendatorum, etiam exemptorum: Prout etiam ab executione eorum, quæ in ipsa Visitatione mandata, decreta, aut judicata fuerint. Necnon similiter a quibuscumque Decretis, & Provisionibus, etiam extra Visitationem, pro conservatione, vel reparatione Ecclesiasticæ Disciplinae, quoad vitam, mores, & honestatem quorumcumque Clericorum, luxum, comestiones, choreas, lusus, crimina, & sæcularia negotia fugienda, atque evitanda; juxta plura Decreta dicti Sacri Concilii, & præsertim *sess. 6. de Reform. cap. 4. sess. 13. cap. 1. sess. 14. c. 4. sess. 21. cap. 8. sess. 22. cap. 1. & cap. 8. & sess. 24. cap. 10.* ad formam tamen Decretorum Sac. Congr. Episcoporum de mandato san. mem. Clementis VII. editorum Ann. MDC.

§. 22. Item a Decretis cogentibus Præsentatos, electos, vel nominatos a quibusvis Ecclesiasticis Personis, etiam Nostris & Sedis Apostolicæ Nunciis, ad quævis Ecclesiastica Beneficia, ad se subiiciendum examini Ordinarii, antequam instituatur, confirmentur, vel admittantur, quemadmodum cavetur *sess. 7. de Reform. cap. 13.*

§. 23. Item a denegatione Sacrorum Ordinum, vel adscensus ad alios Maiores; prout etiam adversus suspensionem ab Ordinibus jam susceptis, ob crimen occultum, live ex informata conscientia, juxta dispositionem Sacri Concilii *sess. 14. de Reform. c. 1. & cap. 3. & sess. 21. cap. 1. & sess. 23. cap. 16.*

§. 24. Item a præfixione termini, intra quem Regularis Episcopo non subditus, qui intra Claustra Monasterii degat, & extra ea ita notorie deliquerit, ut Populo scandalo sit, a suo Superiore puniri debeat, ac de punitione ipse Episcopus certior fieri, juxta Decretum Sacri Concilii *sess. 25. de Regul. c. 14. & Constit. sel. rec. Clementis PP. VIII. quæ incipit: Suscepti muneris*: Necnon adversus punitionem, & correctionem eorundem Regularium, qui circa Personas intra septa degentes, aut circa Clausuram ipsam deliquerint; juxta prædictam Constitutionem Gregorii XV. quæ incipit: *Inscrutabili*.

§. 25. Item a Censuris, aut aliis provisionibus contra Concubinos, & præsertim Clericos etiam retinentes domi, aut extra, Mulieres suspectas, juxta præscriptum Sacri Concilii *sess. 24. de Reform. Matrim. cap. 8. & sess. 25. de Reform. cap. 14.*

§. 26. Item adversus privationem Privilegii Fori, & alias provisiones contra Clericos non incidentes in habitu, & tonsura, & in aliis casibus a Sacro Concilio præscriptis *sess. 14. de Reform. cap. 6. & sess. 23. similiter cap. 6.*

§. 27. Prout etiam ab examine, approbatione, vel reprobatione Patrimonii Sacri, Pensionis Ecclesiasticæ, aut beneficii, quoad Clericos promovendos ad Sacros Ordines; juxta dispositionem ejusdem Concilii *sess. 21. de Reform. c. 2.*

§. 28. Item adversus convocationem Capituli, quam faciat Episcopus ad aliquid deliberandum, & juxta vota ipsorum Capitularium concludendum, quoties de re ad factum, vel suorum commodum spectante non agatur, juxta Decretum Sacri Concilii *sess. 25. de Reform. c. 6.*

§. 29. Item a Mandatis, seu Decretis super conversione tertiæ partis fructuum, & quorumcumque proventuum, & obventionum, tam Dignitatum, quam Canoniatuum, Personarum, portionum & officiorum, in distributiones quotidianas, earumque divisione inter Dignitates obtinentes, & cæteros Divinis interequentes, in Ecclesiis tam Cathedralibus, quam Collegiatis, in quibus nullæ sunt distributiones huiusmodi quotidianæ, vel ita tenues, ut verisimiliter negligantur; juxta Constitutionem ejusdem Concilii *sess. 21. de Reform. cap. 3. & sess. 22. similiter de Reform. c. 3.*

§. 30. Item adversus exercitium facultatum Episcopis competentium super executione omnium piarum dispositionum, tam in ultima voluntate, quam inter vivos, in casibus a Jure concessis, juxta dispositionem Sacri Concilii *sess. 22. de Reform. c. 8.*

§. 31. Item a Visitatione Hospitalium, Collegiorum quorumcumque, & Confraternitatum Laicorum, Eleemosynarum, Montium Pietatis, five Charitatis, & omnium Piorum Locorum quomodocumque nuncupatorum, etiam si eorum Cura ad Laicos pertineat, aut exemptionis Privilegio sint munita: Ac denique a cognitione, & executione eorum omnium, quæ ad Dei Cultum, aut Animarum salutem, seu Pauperes sustentandos instituta sunt juxta dictum Decretum Sacri Concilii *sess. 22. de Reform. c. 8.*

§. 32. Item a Decretis, seu Mandatis cogentibus Administratores tam Ecclesiasticos, quam Laicos, etiam exemptos, Fabricæ cujuscvis Ecclesiæ, etiam Cathedralis, Hos-

A Decretis, circa vitam & honestatem Clericorum &c.

Ab Examine instituendorum, & confirmandorum in Benef. Eccl.

A denegatione promotionis ad Ordines & a suspensione ob occultum crimen.

A præfixione termini pro punitione in casibus &c.

A provisionibus, & penis contra Concubinos.

A privatione Privilegii Fori &c.

Ab approbatione, vel electione Tituli, quoad promovendos ad Ordines.

A convocatione Capituli.

Ab institutione, & divisione Distributionum quotidianarum.

Ab executione piarum dispositionum.

A visitatione Locorum Piorum, Collegiorum, Confraternitarum &c.

A Decretis super reddenda ratione administrationis bonorum Fabricæ, aut cujuscvis Locii pii.

pita-



pitalis, Confraternitatis, Eleemosynæ, Montis Pietatis, & quorumcumque Piorum Locorum, ad reddendam singulis annis ipsi Ordinario rationem suæ administrationis, nisi aliud in institutione, & ordinatione talis Ecclesiæ, seu Fabricæ expresse cautum fuerit; juxta Decreta Sacri Concilii *sess. 7. de Reform. c. 15. sess. 22. c. 9. & sess. 25. c. 8.*

§. 33. Item a Decretis compellentibus Notarios, etiam Apostolica, Imperiali, aut Regia auctoritate creatos, & scribentes in Causis Ecclesiasticis, vel Spiritualibus, ad se subiciendum examini: Eorumque remotione, vel suspensione in casu delicti, vel imperitiæ; juxta præscriptum Sacri Concilii *dicta sess. 22. c. 10.*

§. 34. Item ab erectione Seminariorum, & taxatione quorumcumque Dignitatum, Personatum, Officiorum, Præbendarum, Portionum, Abbatiarum, & Prioratum cuiuscumque Ordinis, etiam Regularis, Hospitalium, quæ dantur in titulum, vel administrationem, & Beneficiorum quorumcumque, etiam Regularium, etiam Jurispatronatus, etiam exemptorum, etiam nullus Diocesis, vel aliis Ecclesiis, Monasteriis, Hospitalibus, & aliis quibuscumque Locis pii, etiam exemptis, annexorum, ac quorumcumque aliorum Ecclesiasticorum reddituum, seu proventuum ad Fabricas Ecclesiarum, Confraternitates, & Monasteria omnia, non tamen Mendicantium, pertinentium, nec tamen ad Ordinis, Hierosolymitano excepto, atque etiam Milites cuiuscumque Militatione: Prout etiam ab unione, & applicatione aliquot Beneficiorum simplicium; necnon a Decretis cogentibus eos, qui Scolasterias obtinent, vel quibus lectionis, vel Doctrinæ munus est annexum, ad docendum per se ipsos, vel idoneos Sublicitos; & generaliter a Mandatis, & provisionibus, quæ quoquo modo respiciunt Curam, directionem, & administrationem Seminariorum, plenamque executionem Decreti editi a Sacro Concilio super Collegio Puerorum in singulis Cathedralibus infinuando, *sess. 13. de Reform. c. 18.*

§. 35. Item a Mandatis, seu Decretis cogentibus Oeconomos, Vicarios Capitularum, ad reddendam rationem Administrationis per eos gestæ Sede Episcopali vacante, juxta præscriptum Sacri Concilii *sess. 24. de Reform. c. 16.*

§. 36. Item a comminatione excommunicationis a Jure latæ, & a Sententia excommunicationis latæ ab homine, suspensionis, & interdicti, nisi appellatio fuerit interposita ex capite nullitatis: Et e converso a Sententia absolutionis ab eisdem Censuris Ecclesiasticis.

§. 37. Et generaliter ab executione aliorum quorumcumque Decretorum dicti Sacri Concilii Tridentini, Episcopis, atque Ordinariis locorum demandata ab ipso Concilio, & in Constitutione sel. recor. Pii Papæ IV. quæ incipit: *Benedicimus Deus.*

§. 38. Volumus, præcipimus, & mandamus, quod ab Archiepiscopis, Patriarchis, seu Primatibus, aliisque Judicibus Ecclesiasticis, etiam Nostris & Sedis Apostolicæ Nunciis, vel de latere Legatis, etiam Sanctæ Romanæ Ecclesiæ Cardinalibus, atque etiam Camera nostræ generali Auditore, Signaturæ Justitiæ Præfecto, cæterisque Judicibus Romanæ Curia, eorumque Vicariis, & Officialibus, Citationes generales, vel speciales cum Commensione inserta, Monitoria, & alia hujusmodi cum inhibitione, per quam executio Decretorum, Mandatorum, & Provisionum hujusmodi retardetur, suspendatur, aut impediatur, minime concedantur, & quatenus nunc, aut imposterum concessa fuerint, nullatenus inhi-beant, atque ab Episcopis, aliisque Locorum Ordinariis impune sperni possint; quacumque Consuetudine etiam immemorabili, vel quovis Privilegio, aut stylo concedendi Inhibitiones in Causis prædictis, tametsi temporarias, penitus exclusis. Non enim Citationes, & Monitoria, aliter quam ut præfertur, concessa, vel imposterum concedenda, nulla, atque irrita declaramus, & pro nullis, atque irritis haberi volumus, & mandamus: Decernentes, quod adversus Decreta, Mandata, & Provisiones ejusmodi, quas vel quæ ab Episcopis, aliisque Locorum Ordinariis fieri, vel capi contigerit in Causis, & negotiis prædictis, vel simplex dum-nostros Romanos Pontifices, vel respective, & juxta Causarum naturam, & qualitatem, Appellatio ad quos de Jure, in solo devolutivo, & sine retardatione, vel præ-judicio legitimæ executionis, recipi, & admitti possit.

§. 39. Quoniam vero in hisce ipsis negotiis, & Causis, in quibus Inhibitiones Canonice executionem impediunt, aut suspendentes, concedi non debent, dari possunt

Ab examine, remotione, vel suspensione Notariorum scribentium in Causis Ecclesiasticis.

Ab erectione Seminariorum, & taxatione quorumcumque Dignitatum, Personatum, Officiorum, Præbendarum, Portionum, Abbatiarum, & Prioratum cuiuscumque Ordinis, etiam Regularis, Hospitalium, quæ dantur in titulum, vel administrationem, & Beneficiorum quorumcumque, etiam Regularium, etiam Jurispatronatus, etiam exemptorum, etiam nullus Diocesis, vel aliis Ecclesiis, Monasteriis, Hospitalibus, & aliis quibuscumque Locis pii, etiam exemptis, annexorum, ac quorumcumque aliorum Ecclesiasticorum reddituum, seu proventuum ad Fabricas Ecclesiarum, Confraternitates, & Monasteria omnia, non tamen Mendicantium, pertinentium, nec tamen ad Ordinis, Hierosolymitano excepto, atque etiam Milites cuiuscumque Militatione: Prout etiam ab unione, & applicatione aliquot Beneficiorum simplicium; necnon a Decretis cogentibus eos, qui Scolasterias obtinent, vel quibus lectionis, vel Doctrinæ munus est annexum, ad docendum per se ipsos, vel idoneos Sublicitos; & generaliter a Mandatis, & provisionibus, quæ quoquo modo respiciunt Curam, directionem, & administrationem Seminariorum, plenamque executionem Decreti editi a Sacro Concilio super Collegio Puerorum in singulis Cathedralibus infinuando, *sess. 13. de Reform. c. 18.*

A decretis super reddenda ratione administrationis gestæ Sede vacante.

A Censuris earumque absolutionibus.

Ab executione eorum omnium, quorum executio Ordinariis est demandata.

In omnibus præmissis appellatio suspensiva concedi prohibetur.

Concessam vero non inhibere statuitur, cum Decreto irritante.

Permittitur solum recursus, & appellatio in devolutivo.

Excipiuntur casus particulares a Judice superiore expendendi.



sunt casus, qui per ipsum Sacrum Concilium Tridentinum, vel juxta ejus Mentem, per Apostolicas Constitutionem, & Sacrarum Congregationum declarationes, aut communem Doctorum Sententiam, a præfata generali regula de non concedendis Inhibitionibus, eisque posthabendis, excipiuntur, quique ut plurimum non aliter, quam prudentis Judicis arbitrio secundum particulares Facti circumstantias estimari possunt: Hinc Nos, ne sub ejusmodi prætextu, Inhibitiones, ut supra prohibita, vulgo, & sine ullo defectu etiam in Casibus non exceptis concedantur: Statuimus, & mandamus, quod in dictis Causis, & negotiis superius expressis, Metropolitanis, Patriarchæ, Primates, aliisque Judices prædicti, & præsertim Cameræ nostræ generalis Auditor, ejusque Locumtenentes, & Signaturæ Justitiæ Præfectus, ejusque Auditor, ad quos in contingenti casu pro obtinenda Inhibitione recursus haberi contigerit, etiam si asserratur, casum illum a Sacro Concilio, vel Apostolicis Constitutionibus, quacumque de Causa exceptum esse: Nihilominus literas Citatorias, vel Monitorias cum Inhibitione hujusmodi non concedant, nisi prius exacti circumstantiis, in supplici libello a Parte recurrente clare ac dilucide exponendis, & cum aliquo documento semiplene saltem verificandis, eisdem summarie apparuerit, casum illum esse de exceptis, & propterea Episcopo, vel Ordinario Loci inhibendum esse, ne ad ulteriora procedat; Tunc enim, & non alias, & postquam ipsi Judices, quorum conscientiam hac in parte oneramus, super dicto supplici libello manu sua rescripserint, quod Inhibitio concedi potest, libellusque cum rescripto ejusmodi in Actis productus fuerit, diligenter ibidem custodiendus, & asservandus, liceat eorum Notariis, sive Actuariis literas Citatorias cum dicta Inhibitione expedire, & Parti recurrenti tradere, ita tamen, ut in earum calce expresse adjiciatur sequens clausula: *Non enim, attentis Juribus, & supplici libello Nobis præsentatis, atque in Actis exhibitis, sic, ut præfertur, inhibendum esse, speciali Rescripto mandavimus.* Alias literæ ejusmodi sine tali clausula nullam vim inhibendi habeant in casibus prædictis.

In quibus poterit admittitur appellatio. nec in suspensivo, sub certa forma hic præscripta.

§. 40. Et nihilominus si Notarii, sine dicto speciali Rescripto super supplici libello, aut sine productione illius in Actis, aut sine prædicta clausula, Citationes ulla, aut Monitoria cum inhibitione, sub quocumque prætextu, seu colore, expedire, ac tradere præsumpserint, etiam si illæ, aut illa a Judice subscripta fuerint, poenam infamiae, & perpetuae inhabilitatis, ad Officium Notarii in Causis Ecclesiasticis exercendum, & quoad illos Cameræ Nostræ generalis Auditoris, aut aliorum Romanæ Curie Judicum superius expressorum, etiam quinquaginta ducatorum auri de Camera, pro una medietate Cameræ Nostræ Apostolicæ & pro alia ipsi Parti recurrenti, & in causa interesse habenti, sin minus alicui ex Locis Piis, arbitrio Nostro, Nostrorumque Successorum destinando, applicandam, ipso facto incurrant.

Decernuntur poenæ in Notarios aliter se gerentes.

§. 41. Ad hæc, similiter inhaerentes dispositioni ejusdem Sacri Concilii *sess. 7. de Reformatione. cap. 14. & sess. 14. cap. 5.* necnon etiam decreto Pæ mem. Benedicti XIII. hac in re promulgato inter additiones ad decreta Urbani Papæ VIII. in appendice ad Concilium Romanum, volumus, & mandamus, quod Clerici Sæculares, aut Regulares extra Monasterium degentes, quomodolibet exempti, in Civilibus Causis Mercedum, & miserabilium Personarum, etiam si certum Judicem a Sede Apostolica deputatum in partibus habeant: In aliis vero, si ipsum Judicem non habuerint, coram Locorum Ordinariis, tamquam ab ipsa Sede delegatis, conveniri in prima instantia, & Jure medio ad solvendum debitum cogi possint.

Clerici Sæculares, & Regulares exempti, in causis mercedum & miserabilium Personarum, & indicem certum non habentes in omnibus susciuntur Ordinariis.

§. 42. Quo vero ad Personis non exemptas, inhaerendo similiter dispositioni ejusdem Sacri Concilii *sess. 13. de Reformatione. cap. 1. & sess. 22. cap. 7. & sess. 24. cap. 20.* necnon prædictis Decretis generalibus Congregationis Episcoporum editis anno MDC. cum novissimis additionibus, seu declarationibus Pæ mem. Benedicti XIII. in Appendice Concilii Romani; Volumus, statuimus, & mandamus, quod Causæ omnes, tam Civiles, quam Criminales, ad Forum Ecclesiasticum pertinentes, exceptis Privilegiatis, quæ ex eodem Concilio, vel alias juxta Canonicas Sanctiones apud Nos, & Sedem Apostolicam tractari possunt, aut debent, coram Ordinariis Locorum dumtaxat in prima Instantia cognoscantur, neque a Metropolitanis, Patriarchis, aut Primatibus, aliisque Judicibus Ecclesiasticis, etiam Nostris & Sedis Apostolicæ Nuntiis, vel de latere Legatis, aut Cameræ Nostræ generali Auditore, & cæteris quibuslibet Curie nostræ Judicibus ad se advocari, vel aliis committi possint; nisi per viam legitimæ appellationis, & in casibus, ut supra non prohibitis, ad ipsorum Tribunalia deferantur.

Causæ omnes in prima instantia, exceptis Privilegiatis, ab Ordinariis cognoscantur, neque advocari possint.



Judex AD  
QUEM non  
procedat, nisi  
constitito de  
appellatione  
legitime in-  
terposita, &  
in casibus a  
iure permisis.

§. 43. Appellationes autem non recipiantur, neque inhibitiones vigore illarum concedatur, nisi prius confiterit, quod nedom per legitimam Personam, & intra legitimam tempora vere appellatum fuerit; sed etiam, quod appellatum fuerit a Sententia definitiva, vel habente vim definitivam, aut a gravamine, quod per definitivam Sententiam reparari non possit: Idque per publica Documenta, quæ realiter in actis exhibeantur; tunc enim, & non antea, Judici, ad quem appellatum fuerit, in causa se intromittere, citationes, & inhibitiones concedere liceat; dummodo tamen concedantur cum inscriptione tenoris Sententiæ, aut Decreti definitivi, seu vim definitivam habentis, vel damnum per definitivam irreparabile inferentis. Alias citationes, inhibitiones, Processus, & inde sequuta quæcumque, sint ipso Jure nulla, atque impune sperni possint.

Quid facien-  
dum, dene-  
gato Instru-  
mento Decre-  
ti, vel sen-  
tentia, a qua  
appellatum  
merit.

§. 44. Quod si appellans asserat, Sententiæ, aut Decreti Exemplum authenticum, culpa Judicis a quo, vel Notarii, sive Actuarii, habere non posse, tunc saltem coram simplicem Sententiæ, seu Decreti, in Actis producere teneatur, ejusque tenori, in literis Inhibitorialibus inserto adicienda erit, prout adjici volumus, & mandamus, in earum corpore expressa conditio: *Quatenus tamen tenor insertus vere, & in substantialibus cum Originali concordet, eodemque Originali præsentis literæ sint in tempore posteriores, alioquin nullæ, & irritæ censeantur*: Et si tecus factum fuerit, inhibitiones aliter concessæ nullatenus efficiant, & Notarii, sive Actuarii, qui illas expediverint, incidant in pœnas superius expressas.

Gravamen  
quoque legi-  
time proban-  
dum.

§. 45. Cum vero a gravamine, quod per definitivam reparari nequit, appellatum fuerit, si quidem res sit de carceratione jam sequuta cum Mandato verbali, non aliter expediri poterunt Inhibitiones vigore Appellationis, quam constituto prius de ipsa carceratione per depositionem saltem duorum Testium. Interim tamen Appellans in eodem, quo reperitur, carcere permanebit, donec aliter ser. ser. judicatum fuerit. Ubi vero agatur de censuris jam prolati, vel de comminatione Carcerationis, Torturæ, aut Censurarum, observetur omnino dispositio dictorum Decretorum Congregationis Episcoporum sub rec. mem. Clemente VIII. juxta additiones, & declarationes piæ mem. Benedicti XIII.

Orationes ad  
comparendum  
vel pro ade-  
unda Signa-  
tura Justitiæ,  
non suspen-  
dunt proces-  
sum ad ulterio-  
ria.

§. 46. Ulterius in prædictis Causis in prima Instantia pendentibus, vel aliis superius expressis, in quibus non admittitur appellatio in suspensivo, Citationes, quæ expediri solent coram Cardinali Signaturæ Justitiæ Præfecto, ad effectum comparendi, vel pro adeundo eandem Signaturam, tamen ab ejus Auditore subscriptas, vim inhibendi nullatenus fortiri posse volumus, easque ad prædictos alios duntaxat effectus, comparendi scilicet, vel adeundi Signaturam, expeditas censei, non autem ad retardandam executionem, vel suspendendum processum ad ulteriora.

In casibus pri-  
vilegiatis,  
Monitoria  
coram A. C.  
de more ex-  
pediantur.

§. 47. Denique quoad Causas privilegiatas, quæ, ut præfertur, in prima etiam instantia apud Nos, & Sedem Apostolicam tractari possunt, nihil ex antiquo mutandum esse volumus, sed Monitoria in illis coram Cameræ nostræ generali Auditore, vel ejus Locumtenentibus, prout hætenus laudabiliter observatum est, expedienda esse, juxta præscriptum Apostolicarum Constitutionum, & præsertim fel. rec. Pauli V. Prædecessoris nostri in Constitutione, quæ incipit: *Universi*, nechon prædictarum additionum, & declarationum Benedicti XIII. exceptis tamen Monitoriis intimandis ultra Montes, in quibus ad evitanda scandala, & litigantium incommoda, volumus omnino renovari, & observari stylum, qui olim in eo Tribunali vigeat, idest, quod ad ejusmodi Monitoriorum expeditionem non aliter procedatur, quam oblato prius ipsi Auditori, vel aliter, alteri ex ejus Locumtenentibus, coram quo Monitorium expediendum erit, supplici Libello universam Facti speciem clare & dilucide continentes, & prævio etiam ejusdem Judicis rescripto, quod Monitorium expediri possit, penes Causæ Notarium, vel Actuarium, diligenter custodiendo. Et si aliter, quam præfertur, & absque dicto supplici libello, ac speciali Judicis rescripto, dicta Monitoria ultra Montes intimanda expedita fuerint, Notarius, sive Actuarius, & Substitutus, qui illa expediverint; ipso facto incidat in pœnas superius expressas.

Sed in causis  
ultra Montes  
editis speciale  
Judicis referi-  
pium.

§. 48. Omnia, & singula hætenus a Nobis disposita ad rectam Judiciorum methodum restituendam, eo impensius ab omnibus exacte custodiri, & observari mandamus, quo clarius constat, hac nostra Constitutione non novas fieri, sed antiquas instaurari leges, provide, sapienterque institutas, & temporum injuria, ac hominum fraude obsoletas, & novo Pontificis auctoritatis præsidio communiti ordinem procedendi

A' monitio ad  
Judices pro  
præmissorum  
a. c. citatione.



dendi in Causis, jamdiu præscriptum Superioribus, & Inferioribus Tribunalibus a Sacra Tridentina Synodo, Congregationum Decretis, & Prædecessorum Nostrorum Romanorum Pontificum Constitutionibus, aliisque Ordinationibus Apostolicis. Ideoque si ipsi Judices omni semoto, ut par est, humanæ cupiditatis affectu, præ oculis solum habuerint, quæ tam maturo, tamque saluberrimo sunt constituta & ordinata consilio, facile eorum quilibet agnosceret, quæ sui; & quæ alieni Ministerii partes esse debeant in admittendis, ac respective rejiciendis Causarum Appellationibus, & Inhibitionibus: Atque ita fiet, ut non solum unicuique in suo ordine debita Jurisdictionis, & auctoritatis, prærogativa fervetur; Sed etiam ut, extinctis prorsus, ac radicitus avulsis omnium contentionum, & discordiarum seminibus, mutuo charitatis vinculo Tribunalia fœcientur, & inter illa recte agendi disciplina Christiano Populo utilis, & necessaria restituatur.

§. 49. Denum, ut, exemplo nostro, omnes præmissorum executioni caute, & pro viribus incumbant, & ut præsertim Notariis, Tabellionibus, & eorum Actuariis, & Substitutis omnis contraveniendi ansa præcidatur, volumus, & expresse mandamus, Processus, & Acta Causarum in Nostra Romana Curia coram quovis Judice pendentium, ac Inhibitiones, Appellationes, Monitoria, aliasque Citatoriales, & Inhibitoriales literas, quas ab iisdem Notariis, eorumque substitutis, scientibus, vel insciis Judicibus, vel alias quomodolibet in posterum expediri contigerit, sedulo cognosce, & examinari per fide dignas Personas a Nobis opportune deputandas, quæ si deprehenderint, eandem Inhibitiones contra hujus Constitutionis formam, & ad subterfugienda Ordinariorum, & Episcoporum judicia, quæsito gravaminis colore, fuisse perperam concessas, & expeditas, in eisdem Notarios, & Substitutos Canonicis pœnis, aliisque a Nobis supra expressis, severe pro modo culpæ animadvertant.

Astorum visitatio, & examen indicitur.

§. 50. Decernentes has præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit, inviolabiliter, & inconcussè observari; sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. præfate Cardinales, etiam de latere Legatos, & ejusdem Sedis Nuncios, aliosve quoslibet quacumque præeminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Clausula, & Decreta omnes auctoritates.

§. 51. Non obstantibus præmissis, ac quatenus opus sit, nostra, & Cancellariæ Apostolicæ regula de jure quæsito non tollendo, aliisque Constitutionibus, & Ordinationibus Apostolicis, necnon quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus, ac usibus, & stylis, etiam immemorabilibus, privilegiis quoque, indultis, & literis Apostolicis, præfatis, aliisque quibuslibet Judicibus, Curis, Tribunalibus, & Personis, etiam quantumvis sublimibus, & specialissima mentione dignis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque decretis, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, editis, factis, ac pluries iteratis, & quantificumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & intererentur, præsentibus pro plene, & sufficienter expressis, & insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogatum esse volumus, cæterisque contrariis quibuscumque.

Derogationes opportuna.

§. 52. Ut autem eadem præsentis literæ ad omnium notitiam facilius deveniant, volumus illas, seu earum exempla ad valvas Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, Curiaque Generalis in Monte

Publicationis præceptum, eiusque effectus.



*Exemplis auctoritas tribuitur.*  
 Citatorio, ac in Acie Campi Floræ de Urbe, ut moris est affigi, & publicari, scæque publicatas, & affixas omnes, & singulos, quos illæ concernunt, perinde arctare, ac afficere, ac si unicuique eorum nominatim, & personaliter intimatæ fuissent: ipsarum autem literarum transumptis, seu exemplis etiam impressis, manu tamen aliqujus Notarii publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in iudicio, quam extra illud ubique locorum haberi, quæ haberetur ipsis præsentibus, si forent exhibitæ, vel ostensæ.

*Sanctio Constitutionis.*  
 §. 53. Nulli ergo omnino hominum liceat hanc paginam Nostri decreti, constitutionis, declarationis, annulationis, admonitionis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac BB. Petri, & Pauli Apostolorum ejus se noverit incursum.  
 Datum Romæ apud S. Mariam Majorem anno Incarnat. Dominicæ MDCCXLII. tertio Kal. Aprilis, Pontificatus Nostri Anno II.

*P. Card. Pro-Datarius.*

*D. Cardinalis Passionens.*

*Visa de Curia.*

*N. Antonellus.*

*J. B. Eugenius.*

*Registrata in Secretaria Brevium.*

*Publicat. die 18. Aprilis ejusdem Anni.*

*XLIX.*

## R E V O C A T I O

Peculiaris Statuti Ordinis Fratrum Minorum S. Francisci Capuccinorum nuncupatorum, quo ipsis vetitum erat, ne Confessariis extra proprium Ordinem unquam confiteri possent.

## B E N E D I C T U S P A P A X I V .

*Ad perpetuam rei memoriam.*

*Dispensationes ab hujusmodi statutis alias petitis & concessæ fuerunt.*  
**Q**uod communi auctoritatis juri innixum in Religiosis Familiis, etiam per peculiare Generalium Comitiorum sanctiones in aliquibus Ordinibus præceptum statutumque est, ut nimirum Alumni cujuslibet Instituti peccata sua non nisi eisdem dumtaxat Religionis Confessariis, quibus, utpote omnium rerum in ipsa Religione servandarum cavendarumve notitia instructis, facilius est pro culpis salutare adhibere remedium, confiteri teneantur: illud, etsi aliquo pacto tamquam necessarium, & laudabile, ac propterea ab Apostolica hac Sancta Sede fortasse alias confirmatum etiamnum servatur, ea tamen secum asferre incommoda, propter quæ non sine aut conscientiæ angore, aut populorum offensione, adimpleri posse, alias nonnulli Fratrum præsertim Ordinum Prædicatorum, Minorum S. Francisci, aliorumque Superiores serio cogitantes, super hujusmodi Statutis Ordinum suorum dispensationem ab eadem Apostolica Sede, sibi impertiendam curarunt.

*Rationes dispensandi.*

§. 1. Quoniam autem, sicut accepimus, in Ordine Fratrum Minorum S. Francisci Capuccinorum nuncupatorum, idem quoque Statutum a Diffinitorio generali jamdudum editum, & in pluribus Capitulis generalibus dicti Ordinis comprobatum ea, qua decet, observantia viget, atque exigitur; ut nemo Frater expressè professus ordinis præfati, sive Presbyter, sive Laicus fuerit, sive iter agens, sive alicubi quocumque pacto de suorum Superiorum tamen licentia commorans, etiam si ad prædicandum Verbum Dei, tam Adventus, quam Quadragesimæ temporibus, & ad Sacras Missiones quoque perrexerit, nemini, nisi sui Ordinis Fratris Confessario, per suum Superiorem ad Confessiones audiendas approbato, peccata sua confiteri, ab eoque Sacramentalem Absolutionem obtinere licite, & valide possit.

*Rationes dispensandi.*

§. 2. Hinc est, quod Nos, qui licet ejusdem Ordinis Alumnos, propter severioris disciplinæ cultum, summam animi demissionem, arctissimam paupertatem, & insignem in pietate, doctrinis, disciplinisque laudem, plurimi facere pergitimus & pater-



nae benignitatis testimoniis complectimur; tamen scientes, de mandano pulvere religiosi etiam corda sordescere, nec ad susceptum religiosae vitae institutum proficere, quin imo plurimum obesse, ut iidem Alumni, ac praecipuae praedicationi Verbi Dei sacrisque Missionibus addicti, a suis Conventibus, quacumque de legitima causa, & longe, & diu absentes, ob Confessarii defectum, vel a faciendo Sacro, aut Sanctissimo Eucharistiae Sacramento percipiendo, non sine populorum, quibuscum interea temporis converfantur, scandalo abstineant, vel ad Sacrosanctum Missae Sacrificium celebrandum, aut Angelorum panem fumendum, ne scandalum oboriatur, cum conscientiae angore accedant; hisce malis opportunum Apostolicae providentiae nostrae remedium asserre cupientes; motu proprio, & ex certa scientia, ac matura deliberatione nostris, deque Apostolica potestatis plenitudine, ac praevia cujuscumque Statuti, seu Decreti, ut praemittitur, a generali Diffinitorio editi, & per generalia dicti Ordinis Capitula approbati, etiam ab Apostolica Sede praefata confirmati, revocatione; tenore praesentium statuimus, decernimus, & mandamus, ut quilibet ex Fratribus dicti Ordinis, sive in Sacro Presbyteratus Ordine constitutus, cujuscumque status, gradus, dignitatis, & conditionis, sive Laicus, seu Conversus fuerit, qui de Superiorum suorum licentia, quacumque de legitima causa, titulo, & occasione, sive praedicandi Verbum Dei quocumque tempore, sive sacras Missiones peragendi, sive iter agendi, & alicubi commorandi, ubi nullus Conventus, seu Hospitium, nullusque Frater dicti Ordinis Confessarius reperitur, libere, & licite possit, ac valeat quemlibet Presbyterum Secularem ab Ordinario Loci, vel Regularem a suo Superiore Regulari ad Sacramentales Confessiones excipiendas approbatum adire, eique peccata sua confiteri, atque ab ipso obtinere sacramentalem absolutionem, etiam quoad casus, per Constitutiones, & Statuta Regularia dicti Ordinis reservatos, incurfasque proinde censuras, recepta salutari poenitentia, praestitaeque obligatione se statim, quoad ipsi permissum fuerit, coram suo Regulari Superiore praesentandi, ac de novo super casibus, & censuris hujusmodi absolutionem impetrandi.

Conceditur  
Indultum  
confitendi ex-  
traneis Con-  
fessariis defi-  
ciente Con-  
fessario ap-  
probato sui  
Ordinis.

Etiam quoad  
absolutionem  
a casibus re-  
servatis, sub  
conditione  
&c.  
Clausulae, &  
derogationes.

§. 3. Decernentes easdem praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, & illis, ad quos spectat, & pro tempore quandocumque spectabit, in omnibus, & per omnia plenissime suffragari: sicut in praemissis, per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. Cardinales, etiam de Latere Legatos, & Apostolicae Sedis Nuntios, ac quovis alios quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus praemissis, ac Constitutionibus, & Ordinationibus Apostolicis necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum, quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad praemissorum effectum hac vice duntaxat specialiter, & expresse derogamus, caeterisque contrariis quibuscumque.

§. 4. Volumus autem, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides tam in Judicio, quam extra illud adhibeatur, quae ipsis praesentibus adhiberetur, si forent exhibitae, vel ostensae. Datum Romae apud San. Mariam Majorem sub Annulo Piscatoris die xxx. mensis Martii MDCCXLII. Pontificatus Nostri Anno II.

Exemplorum  
fides.

Dat. die 30.  
Martii 1742.

D. Card. Passioneus.



## BEATIFICATIO

L. Beati Camilli de Lellis Fundatoris Clericorum Regularium Ministrantium Infirmis.

## BENEDICTUS PAPA XIV.

*Ad perpetuam rei memoriam.*

**I**N virtutibus, rebusque a Servo Dei Camillo de Lellis Congregat. Clericorum Regularium Ministrantium Infirmis Fundatore ad Divini honoris Cultum promovendum, augendumque, & ad opportuna procurandæ animarum Christianorum salutem commoda, ac remedia comparanda præclare gestis, in quibus magnificata est dextra Excellsi, & amplissime triumphavit virtus Spiritus Sancti, divina ipsius misericordiarum Patris, qui mirabilis est in Servis suis, opera revelare, & confiteri, non solum honorificum, sed in hac potissimum aspera temporum conditione salutare etiam, ac vitias bonitatis eius prædicantes, nova, atque uberrima habeant ad imitationem et trocinio suo in diebus nostris impetret perpetuæ inter Christianos Principes pacis, communis Populorum tranquillitatis, & æternæ salutis auspicia, atque præsidia.

§. 1. Erraverat ille quidem a semita, quam tenuerant Servi Dei, qualiter ad Cœlestem Patriam intenditur, & ipsum fore persecuturum capta quædam in nativitate auguria addicebant; sed peculiari miserationis Dei providentia in viam rectam, in solemni die Purificationis Beatæ Virginis Mariæ Immaculatæ sacra, revocatum, adeo replevit spiritus timoris Domini, spiritus consilii, & fortitudinis, ut eiusdem amoris igne accensus, amare flevit, atque arduum Christianæ penitentiae, & perfectionis studium ingressus, curriculum omnium virtutum, relicto aliis, atque sui præsertim Institutii Alumnis ad præcuntem impigrescendum incitamento, confecerit; Unde a bonorum omnium largitore Deo immortalis beatitudinis bravium accepisse, nullus ambigendi sit locus. Quamobrem nihil ad supremum, gravissimumque Apostolicæ servitutis, in Catholicæ Ecclesiæ procuratore, imbecillitati nostræ per ineffabilem Divinæ bonitatis abundantiam demandatum ministerium rite sancteque obeundum intelligimus esse aptius, aut magis idoneum, quam ut, quantum Nobis ex Alto conceditur, eiusdem Servi Dei Camilli de Republica Christiana, atque hac Alma Urbe nostra, in qua maxime luculentissima suarum virtutum præstulit specimina, & mortali vitæ finem imposuit, benemerentissimi, cultum, & venerationem, ad Omnipotentis Dei gloriam, Catholicæ Ecclesiæ decus, & Christiani populi utilitatem, promoveamus.

§. 2. Cum itaque, mature, diligenterque discussis, atque perpenlis per Congregationem Ven. Fratrum Nostrorum S. R. E. Cardinalium Sacris Ritibus præpositorum, Processibus de Apostolicæ Sedis licentia confectis, super vitæ sanctitate, & virtutibus, tam Theologicis, quam Moralibus in gradu heroico, quibus eundem Servum Dei Camillum de Lellis multipliciter claruisse, necnon miraculis, quæ ad ejus intercessionem, & ad manifestandam hominibus ipsius sanctitatem, a Deo patrata fuisse asserbatur, eadem Congregatio coram Nobis constituta, auditis etiam Consultorum suffragiis, uno spiritu, unaque voce censuerit, posse, quandocumque Nobis videretur, prædictum Servum Dei Beatum declarari, cum consuetis indultis: Hinc est, quod Nos piis, atque enixis antedictæ Congregationis Clericorum Regularium Ministrantium Infirmis, jamdudum sæpius porrectis supplicationibus, quibus olim suas, & cl. mem. Hispaniarum Reges Catholici, tum Philippus III. tum Philippus IV. ad fel. rec. Paulum Papam V. Gregorium PP. XV. & Alexandrum PP. VII. Prædecessores nostros, & utriusque sexus Principes, ac Duces, necnon Nobiles Viri Electi Civitatis Neapolitanæ, alique ex Ordine Ecclesiastico preces, & vota conjunxerant, Nobis nuper iterum porrectis, benigne inclinati, de supradictæ Congregationis consilio, & assensu, auctoritate Apostolica, tenore præsentium indulgemus, ut idem Servus Dei Camillus de Lellis, in posterum Beati nomine nuncupetur ejusque Corpus, & Reliquiæ venerationi fidelium (non tamen in processionibus circumferendæ) exponantur; Imagines quoque radiis, seu splendoribus exornentur; ac de eo quotannis die xv.

men-

Proemium.

Summarium  
virtutum, &  
meritorum  
Beati viri.Ordo in ejus  
causa serva-  
tus.Preces Sanctæ  
Sedi porrectæ  
pro ipsius Bea-  
tificatione.Eidem Beati  
nomen, & ho-  
nores decer-  
nuntur.



mensis Julii recitetur Officium, & Missa de Communi Confessoris non Pontificis, cum Oratione a Nobis approbata juxta Rubricas Breviarii, & Missalis Romani. Porro recitationem Officii, & Missæ celebrationem hujusmodi, fieri concedimus dumtaxat in universa Congregatione eorundem Clericorum Regularium Ministrantium Infirmit, & in civitate, ac Diocesi Theatina, ubi natus, ab omnibus utriusque sexus Christianis, tam Sæcularibus, quam Regularibus, qui ad Horas Canonicas tenentur, & quantum ad Missas attinet, etiam ab omnibus Sacerdotibus ad Ecclesias, in quibus Festum peragetur, confluentibus. Præterea primo dumtaxat anno, a datis hinc literis, & quoad Indias, a die, quo eadem literæ illuc pervenerint, inchoando, in Ecclesiis Congregationis, Civitatis, & Diocesis antedictæ, solemnia Beatificationis ipsius Servi Dei, cum Officio, & Missa, sub ritu duplici majori die ab Ordinariis respective constituta, postquam in Basilica nostra Sancti Petri in Vaticano celebrata fuerint eadem solemnia Dominica Secunda post Pascha Resurrectionis Domini Nostri Jesu Christi currentis anni MDCCXLII. pariter celebrandi facimus potestatem.

§. 3. Non obstantibus Constitutionibus, & Ordinationibus Apostolicis, ac Decretis de non cultu editis, cæterisque contrariis quibuscumque. Volumus autem, ut earumdem præsentium literarum transcriptis, seu exemplis, etiam impressis, manu Secretarii dictæ Congregationis Cardinalium subscriptis, & sigillo Præfecti ejusdem Congregationis munitis, eadem prorsus fides ab omnibus, & ubique, tam in judicio, quam extra illud habeatur, quæ ipsis præsentibus haberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris die VII. Aprilis MDCCXLII. Pontificatus Nostri Anno secundo.

Clausula.

Data die 7. Aprilis 1742.

D. Card. Passioneus.

LI.

## L I T T E R Æ

Canonizationis Beatæ Elisabethæ Lusitanorum Reginae.

BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

**R**ationi congruit, & convenit æquitati, ut ea, quæ Romani Pontificis provida deliberatione, ac Venerabilium Fratrum suorum S. R. E. Cardinalium, necnon Patriarcharum, Archiepiscoporum, & Episcoporum tunc in Romana Curia commorantium unanimo consilio, decreta, definita, & statuta fuerint, licet, ipsius superveniente obitu, Literæ Apostolicæ desuper confectæ non fuerint, suum debitum consequantur effectum.

Exordium.

§. 1. Gaudeat in Domino, & in donis gratiæ suæ gloriatur felix Lusitanæ Regnum; sed laudent alii Cœli illius temperiem, amœnas Tagi ripas, divitias ex toto Orbe navibus eo illatas, & congestas, nobilitatem Urbium, hominum ingenium, & solertiam, & in remotissimis Terrarum Orbis regionibus detegendis, subijciendisque felicitatem. Una est, quæ præcipuam ex Sacerdotali ore laudem meretur, & quæ in Sancta Dei Ecclesia merito extolli, & prædicari debet, suorum scilicet Regum pietas, & religio. Hæc enim Lusitanum Regnum fundavit, hæc ampliavit, hæc ad summam gloriæ, & laudis magnitudinem evexit, hæc in ea amplitudine, qua nunc floret, servat, & custodit. Nam Princeps ille, & genere, & virtute clarus Henricus, qui Lusitanæ Regni decus, ac gloriæ, barbarorum gentium incursum, ac veluti inundatione afflictam erexit, atque instauravit, cum in Hispania adversus Mauros Alphonso Sexto strenuam navasset operam, & Therasiam ejus filiam in Uxorem, & Lusitanæ partem indotem & præmium virtutis acceperat, eam statim, ereptis e Maurorum potestate aliis oppidis, plurimum auxit. Posteaquam vero e Hierosolymitana expeditione, quam pietatis, & Religionis studio susceperat, reversus est, nunquam bello contra Mauros abstinuit. Nam quinque supra viginti de Mauris reportatis victoriis, multisque de manubis, ac spoliis hostium, Templis, ac Cænobitiis erectis, ad Asturicam, quam obsidebat, in armis, prout Fidei propugnatorem decebat, ultimum diem obiit. Neceus filius

Alphonso



Alphonfus tanto Patre inferior fuit: Testes funt Leiria Urbs munitiffima Mauris erepta, Scalabis inexpugnabile Oppidum in poteftatem redactum, Olyffippo expugnata, innumerabiles Maurorum, & Barbarorum copie paucis militum numero pluries difjectae, unus, & triginta Barbarorum Reges armis devicti. Siquidem nunquam a perfequendis bello Crucis hostibus terra marique ceffavit, donec eliminata e Lusitania finibus Mahumetana fuperftitione, Catholica Religio a pluribus annis exul, veluti triumphans in propriam fedem reduceretur: Cujus non minus virtus in bello, quam pietas in pace refulget. Nam egregio pietatis documento, cum ex acie domum redibat, in Monasterium Sanctae Crucis fe recipere, ibique cum Religiofis Viris Chorum adire, orare, psallere, facrisque myfteriis adesse folitum fuisse traditur. Difficilis quidem res effet, si quis Lusitanorum Principum, qui Henrico, & Alphonfo succelferunt, fortiter, ac pie gesta perfequi, & praestita ab eis in Catholicam Religionem officia recensere vellet. Innumera enim non solum in vicinis, sed in remotissimis partibus, adversus Mauros, Turcas, Saracenos, Idololatrias, bella pro Religione successu, relatae victoriae, parta pietatis trophaea. Ingentes classes adversus Christianorum hostes maximo sumptu paratas, & omni re instructas in ultimas, & prorsus ignotas Orbis regiones missas, quis ignorat? Et antiqua Lusitanorum Regum virtutis exempla rales Turcarum debacchantium impetus, praesens in Lusitanorum Regum pietate Romania, & Italia sensit auxilium. Sed Christianum nomen non solum armis, opibus, & sollicitudine propagarunt, ut hanc unam egregiam laudem propriam sibi facere velle visi sint, Evangelium Christi Domini disseminare, Catholicae Fidei lucem diffundere, superstitionis cultus abolere, Crucis vexillum in longe diffusas, & nunquam ab altitico emenso, Insulisque per illud sparsis, totaque ulteriore Lybia qua mari lustrata, qua terra penetrata, Arsinario Promontorio, Guinea, Zanguebaria, & Promontorio intra, & sub Aequatore constitutis, & ultra ad Cancris tropicum utraque Aethiopia, Insulisque vastis, Persici, & Arabici freti sinibus pervasis, qua Asia ab Africa disjungitur, barbaris atque effers Nationibus venerandum Christi nomen, ac salutaris Evangelii doctrina annunciata est. Insuper India, quam late intra Indum, & Gangem protenditur, transmissa, in Auream Chersonesum, & Sumatram, plurimasque immensi illius Archipelagi insulas, ad Molucas usque, ultimamque Janopiam, & in Sinicum Imperium, & Tartarico Regno proximas regiones; insuper ad Occidentales Indos cursu deducto, in Phernambucum, Maranianam, caeterasque vastissimae Brasiliae Terras, sacris Ministris, & Verbi Dei Concionatoribus Regio sumptu, & Apostolicae Sedis auctoritate missis, populis habitantibus in Regione umbrae mortis Lusitanorum Regum, aliorumque Catholicorum Principum pietate Lux Evangelicae Fidei affulsit. Profecto admiratione fuscipi potius, quam pro meritis laudari in Domino potest munificentia, & Religio Lusitanorum Regum, in large ac splendide protegendis, sublevandisque populis ad Catholicam Veritatem recens adductis, in alendis, ac sustentandis Sacrarum Missionum Ministris, in aedificandis inter barbaras gentes immortalis Deo Templis, in extruendis Religiosorum Virorum Caenobiis, in erigendis, pro erudienda in Catholica Religione, & Ecclesiastica Disciplina iuventute, Sacris Aedibus, & Seminariis, aliisque peragendis, quae ad expellendas Maumethanae impietatis, vel Idololatriae errorum tenebras, & ad diffundendum Christianae veritatis lumen conducebant. Itaque tantis pietatis operibus, & tam praecclare a Lusitanis Regibus in bello, & pace pro Religione gestis, hanc inter caetera amplam mercedem retulit benignissimus Deus, ut in Regia Domo, ac Familia existerent foeminae morum integritate, & vitae sanctitate illustres, quae Deo dilectae, & mundo mirabiles, in Servorum Dei numerum a Catholica Ecclesia adscribi mererentur; ut si Lusitaniae Regnum in terris Principum sanctitate, & meritis incolumitatis suae praesidium haberet. Ex hoc numero fuerunt Theresia, Sancia, Mafalda, Johanna. Sed praeter omnibus, & Sanctarum Regina, quam fel. rec. Urbanus Papa Octavus Praedecessor Noster pro sua pastorali sollicitudine tanquam sanctam, & electam Dei in universali Ecclesia colendam, & venerandam Apostolica auctoritate decrevit. Et Nos, quos in Apostolatus ministerio, li-



et immerentes, Divini consilii altitudo succedere voluit, ejus vitam, & res mirabiliter sancteque gestas Christiano Populo considerandas proponimus; ut Principes Foeminae, inter Regales delicias, & mundanos aulae fastus, pra oculis habeant, quam imitentur; omnes vero, ad quam calamitosi haece temporibus, & in tanta rerum omnium perturbatione, supplices confugiant: ut quae in terris contrarias dissidentium Principum voluntates miro gratiae Dei dono in concordiam reducebat, modo in Caelis Beata, precibus apud Deum pro Nobis intercedere velit, quo tanti gravissimorum bellorum motus, armorumque turbines, potentissimae Divinae voluntatis jussu compefcantur & diremptis diffidiis, reconciliatisque inter se discordantium Principum animis, Sancta Dei Ecclesia Regi pacifico, & omnium bonorum Datori gratiarum hymnos, & debitas laudes persolvens in tranquillitate quiescat, ac pace & concordia filiorum suorum laetetur.

§. 2. Nata est Elisabeth anno a Virginis partu millesimo ducentesimo septuagesimo primo: Pater ei fuit Rex Aragoniae Petrus, Jacobo Rege natus, & Violantia Regis Hungariae filia: Mater Constantia, filia Manfredi Siciliae Regis, & Friderici Secundi Imperatoris neptis. Praeluxit in ea fax illa virtutum, quae cum aetate ipsa adolescens, & in diem magis magisque relucens in hoc saeculo, tamquam in tenebricoso loco, lumine ac splendore suo viam salutis aliis praemonstraret. Recens enim a partu ad Regem Jacobum Avum allata, atque ab eodem ad sextum aetatis annum Christianis moribus imbuta, de ipsa praedicare, ac bene praedicare ille solebat, neptem illam atque alumnam suam, feminarum omnium optimam, clarissimamque futuram, quae ex Aragoniorum Regum stirpe natae unquam fuissent. Ex humanis erepto Jacobo, sexennis puella reducta in Patris domum, ibi, quam ab Avo didicerat, profecura est integerrimae vitae rationem. Pueriles ludos, ornatum corporis, voluptatum delicias, tenera adhuc, & infantili aetate, sed caelo matura, fugiebat: Divinis precibus, ciborum abstinentiae, Caritatis operibus impense vacabat; ut Pater ipse fuerit solitus affirmare, suarum rerum, ac Regni felicitatem Elisabethae virtutibus, ac meritis apud Deum acceptam esse referendam.

§. 3. Educata pulchre, ac sobrie, ubi plenis annis nubilis facta est, longe clarescens honestis moribus suis, quibus eam Deus etiam mortalibus oculis pulchram faciebat, & reverenter amabilem, atque mirabilem, a pluribus Christianorum Principum Filiis, per crebras legationes, & literas in matrimonium expetitur. Sors obtigit Lusitaniae Regi Dionysio, Alphonsi III. filio; cui Regis, & Christianis ritibus nuptui tradita, non tanquam viro, sed tanquam domino subdita fuit, studens eum demereri conjugaliibus obsequiis, & Deo lucrifacere. Et quoniam bonum conjugii est, & Dei donum, proles ex legitimis nuptiis suscepta; hanc quoque Deus largitus est famulae suae, ut pudicitia, sanctisque moribus, & fecunditate etiam Viro suo probaretur. Nam aetatis anno decimo septimo Constantiam filiam peperit, vicesimo vero Regni haeredem Alphonsum. Sed quos in hanc mortalem lucem ediderat, iterum parturiens Deo, bonis erudiebat monitis, sanctisque moribus informabat, & exemplo suo, quod longe efficacius verbis est, ad pietatem, omnemque virtutem instituebat.

§. 4. Etenim illa non minorem excolendis in se virtutibus, quam in liberis educandis, aliisque necessariis rebus procurandis, dabat operam: In sacris precibus assidua, frequens ad rem Divinam erat; ubicunque versaretur, Sacellum habebat religiose constructum, ac magnifice ornatum, Sacerdotibus, aliisque Sacris Ministris instructum, quo a tumultuantibus saeculi curis secedens, in Sancta Dei contemplatione quiesceret; ibi enim ejus erat requies, ibi fere semper habitabat, soli Deo intenta, & coelestibus inhians divitiis, terrenas opes, & vana corporis ornamenta, quibus animae pulchritudo non augetur, sed corrumpitur, contemnebat: decenti, & modesto induta cultu, composito vultu, & demissis oculis incedens, externo praeferebat in habitu virtutem, quae intus latebat in corde. Ubique enim Deum sibi praesentem habebat, & quo magis in eum amore ferebatur, eo vehementius vitia, & peccata odio prosequeretur, ut si quando Divinam laedi Majestatem animadverteret, injuriam sibi fieri, & se ipsam laesam existimaret.

§. 5. Hujus etiam vis Sancti amoris dulces ei reddebat acerbissimas poenas, quibus subicere corpus, & in servitutem redigere curabat, ne ad Creatorem suum tendentem animum canosis terrenarum cogitationum motibus impediret, & rebellantium passionum turpis ad terrena a Coelestibus avocaret. Quadruplex illa jejunium ab

In lucem edita Elisabeth Avo ejus Jacobo Regi educanda traditur, & futurae sanctitatis indicia praefert.

Lusitaniae Regi Dionysio nubit, ac susceptam Prolem optimis moribus, ac documentis imbuunt.

Sanctis operibus, ac coelestium rerum contemplationi vacat.

Jejunio, a illique poenis corpus maceratur.

ado-



adoleſcentia ſolemne habuit: quadragenarium, & commune Chriſtianorum omnium; alterum, quo præparari ſolent homines Religioſi ad Chriſti adventum; tertium, quod Angelorum appellant, a die feſto Beatæ Virginis Aſſumptæ, ad Archangeli Michaelis diem; ac poſtremum a feriis S. Joannis Baptiſtæ ad diem Aſſumptæ Virgini Sacrum. His igitur jeuniis, & inſuper nocturnis vigiliis, diurnisque laboribus, aliisque penis, in Regum deliciis enutritum corpus macerabat; a vino, in quo eſt luxuria, adeo aſſueverat abſtinere, ut mediam ſere anni partem ſolo pane tranſigeret, & aqua.

Gravi morbo correpta a-  
quam potui ſi-  
bi dari impe-  
rata, quæ Dei  
omnipotentia  
in vinum  
convertitur,

§. 6. Cum aliquando jaceret gravi ſtomachi morbo laborans in Oppido Alenquerio, præſcripſerunt ei Medici, ut vino uteretur; illa vero, cum id curationi valetudinis neceſſarium eſſe minime duceret, & ſanctum ſuum propositum in abſtinendo a vino levi ex cauſa mutare timeret, renuit id facere, iuſſitque aqua ſibi aſſerri. Sed aterni Dei benignitas, qui voluntatem timentium ſe facit, dignata eſt voluntati famulæ ſuæ obſequi, ne hominum conſilio, indiſtam ſibi abſtinentiæ legem tranſgredi cogeretur, voluitque ſimul, eam uti remedio, quod per os Apoſtoli ſui diſcipulo ejus Timotheo ægrotanti ſuggeſſerat, ſcribente ad eum Paulo: *utere modico vino propter ſtomachum*: Itaque renovato mirabili illo prodigio, quod primum; cum inter homines Chriſtus Dominus verſaretur, in nuptiis Canæ factum eſt, aqua bis ad eam alata, bis Omnipotentis voluntatis ſuæ nutu, quo res omnes e nihilo eduxit, in vinum commutata eſt.

Pauperum,  
& Miſerorum  
neceſſitatibus  
ſubvenit: Mo-  
naſteria ad-  
ficat, eaque  
redditibus do-  
nat, atque  
alia pietatis  
officia præſtat.

§. 7. Ex amore Dei ſumma illa Caritas erga proximum oriebatur, qua conſolabatur afflictoſ, ſuccurrebat egenis, pauperibus inſerviebat, curabat ægrotos, omnes in Chriſto complectebatur, ſublevabat pecunia, reſciebat alloquio. Nullus inopum occurrebat, in quem illa ſlipem benigniſſime non conſerret, atque ex infinita multitudine debiliū, languentium, pauperum, inſirmorum, qua ſe videbat aſſidue circumſaſam, vacuum abire, aut ſolatio deſtitutum neminem patiebatur: Quos intelligebat præ pudore ſlipem cogere non audere, quamvis id ſuaderet neceſſitas, non ſolum prompta eis ſubveniebat pecunia, ſed etiam quotidianis ſumptibus ſuſtentabat: Non exiguum frumenti numerum dabat Religioſis familiis, quæ in quibuſlibet Luſitanæ partibus verſabantur: Cænobiis Monachorum, quacunque iter faceret, certam pecuniæ ſummam quotannis aſſignabat in veſtem. Almoſtientiæ Monaſterium prope Scalabim a Berengaria nobili ſcæmina inchoatum ipſa perfecit: Aliam domum, ubi partus a Parentibus expoſiti educarentur, quam Martinus Epiſcopus Guarviensis morte occupatus abſolvere non potuit, non modo abſolvit, ſed redditibus etiam, & excipientium numero puerorum amplificavit: Xenodochium e regione ſuæ domus prope Conimbricam erexit, ubi triginta pauperes certis attributis ſumptibus alebat, ac veſtiebat, atque identidem præſentia, allocutione, miniſtrandi quoque officio ſolabatur; denique communis omnium Parens, & Patrona cenſebatur, & temporalibus neceſſitatibus miſerorum ſubveniens, animas, quorum corporibus ſuccurrebat, humanitate, ac benignitate ſua ad Deum trahere ſatagebat.

Quotannis ſe-  
xta ſexta ma-  
joris hebdo-  
madæ leproſis  
aſſuit pedes,  
quorum unum  
ab Atriensis ſer-  
vo graviter  
percuſſum  
reddidit incolu-  
men.

§. 8. Conſueverat Beata Eliſabeth ſeria ſexta majoris hebdomadæ elephantiaſis aliquot, ſeu leproſis, pedes abluere, & ſlipem elargiri. Id aliquando cum perfeciſſet in oppido quodam Scalabi appellato, ex iis unus, quibus id præſtiterat officium, reliquis tardior, ob morbi vim vehementiorem, ſubſtitit parumper in Regia; quod ubi Atriensis quidam Servus animadvertit, ferox, & aſper, ac rei geſtæ ignarus, acerrimis eum conviciis eſt infectatus: cumque ille reclamaret, ſuſtem arripiens, hominis, qui ſe præ morbo commovere vix poterat, caput ſumma vi percuffit, & graviter vulneravit. Concidit infelix in terram ea plaga accepta, & calamitatem ſuam cæpit eiulans lamentari. Accurrit, & vocibus, & miſerabili ſpectaculo Urraca Vatchia, renunciatque Reginæ, cui ob ſtudium pietatis erat familiariffima, quid factum fuerit; illa hominis miſeri atque innocentis calamitate commota, in ſuum cubiculum eum imperat deportari, deinde album ovi exceptum ſupa vulnere ſuiſiſta manibus imponit, additaque pecunia in reliquos ſumptus, eum dimittit. Poſtridie quam hæc geſta fuerant, ſciſcitatum mittit, quomodo ſe æger habeat: optime reſponſum fuit; & cicatricem, poſt factam a Regina medicinam ſtatim fuiſſe obduſtam. Ita Regii famuli injuriam Beatæ Reginæ Sanctitas, & clementia compenſavit.

Per ſa quinta  
hebdomadæ  
ſextæ ſextæ, duo-  
decim mulie-  
rum elephan-  
tiaſi.

§. 9. Ejuſdem majoris hebdomadæ ſeria quinta, lavare duodecim mulierum elephantiaſi, ſeu lepra laborantium pedes, iſſque etiam pecuniam, & veſtes donare, & ad



mensam splendide acceptis ministrare consueverat. Earum una pedem alterum cancro affectum tam male habebat: ut parum abesse; quin duo digiti deciderent; altero igitur abluto pede, alterum in pelvim immittente, Regina postulante, renuebat. Coliccia enim latentis mali, & turpis deformitatis, pedem illum aut Reginae manibus attingi, aut oculis videri indignissimum iudicabat. Sed Urraca Vaschia, quæ Elisabethæ aderat, ejus jussu reculantis pedem in aquam mittit. Id ubi factum est, odor illico afflatus est tam gravis, ac pestilens, ut omnes Reginae Ministræ, cum eum præ fastidio ferre non possent, se proripuerint foras: sola imperterrita mansit Regina, quæ Christiana magnanimitate, & Caritate memorabili, ulcus non modo non horruit, sed suis manibus tractare, ac medicinam aliquam adhibere aggressa est. Accedit ergo plena misericordiæ, plena humanitatis, procumbit ante miseriam foeminam, fovet aqua calida pedem, & ulcus leniter, ac molliter expurgat: postremo ejus, qui vulneratus est propter iniquitates nostras, & reputatus est quasi leprosus, & percussus a Deo amoris impetu acta, ipsum cancerum, cujus vel odor erat intollerabilis, osculatur, & salutare Signum Crucis imponit. Mirum dictu, sed tanta virtute dignissimum! nulla interposita mora, & Signo Crucis, & osculo, & simul Beatæ Reginae merito, insanabile ulcus Dei omnipotentia factum est sanum.

§. 10. Cum aliquando proficisceretur Conimbrica in Urbem Portum, per vicum quemdam iter habuit, nomine Arisanam; hic illi obviam processit rusticana quædam scemina, filiolum secum ducens ab ortu cæcam; oravit Regiam supplicem, ut oculos puellæ manibus tantum attingeret; illa obsecratione simul, ac miseratione permota, morem gessit matris voluntati; post paucos dies exultans, & gestiens venit ad Elisabetham cum filiola quæ statim atque tacta fuerat, usum oculorum acceperat, agunt immortales Reginae gratias, ipsa vero a Magistro humilitatis edocta, qui pertransiens benefaciendo, & sanando omnes, se tamen beneficiorum auctorem probari volebat, vetuit illis rem palam facere, utque facilius impetraret, velle utramque donavit.

Nobilis quædam & religiosa mulier, Margarita Freila, quæ in Aede Sacrarum Virginum, cui nomen est Chelis, prope Ulyssipponem morabatur, Regiam in Urbe commorantem adivit, a qua statim ac pallido vultu, & macie confecta visa est, causam rogatur; tuberculum, respondit, super stomachum natum; signum illa Crucis ægræ parti imponit, quo facto, resedit omnis tumor, dolorque decessit. Margarita tam gravi morbo liberata præ gaudio continere se nequivit, quin illico omnibus manifestaret Elisabetham tam insperatæ curationis auctricem. Quod cum ad aures ejus pervenisset, non parum inde molestiæ accepit, dolens laudem sibi, aut gloriam ullam tribui, quam soli Deo debitam intelligebat. Itaque accersita ad se muliere, graviter cum ea conquesta est, silentiumque in posterum imperavit. Et quoniam profusa in egenos Caritate maxime erat liberalis, in sinu sæpe ferebat, quæ iis benignissime dispenseret. Accidit, ut eam hæc in sinu clam gerentem Vir ipsius Rex Dionysius observaret, qui forte ei factus obviam, interrogavit, quid in sinu portaret; rosas, inquit; ac Dionysii jussu explicato sinu, opes illæ distribuendæ pauperibus in recentes rosas versæ conspiciuntur. Ita omnipotens Deus, qui aridam Aaron virgam germinare fecit, & turgentibus gemmis erumpere flores, ad dictum Beatæ Elisabethæ, opes pauperibus destinatas in fragrantas rosas media hyeme commutavit, ut quantum sibi gratum, ac suave esset Famulæ suæ misericordiæ in pauperes sacrificium, tam mirabili prodigio ostenderet.

§. 11. Necessitatem tribulationum non uno in loco nos monet Spiritus Sanctus in Sacris Scripturis, dicens: *Sicut socii passionum estis, sic eritis & consolationis: & rursum: Haeredes quidem Dei, coheredes autem Christi, si tamen compatimur, ut & conglorificemur.* Itaque benignissimus Deus qui per ineffabiles, providentiæ suæ vias, amarissimis offensionibus etiam illa adspersens, quæ licito quidem, sed fortasse nimio amore a Servis suis tenentur, totis cordis affectibus, & intimis animi conatibus, ad se, misericorditer sæviens, eos ire compellit, B. Elisabetham maximis perturbationum fluctibus, & adversitatum tempestatibus jactari sinit. Et quidem Constantiam Filiam præceptam sibi in verso quodammodo naturæ ordine, graviter doluit, tum etiam aliorum Carissimorum jacturam non mediocri animi sui dolore fortiter sustinuit. At Constantia Filia, permittente Deo, qui consolantur nos in omni tribulatione nostra exacto unius anni spatio, quo ipsius anima Sacrum quotidie fieri per integrum castumque. Sacerdotem curaverat, Matrem consolata est, cum per quietem e

tiali laborantem pedes lavat ex quibus unam cancro infirmam osculo simul ac Crucis signo mirabiliter sanat.

Humilitatis amans oculorum usus puellæ restituit, & etat miraculum divulgari.

Margaritam Freilam ab insanabili tuberculo in Stomacho liberat.

Opes pauperibus dispensandas in recentes rosas commutat.

Varis exercetur tribulationibus; Parentum, & Constantiæ Filiae jacturam aquo animo sustinet, quam in Cælum proficiscentem videt.



purgantis ignis pœnis in æternam felicitatem transeuntem se illi præsentem exhibuit.

Avissum a se  
Dionysii Regis  
animum, ac  
spreti Conju-  
galis thalami  
injuriam hu-  
militer tole-  
rat.

§. 12. Sed inter alia multa adversa, & aspera, quæ ipsi acciderunt, maximo quidem mœrore afflixit Regis mariti abalienatus animus, & ad illicitos amores abreptus. Nam Dionysius, qui aliquot annos cum illa conjuncte, integreque vixerat, quibusdam quasi voluptatis injustæ præstigiis fasciatus, voluntatem ab ea corpit avertere, omnemque amorem ad quasdam transtulit mulieres, ex quibus liberos etiam suscepit. Toleravit illa patienter spreti cubilis injurias, & fracti maritalis fœderis crimen; atque humili cordis oculo indignas mulieres sibi prælatas respexit; neque cum aliquo de Mariti infidelitate conquesta est, neque ullam hac de re cum eo habuit similitudinem; sed expectans in silentio misericordias Domini, qui solus facere potest mundum de immundo conceptum semine, loquebatur ei sanctis operibus suis, pietate sua, mansuetudine sua, tolerantia sua, humilitate sua. Tantæ igitur virtutis luce e lethali peccati somno excitus Dionysius aperuit mentis oculos, agnovitque turpitudinem suam, eamque detestatus, reliquum vitæ tempus caste, sancteque traduxit.

Exorta inter  
Dionysium Re-  
gem, & Al-  
phonsum Fra-  
trem, ac in-  
ter eundem  
Dionysium in-  
ter, & Ferdi-  
nandum Ca-  
stellæ Regem  
discordias di-  
timit.

§. 13. At vero piissimæ Reginæ animum non minori mœrore, ac tristitia pertulerunt exorta inter summa, & carissima sibi capita dissidia. Sed hoc quoque Servæ suæ grande donum concesserat illi, cui juxta Prophetam nomen est, *Admirabilis Conciliarius, Deus Fortis, Pater futuri Seculi, Princeps Pacis*, ut inter discordes animas tam se fortem gereret, ut labores, ærumnas, & extrema vitæ pericula pro earum salute contemneret; tam mitem, ut irarum moribus exasperata pectora alloquio suo leniret; tam prudentem & pacificam, ut irreconciliabili odio dissidentes ad pacem, & concordiam reduceret. Ac primo quidem gravem inter Dionysium Regem, & ejus Fratrem Alphonsum ortam discordiam, vel potius apertum bellum, copiis utrinque coactis, scissaque universa Lusitania in contrarias partes, compressit, ac diremit amatissima pacis Regina, suis ad Deum precibus, Sacrorum Antistitem & Principum Virorum opera adhibita, suis postremo ad utrumque adhortationibus, atque obsecrationibus sæpius interpositis. Deinde vero non inferiori laboravit cura, atque industria, ut revocarentur muta jam arma ab Rege Dionysio in Ferdinandum Puerum Castellæ Regem, ejusque tutores: Tum gravissimæ aliorum Principum affinium dissensiones per eam pacatæ sunt, quæ perniciofa mala universæ Hispaniæ allaturæ videbantur.

Alphonsum e-  
jus Filium qui  
descecerat a  
Patre, ex im-  
minente vitæ  
discrimine  
vindicat.

§. 14. Sed nulla illustrior, ac magis necessaria conciliata pax ab Elisabethe, quam cum Dionysius Parens, & Filius Alphonsum plusquam civilia inter se bella suscepissent. Indignatus enim Dionysius ob Filii contumaciam, qui facinorosorum turmis stipatus, Patris auctoritatem, & imperium contemnebat, Regnoque dejicere minabatur, statuerat ex improvviso eum opprimere. Appositis igitur ad omnes vias Custodibus, ne quis periculi nuncius ad Alphonsum iret, armatos raptim milites, & expeditos, secum proficisci iussit, ut acerbis de filio pœnas sumeret. At Elisabethe rei certior facta, per Nuncios diversis itineribus emissis, quanto in discrimine versetur, Filio significat, monetque, ut iram Patris declinet. Ipsa interim precibus, & lacrymis apud Deum exposcebat, ut tantum a viro, a Filio, & a regno malum averteret. Ejus itaque diligentia, atque pietate factum est, ut Filius digressus e loco, ubi opprimendus erat, salutem suam provideret, cujus contumacem in Patrem animum pia Mater, ad quam de tanto beneficio gratias acturus se contulerat, monitis, ac precibus infringere aggressa est. Verum in nihilo melior factus, scelus parare cepit in Patrem bellum, qui facinorosis indignitate commotus, aliorumque consiliis stimulatus, omnem viam ad vindicandam impietatem Filii quærebat. Exlucerebant hæc animum Elisabethe, quæ demisse, atque assidue a Deo precabatur mitiorem Viro mentem, Filio sanio rem. Accusata vero apud Dionysium nimis caritatis in Filium, & muliebris indulgentiæ, ademptis Castellis, bonisque fere omnibus ereptis, ne qua Filium ope juvaret, in liberam custodiam tradita est, iussuque ne statuto loco egrederetur. Aequo animo indignam passa est calumniam piissima Regina, neque conquesta est de acerbo Viri imperio; sed statim paruit, & aliorum reclamantium querelas compescuit. Interea Alphonsum expugnandis atque in suam potestatem redigendis Urbibus; Dionysius iis, quæ a sua potestate defecissent, diruendis, atque evertendis; uterque in Lusitania misere devastanda, opes omnes, operamque ponebant. Quo tempore Beata Regina, religio-

Iussu Regis in  
libera custo-  
dia, ne quam  
illi opem fe-  
rat, detinetur.



ligiosissimis quibusque sceminis undique ad se convocatis, cum iis tuta erat jejuniis, precibus, lacrymis, aliisque piis operibus ad exorandum Deum, *qui ventis, & mari imperat, & obediunt ei*, ut horridam tempestatem, quæ ingentem ruinam secum ferebat, superna ope sedaret. Ubi vero accepit, bellum vehementius in diem inflammari, neque extingui posse nisi vel Viri, vel Filii sanguine, Civium strage, Civitatum excidio; continere se nequivit, quin Caritatis pennis e custodia convolaret ad Castra, Virum obsecraret, Filium obtestaretur, cum utroque per se, & per Principes Viros ageret, ut Patris in gratiam Filius restitueretur. Concessum est Deimuner, quod Elisabethæ pietas merebatur; Sed non diuturna fuit illa concordia. Etenim cum Alphonfus, contra voluntatem Patris, ad Oppidum Scabalin accedere instructo agmine conaretur, obviam illi cum exercitu processit Dionysius. Itaque armatas acies contra Filium jam Pater direxerat, datum utrinque fuerat bellisignum, concurrebant ex utraque parte cognatis armis milites, ventum erat ad manus; cum Elisabeth sui oblita, de animarum salute tantummodo sollicita, sine famularum comiati, sine cultu, raptim accurrit, interponit se inter Virum, & Filium, non a telis utro citroque factis deterrita, non a suæ vitæ periculo retardata, Filium adhortationibus morigerum Patri, Virum obsecrationibus placatum Filio reddit, utrique vitam, utrique salutem, operante Domino, & loquente ad eorum corda, dum famulæ suæ ad aures verba insonabant, restituit.

Sed, utrinque comparato exercitu, convolat ad castra, ac ad primas acies progressa vocis, & lacrymis mutam Pacem obtinet.

S. 15. Jam vero Dionysius ætate gravis, & imbecilis valetudine effectus, in lethalem morbum incidit: tum vero vel maxime enituit conjugalibus Elisabethæ assiduitas, diligentia. Præstitit enim se non uxorem, sed ancillam, adeo in rebus omnibus demisse diligenterque ministrabat, non minus operi intenta, quam orationi, cui quod ab infirmi Mariti cura supererat temporis, die ac nocte vacabat, magis de illius animæ, quam de corporis salute sollicita. Dionysius autem annuagens sexagesimum quartum, omnibus rite peractis, quæ vel Christianum hominem, vel prudentem Regem decebant, ex hac mortali vita excessit, cum annos sex, & quadraginta regnasset.

Dionysio mortuo proximo assidue ad extremum usque Spiritum inservit, ac ultima Caritatis & obsequii perfolvit.

S. 16. Mariti morte sui juris facta Elisabeth totam se Deo tradidit, & secuta est exemplum fortissimæ mulieris Judith, quæ post obitum Viri, in superioribus Domus suæ fecit sibi secretum cubiculum, in quo cum puellis suis clausa morabatur, & habens super lumbos suos ciliicum, jejunabat omnibus diebus vitæ suæ: Ita Beata Elisabeth, statim ac Vir decessit, in cubiculum se recepit, cum una e carioribus ancillis, ibique ab ea suscepit eximio animi sensu pauperem vestem Religiosarum Virginum propriam, tum rudi funiculo præcincte, candido linteo caput velavit; domesticas autem opes, vel in sacros usus convertit, vel egentibus dispensavit: Aedes insuper aliquas, secus Sacrarum Virginum domum, quam prope Conimbricam Beatæ Claræ nomine ædificandam summo studio curaverat, sibi poni voluit, ubi ex illarum Virginum cœtu quinque apud se integritate conspicuas habebat assidue, cum quibus Religiosam extra Claustra degebat vitam. Siquidem de multa nocte vigilans, cum Virginibus priorum studiorum fociis matutinis precibus recitandis vacabat; diluculo Sacrum fieri jubebat in suo cubiculo; inde in publico Sacello cum omni familia intererat alteri Sacrificio, quod cum lugubri cantu fiebat pro demortuo Rege, ac Marito; tertium denique Sacrum ejus diei proprium coram se suppliciter volebat celebrari. Divini Officii reliquas horas postea peragebat, tum ad juvandos alios, vel re, vel verbis incumberebat, inde ad sese colligendam, vel contemplationi, vel sacri cultus libri lectioni se dabat; ad seram postremo noctem Divinas res mente pertrahabat, cum incredibili sensu voluptatis, & dulcium copia lacrimarum, ut integros dies non terræ, sed Cœlo vivere videretur.

Post viri obitum, pauperem vestem induit, ac totam se Deo tradidit.

S. 17. Præterea cæteras omnes virtutes, quas in Viduis exigit Beatus Apostolus Paulus scribens ad Timotheum, in se diligenter, atque eximie expressit, pietatis scilicet officium, hospitalitatis studium, humilitatis obsequium, misericordiæ ministerium, liberalitatis subsidium, omnique boni operis executionem. Nam in ædiculis prope memoratam Virginum domum extructis, quindecim egentes viros, ac totidem sceminas ali perpetuo certis sumptibus jussit, Sacerdotemque proximum cum Sacello, & Cœmeterio constituit, qui Sacrum iis præsentibus quotidie faceret, & solemnibus statutarum horarum precationibus præficeret. Misericordia autem, & liberalitas maxime in Beata Vidua excelluit, cum ingens annonæ caritas, ac fames Conimbricam Urbem vexaret; tan-

Misericordiam, liberalitatem cæterasque virtutes miserrime excolit.



ra enim fuit largitate in omne hominum genus sublevando, adeoque liberalem se cunctis præbuit, ut ab opum administratoribus admonita fuerit, ne ob alienorum opitulationem, ac sustentationem nimis assiduam, sibi postmodum, suisque deesse cogere-  
tur; Sed illa Deo freta, non minus ac Sareptana Vidua, quæ, ut Prophetæ Domini subveniret, omne vitæ suæ subsidium ultro ei deferens, nihil sibi reliquit, angustios aliorum animos reprehendit.

Sexagesimo  
quarto ætatis  
anno ad B.  
Jacobi Aposto-  
li Templum  
invisendum,  
pedibus, &  
mendicans  
pergit.

Alphonsum  
Castellæ Regem  
a prava  
femine con-  
suetudine re-  
vocat.

In summa  
regitudine,  
Ecclesiæ Sa-  
cramentis ri-  
te munita, ac  
Delparæ Vir-  
ginis præsen-  
tia recreata,  
sanctissime  
obit.

Pluribus post  
mortem pa-  
tratis miracu-  
lis, fama ejus  
Sanctitatis  
percrebescit.

Corpus cor-  
ruptione ex-  
pers servatur.

§. 18. Quæ vero ad pietatem erga Deum, curam erga suos, humilitatem, mansuetudinem, abstinentiam pertinent, longum, ac difficile esset omnia referre. Absoluto Beatæ Claræ Cœnobio, in quo perficiendo plurimum pecuniæ, atque operæ impenderat, quo die primum in nova cœnatione Moniales dicubuerunt, ministravit eis cum sua Nuru, raro Christianæ demissionis, & Caritatis exemplo. Quartum & sexagesimum ætatis annum agens, Jacobi Apostoli Templum iterum adire decrevit; tantum suscepit itineris Fœmina id ætatis, & Regina, paucis comitata, mutato vestitu ignobilis, imo, quod prorsus mirabile est, sua sarcina gravis, per Vicos, & domos mendicans, pedibus ivit, & reversa est; intuens certe in præclarum illud impigræ devotionis exemplar, Beatam videlicet Mariam Virginem, quæ per omnes annos in die solemnî Pasc hæ cum Joseph Hierusalem petebat. Pervenit ad illius aures, Alphonsum Nepotem suum Castellæ Regem alterius ab uxore femine consuetudine teneri: ad eum nulla interposita mora proficiscitur, tantumque præsentia sua, ac verbis efficit, ut ab eo fidem acciperet, honestius in posterum vivendi. Inter ipsum Alphonsum Nepotem, & Alphonsum Filium gravi enato dissidio, ad sedandas exortas discordias, pacifici, & Cœlestis Regis disciplina, in Oppidum Eborense Stremotium appellatum, ubi tunc Filius versabatur cum Coniuge, se contulit; sed partim ætatis imbecillitate, partim itineris defatigatione in morbum incidit, qui supremus illi fuit. Cum autem jam se morti proximum intelligeret, Divinis mysteriis, ac supremis Ecclesiæ Sacramentis ad ultimum illud certamen sese sanctissime muniit; ut piæ vitæ religiosa mors optime responderet. Postquam autem cum Alphonso necessariis de rebus Regni colloquuta aliquantulum est, a Filio, quem relinquebat, ad Cœlestem conversâ Parentem, quam adibat, & quæ paulo ante se videndam ei præbuerat, sacris illis Ecclesiæ vocibus Beatam Virginem compellavit: *Maria Mater gratiæ, Mater Misericordiæ, Tu me ab hoste protege, & hora mortis suscipe*: deinde fidem ex Apostolorum symbolo professâ, Dominicam orationem, aliasque recitavit voce paulatim, ac sensu deficiente, donec die quarta Julii anno a Christo nato millesimo trecentesimo tricesimo sexto, ab ipso Beatæ Elisabethæ ortu sexagesimo quinto, sanctissimam animam Auctori suo reddidit.

§. 19. Divulgato autem obitus nuncio, maximum cujusvis generis hominum concursus ad ejus funus factus est. Nam fama illa sanctitatis, quæ de ipsa, dum adhuc viveret, universum Lusitanicæ Regnum impleverat, posteaquam ex hac mortali vita discessit, maxime percubuit. Itaque ejusdem Defunctæ patrociniū bono suo implorare complures, singularibus a Deo beneficiis per ejus intercessionem obtentis. Nam Clementissimus Deus, cujus natura bonitas, cujus voluntas potentia, cujus opus misericordia est, Beatam Elisabetham non solum in humanis agentem Divinis illustravit miraculis, sed etiam ad æternæ felicitatis Regna translata admirabilibus rerum eventibus nobilitavit in terris. E quibus Nos ea solum, quæ in causæ Canonizationis examine rite discussa, & perpenſa, tamquam ejus Sanctitatis cœlestia indicia, & argumenta, cunctorum suffragiis approbata fuerunt, hoc loco referemus. Ac primo quidem ejus corpus a corruptione liberum, integrumque a Deo servatum est. Quoniam delatum ex Oppido Stremotio, ubi ultimum diem obiverat, Conimbricam, per longissimum inter septem dierum æstivo tempore non modo sætoris nihil afflavit, sed potius tam suaves circumfusæ multitudinî inspiravit odores, ut in eo loculo, pro putrescente cadavere, omnia aromatum genera conclusa viderentur. Sed quod longe mirabilius est, cum anno Domini millesimo sexcentesimo duodecimo Beatæ Reginæ sepulcrum apertum, & sacrum ejusdem corpus recognitum fuit, inventum est integrum, atque incorruptum, cum carne, capillis, oculis minime tabefactis & quæ tacta non frangebantur, aut liquecebant. Manabat autem ex toto corpore suavis admodum, ac jucundus odor, & Divinum incorruptibilitatis beneficium cum vestibus ipsis circumiectis, & pluribus linteis superimpositis quodammodo communicaverat, quæ solida, & integra post adeo diuturnum tempus permanebant.



§. 20. Pars quædam ædium in Monasterio Sanctæ claræ recens fabricata erat, eique imponebantur ligna testi, dabatque operam in ligna clavis configenda Dominicus Machadus Faber lignarius, cum inopinato aliquot ex iis lignis reſixa dilabuntur in terram ſecumque Fabrum illum præcipitem trahunt. Tum ille Beatæ Elifabethæ opem implorat. Extemplo ipſe una cum lignis occulta quadam vi ſurſum relatus, & in eundem locum, e quo ceciderat, reſtitutus fuit, & ligna etiam ſuis reddita ſedibus, & coaptata.

Dominicus Machadus Faber lignarius ex alto de lapſus, eius ope implorata, permanet ille ſus.

§. 21. Anna Azpilcueta Virgo Sacra in Cœnobio Beatæ Mariæ prope Conimbricam, in Vico, cui nomen Cellis, diu capta cruribus, & reſolutis nervis ita tenebatur, ut per ſe incedere nullo modo poſſet, nulloque a Medicis remedio ſanari. Proximus erat ſolemnis Beatæ Elifabethæ dies; nocte vero, quæ antecedebat, Annæ Magiſtra, expoſitis pluribus beneficiis illius imploratione ſuſceptis, hortatur eam, ut ab ipſa præſens auxilium petat. Morem geſſit illa diligenter, & in artiſſimum ſomnum ſoluta eſt. Ecce autem per quietem audire ſibi videtur imperantem, ut ſurgat, valetudine jam Elifabethæ ope reſtituta. Excitata Virgo exilit eleſto, veſtes induit, in odeum, vulgo chorum, venit, ubi cæteræ matutinas preces canebant. Mirantur omnes, & præ animi gaudio, & pietate lacrymantes, agunt gratias omnium bonorum Auctori, qui mirabilis eſt in Sanctis ſuis.

Annæ Azpilcueta crurium uſus, quem amiſerat, reſtituitur.

§. 22. In Oppido Sarnaceni Maria Antonia Michaelis Aloyſii uxor jam quinquagenaria, & quæ ſanpridem ex quodam morbo in ſiniſtro ubere lacte carebat, Nepotem ex paupere filia parvulum ſuceperat enutriendum, & cuiusdam Equitis Filium lactabat. Nepotem cibus ducibus, lacte ſibi deficiente, enutrire tentavit, eos tamen ille reſpuit. Inops igitur conſilii, venit una cum eo Conimbricam ad Beatæ Claræ Cœnobium, & Monialium hortatu ſumit vinum cum croco, quod Beata Elifabetha ad huiusmodi mali remedium præſcripſerat; ſupplex deinde ad ejus ſepulcrum accedit, oratque ſummis precibus, ut lac ſibi a Deo impetret. Exaudita eſt precatio, lac ſtatim ſenſit uberius aſſuſum, ut abunde potuerit in poſterum donatum Cœlitus alimentum utique Infanti ſufficere.

Nutrici ſœmi- næ, quæ ſiccis uberibus duos infantes enutrire nequibat, largitur lac redditur.

§. 23. Agnes de Almeida Joannis de Guerres Medici uxor, ſeptima poſt filii partum hebdomada in angina morbum incidit, quo vehementer cruciata, & cibum ſumere, & verba proferre impediabatur. Lac etiam deſecerat ad natum puerum nutriendum. Vir, omni artis ſuæ opera fruſtra adhibita, deſperans de ſalute conjugis, Berenſem in agrum ſe contulit ad accerſendam filio nutricem. Ibi dum nocte curis anxius commoratur, ſubit animum Sanctitas Beatæ Elifabethæ, illi ſuam enixe, reſiſiſſeque commendat uxorem; ſummo mane reverſus domum uxorem reperit ſanam. Quærit ex illa, qua hora ſe morbo liberam ſenſerit, comperitque ab omni ægritudine liberatam eodem temporis momento, quo ipſe procul domo Beatam Reginam oraverat. Subinde Templum adit, ubi Reginæ corpus aſſervabatur, intereſt Sacro, iterumque ſuppliciter ab eadem expoſcit uxori lac, quo natus infans nutrirî poſſit; domum reſtreſſus, hoc etiam ſe beneficio cumulatum agnovit.

Agnes de Almeida angina morbo cruciata liberatur, reſtituto etiam eius uberibus lacte.

§. 24. Conſtantia Anjæ Civi Eboreniſi, in Cœnobio Beatæ Claræ, peſtiſerum quoddam ulcus labia gingivæque cum maximo cruciatu corrodebat, ſenſimque ſerpebat latius; præ doloris impetu vociferabatur aſſidue, cæterarumque Virginum tranquillitatem, religioſamque quietem imperturbabat, nullaque Medicorum arte ea peſtis depelli poterat. Allato Beatæ Reginæ corpore ab Oppido Stremotio Conimbricam in Beatæ Claræ Cœnobium, ſtatim Conſtantia magna cum pietate, ac fide acceſſit ad pheretrum, ubi corpus adhuc inſepultum jacebat; & ita loculum oſculata eſt, ut oris partem lue infectam applicaret. Recedit deinde cum cæteris; ubi vero ſacrum B. Elifabethæ corpus ad ſepulcrum deferri cœpit, ſe cruciatu liberatam ſentiens, advocat Socias, iis os inſpiciendum præbet, & nulla amplius peſtis illius indicia apparebant. Quo mirabilis rei eventus omnes attonitæ, admirantur Dei potentiam, & Beatæ Reginæ ſanctitatem laudibus efferunt, quam tam inſigni miraculo Deus omnibus teſtatam, atque exploratam eſſe volebat.

Conſtantia Anja, labiis, gingivæque ab ulcere corroſis, ore Sanctis Elifabethæ exuvie applicito, ſanatur.

§. 25. Cum igitur fama Sanctitatis Beatæ Reginæ, ob frequentiam miraculorum, quæ ipſius apud Deum meritis edebantur, magis, ac magis increbrefceret, atque in ejus venerationem Chriſtianorum hominum animi vehementius incitarentur, ſel. rec. Leo Papa X. Prædeceſſor noſter anno milleſimo quinquageſimo deci no ſexto, inſtante cl. mem. Emanuele Luſitanizæ Rege, per Literas Apoſtolicas in forma Brevis con-

Leo X. Beatæ Elifabethæ venerationem indulget.



Paulus IV.  
ipſius cultum  
extendit.

Item Grego-  
rius XIII.

Cauſæ Cano-  
nizationis  
ſub Paulo V.  
introducenda.

Acta ſub Ur-  
bano VIII.

conceſſit, ut in Eccleſiis, & Monafteriis Civitatis, & Diœceſis Conimbricenſis de præfata Dei Famula ſemel in anno commemorationem, vel officium recitari, & in eorundem locorum Eccleſiis, & domibus, juxta piorum Fidelium devotionem ejuſdem imagines teneri, & ut Beatam coli, & reputari liceret, poſſentque Chriſtiſideles ad illam preces effundere, & ab ea petere, ut pro ipſis apud Altiffimum intercederet; & ſubinde ſel. pariter rec. Paulus Papa IV. ſimiliter Prædeceſſor noſter, inſtante clar. mem. Sebaſtiano Luſitanix Rege, qui ad Regni tranquillitatem, ac ſalutem, B. Eliſabethæ meritis a Deo dicebatur impetratus, conſeſſionem, & indulgentium huiusmodi ad totum Portugalix Regnum extendit, & ampliavit: poſtea piæ memoriæ Gregorius Papa XIII. ſimiliter Prædeceſſor noſter, Officium, & Miſſam pro Cathedrali, & Diœceſi Conimbricenſi, & nondum Indulgentias Conſratribus cuiusdam Conſraternitatis ſub eiſdem B. Eliſabethæ invocatione erectæ, & omnibus Chriſtiſidelibus Eccleſiam diſtæ Conſraternitatis die feſto ejuſdem B. Eliſabethæ viſitantibus, de Apoſtolica auctoritate elargitus eſt.

S. 26. Anno vero 1610., univerſo Luſitanix Regno pro diſtæ Beatæ Canonizatione inſtanter agente, rec. mem. Paulus Papa V. pariter Prædeceſſor noſter cognitionem cauſæ demandavit tribus Cauſarum Palatii Apoſtolici Auditoribus, Franciſco nempe Penix Decano, Franciſco Sacrato, & Alphonſo Manzanedo, qui Proceſſus Apoſtolica auctoritate conſciendos decreverunt, atque ad id munus peragendum Conimbricenſem, & Leirienſem Episcopos, & Doctorem a Regis Conſiliis Franciſcum Vazium eadem auctoritate deputarunt; utque Episcopi, & Docteur Franciſcus præſati diligenter demandato negotio perfuncti fuere, omnia acta eiſdem Auditoribus tranſmiſerunt. Cumque interim, dum proceſſus huiusmodi conſciebatur, præſatus Paulus Prædeceſſor, & recolendæ etiam memoriæ Gregorius Papa XV. ſimiliter Prædeceſſor noſter humanitatis debitum perſolviffent, & præſatus Urbanus Prædeceſſor ad Sacrum Apoſtolatus apicem Divina Providentia aſſumptus fuiſſet, ac pro parte præſati Luſitanix Regni inſtanter requiſitus eſſet, ut negotium huiusmodi promovere, & ad ulteriora procedere dignaretur; accederentque aliorum idem ſuppliciter expoſcentium preces, præſatus Urbanus Prædeceſſor, ut ea maturitate, quæ rem tantam decebat, negotium tranſigeretur, habitam a præſatis Auditoribus de ſtatu cauſæ relationem, ad S. R. E. Cardinales Sacris Ritibus Præpoſitos remiſit, qui eam diligentiffime inſpicerent, ac de tota cauſa accurate cognoscere. Quod cum illa ita perfectiffent, ac pro Beatæ Reginæ Canonizatione omnes unanimiter conſuiſſent, bonæ memoriæ Franciſcus Maria Episcopus Offienſis S. R. E. Cardinalis a Monte nuncupatus totius Proceſſus ſummam, & ſuam, Collegarumque ſententiam coram diſto Urbano Prædeceſſore in Conſiſtorio ſuo ſecreto expoſuit; quibus auditis, reliqui Cardinales, qui aderant, ad ulteriora fore procedendum communi ſuffragio pronunciarunt. Igitur cum in publico Conſiſtorio quondam Johannes Baptiſta Meilini tunc Aula Conſiſtorialis Advocatus pro ejus Canonizatione peroraſſet, ac nomine prædiſti Luſitanix Regni, ut ad eam procedere dignaretur, humiliter ſupplicafſet, diſtus Urbanus Prædeceſſor de re tanta S. R. E. Cardinales, & Episcopos in Romana Curia præſentes conſulendos eſſe reſpondit; atque interim Cardinales, Patriarchas, Archiepiscopos, & Episcopos præſatos intimo cordis ſui affectu vehementer in Domino hortatus eſt, ut orationibus inſtantes, jeſuniis, & eleemoſynis animas ſuas coram Deo ſecum humiliantes, expoſcerent a Deo Patre luminum, ut ex alto ſuper ipſum lucem & veritatem ſuam emitteret, quæ ipſum ad voluntatem, & beneplacitum ejus cognoscendum, & perficiendum deduceret. Sequenti itaque ſemipublico Conſiſtorio, vocatis ad illud non modo Cardinalibus, ſed Patriarchis, Archiepiscopis, & Episcopis in Curia exiſtentibus, præſentibus etiam Sedis Apoſtolicæ Notariis, ac Palatii Apoſtolici Cauſarum Auditoribus, cum plura ab eo de eximia Sanctitate Beatæ Reginæ, ac miraculorum frequentia, & celebritate populorumque erga eam devotione commemorata fuiſſent, expoſitis etiam inſtantiis præſatis, quæ coram ipſo ſlebant, omnes concorditer, ac uno ore benedicentes Deum amicos ſuos honorificantem, Beatam Reginam Eliſabetham canonizandam eſſe, atque inter Sanctas Viduas adſcribendam cenſuerunt: Quorum omnium audito conſenſu, intimo cordis affectu exultavit in Domino & jubilavit in ſalutari ejus, gratias agens Deo, & Filio ejus Domino Jeſu Chriſto, quod Eccleſiam miſericorditer reſpexiſſet, ac tanta gloria illuſtrare decreviſſet. Canonizationis inde publicavit diem, eoſdem Fratres, & Filios ſuos



monuit, in orationibus, & eleemosynis perseverandum esse, ut in tanto opere exequendo splendor Dei esset super ipsum, mentemque suam ad perficiendam ejus voluntatem dirigeret. Demum peractis omnibus, quæ ex Sacris constitutionibus, ac Romanæ Ecclesiæ consuetudine peragenda erant, anno Incarnationis Dominicæ millesimo sexcentesimo vicesimo sexto, octavo Kalendas Julii, Pontificatus sui anno tertio, in sacrosancta Principis Apostolorum Basilica cum eisdem Cardinalibus, necnon Patriarchis, Archiepiscopis, & Episcopis, Romanæque Curiae Prælati, Officialibus, & Familiaribus suis, necnon Clero Sæculari, & Regulari, ac maxima Populi frequentia, convenit; ubi repetitis pro Canonizationis decreto petitionibus nomine totius Lusitanæ Regni a Michaele Suarez Pereyra per Joannem Baptistam Mellini Consistorialis Aulae suæ advocatum præfatum, decantatis sacris Precibus, & Litanis, ac Spiritus Sancti gratia humiliter implorata, ab honorem Sanctissimæ, & Individuæ Trinitatis, & Fidei Catholicæ exaltationem, auctoritate Omnipotentis Dei Patris, & Filii, & Spiritus Sancti, Beatorum Apostolorum Petri, & Pauli, ac sua, de eorundem S. R. E. Cardinalium, Patriarcharum, Archiepiscoporum, & Episcoporum in Romana Curia præsentium consilio, ac unanimi consensu, gloriosæ memoriæ Reginam Elisabetham, de cuius vitæ Sanctitate, fidei sinceritate, & miraculorum excellentia plene constabat, Sanctam esse definivit, ac in Sanctarum Viduarum Catalogo adscribendam esse decrevit, & adscripsit, illamque ab universis Christianis tanquam vere Sanctam honorari, ac venerari mandavit; statuens ab universali Ecclesia in ejus honorem Ecclesias, & Altaria, in quibus Sacrificia Deo offeruntur, ædificari, & consecrari, & singulis annis die quarta Julii, qua ad Cœlestem gloriam translata fuit, ejus Officium, ut de Sancta Vidua, ad præscriptum Romani Breviarii celebrari posse. Eademque auctoritate omnibus Christianis delibus vere poenitentibus, & confessis, qui singulis annis ad Sepulcrum, in quo corpus ejus requiescit visitandum accessissent, festo die præfato unum annum, & unam quadragenam, in ejus vero octava quadraginta dies de injunctis eis, seu alias quomodolibet debitis poenitentis misericorditer in Domino relaxavit. Postremo gratiis Deo actis, quod Ecclesiam suam insigni hoc, novoque luminari illustrare dignatus esset, cantata in Sanctæ Elisabethæ honorem infra scripta a se composita oratione temporum illorum calamitatibus, ac Sanctæ Reginae virtutibus accommodata, videlicet: *Clementissime Deus, qui Beatam Elisabetham Reginam, inter cæteras egregias dotes, bellici furoris sedandi prærogativa decorasti, da Nobis ejus intercessione, post mortalis vitæ, quam suppliciter petimus, pacem, ad æterna gaudia pervenire. Per Dominum nostrum &c.* Ad Altare Principis Apostolorum Missam celebravit cum ejusdem Sanctæ Reginae Viduæ commemoratione, omnibusque Christianis tunc præsentibus plenariam omnium peccatorum suorum indulgentiam concessit.

§. 27. Ne autem de definitione, decreto, adscriptione, mandato, statuto, relaxatione, aliisque præmissis, pro eo quod super illis per eundem Urbanum, ejusque Successores piæ memoriæ Innocentium Decimum, Alexandrum Septimum, utrumque Clementem, Nonum, & Decimum, Innocentium Undecimum, Alexandrum Octavum, Innocentium Duodecimum, Clementem Undecimum, Innocentium Decimumtertium, Benedictum Decimumtertium, atque Clementem Duodecimum Pontifices Prædecessores Nostros, Literæ de more conscriptæ, & promulgatæ non fuerunt, utquam possit in posterum quomodolibet hæsitari; Nos, qui iisdem Romanis Pontificibus, disponente Domino, in Cathedra Beati Petri licet immeriti successimus, volumus, & Apostolica auctoritate decernimus, quod definitio, decretum, adscriptio, mandatum, statutum, relaxatio, aliaque præmissa dicta die octavo Kalendas Julii anni millesimi sexcentissimi vicesimi sexti suum debitum sortiantur effectum, ac si super illis ipsius Urbani Prædecessoris Literæ sub datum ejusdem diei confectæ fuissent, prout superius enarratur; quodque præsentibus Literæ ad probandum plene definitionem, decretum, adscriptionem, mandatum, statutum, relaxationem, & alia præmissa ubique sufficiant, nec ad id probationis alterius adminiculum requiratur. Cæterum, quia difficile foret, præsentibus nostras Literas ad singula loca, ubi opus esset, deferri; volumus, ut earum exemplis etiam impressis, manu publici Notarii subscriptis, & sigillo alicujus Personæ in dignitate Ecclesiastica constitutæ munitis, eadem ubique fides habeatur, quæ ipsis præsentibus adhiberetur, si essent exhibitæ, vel offensæ.

§. 8. Nulli ergo omnino hominum liceat hanc paginam Nostrorum decreti, & voluntatum infringere, vel ei ausu temerario contraire; si quis autem hoc attentare præ-

Solemnis Canonizatio die 24. Junii 1626.

Oratio in ejus Officio, & Missa recitanda.

Pontifex præfatus Literas in forma concedit.

Quibus transumptis fides haberi jubet.

Sanctio.

præ-



præsumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Dat. die 28.  
Apt. 1742.

Datum Romæ apud Sanctam Mariam Maiorem quarto Kalendas Maji, anno Incarnationis Dominicæ millesimo septingentesimo quadragesimo secundo Pontificatus Nostri Anno II.

Subscriptiones  
S. R. E.  
Cardinalium.

✠ Ego Benedictus Catholicæ Ecclesiæ Episcopus.

✠ Ego T. Episcopus Ostien., & Valiterren. Card. Rufus Decanus, & S. R. E. Vice-Cancellarius.

✠ Ego A. Episcopus Sabinensis Card. S. Clementis S. R. E. Camerarius.

✠ Ego L. Episcopus Portuensis Card. Picus.

✠ Ego Petrus Episcopus Tusculanus Card. Corradinus.

✠ Ego V. Episcopus Prænестinus Card. Petra Major Pœnitentiarius.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠ Ego D. Tit. S. Bernardi ad Thermas Presbyter Card. Passioneus.

✠ Ego S. Tit. S. Priscæ Presbyter Card. Valenti.

✠

✠ Ego



- ✠ Ego P. Tit. SS. Nerei, & Archilei Presbyter Card. de Tencin.  
 ✠ Ego Alexander S. Agatæ Diaconus Card. Albanus.  
 ✠ Ego N. S. S. Mariæ ad Martyres Diaconus Card. Judice.  
 ✠ Ego Nervius S. Eustachii Diaconus Card. Corsinus.  
 ✠ Ego A. S. Georgii in Velabro Diaconus Card. Mosca.  
 ✠ Ego J. B. S. Cæsarei Diaconus Card. Spinula.  
 ✠ Ego C. S. Nicolai in Carcere Tulliano Diaconus Card. Rezzonicus.  
 ✠ Ego P. S. Angeli in Foro Piscium Diaconus Card. Columna.  
 ✠ Ego C. S. Mariæ in Porticu Diaconus Card. Sacripantes.

P. Card. Pro-Datarius.

D. Card. Passioneus.

VISA DE CURIA.

N. Antonellus.

J. B. Eugenius.

Registrata in Secretaria Brevium.

Publicat. die 18. Aprilis ejusdem Anni.

## I N D U L T U M

LII.

Celebrandi Missas super Triremibus Pontificiis.

B E N E D I C T U S P A P A X I V .

*Ad perpetuam rei memoriam.*

**E**Xponi Nobis nuper fecit dilectus filius Magister Marius Bolognetti, Noster & Apostolicæ Sedis Notarius Protonotarius nuncupatus de numero participantium, Camera nostræ Apostolicæ Thesaurarius Generalis, ac Classis, & Triremium Nostrarum Commissarius Generalis, quod ipse considerans, tam Officiales, & Milites, quam Nautas, & Turmam, qui super Classe Triremium Nostrarum reperiuntur, tempore Expeditionum, in littore Maris, aliisque partibus, tum Catholicis, tum communi Christiani Nominis hosti subiectis interdum longo tempore, & multoties in solemnioribus anni festis diebus, prout etiam quando in Oris maritimis Catholicorum Principum, & in illorum portibus existunt, tum propter anni tempestates sibi adversas, quæ minime permittunt Tentorium in Terra figere, & obtendere, sub quo Sacrosanctum Missæ Sacrificium hujusmodi audire non posse; ut incommodis, & inconvenientibus hujusmodi, ne pietas, & devotio personarum supradictarum minuat, occurri possit, idem Missæ Sacrificium in Triremibus præfatis celebrari posse plurimum desiderat. Nobis propterea dictus Magister Marius Thesaurarius Generalis

Summatim  
rationum, &  
precum.

Bullar Rom. Bened. XIV. Tom. I.

S

hu-



humiliter supplicari fecit, ut in Missis opportune providere de benignitate Apostolica dignaremur.

Pontifex indulget, ut Missæ celebrari valeant super Triremibus.

§. 1. Nos igitur piis ejusdem Magistri Marii Thesaurarii Generalis votis hac in re, quantum cum Domino possumus, favorabiliter annuere, eumque specialibus favoribus, & gratiis prosequi volentes, & a quibuscumque Excommunicationis, Suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendarum, harum ferie absolventes & absolutum fore censentes, hujusmodi supplicationibus inclinati, eidem Magistro Mario, ac pro tempore existenti Cameræ Nostræ Apostolicæ Thesaurario Generali, petitam facultatem celebrari faciendi Sacrosanctum Missæ Sacrificium hujusmodi qualibet die in Triremibus nostris præfatis, tum tempore, quo Triremes hujusmodi anchoratæ sunt, in quibusvis oris, littoribus, & portibus habitatis, & non habitatis, & dummodo celebratio Missæ hujusmodi tempore navigationis facienda, dum Mare tranquillum, & Cælum serenum reperiatur, & cum assistentia alterius Presbyteri, seu Diaconi, fiat, ita ut periculum effusionis sanguinis in dicta celebratione minime adsit, auctoritate Apostolica tenore præsentium concedimus, & indulgemus. Non obstantibus Constitutionibus, & Ordinationibus Apostolicis, cæterisque contrariis quibuscumque.

Cum præscriptis conditionibus.

Dat. die 28.  
Apr. 1742.

Datum Romæ apud S. Mariam Majorem sub Annulo Piscatoris die XXVIII. Aprilis MDCCXLII. Pontificatus Nostri anno II.

*D. Cardinalis Passioneus*

LIII.

## PRO INSTITUTE

Apostolicæ Missionis in Regno Batgao in magno Thibet.

*Illustri, ac Potentissimo Regi Batgao.*

## B E N E D I C T U S P A P A X I V.

*Illustris, & Potentissime Rex, salutem, & Lumen Divinæ gratiæ.*

Desiderium Regis habendi Missionarios.

Quod a Pontifice commendatur, exposita Christianæ Disciplina præstantia.

Missionis institutio commendatur.

Et Regis Patrocinio commendatur.

**A** Dilecto Filio Viro Recinetensi Ordinis S. Francisci Capuccinorum faustus nuntius ad Nos pervenit, optare Celsitudinem tuam, ut aliquot ex ea Religiosa Familia isthuc ire, & in Regno tuo commorari jubeamus, qui populos imperio tuo subiectos Christianam fidem edoceant, dirigantque in viam salutis æternæ, quæ una a sapiente viro quærenda est, & haberi in desiderio debet. Hinc enimvero cognovimus, Celsitudinem tuam prudentissimi ingenii vi pollere, consiliique sagacitate. Cum enim Civium tuorum felicitas expetenda tibi sit, maximeque curandum, ut eos tuæ penitus voluntati obnoxios habeas, promptamque obedientia morigeros, aliam nullam in toto Orbe Terrarum Religionem invenies, quæ Regibus eorumque Magistratibus maiori severitate parere jubeat, quæque implacabile magis bellum indicat vitiis omnibus, unde humana Societas, velut pessifero veneno imbuta, quam maxime labefascitur. Huc siquidem spectant tradita Nobis a Supremo Cœli Terræque Domino Nostræ Sanctissimæ Religionis auctore, agendæ vitæ præcepta, servata utique diligenter.

Itaque pro Nostra in universum genus hominum caritate, pro utraque in Missionarios Nostros benevolentia, libenter mandavimus, ut aliquot ex eodem Capuccinorum cœtu statim ad vos iter arripiant, serantque in vestras Orientis partes Divinæ scientiæ lumen, ac sternant Tuæ Gentis munitionemque viam ad Cœlestem Patriam, & ad gaudium sempiternum. Utinam vero ipse, qui Regio assensu permittis Missionariis Nostriis, una commotis caritate, in id suo labore, sua pecunia, tantoque per Maris Terræque immensa spatia vitæ suæ discrimine, sedulam navare operam, exemplo præire velis subditæ Tibi Gentis docilitatem. Nihil profecto Nobis jucundius, Tibi salubrius evenire posset. In hujusmodi spem nos adducit data tuis literis

teris



teris fides, eosdem Missionarios Regiæ auctoritatis præsidio fultum iri, & liberum fore, per tuum Regnum Christianam doctrinam palam prædicare, eamque amplecti nullo impedimento. Qua de re amplissimas Celsitudini Tuæ agimus gratias, Deumque idcirco bonorum omnium Auctorem assiduo studio solícite obsecrabimus, ut tibi suo Numine propitius adsit, Teque omni cumulet prosperitate.

Datum Romæ apud S. Mariam Majorem sub Annulo Piscatoris die prima Maji anni MDCCXLII. Pontificatus Nostri Anno II.

Dat. die 1.  
Maji 1742.

J. Vincentius Lucchesinius.

## P R O M I S S I O N I S

LIV.

Apostolicæ Foundatione in Regno Bittiâ in magno Thibet.

*Illustri, ac Potentissimo Regi Bittiâ*

B E N E D I C T U S P A P A X I V.

*Illustris, & Potentissime rex, salutem & Isamen Divinæ gratiæ.*

**L**iteræ Celsitudinis Tuæ, quas Dilectus Filius Vitus Recinetensis e Sacro Franciscanorum Capuccinorum Ordine repræsentandas Nobis curavit, mirifice exhilararunt animum nostrum, eumque Tibi summopere obstrinxerunt. Dum enim postulas erudiri in Christiana Doctrinâ populos imperio tuo subiectos, atque idcirco apud Vos sub Regia protectione diversari Missionarios Capuccinos, ingenti Nos lætitia affecisti; quippe quibus, pro commissa humilitati nostræ Supremæ Ecclesiæ potestate, quam maxime cordi est, universum hominum genus æternam consequi felicitatem; nec aliter fieri possit, quam si Evangelica veritate imbuatur. Qua de re maximas Celsitudini Tuæ gratias agimus, precamurque Deum Optimum Maximum, ut apertus abs Te ad Cives tuos ejusdem percipiendæ veritatis aditus amplissimam Tibi tuoque Regno felicitatem afferat, eamque in primis, ut veritas ipsa pateat oculis sagacissimi animi tui. Nam intelliges, id unum sternere tibi posse viam ad æternam salutem, & nihil ad retinendos in imperio suaviter populos, & ad vitiorum illecebras expellendas magis conducere, ac Sacrosanctam Religionem Nostram, cujus inter præcipua præcepta illud est, ut Regibus, & Magistratibus eximio studio obediri debeat, & prorsus pura mente, atque inviolatis naturæ legibus vivendum sit, unde pax publica, quies & honestum otium exsurgit.

Missionis institutio a Rege per literas expetita.

Christianæ Legis præstantia.

Quod ut per tuam Ditionem feliciter eveniat, jussimus isthic, ut rogas, degere aliquos Capuccinos Missionarios, ac Te auctore, tuoque Regio præsidio, in opus istud gravissimum omnes curas cogitationesque intendere. Nec dubitamus quin Celsitudo tua ope, ac patrocinio foveat ipsorum labores, qui nullo rerum humanarum præmio, sed una ardentissima erga vos charitate, immensa propemodum terræ marisque spacia emensi isthuc Evangelii Lucem diffundere susceperunt. Hæc autem ut & Celsitudini Tuæ fulgeat, & omni cumuleris prosperitate, vehementer cupimus atque ominamur.

Conceditur Missionis fundatio eaque Regi commendatur.

Datum Romæ apud S. Mariam Majorem sub Annulo Piscatoris, die prima Maji 1742. Pontificatus Nostri Anno II.

Dat. die 1.  
Maji 1742.

J. Vincentius Lucchesinius.



LV.

## DECLARATUR

Quæ fuerit mens Pontificis in Constitutionibus super Jejunio editis.

*Venerabilis Fratri Andreæ Archiepiscopo Valentie*

BENEDICTUS PAPA XIV.

*Venerabilis Frater, salutem, & Apostolicam Benedictionem.*

Recurfus Ar-  
chiepiscopi  
ad summum  
Pontificem.

Qui questio-  
nem in abstracto  
definire  
non intendit.  
Sed præscri-  
bere legem  
concedendæ  
dispensatio-  
nis.

Dat. die 12.  
Maj 1743.

**C**ognovimus in Fraternitatis Tuæ literis inveteratum Hispaniæ pietatis morem, cui semper solemne, & proprium fuit, explicandum proponere Apostolicæ Sedis, quicquid obscuritatis eius decreta habere videantur. Laudavimus autem Pastoralionem de sensu literarum Nostrarum, quibus quo pacto Ecclesiastici jejunii lex observanda, aut solvenda sit, constituimus. Respondemus igitur postulato tuo, Nos in iisdem literis definiendum non suscepisse, an qui Ecclesiastica auctoritate ab jejunio excusantur, non solum vetitis cibis uti, sed justæ pariter vespertinæ abstinentiæ fructu egredi queant. Præcipimus autem Episcopis, eorumque Delegatis, ut nemini veniendi carnibus aliisque Cibis vetitis veniam tribuant, nisi sub gravi, imperata simul vigilantia Grægi tuo indicendum iubeto. Interea Fraternitatis Tuæ, haud ignari, quæ ipse excellas religione, virtute, atque in nos Romanamque Sedem eximia observantia, Apostolicam Benedictionem peramanter impertimur.

Datum Romæ apud S. Mariam Majorem sub Annulo Piscatoris, die XII. Maji MDCCXLIII. Pontificatus Nostri Anno II.

*J. Vincentius Lucchesinus.*

LVI.

## SPICARUM COLLECTIO

Post absolutam Messeni, Pauperibus permittenda.

*Venerabilibus Fratribus Archiepiscopis, & Episcopis Ditionis Ecclesiasticæ*

BENEDICTUS PAPA XIV.

*Venerabiles Fratres, salutem, & Apostolicam Benedictionem.*

Pauperum  
querelæ ad  
Pontificem  
presentem  
delatæ.

**A** Cerbi pleni doloris argumentum paterno cordi nostro præbuerunt clamores Pauperum, quos mensè Junio superioris anni moleste accepimus, cum ad Arcem nostram Gandulphi secedentes, quæsitæ ad valetudinem saluberrimi aeris amænitate, ad proxima eidem Arci loca diverteremus. Multorum siquidem vocibus, ac lacrymis proposita Nobis est querela contra Agrorum Dominos, qui oculos suos in terram declinantes, pio, & antiquo immutato more Pauperes, Messè jam absoluta, Spicas colligere non patiuntur: sed illas, vel Agrorum Conduktoribus aucto censu colligendas, vel gregibus animalium vorandas relinquunt, in proprium traducentes compendium pie sanctæque instituta misericordiæ præsidia. Hujusmodi querelas nostris quotidie obstreperantes auribus confirmarunt supplices Egenorum libelli, eum in finem Nobis exhibiti, ut antiqua colligendarum Spicarum libertas, non sine injuria sublata, auctoritate nostra in commune solatium restitueretur.

Eadem alio-  
rum relatio-  
nibus confir-  
mantur.

S. 1. Verum etsi hujusmodi licentia, ultra domini jura fortasse provecta, plurimum nos commoveret, nulloque pacto ferendam esse intelligeremus, apertis Sacrarum literarum testimoniis; nihilominus magni momenti negotium in aliud tempus duximus reiiciendum, ut in eo absolvendo Sacræ Scripturæ Interpretes, qui tunc nobis deerant, faciem præferrent, totaque lege, ut ajunt, perspecta consultius aliquid



quid deliberare possemus. Id vero longe fuit opportunum, tum quia tantum Nobis otii, ac quietis in summa temporum difficultate postea datum est, quantum ad rem sedulo investigandum necesse fuit: Tum quia interea perpeximus, huiusmodi abusum irrepsisse in alia Ecclesiasticæ Ditionis loca magno detrimento Pauperum, qui causam suam prece, & lacrymis apud nos tuerentur.

§. 2. Tacti igitur intimo charitatis sensu, eo alacriores calamo manus nunc admoveamus, quo clarius, & luculentius constat Agrorum Dominos ad exercendam hanc in Pauperes liberalitatem Dei ipsius oraculo edoceri. Probe enim nostis, Venerabiles Fratres, scriptum Levitici cap. 19. *Cum messueris segetes Terræ tuæ, non tondebis usque ad solum superficiem terræ, nec remanentes Spicas colliges: neque in Vineâ tuâ racemos, & grana decidentia congregabis, sed Pauperibus, & Peregrinis carpenda dimittes: Ego Dominus Deus vester: Et rursus Deuteronomii cap. 24. Quando messueris segetem in Agro tuo, & oblitus manipulum reliqueris, non reverteris, ut tollas illum, sed Advenam, & Pupillum, & Viduam auferre patieris, ut benedicat tibi Dominus Deus tuus in omni opere manuum tuarum. Si fruges collegeris olivarum, quidquid remanserit in arboribus, non reverteris ut colligas, sed relinques Advenæ, Pupillo, ac Viduæ. Si vindemiaveris Vineam tuam, non colliges remanentes racemos, sed cedent in usus Advenæ, Pupilli, ac Viduæ.*

§. 3. Illud etiam accedit, quod in libro Ruth cap. 2. legimus, Eam Socru suæ Noem dixisse: *Vadam in Agrum & colligam Spicas, quæ fugerint manus metentium, ubicunque clementis in me Patrisfamilias reperero gratiam; Et paulo post in Agrum Booz ingressam, Spicas collegisse, ut sacræ testantur Literæ: Abiit itaque, & colligebat Spicas, post terga metentium: Cum vero percunctanti Booz, quam illa esset Mulier, Moabitidem esse responderetur; nec desissent qui testarentur, illam a primo mane ad eam usque horam spicas collegisse: Audi (inquit) Filia, ne vadas in alterutrum Agrum ad colligendum, nec recede ab hoc loco; sed jungere Puellis meis, & ubi messuerint, sequere: Mandavi enim Pueris meis, ut nemo molestus sit tibi: Præterea tantum pii Viri animus a contumeliis absuit, ut eam non colligere tantum relinqueret, sed & integras spicas metere passus sit, iubens ea de causa Messoribus: Etiam si vobiscum metere voluerit, ne prohibeatis eam: Quare cum sese domum Ruth recepisset, tantamque frumenti copiam Socru suæ ostendisset acceptam; illa memori ac grato animo, collectas fruges Datori censuit referendas, inquiens: Sit benedictus qui misertus est tui.*

§. 4. Longa Nobis oratione uti necesse esset, si Sacrorum Interpretum, si Juris quoque Consultorum sententias ea de re afferre vellemus; ipsis diu, multumque perquirentibus, an veteri lege cessante, permittendarum Spicarum præceptum obtineret: An charitatis officiosæ monitum, vel potius iustitiæ exigentis imperium fuerit. Si enim ex præcepto Divinæ legis proflueret hæc pietas in Pauperes exercenda: quæsito veluti ex præcepto jure Mulier in Agro Booz decedentes Spicas sibi vindicaret, nec ad eas obtinendas caute inita fuissent prudentiæ, & artis ingeniosa consilia.

§. 5. His consulto omissis, in id potissimum collimant nostræ Apostolicæ sollicitudinis partes, ut Agrorum Domini tanto commoti exemplo, nostrisque vocibus incensi, Pauperes exigua hac ope fraudari non patiantur. Meminerint, non humano labore, sed singulari Dei beneficio, qui dat escam in tempore, uberes terræ fructus comparari, & copioso veluti fenore augeri quidquid in Pauperes pie erogatur. Quod quidem, cum sæpe in Sacris Paginis cautum sit, tum maxime pollicetur Deus Deuteronomio Spicas Pauperibus ultro largientibus, in iis verbis: *Ut benedicat tibi Dominus Deus tuus in omni opere manuum tuarum.*

§. 6. Injuncto tamen Apostolico muneri deesse videremur, nisi nostra etiam studia, & officia ad vos converteremus, Venerabiles Fratres, quibus solemne semper fuit, causam Pauperum, quæ causa Dei est, omni ope, & conatu tueri. Ideoque majori quo possumus paternæ charitatis sensu hortamur, & obtestamur, ut in vestram veluti clientelam suscipiendes Pauperes, dignum pietate vestra zelum exhibeatis. Vestris primum vocibus, & exhortationibus, ac mandatis etiam in singulis Diocesium vestrarum Parochiis inter Missarum solemnia evulgandis, commendetur Egenorum causa, agnoscatque Populus, quam turpe, ac Christiano nomini indecorum sit, messe jam absoluta, Pauperes ab Agri finibus amoveri. Potissimum vero intelligant Agrorum Domini, colligendarum Spicarum morem immutato consilio sublatum fuisse

Sacra Scriptura  
loci pro  
pauperibus.

Exemplum ex  
Libro Ruth.

Interpretum  
& Doctorum  
opinionum  
auctoritas.

Pontifex hortatur  
Agrorum  
Dominos ad  
misericordiam  
in pauperes.

Et horum  
causam com-  
mendat Epi-  
scopus.

in iis.



in iis locis, in quibus diuturno usu jam invaluerat, ibique restitui omnino oportere: Ubi vero pia hæc consuetudo recepta adhuc non sit, pro viribus inducatur, in solatium Egenorum, qui gravi saltem, si non extrema laborant inopia, quique in difficultium temporum angustiis magis, magisque conficiuntur.

Item scholis  
animarum  
Pastoribus.

§. 7. Demum Curatores Animarum in Populi aures, animosque ingerant, certa non satis ratione constare, an quod veteri lege cautum est, nova abrogatum sit; & an Pauperes quæsito ex præcepto jure, vel impetrato a misericordia beneficio, colligendarum Spicarum libertate fruantur. Plura de hoc argumento subijcere non sunt evidens æquitas Causæ: Sed afflictis Pauperum rebus solatium a perspecto zelo, & pietate vestra polliciti, Apostolicam Vobis benedictionem ex animo impertimur.

Dat. die 22.  
Maji 1742.

Datum Romæ, apud S. Mariam Majorem die XXII. Maji MDCCXLII. Pontificatus Nostri Anno II.

LVII.

## DE DOGMATIBUS ET RITIBUS

Ab Italo-Græcis tenendis, atque servandis.

BENEDICTUS EPISCOPUS. SERVUS SERVORUM DEI.

*Ad perpetuam rei memoriam.*

Proœmium.

**E** T si Pastoralis Romani Pontificis vigilantia ad omnes Christianos longissimis etiam Locorum intervallis distantes, ac vitæ, rituum, & linguarum genere inter se maxime differentes paterna charitate sese extendat, omnemque curam, ac studium adhibeat, ubique Terrarum Catholicæ Fidei integritas, Ecclesiasticæ Disciplinæ nitor, probitasque morum, facta testis ferventur; majoribus tamen Pontificiæ sollicitudinis studiis in eos intendit, qui in Ditione Ecclesiastica, & in reliquis Italiæ partibus, ejusque Insulis adjacentibus sive orti, sive aliunde advecti Incolæ commorantur. Cum itaque factum sit, ut grassantibus jamdudum per totum Orientem, tum barbarum infidelium immanitate, tum etiam Schismaticorum perfidia, plurimis ex Græcia, Epiro, Albania, aliisque Asiæ regionibus, ad Italiam, eique adjacentes insulas, tamquam ad fidei, & tranquillitatis portum confuentes, ibidem Sedes, ac domicilium collocaverint, & tam ipsi, quam eorum Filii, Græcorum mores, instituta, ritus, & consuetudines a Græcis Progenitoribus sibi traditas studiose, enixeque servare pergant; ita tamen, ut debitam Romanæ Ecclesiæ obedientiam, ac devotionem omnino profiteantur; hinc est, quod Nos, qui ineffabili Dei clementia, meritis licet imparibus, eius vicem gerimus in terris, apud quem non est Græcus, & Judæus, Barbarus, & Scythæ, (omnes enim unum sunt in Christo Jesu). Græcos, & Albanenses Græci Ritus, tam in Ditione nostra Ecclesiastica, & utraque Sicilia, quam in reliquis Italiæ partibus, & Insulis adjacentibus, in Diocesi Latino-rum Episcoporum commorantes, specialibus favoribus, & gratis prosequi volentes; omnia & singula, quæ laudabiliter provida Romanorum Pontificum Prædecessorum nostrorum ordinatione Græcis, & Albanensibus prædictis, tum quoad rituum Græcorum, sive consuetudinum observantiam, tum quoad privilegia, immunitates, exemptiones, favores, indulta, & gratiis, concessa, statuta, ordinata, indulta, & facta dignoscuntur, ut pleniorum roboris firmitatem obtineant, eoque firmitus, & stabilius illibata, inconcussa que perdurent, quo sæpius sunt in genere, & specie Sedis Apostolicæ præsidio communita, per præsentis nostras Literas innovamus, confirmamus, & approbamus, illisque nostræ approbationis, confirmationis, & innovationis robur adjicimus; ut iisdem privilegiis, immunitatibus, exemptionibus, indultis, gratiis, favoribus, perinde ac Clerici Latini tam Sæculares, quam Regulares, eorumque Ecclesiæ, Monasteria, & Bona in iisdem Locis, ubi Italo-Græci commorantur, utuntur, potiuntur, & gaudent, uti, potiri, & gaudere libere possint, ac valeant; ut privilegiis, & gratiis hujusmodi sibi concessis in Domino plene gaudentes, in tranquillitate pacis conquiescant, & per semitam mandatorum Dei gradientes, ferventiori erga Apostolicam Sedem devotione perseverent.

Causa hujus  
Constitutio-  
nis, & con-  
firmationis  
Privilegiorum  
quæ Italo  
Græcis tam  
Sæcularibus,  
quam Regu-  
laribus a San-  
cta Sede con-  
cessa fuere.

Quo-



Quoniam vero pro diversis rerum, ac temporum circumstantiis plures, ac diversæ editæ fuerunt ab iisdem Prædecessoribus nostris Romanis Pontificibus, & a nonnullis Venerabilibus Fratribus nostrorum S. R. E. Cardinalium Congregationibus circa eosdem Græcos, & Albanenses, eorumque ritus, consuetudines, instituta, debitamque latinis Præsulibus, in quorum Diocesi degunt, subjectionem Apostolicæ Constitutiones, ordinationes, responsa, edicta, & decreta; eamque ob causam tam de ritibus ipsorum Græcorum, Albanensium, quam de eorundem Sacerdotum potestate, & Latinorum etiam Præsulum, atque Parochorum jurisdictione, & auctoritate sæpe obortæ sunt, & oboriri solent quæstiones & controversiæ: Nos pro nostra Pastoralis officii sollicitudine, quantum in Nobis est, hisce malis opportunum remedium adhibere, causasque omnes litium, iurgiorum, dissidiorum, contentionum, quæstionum, & controversiarum amputare, certamque super rebus huiusmodi tum præfatis Græcis, & Albanensibus Græci ritus, tum Latinis Episcopis, & Parochis regulam, normam, & instructionem, cui potissimum sese in posterum conformare, & in singulis occurrentibus dubiis, & casibus inhærere debeant, tradere cupientes; omnia & quæcumque per eosdem Romanos Pontifices Prædecessores nostros, ac præsertim Innocentium IV. Leonem X. Clementem VII. Paulum III. Julium etiam III. Pium IV. & V. Gregorium XIII. Clementem VIII. & forsitan alios Romanos Pontifices circa memoratos Græcos, & Albanenses, eorumque ritus, & consuetudines ordinata, & constituta fuisse comperimus, ut quo sæpius fideles ipsi illa perspiciunt innovari, eo ferventius, ac promptius ad illorum observantiam excitentur; in aliis omnibus, præterquam in iis, quæ præsentibus nostris adversantur, confirmanda & innovanda, nostroque auctoritatis munimine roboranda esse censemus, & confirmamus, atque innovamus, aliaque insuper motu proprio, & ex certa scientia, maturaque deliberatione nostra, ac de Apostolicæ potestatis plenitudine, hac nostra perpetuo valitura sanctione, & Constitutione, disponimus, constituimus, ordinamus, decernimus, & declaramus, prout in Domino conspiciamus expedire.

Confirmatio  
& innovatio  
Constitutio  
nisi Aposto-  
licarum quo-  
ad Italico-Græ-  
cos.

## S. I.

## De Fide Catholica.

**A**C primo quidem cum Catholica Fides sit ejusmodi, ut nisi eam quisque integram inviolatamque servaverit, salvus esse non possit, quæcumque credit, ac docet Sacrosancta Romana Ecclesia, ea omnia, & singula iisdem Græcis, & Albanensibus Græci ritus integre, firmiter, indubitanterque credere atque affirmare tenentur, prout in Sacra Œcumenica Synodo Florentina super unione Occidentalis, & Orientalis Ecclesiæ, definitum & declaratum fuit; & in professione Orthodoxæ Fidei a Græcis jussu Gregorii Papæ XIII. Prædecessoris nostri emittenda continetur, videlicet.

I. Quod Spiritus Sanctus a Patre, & Filio æternaliter est, & essentiam suam, sumque esse subsistens habet ex Patre simul, & Filio, & ex utroque æternaliter tamquam ab uno principio, & unica spiratione, procedit: Et quod ea Verborum illorum: *Filioque*: explicatio, veritatis declarandæ gratia, & imminente tunc necessitate, licite ac rationabiliter Symbolo fuit apposita.

De Processione  
ne Spir. Sancti  
ex Patre,  
& Filioque.

Etsi autem Græci teneantur credere, etiam a Filio Spiritum Sanctum procedere, non tamen tenentur in Symbolo pronunciare; contraria tamen consuetudo ab Albanensibus Græci ritus laudabiliter recepta est, quam ab iisdem Albanensibus, aliisque quibuscumque, in Ecclesiis, ubi ea viget, servari volumus; quin etiam a Græcis Presbyteris aliarum quarumcumque Regionum commorantibus in Italia, ejusque insulis adjacentibus, si ab Ordinariis Locorum, vel ob suspensionem hæresis, vel ob scandalum, vel ob aliam justam causam requisiti fuerint, particulam illam: *Filioque*: in Symbolo pronunciari præcipimus, ac mandamus.

II. Item profiteri tenentur, tam in azymo, quam in fermentato pane triticeo, Corpus Christi veraciter confici: & Sacerdotes in alterutro ipsum Domini Corpus conficere debere, unumquemque scilicet juxta suæ Ecclesiæ sive Occidentalis sive Orientalis consuetudinem.

De azymo, &  
fermentato.

III. Item, si vere poenitentes in Dei charitate decesserint, antequam dignis poenitentiae fructibus de commissis, & omnis satisfecerint, eorum animas poenis Purgatoriis post

De Purgatorio.



rii post mortem purgari: & ut a pœnis huiusmodi releventur, prodesse eis Fidelium virorum suffragia, Missarum scilicet Sacrificia, orationes, & eleemosynas, & alia pietatis officia, quæ a Fidelibus pro aliis Fidelibus fieri consueverunt secundum Ecclesiæ instituta.

De visione  
beatæ San-  
ctorum.

IV. Illorumque animas, qui post baptismum susceptum, nullam omnino peccati maculam incurrunt, tum illas etiam, quæ post contractam peccati maculam, vel in suis Corporibus, vel eidem exutæ corporibus, prout superius dictum est, sint purgatæ, in Cœlum mox recipi, & intueri clare ipsum Deum Trinum, & Unum, sicuti est, pro diversa tamen meritorum ratione, aliam alia perfectius.

De animabus  
in peccato ac-  
tualiter morta-  
li, vel origi-  
nali deceden-  
tibus.

V. Illorum autem animas, qui in actuali mortali peccato, vel solo originali decedunt, mox in infernum descendere, pœnis tamen disparibus puniendas.

De Romani  
Pontificis pri-  
matu.

VI. Item Sanctam Apostolicam Sedem, & Romanum Pontificem in universum Orbem tenere primatum, & ipsum Pontificem Romanum Successorem esse Beati Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem, & Doctorem existere, & ipsi in B. Petro pascendi, regendi, & gubernandi universalem Ecclesiam a Domino Nostro Jesu Christo plenam potestatem traditam esse, quemadmodum etiam in actis Œcumenicorum Conciliorum, & in Sacris Canonibus continetur.

De recipien-  
dis, & reji-  
ciendis cete-  
ris quacum-  
que recipit,  
& rejicit San-  
cta Rom. Eccl.

VII. Cætera item omnia, quæ a Sacris Canonibus, & Œcumenicis Conciliis, ac præcipue a Sacrosancta Tridentina Synodo, & a Gregorio XII. Prædecessore nostro in professione prædicta Orthodoxæ Fidei a Græcis emittenda, tradita, definita, & declarata fuerunt, indubitanter recipere, ac profiteri debent, simulque contraria omnia, & Schismata, atque hæreses quascumque, a Sancta Catholica, & Apostolica Ecclesia Romana omnium Ecclesiarum Matre, & Magistra damnatas, rejectas, anathematizatas, pariter damnare, rejicere, anathematizare, & abjurare omnino tenentur.

## §. II.

*De Sacramento Baptismi, pueris baptizatis, ritusque in Baptismate suscepti mutatione.*

Sacramenti  
Confirm. Col-  
latio, quæ in  
Euchologio  
Græcorum  
post Baptism.  
præscribitur,  
a Græcis Pres-  
byteris est  
prætermittenda.  
Non sunt in-  
quietandi  
Presbyteri  
Græci quoad  
Sacram. Bapt.  
In unctioni-  
bus, quæ circa  
Baptism. fiunt,  
ritum tuum in  
Euchologio  
descriptum  
sequi permit-  
tuntur.

I. **P**resbyteri Græci baptizatos Chrismate in fronte non consignent; & ideo ab ipsis in ordine baptismi apud eorum Euchologium prætermittantur, quæ sequuntur post illa verba, *καὶ μετὰ τὴν εὐχὴν ὁ* usque ibi: *ἐπεὶ ποιεῖ ὁ ἱερεὺς σχῆμα κύκλου:* hoc est: *Et post orationem &c.* ubi habetur forma hujus consignationis, uique ad illa: *Postea facit Sacerdos figuram circuli &c.*

Toleratur ri-  
tus unguendi  
per totum Ba-  
ptizandorum  
corpora, si  
tollit sine scan-  
dalo non pos-  
sit.

II. Cum Presbyteris Græcis in Euchologio hæc Baptismi forma præscribatur: *Baptizatur Servus Dei N. in nomine Patris, & Filii, & Spiritus Sancti:* quæ latinæ formæ: *Ego te baptizo in nomine &c.* æquivallet: trinaque aquæ immersione, seu asperione in eo conferendo utantur, non sunt his super rebus a Latinis Locorum Ordinariis inquietandi.

Nec refert ut-  
rum in frigi-  
da vel calida  
aqua bapti-  
zetur.  
Græci Parochi  
rite Baptism.  
conferunt a-  
qua per ipsos  
græco more  
benedicta.

III. Et si Græcis in Regno Cypri commorantibus Innocentius IV. Prædecessor noster olim injunxerit, ut in unctionibus, quæ circa Baptisma fiunt, morem Ecclesiæ Romanæ teneant, & observent; Si tamen Presbyteri Albanenses ritum unguendi pectus, & dorsum medium, aures, pedes, atque manus, in Euchologio descriptum servare voluerint, ubi non est contraria consuetudo, non sunt impediendi.

IV. Ritus autem, seu consuetudo, quam habere dicuntur Græci Orientales, unguendi per totum baptizandorum corpora, si alicubi tolli, vel removeri sine scandalo non potest, cum sive fiat, sive non, quantum ad baptismi efficaciam, vel effectum, non multum referat, in iisdem toleretur.

V. Nec refert etiam utrum frigida, vel calida aqua baptizent, cum in utraque Baptismum habere parem vim, atque effectum, affirmare, & tenere dicantur.

VI. Si in eadem Ecclesia infantes utriusque Ritus baptizentur, Græcus Parochus Subditis suis aqua per ipsum Græco more benedicta rite Baptismum confert, ac propterea molestandus non est, si non utatur aqua baptismali, quæ a Parochis Latinis iuxta morem Romanæ Ecclesiæ adhibetur: Curent tamen Ordinarii, ut adsit aqua baptismalis latine consecrata, quam omnino (præter casum urgentis necessitatis) Sacerdos Latinus adhibeat, quoties ei occurrerint latinos pueros ad Baptismum excipere.



VII. Cum administratio Sacramenti Eucharistiæ, quod sub una, vel sub utraque specie Infantibus in Baptismo, & Pueris in Missa solent Græci exhibere; nihil contra Orthodoxam fidem, bonosque mores contineat ( dummodo iidem Græci credant, firmiterque teneant, communionem huiusmodi non esse necessariam ad salutem, & Baptismum sine communione valide, ac licite posse ministrari ); quia tamen ad decentiam, & reverentiam Sacramenti magis expedit, si illud eisdem denegetur: propterea ne Græci, vel Albanenses Græci Ritus Eucharistiæ Sacramentum sub una, vel sub utraque specie Infantibus rationis usu carentibus in Baptismo, nec Pueris in Missa ministrent, interdiciamus, ac prohibemus.

VIII. Infantes nati ex Patre, & Matre Græcis, ritu Græco, nisi aliter Parentes, accedente Ordinarii consensu, voluerint, baptizari debent.

IX. Nati vero ex Patre Latino, & Matre Græca, latinis sunt cæremoniis baptizandi; Proles enim sequi omnino debet Patris Ritus, si sit Latinus.

X. Si vero Pater sit Græcus, & Mater Latina, liberum erit eidem Patri, ut Proles, vel ritu Græco baptizetur, vel etiam ritu Latino, si Uxor Latina prævaluerit, id est si in gratiam Uxoris Latinæ, consenserit Græcus Pater, ut latino ritu baptizetur.

XI. Infantes ad ejus Parochi jurisdictionem pertinent, cujus ritu sunt baptizati, cum per Baptismum fiat suscepti ritus Græci, vel Latini professio; ita ut ad Latinum ritum spectent qui latinis cæremoniis baptizati fuerint; qui vero ritu Græco Sacramentum Baptismi susceperint, in Græcorum numero sunt habendi; adeoque si ante usum rationis decesserint, a proprio, cujus ritu baptizati sunt, Parocho, & in propria Parochia sunt jure communi sepeliendi, nisi iis Baptismus collatus fuerit, vel ob gravem necessitatem, cum nimirum morti proximi fuerint, nec haberi potuerit proprii Parochi, vel ritus copia, vel ex dispensatione Apostolica, cum videlicet facultas data fuerit, ut latine quidem baptizentur, sed in suo ritu Græco permaneant; In his enim casibus non censentur a proprio ad alium ritum transiisse. Post usum autem rationis idem dicendum; nisi quis in alieni ritus Ecclesia sepeliri cupiat; si quis enim Græco ritu baptizatus, in Latina Ecclesia, vel latine Baptismate initiatus, in Ecclesia Græca sepulturam eligat, juris regulæ sunt servandæ: nimirum cadaver extra propriam Parochiam a proprio Parocho esse associandum, quarta funerali ei minime imminuta, & ubi tumulandum est cadaver, ibi a Parocho illius Ecclesiæ, sive latinæ, sive Græcæ sunt exequiæ celebrandæ.

XII. Quando vero Infantibus prædictis, seu etiam adultis, exequiæ ritu Græco, & in Ecclesia Græca, ut præsertur, jure communi sunt celebrandæ, tunc nullum jus habet Latinus Parochus interessendi cum Græco Parocho, nec partem aliquam Stolæ percipiendi; similiter nullum jus competit Parocho Græco, quando exequiæ in Ecclesia Latina, & per Latinum Parochum sunt peragendæ; sed servanda sunt utrobique Statuta de juribus Parochorum circa sepulturam eorum, qui ad propriam Parochiam spectant.

XIII. Quem ritum semel in baptismo sunt professi, sive Latinum, sive Græcum, in eo institui, & educari debent, nec ad alium possunt transire, si Latinum semel susceperint; ritus enim Latinus propter suam præstantiam, eo quod sit ritus Sanctæ Romanæ Ecclesiæ omnium Ecclesiarum Matris, & Magistræ, sic supra Græcum ritum prævalet, maxime in Italicis regionibus, ubi latinis Episcopis Græci subiecti sunt, ut non modo ab ipso ad Græcum transitus nullatenus permittatur; verum etiam a Græcis semel assumptus, absque Apostolica dispensatione deseri nequeat.

XIV. Quod si Infans Græcum ritum in Baptismate susceperit, tunc requirendus est primum Patris Græci consensus, deinde Episcopi Latini licentia, ut possit Mater Latina Filium suum Græce baptizatum ad latinæ cæremonias traducere. Adultis autem, si quidem sunt Ecclesiastici, in quocumque Ordine minori, vel etiam majori constituti, Sæculares, vel Regulares, a Ritu Græco ad latinum sine expressa Sedis Apostolicæ licentia transire non liceat: si Laici, ut ad ritum latinum transire possint, Episcopus Dioecesanus pro sua prudentia permittere valeat; Non tamen Communicati Græcorum, sive Albanensium huiusmodi, sine Sedis Apostolicæ licentia, sed solum privatis personis, attenta uniuscujusque necessitate.

Prohibetur Græci, ne Infantibus in Baptismo, nec Pueris in Missa Sacramentum Eucharistiæ ministrent.

Proles Parente utroque Græco progenita Græco ritu baptizetur, Latine baptizetur infans ex Patre Latino, & Matre Græca natus.

Ex Patre autem Græco Latina Matre natus latine Baptismum suscipere potest, si Latina Uxor prævaluerit.

Infantes ad ejus Parochi jurisdictionem spectant & ab eo sunt sepeliendi, si ante usum rationis decesserint, cujus ritu sunt baptizati, sive Græco sive Latino: Et quid post usum rationis.

Cum Infantibus, sive adultis, ritu Græco in Ecclesia Græca sunt exequiæ celebrandæ, nullum jus est Latino parochi interessendi aut partem stolæ percipiendi, & contra.

In quo quis ritus est baptizatus, in eo educari, & vixere debet. Ritus Latinus semel assumptus deseri nequit.

Quando de ritu Græco ad latinum transire licet.



## §. III.

*De Sacramento Confirmationis.*

Episcopi Latini Infantes a Græcis Presbyteris baptizatos, & absolute Chrismate confirmatos confirmant.

Sub conditione autem, si verosimiliter dubitari potest quod ab Episcopis Græcis fuerint baptizati.

Idem dicendum si Episcopus Latinus ordinet aliquem Græcum ab Episcopo Græco baptizatum, de quo non constet fuisse Chrismate confirmatum.

Confirmati a simplici Sacerdote cogendi non sunt recipere ab Episcopo Confirmationis Sacramentum.

Ubi Græcus Catholicus Episcopus habetur, Sacramentum Confirmationis Episcopi Latini non admittunt.

Non sunt cogendi Presbyteri Græci, præter Chrisma, alia Olea sancta ab Episcopo Latino accipere.

Prohibeantur Chrisma accipere ab Episcopis Schismaticis.

Item a quocumque alio Episcopo etiam Catholico, præter Ordinarium Latinum.

Unctio non est sufficiens satisfactio poenitentiae.

Extrema Unctio infirmis exhibenda.

Per unum, vel plures Presbyteros administrari potest.

I. **E**piscopi Latini Infantes, seu alios in suis Diocesis baptizatos a Presbyteris Græcis absolute Chrismate in fronte consignatos confirmant; cum neque per Prædecessores nostros, neque per Nos Græcis Presbyteris in Italia, & Insulis adjacentibus, ut infantibus baptizatis Sacramentum Confirmationis conferant, facultas concessa sit, aut concedatur; quinimo usque ab anno 1595. a sel. rec. Clemente VIII. Prædecessores nostro fuit Presbyteris Italo-Græcis expresse interdictum, ne baptizatos Chrismate consignet.

II. Secus sub conditione, & cum cautela eos confirmare debent, de quibus verosimiliter dubitari potest, utrum ab Episcopis Græcis ordinem Baptismi juxta eorum Euchologium servantibus, fuerint baptizati.

III. Idem dicendum, si Episcopus Latinus ex dispensatione Apostolica Græcum aliquem ordinaverit, qui a Presbytero Græco in Italia, vel adjacentibus Insulis fuerit baptizatus, nec constet, illum ab aliquo Episcopo, sive Latino, sive Græco, chrismate in fronte fuisse consignatum; debet nimirum illum antea absolute confirmare; sub conditione autem, si verosimiliter dubium esse possit, an ab Episcopo Græco fuerit baptizatus.

IV. Quamvis confirmati a simplici Sacerdote, cogendi non sunt ejusmodi Confirmationis Sacramentum ab Episcopo suscipere, si ex tali coactione scandala oriri possent: cum Sacramentum Confirmationis ejusmodi necessitatem non habeat, ut sine eo salvus quis esse non possit; monendi tamen sunt ab Ordinariis Locorum, eos gravis peccati reatu teneri, si cum possunt ad confirmationem accedere, illam renuunt, ac negligunt.

V. Ubi Græcus Catholicus Episcopus haberi potest, prout habetur constitutus in Collegio Corsino Italo-Græcorum in Calabria, curent omnino latini Ordinarii, ut ab illo potius Græcis caeremoniis juxta Græcum Euchologium, quam a se latino ritu, Sacramentum Confirmationis Subditis suis Græco ritu viventibus Chrismate a Latinis Episcopis accepto ministretur, ne scilicet Ecclesiarum ritus, quoad fieri potest, misceantur.

## §. IV.

*De Oleo Sancto Chrismatis, Catechumenorum, & infirmorum.*

I. **N**on sunt cogendi Presbyteri Græci Olea Sancta, præter Chrisma, ab Episcopis Latinis Diocesani accipere, cum hujusmodi Olea ab eis in ipsa Oleorum, & Sacramentorum exhibitione, ex veteri ritu, conficiantur, seu benedicantur; nisi tamen contra consuetudo introducta sit, quam servari volumus, ac mandamus. Chrisma autem, quod nonnisi ab Episcopo, etiam juxta eorum ritum, benedici potest, cogantur accipere.

II. Non audeant tamen ab Episcopis Græcis externis Schismaticis, seu Sanctæ Romanæ Ecclesiæ communionem non habentibus, illud accipere, vel eo uti.

III. Item abstineant Chrisma accipere a quocumque alio Episcopo Latino, seu Græco Catholico, præter suum Ordinarium Latinum, cujus jurisdictioni subjiciuntur.

## §. V.

*De Sacramentis Pœnitentiæ, & extremæ Unctionis.*

I. **N**ulli per Sacerdotes, vel Confessarios, pro satisfactione poenitentiae, unctio aliqua solummodo injungatur.

II. Infirmis vero, juxta verbum Jacobi Apostoli, unctio exhibeatur extrema.

III. Nec refert, utrum eadem Extrema Unctio per unum, vel plures Presbyteros fiat, ubi hujusmodi viget consuetudo; dummodo credant, & asserant, illud Sacramen-



mentum, servata debita materia, & forma, ab uno Presbytero valide, & licite confici.

IV. Idem Sacerdos materiam adhibere, formamque pronunciare respective debet; ac propterea, qui ungit, idem dicat formam respondentem, nec alius ungat, & alius formam pronuntiet.

V. In casu necessitatis Presbyteri Græci Catholici possunt latinos absolvere; utantur tamen forma absolutionis in Concilio Generali Florentino præscripta, postea vero, si voluerint dicant orationem illam deprecativam, quam pro forma hujusmodi absolutionis dicere tantum consueverunt.

VI. Extra vero casum necessitatis, si quos ex Presbyteris Albanensibus peritos, & ad confessiones omnium audiendas idoneos Ordinarius Latinus judicaverit, ut non solum Græcos, sed etiam Latinos ad se accedentes possint absolvere, id eorundem Ordinariorum prudentiæ, & arbitrio relinquatur.

VII. Sacerdotes quoque Conjugati, alique, quibus Parochiarum cura, vel Ecclesiarum Parochialium regimen per Episcopos suos committitur, licite, & libere possint Parochianorum suorum confessiones audire, ipsisque pœnitentiam injungere pro peccatis; quia cui licet, vel conceditur, quod est majus, competit quoque, nec negari convenit, quod est minus.

VIII. Ecclesiarum Parochialium regimini præficiant Ordinarii Latini, si habere possint, eos, qui in Seminariis Italo-Græcorum erectis, altero quidem Panormi, altero autem in Calabria in Oppido Sancti Benedicti Ullano, vel in Collegio Græcorum in Urbe, trium ad minus annorum spatio versati sunt, studiisque literarum incubuerunt; duomodo cætera ad curam animarum exercendam requisita non desint, atque Episcopis ejusdem Seminarii Præsidis, seu respective Rectoris literas exhibeant, quæ de recta eorum vitæ ratione, deque in Græcis, Latinisque scientiis progressu testimonium ferant.

IX. Liberum tamen sit ipsis Episcopis, Viros alios idoneos Coadjutores, & Cooperatores Parochis Græcis, si opus fuerit, adungere in audiendis confessionibus, & pœnitentiis injungendis, ac cæteris, quæ ad salutem pertinent animarum; ipsisque in his per eorum Dioceses absque Sacerdotum ipsorum præjudicio, & gravamine, committere vices suas, cum propter occupationes multiplices, & occasiones varias, possit contingere, ut nequeant per eandem Diocesem officium suum exequi per seipsos.

X. Nunquam Monachis Græcis, seu Calogeris, Animarum cura committatur, nisi ex necessitate, vel alia justa causa.

XI. Presbyteri Sæculares Græci ex Albania, vel aliis Orientis partibus advenientes, abiuratis Schismate, & erroribus, atque in fide Catholica bene instrusti, in Parochialibus, seu Curatis Ecclesiis Græcorum institui possunt.

XII. Tollendus abusus, ubi est, ut vir, atque uxor simul, & eodem tempore eidem Presbytero confiteantur.

XIII. Aqua ex ritu Græco in die Epiphaniæ, vel primo die mensis benedicta, conservetur in Ecclesia, ut illa Fideles adspersantur.

#### §. VI.

#### *De Sacramento Eucharistiæ, & Missæ Sacrificiis.*

I. Sacerdotes ad pœnitentiæ Sacramentum frequenter accedant, ut cum Divinum Mysterium peracturi sunt, nulli coram Deo crimini sint obnoxii; sed cor habeant omni pravitate vacuum, mundum, quoad fieri potest, ac purum: Indignum enim, ac auribus plane horrendum est, ut qui animum habet aliquo scelere foedatum, Sanctum Sanctorum impuris manibus contrectet, & placare Deum attentet, qui in peccatis existens, ipsius Dei furorem, & iracundiam provocat.

II. Item permittitur eisdem, facta jam consecratione, antequam Sacerdos communicet, juxta ritum in Liturgia præscriptum, aquam ferventem, seu tepidam in Sacrum Calicem infundere.

III. Tollatur abusus tundendi, vel etiam miscendi Sacro Oleo, ac iterum coquendi, vel alias exsiccandi species Sacramenti Sacræ Eucharistiæ Feria quinta Cœnæ Domini, ut deinde illud asservent.

Qui ungit, idem formam proferat Sacramenti. Forma absolutionis in Concilio Florentino præscripta utantur. Extra necessitatis casum, prudentiæ, & arbitrio Ordinariorum relinquatur, ut Presbyteri Albanenses Latinorum etiam confessiones excipere valeant.

Sacerdotes Conjugati possint, & curam suscipere Parochiarum, & Parochianorum confessiones audire.

Ecclesiarum Parochialium regimini præficiendi sunt, qui in Seminariis Italo-Græcorum, seu Albanensium trium ad minus annorum spatio versati sunt.

Possunt Ordinarii Latini alios Presbyteros idoneos Parochis Græcis, velut Coadjutores, & Cooperatores, adungere.

Monachis Græcis, nisi ex justa causa, non est cura animarum committenda.

Presbyteri Sæculares advenæ, abiuratis erroribus, & Schismate, in Parochos Græcorum institui possunt.

Vir, & Uxor non debent simul confiteri. Aqua benedictæ usus.

Sacerdotes ad Sacramentum Pœnitentiæ frequenter accedant; cum præsertim Divinum Sacrificium sunt peracturi.



Permittitur  
etiam, ut a-  
quam ferven-  
tem in ca-  
lceam infun-  
dant.

Interdicitur  
abusus tun-  
dendi, vel ex-  
secandi spe-  
cies Sacra-  
menti Eucha-  
ristie.

Euch. pro infir-  
mis renovan-  
da singulis  
octo, aut quin-  
decim diebus.  
Non asservan-  
da toto anno.

Servandus  
Græcorum ri-  
tus in celebra-  
tione Missæ  
sub certis  
conditionibus.

Ne Monachi  
iter agentes  
Eucharistiam  
secum ferant.

Permittuntur  
Græci Presby-  
teri sumere  
ritum,  
nonnisi semel  
in die super  
uno, eodem-  
que Altari Mis-  
sam celebra-  
re.

Conceditur  
Presbyteris  
Græcis, & Al-  
banensibus, ut  
in Ecclesiis  
suis præter Al-  
tare majus, a-  
lia quoque Al-  
taria eligant,  
in quibus ipsi  
Græci, vel La-  
tini Missas ce-  
lebrare possint.

Prohibetur  
Græci celebra-  
re ritu Latino,  
& Latini ritu  
Græco.

Prohibent, ne  
Latinus Pa-  
rochus Pyxidem  
in Ciborio cum  
Particulis sub  
specie fermenti  
pro communi-  
one Græco-  
rum, aut Pa-  
rochus Græcus  
sub specie a-  
zyymi pro com-

IV. Sanctissimum Eucharistiæ Sacramentum, quod pro Infirmis asservatur, singulis octo diebus, aut saltem quindecim renovetur.

V. Non asservetur idem Sacramentum toto anno: Si tamen asservatum fuerit, in fine anni sumatur.

VI. In celebratione Solemnium, & aliarum Missarum, & de hora celebrandi eas, dummodo in consecratione, vel consecratione formam verborum a Domino expressam, & traditam observent, & celebrando non transgrediantur horam nonam, suam sequi consuetudinem permittantur: ita tamen, ut jejunii lex de unica consecratione in die religiose servetur; & si alicubi viget consuetudo producendi jejunium cum Missa usque ad vespeream, minime aboleatur, sed in suo robore, ac firmitate permaneat.

VII. Si inter Græcos, qui in Italia, & Insulis adjacentibus degunt, viget abusus, quem in Orientalibus regionibus vigere perhibent, ut Monachi Eucharistiæ particulam suspensam ad collum, vel aliter secum deferant, necnon in privatis Domibus, ubi eos commorari contingat, retineant, ut eo auxilio freti, liberia quibuscumque periculis evadant; vel cum in longiora itinera se committunt, ea resciri valeant; eum omnino aboleri volumus, & expresse mandamus: præstatque Monachis, ne id in posterum facere audeant, severissime prohibemus. Obsequium enim, ac reverentia, qua singuli Fideles Augustissimum hoc Sacramentum prosequi debent, non patitur, ut privatim ac latenter, cujuscumque arbitrio & voluntate, domi illud retineatur, aut in itineribus, ac peregrinationibus asportetur.

VIII. Cum in Parochialibus Ecclesiis ipsorum Græcorum, ex antiquissimo, & hætenus servato ritu, nonnisi semel in die per unum Sacerdotem celebrare liceat, permittitur quidem Presbyteris Græcis suum, si velint, morem hac in parte servare: Interdicitur autem Latinis Sacerdotibus, ne Missas, & alia Divina Officia in distis Græcorum Ecclesiis, & super eorum Altaribus Majoribus, extra casum alicujus necessitatis, & aliorum Altarium, Ecclesiarumque defectus, & nisi ex Parochi Græci consensu, quem nullatenus hujusmodi in casibus negare possit, celebrent.

IX. Quia tamen ipsi Græci, & Albanenses Presbyteri Nobis humillime supplicarunt, ut sibi liceat pro Sacerdotum numero plures in die in suis Ecclesiis Missas celebrare: Nos ipsorum precibus annuere volentes, per præsentis nostras concedimus, ac indulgemus, ut in suis Parochialibus, vel aliis Ecclesiis, præter Altare Majus, alia etiam minora Altaria, seu Cappellas, Sacris Indumentis Græcorum, seu Latinorum more, ornata, seu ornatas, erigant, in quibus Latini, vel Græci Presbyteri respective suo quisque ritu celebrare valeant.

X. Cum in Sacro Generali Florentino Concilio præscriptum sit, ut unusquisque Sacerdos Eucharistiam juxta Ecclesiæ suæ ritum, sive Latinæ, sive Græcæ, in azyymi, seu fermentato conficere debeat, veritumque a Summis Romanis Pontificibus Prædecessoribus nostris, ne Latinus Sacerdos Græco ritu, aut Græcus Latino utatur; districtius inhibemus, etiam sub pœnis perpetuæ suspensionis a Divinis, ne Presbyteri Græci Latino more, & Latini Græco ritu, sub quovis licentiarum, & facultatum Missas, & alia Divina Officia, Græci Latino more, & Latini Græco ritu celebrandi, ab Apostolica Sede, & vel eius Legatis ac etiam Majori Pœnitentiaro pro tempore existente obtentorum prætextu, Missas, & alia Divina Officia celebrare, vel celebrari facere præsumant.

XI. Eadem quoque ratione, tam ubi sunt duæ Parochiæ, Latina altera, & altera Græca, quam in una eademque Parochiali Latinorum, vel etiam Græcorum Ecclesia, in qua, ut præmittitur, præter Altare majus, quod pro solis Græcis Sacerdotibus erectum est, minora quoque Altaria pro Latinorum Sacerdotum usu extructa conspiciuntur, statuimus, & decernimus, ut neque Latinus Parochus Pyxidem in Ciborio cum Particulis sub specie fermentati pro communionem Græcorum, neque Parochus Græcus sub specie azyymi pro communionem Latinorum, in quocumque Ecclesiæ suæ Altari retineat: sed unusquisque Sacerdos nonnisi in suo sive Græco sive Latino ritu Eucharistiam Fidelibus porrigere debeat.

XII. Ne Laici autem Latini communionem a Græcis Presbyteris sub specie fermentati recipiant, prohibemus omnino, & interdiciamus.

XIII. Græcis tamen Laicis permittimus, ut ubi Parochiam Græcam non habent, possint, si velint, in Ecclesia Latina Eucharistiam sub specie azyymi a Latinis Sacerdotibus sumere.



XIV. Quod in Locis, in quibus Græci, & Latini simul moram trahunt, & sunt utriusque ritus Ecclesiæ, Latini quidem in Fermentato, & Græci in azymo Sacramentum Eucharistiæ quandoque sumere soleant; si quidem hæc consuetudo sine Populi offensione, animorumque commotione removeri non potest, Ordinarii curam suam suavisissimis modis impendant, ut Latini semper in azymo, Græci autem, ubi propriam Parochiam habent, in fermentato communicent.

XV. Ut autem iidem Laici Græci Eucharistica sub utraque specie communione recte valeant, permittimus, in illis dumtaxat Locis, in quibus ejusmodi ritus introductus est, & ad præsentem usque diem servatur, ac viget: ita tamen, ut sub altera tantum specie totum, atque integrum Christum, verumque Sacramentum sumi firmiter credant, ac propterea, quoad fructum attinet, nulla gratia ad salutem necessaria eos fraudari, qui unam speciem solum accipiunt: ubi vero præfatus ritus consuetudine hætenus receptus non est, Episcopis, quorum jurisdictioni Græci subijciuntur, curæ sit, ne in posterum admittatur.

XVI. Volentes autem specialem ipsis Græcis, & Albanensibus Presbyteris gratiam facere, tenore præsentium, ut tempore jejunii quadragesimalis, quo, exceptis Dominicis, Sabbatis, & nonnullis solemnioribus festivitibus, ex antiquo more, non nisi Missa Præsanctificatorum celebratur, Græci, & Albanenses prædicti, servato tamen, nec prætermissio in Parochialibus Ecclesiis Præsanctificatorum ritu, in aliis Altaribus, seu Ecclesiis, sive Capellis, pro sua, ac Fidelium Populorum devotione, Missas integras quibuslibet hebdomadæ diebus, ac præsertim cum dies Festi de præcepto Latine Ecclesiæ occurrunt, quos observare tenentur, excepto postremo majoris hebdomadæ triduo, celebrare possint, & valeant, concedimus, & indulgemus.

XVII. Si Græci velint accipere Altaria portatilia ab Episcopis Latinis consecrata, bene erit; si minus tolerantur eorum antimensia, sive Throni, super Altaria lapidea ponendi, cum celebrant.

XVIII. Corporalia ut Latini habeant, nisi Thronis etiam pro corporalibus utantur.

XIX. Latinis Presbyteris Latino ritu in Græcorum Catholicorum Ecclesiis celebrantibus, si careant proprio Altari portatili lapideo, super Antimensis, seu Thronis Græcorum Sacrum facere non licet.

XX. Unusquisque Sacerdos in aureo, vel argenteo solum, aut saltem flammeo Calice sacrificet, habens Thronos, seu Corporale de lino, candidum, & nitidum, & Altare mundis vestimentis opertum, vel decenti paratu ornatum.

XXI. Mulieres autem servire ad Altare non audeant, sed ab illius ministerio repellantur omnino.

## S. VII.

## De Sacramento Ordinis.

I. **R**omani Pontifices Prædecessores nostri necessitatibus Italo-Græcorum occurrere volentes, ut commode possent a proprii ritus Prælatibus ad Ordines promoveri, simulque caventes, ne si ab Ordinariis Latinis ad Græcos Antistites in Græciam, vel Epirum, aut alias Orientis partes cum dimissoriis remitterentur, ad Schismaticos Episcopos pro ordinatione confugerent, constituerunt: Clemens quidem VIII. anno 1595. Romæ habendum esse Episcopum Græcum Catholicum, qui Græcos Episcopis Latinis Italiæ, & adjacentium Insularum subjectos Sacris Ordinibus iniciaret: Clemens vero XII. anno 1735. ut Italo-Græcorum in utraque Sicilia commorantium commodis consulere, alterum ejusdem Græci ritus Episcopum in Seminario Corsino a se in Calabria erecto, propter Græcorum hujusmodi Ordinatione, manere jussit, quorum laudatissimum Institutum Nos quoque per præsentis nostras perpetuo valituras Litteras confirmamus, & innovamus.

II. Ne quis Clericus Sæcularis ritus Græci, quamvis alia sit idoneus moribus, scientia, & ætate, ad Sacros Ordines promoveatur, nisi prius legitime constet, eum Ecclesiasticum Beneficium, vel Patrimonium, quod sibi ad vitam honeste sufficiat, pacifice possidere: ac propterea deficiente titulo Beneficii, per legitima documenta Ordinarium suum certiore reddere debet de sufficienti Patrimonio, ut valeat Sacris Ord-

monione Latini ritus utantur. Præcipit Laicis Latinis, ne unquam sub specie fermentati communicent. Permittit Græcis Laicis, ut ubi propria Parochia non habent, possint communicare in Ecclesiis Latine sub specie azymi.

Contrariam consuetudinem eorum Ordinarii Locorum suavisissimis modis tollere.

Communio sub utraque specie permittitur in illis dumtaxat Locis, in quibus hætenus fuit introducta. Indulget Presbyteris Græcis seu Albanensibus, ut præter Domin. & Sabb. in reliquis Festis Quadragesimæ excepto ultimo triduo ante Pascha, possint Missas integras celebrare; sic tamen, ut ab Hebdomadæ, seu Paroch. Missa Præsanctificat. non omittant. Possunt, sive sint, Græci Altaria portatilia a Latinis accipere.

Græci Thronis pro corporalibus uti possunt. Presbyteri Latinis non licet super Antim. Græc. Sacrum facere, si careant proprio Altare lapideo portatili. De Vestibus, & aliis Sacris. De Mulierum servitio ad Alt. Ut Græci a Græc. Episcopis ordinentur. Eccl. Benefic. vel Patrim. ad Sacri Ord. promovendis necessarium.



Nemo ex Græcis, seu Albanensibus, ad Ordines promoveatur, qui trium saltem annorum spatium in Seminario Græcorum non fuerit commoratus. De examine Ordinandum. De Horis Canonis. Episcopi Græci in Ordinibus conferendis Euchologio Græco utantur. Quidam Ordines ritu Latino supplendi sunt ab eo, qui ritu Græco aliquos Ordines suscepit. Non ordinentur, nisi cum dimissoriis Latini Ordinarii. De suspensione, & irregularitate. Solus Papa in Irregularitatibus dispensat. Episcopi Schismatici nec Ordines, nec alia Sacramenta conferant. De Episcopis Græcis Catholicis. De Ordinatis Schismaticis. De eorumdem absolutione. Et dispensatione super irregularitate. Interdictorum lex cum Græcis, seu Albanensibus relaxatur. Tribus diebus festis, non tamen continuis, si ex longinquis regionibus se conferant ad Ordines suscipiendos ordinari possunt. Non tamen dispensatur cum illis, qui domicilium habent, seu commorantur in ea Provin-

Ordinibus initiari: loco autem dicti Patrimonii, nec Clericus Uxoris suæ dotem assignare præsumat, nec Ordinarius eam recipere audeat.

III. Quemadmodum etiam nemo ex Græcis, seu Albanensibus in Calabria, & Sicilia commorantibus ad sacra ministeria assumatur, qui trium saltem annorum spatium, Græcis, latinisque literis non dederit operam in altero ex Seminariis Italo-Græcorum, vel in Collegio Græcorum in Urbe.

IV. Promovendi ad Sacerdotium, & Presbyteri, qui præficiendi fuerint Ecclesiarum Regini, examinentur antea diligenter, si præcipue de Horis Canonis, & Missarum Officiis secundum distinctionem temporum exequendis sint. sufficienter instructi, ut ad hæc nonnisi digni admittantur.

V. Sacerdotes, & quicumque sunt in Sacris Ordinibus constituti, Horas Canonicas more suo dicant: & priusquam Missam celebrent, Officium matutinale recitare curent.

VI. Episcopi Græci in Ordinibus conferendis ritum proprium Græcum in Euchologio descriptum servant, in quo, etsi nonnulli de Minoribus Ordinibus prætermitti videantur, eos tamen vel nunquam habuisse, vel eorum exercitium aliis Ordinibus esse adnexum iidem Græci affirmant.

VII. Inde tamen dubitationes quandoque oriri solent, quinam nimirum Ordinis supplendi sint ab eo, qui primum ritu Græco aliquibus Ordinibus fuit initiatus, deinde ritu Latino ad reliquos est promovendus. Quas controversias ut de medio penitus tollamus, certamque tradamus regulam in posterum servandam, ita decernimus; si quis ritu Græco Clericus, & Lector tantum fuit initiatus, atque ex benignitate Sedis Apostolicæ obtinuit, ut Majores Ordines latinis caeremoniis sibi conferantur, is antequam Subdiaconus ordinetur, tres minores Ordines ommissos debet ritu Latino suscipere. Si vero, præter Lectoris Ordinem, ad Subdiaconatum etiam Græco ritu ascendit, & ex dispensatione itidem Apostolica facultas sibi facta sit, cæteros Ordines ritu Latino suscipiendi, antequam inter Diaconus cooptetur, ex minoribus Ordinis Exorcistatum tantummodo supplere cogitur; cum per Subdiaconatum Græco ritu collatum, Acolythatum, & Osiariatatum recepisse censeatur. Idem dicendum de eo, qui una cum reliquis inferioribus Ordinibus, Diaconatum, aut etiam Presbyteratum Græce suscepit, & Latino postea ritu ad Sacrum Presbyteratum respectivo Ordinem, aut Episcopatum promovendus sit, ex Apostolica concessione: nimirum Exorcistatus Ordinem in ipso, antequam Presbyter ordinetur, aut Episcopus consecratur, esse supplendum.

VIII. Græci sine Literis dimissoriis Episcopi Latini Diocesani nullatenus ad primam Tonsuram, vel aliquem Ordinem recipiendum admittantur.

IX. Promoti ad primam Tonsuram, vel ad alium quemcumque Ordinem sine Dimissoriis Latini Ordinarii, suspensi sint; & si suspensi in Sacris Ordinibus ministraverint, efficiuntur irregulares, sicut & Latini.

X. Super hujusmodi autem, & similibus irregularitatibus dispensandi facultatem a Sancta Sede Apostolica obtineri oportet.

XI. Non sunt admittendi Episcopi Schismatici sive pro Ordinibus, sive pro aliis Sacramentis conferendis, sed impediendi, quoad Sancta Sede Apostolica desuper consulatur, & responsum habeatur.

XII. Quos vero communionem Sanctæ Romanæ Ecclesiæ habere constiterit, eis Pontificalia exercendi facultatem Ordinarii Latini in suis Diocesibus libere concedere possunt.

XIII. Ordinati ab Episcopis Schismaticis alias rite ordinatis, servata debita forma, recipiunt quidem ordinem, sed non executionem.

XIV. Proinde ipsi Ordinati ab Episcopis Schismaticis, correcti, vel emendati reconciliandi sunt, & absolvendi, cum pœnitentiis salutaribus, dummodo errores, si quos amplexi fuerint, sin minus Schisma Ordinatis abjurent in judicio, vel publice, vel secreto pro qualitate facti.

XV. In ordinibus autem per eos alias rite susceptis ministrare non permittantur, nisi cum ipsis super irregularitate, hujusmodi occasione contracta, auctoritate Sanctæ Sedis Apostolicæ fuerit dispensatum.

XVI. Cum ex Ecclesiæ disciplina a Græcis olim recepta, promoti ad aliquem Ordinem Sacrum, si per aliquod temporis intervallum in eo non fuerint versati, ad altiorum gradum ascendere non possint, quo nimirum Ordinandum fides, morumque probitas



bitas eo temporis spatio cognosci valeat; qua lege Græci, seu Albanenses in Italia, & Insulis adjacentibus commorantes dubio procul tenentur: Nihilominus cum prædicti Græci, seu Albanenses Ordinarios suos, quibus subijciuntur, habeant Latinos, a quibus tanquam alieni ritus sacris ordinibus initiari prohibentur; ac proinde cum Romanam, vel in Calabriam, ubi sunt Episcopia Sancta Sede Apostolica ad Ordinationes ritu Græco exercendas deputati, repetitis vicibus, non sine quamplurimis incommodis, & expensis, ad Sacros Ordines juxta temporum intervalla suscipiendos sese conferre deberent, Nos, eosdem Græcos, seu Albanenses gratis, & favoribus prosequi, eorumque incommodis consulere volentes, de Apostolicæ plenitudine potestatis, præfatis Episcopis Græcis Romæ, & in Calabria pro tempore degentibus, licentiam, & facultatem impertimus, ut Græcos, seu Albanenses hujusmodi ex longinquis regionibus accedentes, qui Minoribus, sive Majoribus Ordinibus initiari cupiant, ad omnes Ordines promovere in posterum valeant tribus diebus festivis, non autem continuis, sed aliquo temporis intervallo Antistitis ordinantis arbitrio separatis, non servata Interstitiorum lege, nec requisita ad hoc ab iis, qui initiantur, suorum respective Ordinariorum Latinorum licentia, sive dispensatione.

XVII. At cum illis Græcis, seu Albanensibus, qui domicilium habent, seu alias commorantur in ea Provincia, in qua Episcopus ritus Græci solet sacras ordinationes exercere, ad quem propterea sine gravi incommodo per temporum intervalla accedere possunt, ab interstitiorum lege minime dispensamus, præterquam cum Alumnis, & Convictoribus ritus Græci Collegii Græci Urbis, & Italo Albanensium, in Calabria, & Sicilia, si eorundem Collegiorum necessitas, vel utilitas, arbitrio Sanctæ Romanæ Ecclesiæ Cardinalis Administratoris, & Protectoris præfati Collegii Græcorum Urbis, & Episcopi præfidentis, seu Rectoris utriusque Collegii Italo-Albanensium prædicti respective pro tempore existentium exegerit, ut præfati Alumni, & Convictores absque temporis intervallo tribus diebus festivis, non tamen continuis, ut præfertur, ad Ordines promoveantur; quo casu eos sic initiari posse, plenam facultatem facimus, atque concedimus.

XVIII. Illis autem, qui non servata Interstitiorum lege sunt hætenus bona fide ordinati, ex Apostolica benignitate etiam concedimus, ut in susceptis Ordinibus ministrare, & ad majores etiam servatis servandis ascendere, absque alia dispensatione valeant.

XIX. Quod tamen de ætate Ordinandorum a Sacrosancto Tridentino Concilio præscriptum est omnino servari volumus. Nullus proinde ex prædictis Græcis, seu Albanensibus ad Subdiaconatus Ordinem ante vigesimum secundum ad Diaconatus ante vigesimum tertium, ac Presbyteratus ante vigesimum quintum suæ ætatis annum absque Apostolica dispensatione promoveatur. Præfatorum autem Græcorum Præfulum conscientiam operamus, ut dignos dumtaxat, & quos literis, & iis, quæ ad Ordines exercendos pertinent, bene instructos esse noverint, ad sacra ministeria assumant.

XX. Ut in Ordinibus conferendis quolibet rituum confusio, & commixtio penitus tollatur, & unius ritus Antistes alterius ritus Clericos initiare in posterum minime valeat, sub perpetuæ suspensionis a Divinis pœnis prohibemus, ne Latinus quicumque Episcopus etiam subiectos suæ jurisdictionis Græcos, neque Græcus quilibet Antistes Latinos quovis prætextu, sine speciali Sedis Apostolicæ licentia, ad primam Tonsuram, vel ullum Ordinem sive Minorem sive Majorem promovere præsumat; alioquin tam Ordinans, quam Ordinatus, perpetuam, ut præfertur, suspensionem se subituros intelligant.

XXI. Maxime autem neque permittendum, neque ullo modo tolerandum, ut Latini ex Latinis progeniti, ac latino ritu educati, qui continentiam profiteri nolunt, juxta ritum Græcum, sub spe retinendi Uxores, ad Sacros Ordines a quocumque Antistite quavis auctoritate fulgente promoveantur, tam in locis in quibus non sunt Populi Græco ritu viventes, sed Latini, quam in Locis, in quibus sunt Populi, qui a Græcis antiquitus fuerint oriundi, seu a Græcis originem ducant, vel alias retroactis temporibus ritum Græcum servaverint, seu apud illos, vel in eorum aliquibus Ecclesiis ritus hujusmodi ab antiquo hætenus fuerit observatus.

XXII. Cum iis tamen Italo-Græcis, qui ad hanc diem, vel propter antiquam consuetudinem, vel propter quædam sibi, ut ajunt, a Romanis Pontificibus Prædecessoribus nostris concessa privilegia, quibus permittebatur Episcopis Latinis, ut Græcos

cia, in qua Episcopus ritus Græci solet Sacras Ordinationes exercere. Alumni, & Convictores Collegii Græcorum Urbis, & Italo-Græcorum in Calabria, & Sicilia, tribus diebus festivis ordinari possunt, si Collegiorum utilitas, vel necessitas exegerit.

Cum iis, qui, non servata interstitiorum lege, sunt hætenus bona fide ordinati, dispensatur, ut in susceptis Ordinibus ministrare valeant, & ad majores etiam ascendere.

Quoad ætatem Ordinandorum servandum est, quod a Sacrosancto Tridentino Synodo est præscriptum. Latinus Antistes Græcos etiam sibi subiectos Ordinibus initiare prohibetur, sic etiam Græci Episcopus Latinos ordinare non debet. Prohibet Latinos ex Latinis progenitos, ac Latino ritu educatos, juxta ritum Græcum sub spe retinendi Uxores, ad Sacros Ordines promoveri, etiam in locis, ubi Græcus ritus servatur.

Dispensatur cum Italo-Græcis, qui ad hanc diem a Latino Episcopo sunt ordinati, cum animo tamen in ritum Græcum permanendi, ut possint in eodem ritu permanere, & ad majores etiam Ordines a

sibi



Græco Episcopo cum Dimissio-  
nis tamen  
Latini Ordina-  
rii, græce pro-  
moveri; cum  
clausula, ne  
id in posterum  
inconsulta S.  
Sede attente-  
tur.

Italo-Græci si  
ab Episcopo  
Latino, cum  
dispensatione  
Apostolica, ad  
aliquos Ordines ob defe-  
ctum Græco-  
rum Præfatum  
promoveantur,  
possunt sine alia  
dispensatione cum Di-  
missio-  
nis Ordini-  
bus ad ma-  
iores Ordines  
græco a Græco  
Antistite pro-  
vehi.

Sæcus, si absque  
dispensatione  
Apostolica a  
Latino Episcopo  
fuerint ordi-  
nati, debent  
in Latino ritu  
permanere,  
nec possunt  
amplius sine  
dispensatione  
Apostolica ad  
Græcum redi-  
re, aut in eo  
ministrare.

Maxime si post  
susceptos a La-  
tino Episcopo  
Ordines, lati-  
ne vixerint:  
Nam Latinus  
ritus semel as-  
sumptus, abs-  
que licentia  
Sedis Apost.  
deferri nequit.

Matrimonium  
Presbytero-  
rum cum uni-  
ca, & virgine  
non reproba-  
tur.

Post Subdiaconatum, Diaconatum, &  
Presbyteratum, contra-  
ctum, irritum  
declatur,  
De Presbytero  
Græco con-  
jugato.

sibi subiectos, vel ipsi ordinarent, seu ab aliis tam Græcis, quam Latinis Episcopis ordinari facerent, ab Episcopis Latinis bona fide, & absque dispensatione Apostolica, ad Clericalem Tonfuram, vel Minores, seu Majores Ordines sunt promoti, cum animo tamen proprium Græcum ritum retinendi, & absque actuali Latini ritus in susceptis Ordinibus exercitio; per præsentis nostras hac vice tantum dispensamus, ut eis liceat in suo Græco ritu permanere, in eoque ad ultiores Ordines ( dummodo per suum ordinarium approbati fuerint ) a Græco Episcopo promoveri: per easdem nostras expresse prohibentes, ne quid huiusmodi de cætero, vel a Græcis ipsis, vel a Latinis Episcopis, inconsulta Sancta Sede, attentetur.

XXIII. Insuper ut omnibus, circa præfatas Italo-Græcorum huiusmodi per Latinos Præfules ordinationes, controversiis, ac dubiis opportuna ratione obviamus, hac nostra Constitutione decernimus, & declaramus, quod si Episcopus Latinus, sive Ordinarius, Italo-Græcis primam Tonfuram, vel Ordines Minores ritu Latino conferat, cum dispensatione Apostolica, itaut ordinati ab illo in suo Græco ritu ministrare debeant, ( quod ex defectu Græcorum Præfatum per sedem Apostolicam concedi solet ); licite possit idem Latinus Ordinarius literas dimissoriales Italo-Græcis huiusmodi a se, vel ab alio Latino Præfule, ut præmittitur, ordinatis concedere, ut ad Sacros Ordines Græco ritu, absque alia dispensatione Apostolica, promoveantur.

XXIV. Si vero absque Apostolica dispensatione Italo-Græci huiusmodi a Latino Episcopo ad aliquos Ordines ritu Latino promoverentur, ( id, quod illicite tam ab Ordinate, quam ab Ordinatis fieret, utpote huic nostræ Constitutioni contrarium ), Græci Clerici huiusmodi sic latino ritui alligantur, ut ab eo ad Græcum redire amplius non liceat, sine Apostolica dispensatione; neque Latino Episcopo, seu Ordinario amplius fas sit Græcum Clericum, a se, ut præmittitur, Latino ritu in minoribus Ordinibus constitutum, cum literis dimissorialibus ad Græcum Antistitem remittere, ut ab eo ad Sac. Ordines græce promoveatur, sine dispensatione Apostolica; sed debeat illum potius, si quidem idoneum judicaverit, post obtentam absolutionem a suspensione, vel ipse ritu Latino ordinare, vel ab alio Latino Præfule ordinari facere. A ritu enim latino ad Græcum, ut prædiximus, nec transire, nec redire fas est, absque dispensatione Apostolica.

XXV. Hinc eadem literæ dimissoriales potiori jure denegandæ sunt Italo-Græcis, qui quanquam baptizati ritu Græco, non modo primam Tonfuram, & Minores Ordines latino ritu susceperunt; sed etiam latine vixerunt, & postea ad Majores ordines ritu Græco provehi cupiunt, nam Latinus ritus semel assumptus, ut præfati sumus, absque specialis Sedis Apostolicæ auctoritate, deferri nequit: ut igitur Italo-Græci huiusmodi ad ritum Græcum redeant, indigent Apostolica dispensatione; ut vero ad Majores Ordines ritu latino ascendant, dispensatione non indigent.

XXVI. Et si expetendum quam maxime esset, ut Græci, qui sunt in Sacris Ordinibus constituti, castitatem, non secus ac Latini servarent: Nihilominus, ut eorum Clerici, Subdiaconi, Diaconi, & Presbyteri Uxores in eorum ministerio retineant, dummodo ante Sacros Ordines, Virgines, non Viduas, neque corruptas, duxerint, Romana non prohibet Ecclesia. Eos autem, qui Viduam, vel corruptam duxerunt, vel ad secunda vota, prima Uxore mortua, convolarunt, ad Subdiaconatum, Diaconatum, & Presbyteratum promoveri omnino prohibemus.

XXVII. Præterea si quis Subdiaconus, Diaconus, vel Presbyter, post Sacram Ordinationem, Uxore mortua, aliam duxerit, vel si Uxorem non habebat, ducere præsumperit, nedum excommunicationis lætæ sententiæ poena, aliisque nostro, & Successorum nostrorum Romanorum Pontificum arbitrio infligendis, severissime punietur; verum etiam statim ab Ordine erit deponendus, & ab illegitima Uxore separandus. Matrimonium enim post recensitos Ordines contractum, nullum irritumque declaramus.

XXVIII. Presbyter Græcus conjugatus, antequam ad Sacrum Sacrificium, seu Sanctam Missam celebrandam accedat, vel per hebdomadam, vel per triduum ab Uxore curet abstinere.



## S. III

*De Sacramento Matrimonii.*

I. **C**urent Ordinarii Locorum, ut Decretum Sacri Generalis Concilii Tridentini de reformatione Matrimonii vertatur in linguam Græcam vulgarem, & in locis, & Parochiis Græcorum, & Albanensium, quoties expedire viderint, evulgetur, & publicetur.

Decretum  
Concilii Tri-  
dentini de  
Matrimonio  
servandum.

II. Matrimonia inter Conjuges Græcos dirimi, seu divortia, quoad vinculum, fieri nullo modo permittant, aut patiantur. Et si qua de facto præcesserunt, nulla & irrita declarent.

Matrimonia  
dirimi ne-  
queunt.  
De secundis  
& ulterio-  
ribus nuptiis.

III. Quia vero, secundum Apostolum, Mulier mortuo Viro ab ipsius est lege soluta, & nubendi cui vult in Domino liberam habet facultatem, secundas, & tertias, & ultiores etiam nuptias Græci non condemnent, sed illas tanquam legitimas, & validas approbent inter Personas, quæ alias licite de jure ad invicem Matrimonio jungi possunt.

IV. Secundo tamen nubentes Presbyteri nullatenus benedicant: nec ipsos Bigamos ad Sacros Ordines, sine speciali dispensatione Apostolica, promoveri liceat.

De Bigamis.

V. Et quoniam apud Græcos consueverunt contrahi matrimonia inter personas contingentes se, juxta eorum computationem, octavo gradu, qui secundum computationem, & distinctionem graduum, quam Latini faciunt, apud hos quartus habetur: ne id præsumatur deinceps, firmiter prohibemus; ac districte præcipimus, ut, ut cum in ulterioribus gradibus licite matrimonia contrahantur, in prædicto quarto Consanguinitatis, vel Affinitatis gradu copulari ulterius non præsumant; Statutum, quoad hoc, Generalis Concilii observantes.

De gradibus  
Consanguini-  
tatis, & Affi-  
nitatis.

VI. Item in cognationi spiritualis, quæ in Baptismo, & Confirmatione contrahitur, gradibus, servetur id quod in Tridentina Synodo definitum est. In Baptismo videlicet inter suscipientem, & Baptizatum, & illius Patrem, & Matrem, necnon inter Baptizantem, & Baptizatum, Baptizatique Patrem, & Matrem tantum, cognationem contrahi; eamque rursus, quæ ex Confirmatione oritur, Confirmantem, & Confirmatum, illiusque Patrem, & Matrem, ac Tenentem non egredi: omnibus inter alias Personas spiritualis hujus Cognationis impedimentis Matrimonii sublatis.

De cognatio-  
ne spirituali.

VII. Maritus Latinus Uxoris Græcæ ritum non sequatur.

VIII. Latina Uxor non sequatur ritum Mariti Græci.

De Ritu Con-  
jugum.

IX. Græcus Maritus potest, si velit, ritum Uxoris Latinæ sequi: Item Græca Uxor potest, si velit, sequi ritum Mariti Latini, post cujus obitum, ad ritum Græcum redire nequeat.

X. Quod si nolint, unicuique Conjugum in suo ritu, Catholico tamen, manere permittatur.

XI. Matrimonium inter Maritum Latinum, & Græcam mulierem, latine coram Parocho Latino contrahatur: Inter maritum vero Græcum, & Mulierem Latinam, potest contrahi vel Græce coram Parocho Græco, duobus, vel tribus testibus præsentibus, vel latine coram Latino, ubicumque Maritus Græcus voluerit.

XII. Ejus autem loci, ac ritus Parochus debet assistere, ubi, & quo ritu matrimonium contrahitur.

## S. IX.

*Ritus Græcus quæratione in Italia, & Insulis adjacentibus servandus: De Græcorum, seu Albanensium subjectione Episcoporum Latinorum jurisdictioni.*

I. **Q**uoniam Orientalis Ecclesiæ ritus, utpote non minima ex parte a Sanctis Patribus profecti, vel a Maioribus traditi, sic animis Græcorum, aliorumque infederunt, ut Prædecessores nostri Romani Pontifices satius, consultiusque duxerint, ritus hujusmodi, qua in parte nec fidei Catholicæ adversantur, nec periculum generant animarum, aut Ecclesiasticæ derogant honestati, approbare, seu permittere, quam illos ad Romanarum cæremoniarum normam reducere; idcirco Græcis ipsis, &

Ut Græci in  
Missis, & Di-  
vinis Officiis  
ritus suos ob-  
servare va-  
leant nec su-  
per his a quo,  
quam mole-  
stantur.

*Bullar. Rom. Bened. XIV. Tom. I.*

V

Alba-



Albanensibus ritus Græci inter Latinos degentibus, tam Prælati, Parochi, & Presbyteris Sæcularibus, quam Regularibus, & Laicis, ut suis ritibus, atque observantiis, si-ve consuetudinibus uti, ac illos, & illas observare, Missasque, & alia Divina officia secundum eorum antiquam consuetudinem celebrare libere, ac licite possint, concedimus, & indulgemus: Nec super his a quoquam Latino Ordinario illos, vel illorum quemlibet molestari, vel inquietari permittimus: Inhibentes omnibus & singulis Prælati, aliisque, ne quis ritus, & cæremonias Græcorum in Concilio Florentino, vel alias approbatas blasphemare, aut reprobare, seu improbare audeat.

In quibus de-  
beant Italo-  
Græci ritum  
Latinum se-  
qui.

Kalendarium  
Gregorianum,  
quoad Festa,  
servare tenen-  
tur.

Item Romani  
Pontificis &  
Ordinarii Loci  
nomen in Mis-  
sis, & Divinis  
Officiis com-  
memorare;  
non autem  
Antistitem  
Orientalium  
subiiciuntur  
Constitutioni-  
bus contra So-  
licitantes in  
Confessione  
editis.

Dies festos de  
præcepto La-  
tinae Ecclesiæ  
observare te-  
nentur. Pos-  
sunt, si velint,  
latinae Eccle-  
siæ jejunia, &  
vigilias serva-  
re, non tamen  
ad id cogiden-  
tur.

Tolerandus  
esus carniū  
die Sabbati  
apud Italo-  
Græcos,  
Latini Famuli  
Græcorum,  
Latinum ri-  
tum debent  
servare.

Non sunt co-  
gendi ad jeju-  
nandum die  
Sabbati, præ-  
ter Sabbatum  
Sanctum.

Jejunium a la-  
tinis die Sab-  
bati indictum  
ad aliam diem  
pro Italo-Græ-  
cis ab Ordina-  
riis Latinis  
transferri con-  
ceditur. Ita-  
lo-Græcis in

II. Sic vero dictis Græcis, & Albanensibus in suis ritibus permanere concessum esse, atque indultum declaramus, ut quæ a Fidelibus in Diœcesi, ubi ipsi habitant, universim, & sine ullo Personarum, ac rituum discrimine, juxta Sacros Canones servanda sunt, ad eadem etiam ipsi, non obstante rituum diversitate, obligati censeantur.

III. Cujusmodi sunt in primis Kalendarii Gregoriani observatio, juxta quod idem Græci, & Albanenses tenentur universalis Ecclesiæ jejunia, & festa celebrare, ut, puta, jejunium quadragesimale, Pascha, Ascensionem Domini, Pentecosten, Nataleni Domini, Circumcisionem, Epiphaniam, & cætera hujusmodi, quæ in Latina, & Græca Ecclesia æque celebrantur.

IV. Deinde Summi Romani Pontificis, & Ordinarii Loci in Missis, ac Divinis Officiis commemoratio; non Patriarcharum, neque Antistitem Orientalium, quibus nulla est in Italia, & adjacentibus Insulis jurisdictio: ubi tamen Græco Catholico Antistiti, ex licentia Sedis Apostolicæ, vel Ordinarii Loci, Pontificalia exercere permittitur, ejus quoque nomen juxta Græcorum morem post Summum Romanum Pontificem, & Ordinarium Loci commemorare liceat.

V. Tum subiectio omnibus, & singulis Romanorum Pontificum Constitutionibus, contra Solicitantes præsertim in Confessione editis, quæ in singulas Nationes universim vires suas extendunt, ac Latinos æque, ac Græcos sua amplitudine comprehendunt.

VI. Demum dies Festos de præcepto Latinæ, ubi degunt, Ecclesiæ servare tenentur.

VII. Ad observationem autem jejuniorum, & vigiliarum ejusdem Latinæ Ecclesiæ, si tota Loci illius Græcorum communitas, vel potior Laicorum pars cum Parochis, & Presbyteris conjuncta induci posset, optimum esset, idque absque alia Sedis Apostolicæ dispensatione, arbitrio Ordinariorum relinquimus Latinorum. Non tamen ad id cogi debent, si velint ritum suum in jejniis sequi; cum ipsis qualibet hebdomada feria quarta, & feria sexta, ut asseritur, soleant jejunare; neque privatis personis fas sit, ubi Parochiam Græcam habent, ibi, contra proprium ritum, Latinorum more jejunia, & vigilias servare; sed omnes vel græce cum Græcis, vel latine cum Latinis jejunent. Ubi vero propriam Parochiam non habent, ibi libere, & licite possunt in omnibus latino ritui sese conformare, si-ve Laici sint, si-ve Presbyteri, excepto Græco ritu, qui in Missis, ac Divinis Officiis a Presbyteris est servandus.

VIII. Hinc ubi Parochiam Græcam habent, tolerandus est apud Græcos esus carniū die Sabbati, si sine scandalo fieri potest; in locis autem ipsorum, & inter eos tantum.

IX. Prohibentur tamen Græci suis Famulis Latinis cibos vetitos apponere, si-ve die Sabbati, quando præfatis Græcis carnes comedere licet, si-ve alio quocumque tempore, quo Latini debent ab illis abstinere; Latini enim Famuli Græcorum latinum ritum servare tenentur.

X. Item tolerandum est, ut ad jejunium eodem die Sabbati in Quadragesimam, excepto uno Sabbato Sancto, ex antiqua traditione, non teneantur, sed dumtaxat ad abstinenceam.

XI. In jejniis quoque bi-ve triduanis, vel alias a Diœcesanis, vel in Jubilæis a Summo Pontifice Romano indictis, dies Sabbati in eis comprehensus, vel præscriptus, in alium diem pro Græcorum plebe ab ipsis Diœcesanis Apostolica Auctoritate permittitur commutari.

XII. Verum quia pro parte dilectorum Filiorum Græci ritus in Corsica habitantium Nobis nuper humillime preces porrectæ fuerunt, ut Auctoritate Apostolica declararemus, ipsos non teneri ad abstinenceam a piscibus sanguinem habentibus, oleo, & vino, tam in Quadragesima, quam in quartis, & sextis Feriis, & in aliis anni jejniis,



his, vel, si ad abstinentiam hujusmodi tam ex præcepto, quam ex consuetudine Ecclesiæ Græcorum, ut Nobis exponitur, tenerentur, cum iis eadem auctoritate dispensare dignemur, ut piscibus, oleo, & vino in dictis quartis, & sextis Feriis, & in Quadragesima, aliisque per annum occurrentibus jejuniis, vesci ipsis liceret. Nos paternæ Pontificiæ charitatis, quæ novit imbecillitates infirmorum sustinere, non immemores, tam dictis Græcis in Corsica habitantibus, quam omnibus & singulis Albanensibus, & Græcis, qui in Italia, & Insulis adjacentibus commorantur, tenore præsentium, ut ad instar Latinorum, in quorum Diocæses degant, in memoratis Quadragesima, quartis, & sextis Feriis, & reliquis anni jejuniis, vino, oleo, & piscibus cuiuscumque generis possint uti, concedimus, & indulgemus. Atque Litteras Clementis Papæ XII. Prædecessoris nostri in forma Brevis datas ad Abbatem, & Monachos Monasterii Ordinis Sancti Basilii Magni Ritus Græci Orientalis Terræ Dimidii Iussi Panormitanæ Diocæsis, pro Monachis Græcis, & Epirotis eorundem Ordinis, & Ritus fundati, quibus concessit, ut piscibus sanguinem habentibus libere, & licite nonnullis anni quadragesimis vesci possint, non obstantibus ritus Græci ordinationibus, hac nostra Constitutione confirmamus, & roboramus.

tota Italia, & Insulis adjacentibus permittitur, ut in Quadragesima, & aliis ipsorum jejuniis, piscibus, oleo, & vino uti possint.

XIII. Cum autem Sedi Apostolicæ semper curæ fuerit Græcum ritum custodire, illiusque abolitionem nunquam intenderit, aut in animo habuerit: Hinc Nos, Prædecessorum nostrorum exemplo, quantum cum Deo largiente possumus, conservationi rituum Græcorum intenti, neque expedire dicimus, neque facultatem facimus, ut Latini Ordinarii juxta ritum Latinum ad Sacerdotium promoveant aliquem Italo-Græcum Diocesanum, qui Græcorum more baptizatus fuerit, atque etiam vixerit, ut scilicet Græcorum plebi Latino ritu ipse ministrans præsit: præsertim quia id Græcis plebibus nullam utilitatem affert, quibus magis acceptus Parochus esse solet, si eundem cum ipsis Ritus Græcum colat, quam si Latinum sequatur.

Ne Italo-Græci a Latino Diocesano Episcopo latine ordinati Plebibus Italo-Græcis præficiantur. Sed Græci, vel Albanenses, Catholici tamen, sive advenæ, sive indigenæ, Græcorum ritu viventes præficiantur.

XIV. Sed in Terris, seu Locis, & Casalibus Græcorum, & Albanensium, seu in quibus fuerint Græci, vel Albanenses, sive sint indigenæ, sive ex Græciæ Provinciis, & Insulis, vel ex Epiri, & Albanæ partibus, aut alias undequaque advenerint, Græco ritu in præsentiarum usque viventes; ad illorum Ecclesias, seu curam animarum exercendam, non Latini, neque Latinis ortis Parentibus, aut latino more viventes, ad eundem Ritus Græcum intendant, sed Græci, vel Albanenses ritus Græci respective, Catholici tamen, & alioquin idonei, & sufficientes, atque alias qualitates a Sacris Canonibus habentes, sive sint indigenæ, sive, in defectu indigenarum, etiam advenæ, ordinantur, & eorundem Græcorum, seu Albanensium animarum curæ præficiantur.

Presbyteri Latini, nisi vocati, non se immiscuant Græcorum functionibus.

XV. Cæterum ad tollendam omnem rituum commixtionem, & confusionem, Presbyteri, & Clerici Latini Ecclesiis Græcorum neque Missas celebrare, neque funeribus, nuptiis, ac Baptismis, & aliis Græcorum actibus publicis, & privatis interesse, aut se se immiscere, nisi ad hæc specialiter per ipsos Græcos vocati fuerint, audeant, vel præsumant.

Presbyteri, & Clerici Græci Missas & Divina Officia in Ecclesiis Latinorum cum solemnitatibus & cantu celebrare prohibentur ab Episcopi licentia.

XVI. Nec Presbyteri, & Clerici Græci in Ecclesiis Latinorum, inconsulto Episcopo, cui illæ subiciuntur, vel eius in Spiritualibus Vicario Generali, Missas, & alia Divina Officia cum solemnitatibus, & cantu celebrant. Ut autem præfatus Episcopus, siue Vicarius Generalis, præfatum licentiam rite concedere valeant, nulla præcisa necessitas pro causa requiritur, sed satis est, ut aliqua spiritualis utilitas inde spectetur.

XVII. Cum inter Latinos, Græcosque Clericos, in processionibus, sessionibus, aliisque Ecclesiasticis solemnitatibus, quas ex consuetudine, aut proprio arbitrio, & voluntate promiscuo usu peragere solent, lites quandoque, & controversiæ quibus charitas, & mutua animorum concordia violatur, ob præcedentiæ ordinem exoriantur, quia Græci Latinis, & Latini Græcis præcipuum locum dare renuunt; has in posterum dirimere, atque amputare volentes, præcipimus, ut in præcedentiis hujusmodi, nisi consuetudo aliter obtineat, non attendatur ritus Græci, & Latini dignitas, sed tempus Ordinationis prædictorum Clericorum, vel qualitas Ecclesiasticæ dignitatis, si aliqui eorum ea insigniti reperiantur, vel cæteræ qualitates, quæ jure suo in præfatis solemnitatibus principem locum sibi vindicare solent.

XVIII. Quia in Ecclesiasticis Græcorum libris nonnulli errores irrepsere, quibus primævam Ecclesiæ Græcæ puritatem fraude potissimum, ac dolo Schismaticorum corruptam



gregationem a  
S. Sede eorun-  
dem emenda-  
tioni deputa-  
tam correctis  
utantur.

De Italo-Græ-  
corum "subje-  
ctione Episco-  
pis Latinis, in  
quorum Dico-  
cesi degunt.

ruptam esse, Orthodoxi dolent: Ideo Pastoralem Latinorum Ordinarium, in quorum Dioecibus iidem Græci, & Albanenses degunt, vigilantiam per præsentis nostras literas excitamus, ut omni ope, & studio curent, non aliis Græcos ipsos, seu Albanenses tam Prælatos, ac Presbyteros Sæculares, quam Regulares, Ecclesiasticis libris in Sacramentorum administratione, & Missis, Divinisque Officiis celebrandis uti, nisi iis, qui per Congregationem a Sancta Sede Apostolica emendationi librum hujusmodi deputatam, correcti, typisque impressi fuerint.

XIX. Ita autem Græcos, seu Albanenses in suo ritu, ut præfertur, permanere, Græcæque caeremonias custodire permittimus, ut Latinorum Episcoporum, in quorum Dioecesi degunt, jurisdictioni subiecti censcantur. Itaque Græci, seu Albanenses ritus Græci, tam Ecclesiastici, & Regulares, quam Laici, in utraque Sicilia, vel aliis Italiae partibus, Insulisque adjacentibus commorantes, cum suos Ordinarios Græcos non habeant, non obstantibus quibuscumque exemptionibus, aliisque privilegiis dictis Græcis, eorumque Prælati, Rectoribus, Abbatibus, & aliis tam Sancti Basilii, & alterius Ordinis Regularibus, qui privatam vitam ducunt, nec in Congregationem sunt redacti, quam Sæcularibus, ac etiam Laicis Personis quocumque nomine nuncupatis, per sel. rec. Leonem X. Paulum III. Julium etiam III. & forsan alios Romanos Pontifices, & Sedem Apostolicam, in genere, vel in specie hætenus concessis, ac etiam iteratis vicibus approbatis, & innovatis; ita Latinis Ordinariis Locorum quæ habitant, debent esse subiecti, ut ipsi Locorum Ordinarii quascumque eorundem Græcorum, & Albanensium Ecclesiarum Monasteria, Prioratus, & alia Pia Loca, tam Sæcularia, quam cujusvis Ordinis Regularia, eorumque Prælatos, etiam si Episcopali, Archiepiscopali, ac majori dignitate præfulgeant, necnon Abbates, Rectores, Ministros, & quavis alias ejusdem Nationis Personas in suis Civitatibus, & Dioecibus consistentia, quoties opus fuerit, visitare, ac illis suam Ordinariam jurisdictionem, plenamque, & omnimodam auctoritatem, in iis, quæ Dei cultum, Sacramentorum administrationem, ac animarum salutem, hæresumque extirpationem concernunt, exercere, & sequi libere, & licite valeant; reliquis ipsorum Græcorum, & Albanensium, in Divinis celebrandis, aliisque ritibus a Sede Apostolica approbatis, necnon privilegiis, & gratiis Apostolicis intactis remanentibus: Nec ipsis Græcis, & Albanensibus Clericis, vel Laicis, eorumve Prælati, Ecclesiis, Cœnobiis, aut aliis piis Locis dictas exemptiones, seu privilegia in aliquo suffragari, sed illos omnes, & singulos Locorum, in quibus moram traxerint, Ordinarium visitationi, correctioni, punitioni, jurisdictioni, & omnimodæ auctoritati in præmissis subesse, illisque tanquam Superioribus suis, suarumque animarum Pastoribus humiliter obedire.

Ubi duo Episcopi sunt ejusdem Loci, Episcopus Latinus Latinorum, Græcus Græcorum duntaxat jurisdictionem & curam habeant.

XX. Ubi vero duo essent Episcopi ejusdem Loci a Sancta Sede Apostolica deputati, unus Latinus, alter Græcus, (quemadmodum in Calabriae partibus, & in Sicilia olim fuisse perhibentur, & nunc in quibusdam Græciæ insulis existunt); Episcopus Latinus de Personis Ecclesiasticis, & Sæcularibus Græcis, ac de jurisdictione Episcopi Græci, aliis quibuscumque ad Episcopum Græcum quomodolibet spectantibus, nullatenus se intromittere præsumat; sed Episcopus Latinus Latinorum, Episcopus vero Græcus Græcorum duntaxat curam, regimen, & jurisdictionem respective habeant, & exerceant. Id, quod de Episcopis Græcis pro ordinatione Italo-Græcorum, Romæ, vel in Calabria per Sedem Apostolicam, ut supra diximus, constitutis, minime intelligendum esse declaramus: cum ii facultatibus Ordinarium careant, nec quemquam ex iis, qui non sunt Alumni Collegii Græcorum Romæ, & Collegii Italo-Græcorum, seu Albanensium in Calabria, ad primam Tonsuram, aut ullum Ordinem sive Minorem, sive Majorem, nisi cum dimissionis sui Ordinarii, promovere valeant.

Episcopus Latinus circa causas Græcorum Vicarium Græcum ipsius salario retinendum deputet. De Monachorum, seu Calogorum Institutis.

XXI. In Dioecesi, ubi Latini, & Græci inhabitant, & solum Archiepiscopum, sive Episcopum Latinum Ordinarium habent, dictus Archiepiscopus, sive Episcopus, circa negotia, & causas distorum Græcorum, Vicarium Græcum ipsis Græcis gratum, vel per ipsos Græcos eligendum (ex quo Græcus Vir melius Græcos mores novit, quam Latinus) ipsorum stipendio, & salario retinendum deputet; & in causis appellationis ad Metropolitanum, qui forsan Græcus non esset, dictus Metropolitanus similiter in dictis causis, Judicem Græcum deputare teneatur.

XXII. Ordinationes demum, & Instituta Regularia Sanctorum Patrum, de vita & statu



statu Monachorum, ab Abbatibus, & Monachis Græcis, qui in Italia, & Insulis adjacentibus privatim degunt, nec Regulam Monachorum Ordinis Sancti Basilii in Congregationem reductorum sunt professi, præcipimus inviolabiliter observari; eosque omnes, & singulos Jurisdictioni Ordinariorum Latinorum subicimus; mandantes insuper, ut quæcumque supra, circa rituum Græcorum observantiam, præscripta sunt, ad amissim exequantur.

XXIII. Salvis tamen, & in suo robore semper remanentibus privilegiis, quæ a Summis Romanis Pontificibus Prædecessoribus nostris, Gregorio XIII. Sixto V., Clemente VIII., Paulo V., Urbano VIII., Innocentio X., Clemente XII., & forsitan aliis, tam Collegio Pontificio Græcorum de Urbe, & Seminario Corsino in Calabria, quam Congregationi dilactorum Filiorum Monachorum Ordinis Sancti Basilii in Italia, concessa sunt, & indulta, quibus derogare non intendimus.

XXIV. His insuper, quæ superius in quacumque parte Italo Græcis concessimus, indulgimus, declaravimus, præcipimus, ordinavimus, & interdiximus, seu prohibuimus, Græcorum in Oriente sub propriis Catholicis Episcopis, Archiepiscopis, vel Patriarchis commorantium, & aliarum Christianarum Nationum quorumcumque Rituum a Sancta Sede approbatorum, seu permissorum, juribus qualibuscumque, si quæ illis de jure, vel ex consuetudine, vel alias quomodolibet legitime competant: aut Apostolicis Constitutionibus, vel Conciliorum Generalium, aut particularium, seu Congregationum Venerabilium Fratrum Nostrorum S. R. E. Cardinalium Decretis, quæ super Ritibus Græcorum, seu aliorum Orientalium emanarunt, ullo pacto præjudicium, vel præjudicium ullum quantumvis minimam illatum esse non intendimus; idque expresse declaramus, & pro declarato, & in qualibet hujus nostræ Constitutionis, seu dispositionis parte pro repetito haberi volumus, & mandamus.

## S. X.

**D**Ecernentes præsentis literas, & in eis contenta quæcumque nullo unquam tempore de subreptionis, vel obreptionis, seu nullitatis vitio, aut intentionis nostræ, seu quopiam alio defectu, notari, seu impugnari, aut alias quomodolibet infringi, vel retractari, seu invalidari, aut in jus vel controversiam vocari, aut adversus eas, & ea quodcumque juris, & facti, vel justitiæ, & gratiæ remedium intentari, impetrari, vel concedi ullatenus posse, sed ab omnibus, quos concernunt, concernent quomodolibet, quacumque dignitate, & honore fulgentibus in futurum inviolabiliter observari debere.

Sicque & non aliter per quoscumque Judices Ordinarios, & Delegatos, ac Commissarios, quavis auctoritate fungentes, ac etiam S. R. E. Cardinales, de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & innane, si secus super his a quoquam quavis auctoritate scienter, vel ignoranter contigerit attentari.

Mandantes universis, & singulis Venerabilibus Fratribus, Episcopis, Archiepiscopis, Primatibus, Patriarchis, Latinis, in quorum Dioecesebus Italo-Græci hujusmodi degunt, ut in suis Synodis, Constitutionibus, statutis, edictis, decretis, seu aliis quibuslibet mandatis, & monitis, circa eorum ritus, observantias, & consuetudines præter id quod in nostris hisce literis expresse & explicitè continetur, nihil aliud, nisi consultis prius S. Sede Apostolica, moneant, edicant, decernant, constituent, præcipiant, seu mandent.

Non obstantibus Prædecessorum Nostrorum Literis, aliisque præmissis, necnon Apostolicis, ac Universalibus, Provincialibus, & Synodalibus Consiliis editis generalibus, vel specialibus circa Italo-Græcos hujusmodi, eorumque Ritus, observantias, mores, ac consuetudines, Constitutionibus, & Ordinationibus, ac etiam Communitatum, Monasteriorum, & Ecclesiarum prædictarum, etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque, Indultis, & Literis Apostolicis eisdem Italo-Græcis, illorumque Communitatibus, vel singulis eorum Personis, sub quibuscumque tenoribus, & formis, ac cum quibuscumque clausulis, & decretis, etiam per modum Statuti perpetui, etiam Motu proprio, & ex certa scientia, ac de Apostolicæ potestatis plenitudine similibus, etiam iteratis vicibus, ac etiam cum quibuscumque derogatoriis derogatoriis, aliisque efficacibus.

Salvis privilegiis a Sede Apostolica concessis Collegio Græcorum de Urbe, Seminario Corsino in Calabria, & Cong. Monachorum S. Basilii in Italia.

Quæ in hac Constitutione sunt disposita quoad Italo-Græcos, non præjudicant Constitutionibus Apostolicis, Decretis Synodalibus, & aliis Statutis circa ritus Græcorum in Oriente sub Catholicis Episcopis commorantium, vel aliarum Nationum cujuscumque ritus a S. Sede approbati, seu permisi.

Clausula.

Decretum irritans.

Nihil innovetur, inconsumpta S. Sede.

Derogationes.



cioribus, & efficacissimis, & insolitis clausulis, irritantibusque, & aliis Decretis in genere, vel in specie, alias in contrarium præmissorum quomodolibet concessis, confirmatis, & innovatis. Quibus omnibus, & singulis, eorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, hac vice dumtaxat specialiter, & expresse derogamus, cæterisque contrariis quibuscumque.

Exemplum  
tum Fides.

Volumus autem, quod præsentium transumptis sive exemplis, etiam impressis, manu alicujus Notarii publici subscriptis, & sigillo alicujus Personæ in dignitate Ecclesiastica constitutæ munitis, eadem prorsus fides habeatur in Judicio, & extra, quæ eisdem præsentibus adhiberetur, si forent exhibitæ, vel ostensæ.

Sanctio.

Nulli ergo omnino hominum liceat, hanc paginam nostri decreti, constitutionis, declarationis, inhibitionis, prohibitionis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac BB. Petri, & Pauli Apostolorum ejus se noverit incursum. Datum Romæ apud Sanctam Mariam Majorem anno Incarnationis Dominicæ millesimo septingentesimo quadragesimo secundo, septimo Kalendas Junii, Pontificatus Nostri Anno secundo.

Dat. die 26.  
Majl 1742.

*Pro Card. Pro-Datarius.*

*D. Card. Passioneus.*

Visa de Curia.

N. Antonellus

Loco ✠ Plumbi.

J. B. Eugenius.

*Registrata in Secretaria Brevium.*

*Publicat. die 2. Junii ejusdem Anni.*

LVIII.

A P P R O B A T I O

Publici cultus ab immemorabili tempore exhibiti B. Joannæ Valesiæ olim Reginae Franciæ, & Fundatrici Ordinis Sanctissimæ Annuntiationis Beatæ Mariæ Virginis.

B E N E D I C T U S P A P A XIV.

*Ad futuram rei memoriam.*

Summarium  
precum.

Acta sub Ur-  
bano VIII.

**E**Xponi Nobis nuper fecit dilectus filius Marcus Antonius Gravois Frater expresse professus, ac Diffinitor Generalis Ordinis Minorum Sancti Francisci de Observantia nuncupatorum, necnon Postulator Causæ Canonizationis Beatæ Joannæ Valesiæ, quod dudum sel. recordat. Urbanus Papa VIII. Prædecessor noster, postquam Processus auctoritate Ordinaria anno MDCXVII. peracti super famæ Sanctitatis, Virtutum, & Miraculorum ejusdem B. Joannæ Valesiæ, dum vixit, Francorum Reginae, ac Ordinis Annunciatarum Beatæ Mariæ Virginis Fundatricis, in Congregatione Venerabilium Fratrum tunc existentium Sanctæ Romanæ Ecclesiæ Cardinalium Sacris Ritibus præpositorum discussi fuerant, per suam Commissionem manu propria signatam hujusmodi Causam eidem Congregationi Cardinalium cognoscendam, & discutendam demandavit; cujus commissionis vig. ore ab eadem Congregatione, seu a bo. mem. Carolo, dum pariter vixit, Sanctæ Romanæ Ecclesiæ præfatis Cardinali Pio nuncupato tunc dictæ Congregationis Præfecto die 13. Januarii MDCXXXIII. literæ remissoriales pro inquisitione in genere tunc itidem existentibus Archiepiscopo Bituricensi, & Episcopis Aurelianensi, & Niverniensi directæ, concessæ & expeditæ fuerunt. Coram autem Archiepiscopo, & Episcopis præfatis Processu hujusmodi confecto, atque Anno MDCXXXIII. memoratæ Congregationi Cardinalium præsentato, nihil amplius tunc temporis in eadem Causa actum fuit, ob Decreta memorati Urbani Prædecessoris Anno MDCXXV. edita, & MDCXXXIV. de novo proposita, super non exhibendo cultu iis, qui cum Sanctitatis, vel Martyrii fama ab hac vita migrasset, seu super casu ab eisdem excepto.



§. 1. Præterea successu temporis cum fama Sanctitatis, una cum miraculis, quæ Omnipotens Deus ob merita, & ad intercessionem dictæ Beatæ Joannæ Valesiæ operari dignabatur, quamplurimum increbuisse, atque in dies increbesceret, clar. mem. Ludovicus, dum pariter vixit, Rex Christianissimus, & Anna ab Austria Regina Mater, iteratis precibus, ac literis datis, a fel. record. Alexandro Papa VII. iidem Prædecessores nostro postularunt, ut ad ejusdem Servæ Dei Joannæ Valesiæ Beatificationem, & Canonizationem procedi posse benigne indulgere dignaretur. Idem Alexander Prædecessor die xx. Junii 1664. Commissionem reassumptionis Causæ præfatæ subsignavit, ac Anno 1680. dicta Congregatio Cardinalium remissoriales, & compulsoriales literas concessit, ac ad tunc quoque existentem Archiepiscopum Bituricensem direxit, pro confectione Processus particularis super cultu a tempore immemorabili eidem Joannæ Valesiæ exhibito, & casu excepto a memoratis Urbani Prædecessoris Decretis.

Item sub  
Alex. VII.

§. 2. Ob legitima pro tempore existentium Archiepiscoporum Bituricentium hujusmodi impedimenta, memoratis literis executionis minime demandatis, quinimo ob temporis cursum perditis, proinde Anno MDCCXXXVIII. illarum Duplicatum ad Venerabilem Fratrem modernum Archiepiscopum Bituricensem fuit directum, cujus vigore idem Archiepiscopus Judex Delegatus super eisdem publico cultu ab immemorabili tempore præfatæ Joannæ Valesiæ exhibito, necnon casu, ut præfertur, excepto sententiam protulit.

Recensententia Archiepiscopi Bituricensis super cultu immemorabili.

§. 3. Proposito itaque in eadem Congregatione Cardinalium Dubio: *An sententia supra dicta esset confirmandæ, in casu, & ad effectum de quo agebatur*; ipsa Congregatio Cardinalium edidit Decretum tenoris sequentis, videlicet: *Bituricen. Canonizationis Beatæ Joannæ Valesiæ olim Reginæ Franciæ, & Fundatricis Ordinis Sanctissimæ Annuntiationis Beatæ Mariæ Virginis sub Regula Sancti Francisci. Proposita ex dispensatione Apostolica per Eminentissimum, & Reverendissimum Dominum Cardinalem de Tencin Pontentem, ad instantiam P. Marci Antonii Gravois Diffinitoris Generalis Ordinis Fratrum Minorum Sancti Francisci Postulatoris specialiter deputati, in Congregatione Ordinaria absque interventu Consultorum, Causa Canonizationis Beatæ Joannæ Valesiæ prædictæ, atque in ea discussio dubio: An sententia Reverendissimi Archiepiscopi Bituricensis Judicis a Sacra Rituum Congregatione Delegati, lata super publico cultu ab immemorabili tempore prædictæ Beatæ exhibito, sive super casu excepto a Decretis fel. recor. Urbani Papæ VIII. sit confirmanda in casu, & ad effectum, de quo agitur: Sacra eadem Congregatio, R. P. D. Ludovico de Valentibus Fidei Promotore in scriptis, & in voce prius audito, rescribendum censuit: Affirmative, si Sanctissimo Domino Nostro visum fuerit. Hac die XIV. Aprilis 1742. Factaque deinde per me Secretarium de prædictis Sanctissimo Domino Nostro relatione, Sanctitas Sua benigne annuit die XXI. ejusdem mensis, & anni.*

Ea confirmatur Decreto Congregationis Sacrorum Rituum.

F. J. A. Cardinalis Guadagni Pro-Præf.  
T. Patriarcha Hierosolymitanus Secr.

Loco & Sigilli.

§. 4. Quoniam autem dictus Marcus Antonius Postulator, quo Decretum hujusmodi firmius subsistat, & servetur exactius, Apostolicæ confirmationis nostræ patrocinio communiri summo opere desiderat: Nobis propterea humiliter supplicari fecit, ut sibi præmissis opportune providere, & ut infra indulgere de benignitate Apostolica dignemur. Nos igitur ipsum Marcum Antonium Postulatorem specialibus favoribus, & gratiis prosequi volentes, & quibusvis excommunicationis, suspensionis, & interdicti, aliisque Ecclesiasticis sententiis, censuris & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium duntaxat consequendum harum serie absolventes, & absolutum fore censentes, hujusmodi supplicationibus inclinati, præinsertum decretum super publico cultu ab immemorabili tempore prædictæ Beatæ Joannæ Valesiæ exhibito editum, auctoritate Apostolicæ tenore præsentium approbamus, & confirmamus, illique inviolabilis Apostolicæ firmitatis robur adicimus; salva tamen semper in præmissis auctoritate Congregationis eorundem Cardinalium.

Confirmatio Apostolica.

§. 5. Decernentes easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit in futurum plenissime suffragari, & ab eis respective inviolabiliter observari; Sicque in præmissis per quoscunque Judices ordinarios, & delegatos, etiam

etiam.



etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel igno-  
ranter contigerit attentari. Non obstantibus Constitutionibus, & Ordinationibus  
Apostolicis, cæterisque contrariis quibuscumque.

Exemplorum  
auctoritas.

Dat. die 18.  
Junii 1742.

§. 6. Volumus autem, ut ipsarum præsentium literarum transumptis, etiam im-  
pressis, manu alicujus Notarii publici subscriptis, & sigillo personæ in Ecclesiastica  
dignitate constitutæ munitis, eadem prorsus fides in judicio, & extra illud ubique  
locorum adhibeatur, quæ præsentibus ipsis adhiberetur, si forent exhibitæ, vel o-  
stenstæ. Datum in Arce Gandulphi Albanen. Diocesis sub Annulo Piscatoris die  
XVIII. Junii MDCCXLII. Pontificatus Nostri Anno II.

Pro D. Card. Passioneo  
Cajetanus Amatus.

## LIX.

## D E R I T I B U S

Seu Cæremoniis Sinensibus; Confirmatur Constitutio Clementis Undecimi, incip. *Ex  
illa die*. Permissiones quædam publicatæ a bon. mem. Carolo Ambrosio Medio-  
barbo Patriarcha Alexandrino, reprobantur, & annullantur: Præscribitur nova  
forma Juramenti a Missionariis præstandi.

## B E N E D I C T U S P A P A XIV.

*Ad perpetuam rei memoriam.*

Exordium.

Fidei propa-  
gatio ab Apost.  
Sede promota  
in Sinarum  
Imperio.

**E**X quo singulari providentia factum est, ut Orientalium, & Occidentalium India-  
rum Regionibus Europæ innotescerent, Apostolica Sancta Sedes, quæ ab ipsis Ec-  
clesiæ incunabulis Evangelicæ veritatis lumen ubique diffundere, & illud ab omni er-  
roris umbra fervare maximo studio curavit, in his quoque novissimis temporibus  
Evangelicos Operarios in antedictas Regionibus sedulo misit; ut Idolatria ibi late domi-  
nante funditus eradicata, Christianæ Fidei semen opportune spargerent, atque hor-  
rentes illos, & incultos campos in fertile florentesque vineas, uberrimos æternæ  
vitæ fructus daturas, commutarent. Ex Regionibus autem illis, quas Sancta Sedes  
præ cæteris ante oculos habuit, fuit profecto amplissimum Sinarum Imperium: in  
quo quidem negari non potest, quin Christiana fides progressus ingentes fecerit, lon-  
ge etiam majores factura, nisi contra inter Operarios a Sancta Sede illuc missos dis-  
sidia, cursum interciderent.

Dissidia in-  
ter Missiona-  
rios circa Cæ-  
remonias Si-  
nensium, &  
præcipue cir-  
ca cultum er-  
ga defunctos.

§. 1. Occasionem dissidiis ejusmodi dederunt Cæremoniæ quædam, & Ritus, qui-  
bus Sinenses, ad Confucium Philosophum, & Majores suos honoribus prosequendos,  
uti consueverunt: cum nonnulli ex Missionariis contenderent, eas esse Cæremonias,  
& Ritus mere civiles, adeoque concedendos iis, qui relicto Idolorum cultu, Chri-  
stianam Religionem amplectebantur; contra vero alii eos, utpote superstitionem  
olentes, sine gravi Religionis injuria permitti nullo modo posse assererent. Quæ sa-  
ne controversia multis annis Apostolicæ Sedis curam, & sollicitudinem ad se traxit;  
cum id maxime caveat, ne zizania in agro Dominico radices agant, aut, si forte  
egerint, eæ, quam cito fieri potest, evellantur.

Prima deci-  
sio Congr. de  
Propag. Fide,  
sub Innoc. X.

§. 2. Primo itaque ad Sanctæ Sedis Tribunal Causam hanc detulerunt ii, qui Cæ-  
remonias illas, & Ritus Sinicos superstitione imbutos suspicabantur. Super illis Du-  
bia nonnulla proposita fuerunt Congregationi de propaganda Fide, quæ anno 1645.  
comprobavit responsa, ac decisiones Theologorum, qui Cæremonias, & Ritus eosdem  
superstitione revera infectos judicarunt. Proinde Innocentius Papa X. ad prælatæ  
Congregationis preces, omnibus & singulis Missionariis, sub pœna excommunicatio-  
nis latæ sententiæ, sibi, ac Sanctæ Sedi reservatæ, mandavit, ut responsa, ac deci-  
siones prædictas omnino observarent, easque ad praxim deducerent, donec sibi, &  
Apostolicæ Sedi aliter visum non esset.

Alteræ Con-  
greg. S. In-  
quisition. sub  
Alex. VII.

§. 3. Verum paulo post ab aliis ejusdem Missionis Operariis alia Dubia de iisdem  
Ritibus, & Cæremoniis ipsimet Congregationi de Propaganda Fide fuerunt exhibitæ,



ex quibus Cæremoniæ ipsæ, Ritusque nullam in se superstitionem habere videbantur. Negotium itaque huiusmodi ab Alexandro Papa VII. Sacræ Inquisitionis Congregationi commissum fuit: quæ, prout varia, diversaque ratione fuerat sibi de eisdem Cæremoniis expositum, alias quidem, tamquam mere civiles, & politicas, esse permittendas, alias vero minime tolerari posse iudicavit; idemque Alexander Pontifex anno 1656. hanc sententiam probavit, & confirmavit.

§. 4. Sed ecce tertio ad Sanctam Sedem hæc eadem controversia. Cum plura Dubia Sacræ Inquisitionis Congregationi proposita fuissent, illud quoque ab ea quæsitum fuit, utrum adhuc vigeret Innocenti Papæ X. præceptum, quo sub pœna excommunicationis latæ sententiæ mandabat observantiam responsum, ac decisionum, quæ a Congregatione de Propaganda anno 1645., ut supra dictum est, emanaverant. Præterea, an, stantibus recens expositis dubiis, earum praxis retinenda foret: cum præsertim ob stare videretur Decretum Sacræ Inquisitionis; quod ab ea emanavit anno 1656. super quæstis nonnullis, diversa ratione, aliisque circumstantiis propositis ab Operariis Apostolicis in Sinarum Regno commorantibus. Respondit ad hæc Sacra Inquisitionis Congregatio anno 1669. præfatum Congregationis de Propaganda Fide Decretum adhuc vigere, habita ratione rerum, quæ fuerunt in dubiis expositæ; neque illud fuisse circumscriptum a Decreto Sacræ Inquisitionis, quod anno 1656. emanavit; immo esse omnino observandum juxta quæsitæ, circumstantias, & omnia ea, quæ in antedictis Dubiis continentur. Declaravit pariter, eodem modo esse observandum prædictum Sacræ Congregationis Decretum anno 1656. juxta quæsitæ, circumstantias, & reliqua in ipsis expressa. Hoc autem Decretum Clemens Papa IX. comprobavit.

Alia resolutio ejusdem Congr. sub Clem. IX.

§. 5. Cum autem omnia præfata Decreta pro varia rerum expositarum ratione fuerint facta, ac promulgata, tantum abiit, ut Rituum Sinenſium controversia finem obtineret, ut magis illa vires, & incrementum acquireret. Nam scissis Evangelicis Operariis in partes, adducta res fuit in acriorem animorum, ac sententiarum contentionem. Atque hinc, non sine gravi scandalo, magnoque Fidei damno, consecuta est prædicatio non uniformis, & non eadem ubique Christianorum illorum disciplina, & institutio. De his autem absurdis certior factus Innocentius Papa XII. Prædecessor noster, id muneris sui omnino esse putavit, ut perniciosi adeo dissidiis finis daretur; proinde exactam, maximeque accuratam totius hujus controversiæ discussionem Sacræ Inquisitionis Congregationi commisit. Cumque nihil intentatum reliquisset, quo sinceram facti notitiam obtineret, firmata quoque fuerunt de illius mandato summa cum diligentia quæsitæ, quæ per eandem Sacram Congregationem resolverentur.

Innoc. XII. novum examen Causæ in eadem Congr. instaurari jubet.

§. 6. Quæstorum illorum examen Innocentii Papæ XII. mors intercepit. Clemens autem XI. qui successit, Prædecessoris sui zelo plenus, coram se quæstorum eorundem examen fieri voluit. Quamobrem post diuturnam, maturam, & accuratissimam rei discussionem, post auditas ex utraque parte rationes, quibus libere producendis unicuique locus amplissimus datus fuit, idem Clemens Papa XI. anno 1704. confirmavit, & Apostolica auctoritate comprobavit præmemoratæ Sacræ Congregationis responsiones ad omnia, & singula quæsitæ proposita, quibus Ritus Sinenſes, utpote superstitione imbuti, prohibebantur; mandavitque, præfatas responsiones ad Carolum Thomam de Tournon Antiochiæ Patriarcham, Commissarium, & in Sinarum Regno Visitatorem Apostolicum transmitti; ut nimirum exactam earundem observantiam omnibus, & singulis Missionariis, pœnis quoque Canonicis in refractarios indictis præciperet.

Clemens XI. approbat Responsiones Congr. easque transmittit ad Patriarcham Antioch. Visitat. Ap.

§. 7. Promulgavit quidem Patriarcha Antiochenus decisionem Apostolicam, addito Decreto, quo ab universis eius observantiam exigebat. Cum autem illam tentassent eludere, variisque inanibus rationibus effugere ii, qui Sinenſes Ritus tamquam politicos, ac mere civiles propugnauerant, prædictus Pontifex Clemens XI. Decreto, quod per Sacræ Inquisitionis Congregationem emanavit anno MDCCX. præcepit omnimodam, & inviolabilem earundem responsum abs se Apostolica auctoritate confirmatarum observantiam, & alia quæ Decreto ipso continentur, quod est tenoris sequentis.

Qui eas publicat. adhibet præceptis &c.

Mandat observari Decr. editum a Card. de Tournon.

§. 8. Decretum super omnimoda, ac inviolabili observatione Responsorum, alias in Bullar. Rom. Bened. XIV. Tom. I.

X

Tenor Decreti.



*Causa Rituum, seu Cæremoniæ Sinensium a Sacra Congregatione datorum, & a Sanctissimo approbatorum cum aliis Ordinationibus.*

Mandat ob-  
servari Decre-  
tum editum a  
Card. de Tour-  
non.

Feria V. die XXV. Sept. MDCCX. In Congregatione Generali Sanctæ Romanæ, & Universalis Inquisitionis, habita in Palatio Apostolico Quirinali coram SS. Domino nostro Domino Clemente Divina Providentia Papa XI. ac Eminentissimis, & Reverendissimis Dominis Sanctæ Romanæ Ecclesiæ Cardinalibus in tota Republica Christiana contra hæreticam pravitatem Generalibus Inquisitoribus a Sancta Sede Apostolica speciali-  
ter deputatis.

Idem Sanctissimus Dominus Noster in Causa Rituum, seu Cæremoniæ Sinensium, auditis, tam in Congregationibus anno præterito non semel, quam in aliis, mense, & anno præsentibus pluries coram Sanctitate sua habitis, præfatorum Eminentissimorum, & Reverendissimorum Dominorum Cardinalium, qui rem mature, ac diligentissime discussissent, sententiis, decrevit, & declaravit, responsa alias in Causa hujusmodi ab eadem Congregatione data, & a Sanctitate sua die 20. Novemb. 1704. confirmata, & approbata, necnon Mandatum, seu Decretum ab Eminentissimo, & Reverendissimo Domino Cardinali de Tournon, tunc Patriarcha Antiocheno, Commissario, & Visitatore Apostolico Generali in Imperio Sinarum die 25. Jan. 1707. hac de re editum, ab omnibus, & singulis, ad quos spectat, inconcussè, & inviolabiliter, sub censuris, & pœnis in Mandato, seu Decreto hujusmodi expressis, observanda esse, quovis contrarietate quaesito colore, seu prætextu penitus sublato, ac potissimum non obstante quacumque appellatione a quibuscumque Personis, sive Sæcularibus, sive Regularibus, etiam specifica & individua mentione, & expressione dignis ac quavis Ecclesiastica dignitate fulgentibus, ad Sedem Apostolicam interposita, quam propterea Sanctitas sua rejiciendam esse decrevit, ac re ipsa rejecit.

Rejicit appel-  
lationes ad S.  
Sedem inter-  
positas.

Declarat. ac  
Decreto nihil  
additum, vel  
detractum Re-  
sponsionibus  
datis an. 1704.

Pleniorum in-  
structionem  
confici jubet.

Porro cum idem Dominus Cardinalis de Tournon in suo Mandato, seu Decreto supradicto, Apostolicæ decisionis die 20. Novembris 1704. latè se expresse inhxerere professus fuerit, Sanctitas sua ulterius declaravit, ipsum Mandatum, seu Decretum, una cum censuris in eo contentis, ad normam eorundem responsorum accipiendum esse, ita ut nihil per illud responsis præfatis additum, seu detractum fuisse censendum sit, ac omnia, quæ in eis insunt etiam in Mandato, seu Decreto prædicto inesse intelligantur.

Cæterum Sanctitas sua, tametsi non sine ingenti animi sui dolore acceperit, quod humani generis hostis multiplicia in die zizanias in latissimis illis Regionibus supereminare non cessat; non tamen propterea in eis Catholice Religionis propagandæ saluterimum, ac sanctissimum opus nullatenus deferere volens, sed illud majori, qua potest, animi contentione, ac studio, iisque potissimum dissidiis, quibus inibi Christianæ Fidei seges veluti spinis suffocatur, prorsus submotis, ardentius semper, & enixius promoveri cupiens; congruam super præmissis, aliisque ad ea pertinentibus instructionem confici, illamque dicto D. Cardinali de Tournon, quatenus adhuc in illis partibus commoretur, sin minus, illi, qui ejus loco deputatus fuerit, necnon Episcopis, & Vicariis Apostolicis, earundem partium transmitti mandavit, qua non minus debite Apostolicorum Decretorum executioni, quam Missionariorum concordie, Evangelicæ veritatis prædicationi, atque animarum salutis opportune consulatur.

Vetari publi-  
cari scripta  
super Rit. Sin.  
absque licen-  
tia S. S.

Publicata ve-  
ro prohibet  
sub pœnis Eccl.

Demum, ut nimis illi de his rebus scribendi licentiæ, quæ non sine Fidelium scandalo inter Partes diuturna contentione exasperatas invaluit, modus imponatur, Sanctitas sua districte præcepit omnibus, & singulis cujuscumque Ordinis, Congregationis, Instituti, & Societatis, etiam de necessitate exprimendæ, Regularibus, aliisque quibuscumque Sæcularibus Personis, tam Ecclesiasticis, quam Laicis, cujuscumque tandem status, conditionis, & dignitatis existant, ut in posterum non audeant sub quovis quaesito colore, vel prætextu, imprimere, vel quoquo modo in lucem edere; Libellos, Relationes, Theses, Folia, seu scripta quæcumque, in quibus ex professo, vel incidentur de Ritibus Sinicis hujusmodi, vel controversis desuper, seu illorum occasione exortis quomodolibet tractetur, sine expressa, & speciali licentia a Sanctitate sua, seu pro tempore existente Romano Pontifice in Congregatione supradictæ Sanctæ, & Universalis Inquisitionis obtinendæ. Ut autem ejusmodi prohibitio inviolabiliter observetur, eadem Sanctitas sua voluit, & declaravit, contravenientes quoscumque excommunicationis latæ sententiæ, Regulares vero etiam privationis vocis activæ, & passivæ pœnas ipso facto absque alia declaratione incurrere; & nihilominus alia etiam pœnis Sanctitatis suæ, & Successorum suorum Romanorum Pontificum arbitrio infligendis subiacere. Litteræ



Porro, Libellos, Relationes, Theses, Folia, ac Scripta quaecumque, quæ in futurum contra præsentis prohibitionis tenorem edi contigerit, (citra ullam aliorum hæcenus editorum approbationem, super quibus opportuno providebitur,) pro expresse prohibitis haberi voluit, absque alia declaratione, sub penis, & censuris in Regulis Indicis Librorum prohibitorum contentis. Impressores vero, præter Scriptorum sic impressorum amissionem, pecuniariis, aliisque corporalibus poenis, juxta criminis gravitatem, teneri mandavit. In contrarium facientibus, non obstantibus quibuscumque.

Joseph Bartolus Sanctæ Romane, & Universalis Inquisitionis Not.

Idem Clem.  
XI. præfatus  
Responsiones  
edita (Con-  
tutione con-  
firmat. A

§. 9. At vero, nec Decretum huiusmodi ad difficiles animos subiciendos valuit. Itaque Clemens idem Papa XI. quo illos tandem aliquando frenaret, Constitutio- nem anno 1715. evulgavit, qua solemniter iterum confirmavit antedictas Sacræ Inquisitionis responsiones, easque exacte, & ad amissim observari mandavit, præclusis omnibus iis effugiis, quibus perfectum earum observantiam contumaces homines aliquo pacto evadere potuissent: & est tenoris, qui sequitur.

Tenor Con-  
stitutionis ex  
illa die.

§. 10. Clementis Papæ XI. Præceptum super omnimoda, absoluta, integra, & inviolabili observatione eorum, quæ alias a Sanctitate sua in Causa Rinum, seu Cæremoniarum Sinensium decreta fuerunt: cum refectione quarumcumque rationum, seu excusationum ad ejusmodi Decretorum executionem declinandam allatarum, ac præscriptione Formulæ Juramenti per Missionarios illarum partium præsentis, & futuros hac in re præstandi.

Clemens Papa XI. Ad futuram rei memoriam. Ex illa die, qua, nullo licet meritum nostrorum suffragio, Catholicæ Ecclesiæ gubernacula, hoc est, munus sua amplitudine gravissimum, ac temporum iniquitate molestissimum, Deo sic disponente, suscepimus, nihil Nobis manum clavo admoveantibus antipetitus fuit, quam acerrimas contentiones jampridem in Imperio Sinarum inter Apostolicos illarum partium Missionarios exortas, semperque in dies magis invalescentes, tam circa quasdam voces Sinicas, ad sanctum, & ineffabile Dei nomen exprimendum inibi usurpatas, quam circa nonnullos earum gentium Ritus, veluti superstitiosos a quibusdam ex Missionariis prædictis reprobatos; ab aliis vero, utpote eos civiles tantum asserentibus, permisos, Apostolici Judicii censura opportune dirimere: ut, ut sublatis dissidiis, Christianæ Religionis, Catholicæque Fidei propagationem turbantibus, omnes tandem id ipsum dicerent in eodem sensu, & in eadem sententia, unoque ore glorificaretur Deus, ab iis, qui sanctificati sunt in Christo Jesu.

Exordium.  
Pontificis stu-  
dium diri-  
mendi con-  
troverfias fu-  
per Ritibus  
Sinens.

Hoc consilio responsa illa, quæ ad varias quæstiones super huiusmodi rebus excitatas, prævio diuturno examine, dudum, videlicet tempore fel. rec. Innocentii Papæ XII. Prædecessoris nostri inchoato, ac deinde jussu nostro per plures annos continuato, auditisque utriusque Partis rationibus, necnon complurium Theologorum, & Qualificatorum sententiis, ac Congregatione Venerabilium Fratrum nostrorum S. R. E. Cardinalium in tota Republica Christiana Generalium Inquisitorum adversus hæreticam pravitatem auctoritate Apostolica deputatorum data fuerunt, Nos die 20. Novembris 1704. eadem auctoritate confirmavimus, & approbavimus.

In eum finem  
approbavit  
Responsiones,  
de quibus fu-  
pra.

Ea autem, quæ in responsis huiusmodi decreta fuerunt, sunt quæ sequuntur. „ Cum  
„ Deus Optimus Maximus congrue apud Sinas vocabulis Europæis exprimi nequeat,  
„ ad eundem verum Deum significandum, vocabulum *Thien Chû*, hoc est, Cœli Do-  
„ minus, quod a Sinensibus Missionariis, & Fidelium longo, ac probato usu rece-  
„ ptum esse dignoscitur, admittendum esse: nomina vero *Tien Cœlum*, & *Xang Tî*  
„ Supremus, Imperator, penitus rejicienda.

Tenor Res-  
ponsionum.  
De Dei no-  
mine.

„ Idcirco Tabellas cum inscriptione Sinica *King Tein*, Cœlum colito, in Ecclesiis  
„ Christianorum appendi, seu jam appensas in posterum inibi retineri permittendum  
„ non esse.

Denique in-  
scriptione.

„ Ad hæc nullatenus, nullaque de causa permittendum esse Christifidelibus, quod  
„ præstint, ministrant, aut intersint solemnibus Sacrificiis, seu Oblationibus, quæ a  
„ Sinensibus in utroque æquinoctio cujuscumque anni Confucio, & Progenitoribus  
„ defunctis fieri solent, tamquam superstitione imbutis. Similiter, nec esse permit-  
„ tendum, quod in Aedibus Confucii, quæ Sinico nomine *Miao* appellantur, iidem  
„ Christifideles exerceant, ac peragant Cæremonias, Ritus, & Oblationes, quæ in  
„ honorem ejusdem Confucii fiunt tum singulis mensibus in Novilunio & Plenilunio

De cultu,  
Confucii.



„ a Mandarinis, seu primariis Magistratibus, aliisque Officialibus, & Literatis; tum  
 „ ab eisdem Mandarinis, seu Gubernatoribus, ac Magistratibus, antequam dignita-  
 „ tem adeant, seu saltem post ejus possessionem adeptam; tum denique a Literatis,  
 „ qui postquam ad gradus sunt admissi, e vestigio ad Templum, seu Aedem Confucii  
 „ se conferunt.

De cultu Ma-  
 jorum Defun-  
 ctorum in  
 Templis.

Et in domi-  
 bus, in sepul-  
 chris, & super-  
 eorum Cada-  
 veribus.

„ Præterea non esse permittendum Christianis, in Templis, seu Aedibus Progeni-  
 „ toribus dicatis Oblationes minus solemnes eisdem facere, nec in illis ministrare,  
 „ aut quomodolibet inservire, vel alios Ritus, & Cæremonias peragere.  
 „ Item, nec esse permittendum præfatis Christianis, Oblationes, Ritus, & Cære-  
 „ monias hujusmodi coram Progenitorum Tabellis, in privatis domibus, sive in eo-  
 „ rundem Progenitorum Sepulchris, sive antequam defuncti sepultura tradantur, in  
 „ eorum honorem fieri consuetas, una cum Gentilibus, vel seorsim ab illis perage-  
 „ re, eisque ministrare, aut interesse; imo prædicta omnia, utpote quæ, perperis  
 „ hinc inde deductis, necnon diligenter ac mature discussis omnibus, ita peragi com-  
 „ perta sunt, ut a superstitione separari nequeant, Christianæ Legis cultoribus ne  
 „ quidem permittenda esse, præmissa publica, vel secreta protestatione, se, non re-  
 „ ligioso, sed civili, ac politico tantum cultu erga defunctos illa præstare, nec ab  
 „ eis quidquam petere, aut sperare.

Præsentis ma-  
 terialis non  
 damnatur in  
 quibusdam  
 casibus &c.

„ Non tamen per hæ censendam esse damnatam præsentiam illam, seu assistentiam  
 „ mere materiale, quam cum Gentilibus superstitione peragentibus, citra ullam si-  
 „ ve expressam, sive tacitam gestorum approbationem, ac quovis ministerio penitus  
 „ secluso, eisdem superstitionis actibus quandoque præstari contingat a Christianis,  
 „ cum aliter odia, & inimicitia vitari non possunt: facta tamen prius, si commode  
 „ fieri poterit, Fidei protestatione, ac cessante periculo subversionis.

De Tabellis  
 Progenitorum  
 domi retinen-  
 dis.

„ Denum permittendum non esse Christianis, Tabellas defunctorum Progeni-  
 „ torum in suis privatis domibus retinere, juxta illarum partium morem, hoc est  
 „ cum inscriptione Sinica, qua Thronus, seu Sedes Spiritus, vel Animæ N. signifi-  
 „ cetur; imo nec cum alia, qua Sedes, seu Thronus, adeoque idem, ac priori, li-  
 „ cet magis contracta, inscriptione, designari videatur. Quo vero ac Tabellas solo  
 „ defuncti nomine inscriptas, tolerari posse illarum usum, dummodo in eis conti-  
 „ nendi omnia, quæ superstitionem redolent, & secluso scandalo, hoc est, dummo-  
 „ do qui Christiani non sunt, arbitrari non possint, Tabellas hujusmodi a Christia-  
 „ nis retineri ea mente, qua ipsi illas retinent, necnon adjecta insuper declaratione  
 „ ad latus ipsarum Tabellarum apponenda, qua, & quæ sit Christianorum de defun-  
 „ ctis fide, & qualis Filiorum, ac Nepotum Progenitores pietas esse debeat, enun-  
 „ cietur.

Pietatis offi-  
 cia non su-  
 perstitiosa  
 nequaquam  
 prohibentur.  
 Eorum exa-  
 men Visitatori  
 Apostolico,  
 Episc. & Vi-  
 carii Apost.  
 relinquitur.

„ Per præmissa nihilominus non vetari; quominus erga defunctos peragi possint  
 „ alia, si quæ sint, ab iis gentibus peragi consuetas, quæ vere superstitione non sint,  
 „ nec superstitionis speciem præferant, sed intra limites civilium, & politicorum  
 „ Rituum contineantur. Porro quænam hæc sint, & quibus adhibitis cautelis tole-  
 „ rari valeant, tum pro tempore existentis Commissarii, & Visitatoris Generalis  
 „ Apostolici, seu ejus vices exercentis in Imperio Sinarum, tum Episcoporum, &  
 „ Vicariorum Apostolicorum illarum partium iudicio relinquendum esse: qui ta-  
 „ men interea omni, quo poterunt, studio, ac diligentia curare debebunt, ut Gen-  
 „ tium Cæremoniis penitus sublati, illi sensum a Christianis, & pro Christianis  
 „ hac in re usu recipiantur Ritus, quos Catholica Ecclesia pro defunctis pie præ-  
 „ scripsit.

Refertur De-  
 cretum supra  
 inferius §. 8.

Post hæc vero, labente fere sexennio, nempe die 25. Septemb. 1716. auditis iterum  
 dictorum Cardinalium, qui rem mature, ac diligentissime discussissent, suffragiis, ea-  
 dem responsa, necnon Mandatum, seu Decretum, quod illis expresse inhærendo, a piæ  
 recordationis Carolo Thoma, dum vixit, ejusdem Sanctæ Romanæ Ecclesiæ Cardinali  
 de Tournon nuncupato, tunc Patriarcha Antiocheno, Commissario, & Visitatore Apo-  
 stolico Generali in præfato Imperio Sinarum, die 25. Januarii 1707. editum fuit, ab  
 omnibus & singulis, ad quos spectabat, inconvulso, & inviolabiliter, sub censuris, &  
 pænis in Mandato, seu Decreto hujusmodi expressis, observanda esse decrevimus, &  
 declaravimus, quovis contrasacendi quæsto colore, seu prætextu penitus sublato, ac po-  
 tissimum non obstante quacumque appellatione a quibusvis Personis ad Nos, & Se-  
 dem Apostolicam interposita, quam propterea prorsus rejiciendam esse similiter de-  
 cre-



crevimus, ac reipsa rejecimus, prout in Decreto hoo de re edito fufius continetur.

Hæc omnia plene, & abunde fufficere debuiffent, in ea, quæ inimicus homo fuperfeminaverat, xizania ex agro illo radicitus evellerentur, Fidelesque omnes noftris & hujus S. Sedis mandatis, ea, quæ par erat, humilitate, & obedientia obfequerentur: præfertim cum in calce refponforum prædictorum a Nobis, ficut præmittitur, confirmatorum, & approbatorum, Causam jam finitam effe, apertis, & perfpicuis verbis pronunciatum fuerit.

Verum, cum, ficuti ex eisdem partibus non fine intimo animi noftri dolore ad noftri pervenit Apofolatus auditum, tam enixe a Nobis præfcripta refponforum hujusmodi executio male a plerisque, fivè vano falfoque obtentu, quod illa a Nobis fufpenfa fuerint, vel minus legitime promulgata, fivè conditionum, ut perperam affertur, in eis inftitutum, & ante executionem ipfam verificandarum, factorumve, fuper quibus ipfa emanarunt, non juftificatorum ratione, fivè ulteriorum a Nobis ea in re edendarum declarationum colore, fivè gravium, quæ tam Miffionarii, quam Miffioni ipsi ex deman data executione obvenire poffent, periculorum formidine, fivè demum Decreti dudum, nempe die 23. Martii 1656. fuper ejusdem Ritibus, seu Cæremoniis Sinicis a præfata Congregatione Cardinalium editi, ac a recol. mem. Alexandro Papa VII. etiam Prædeceffore noftro approbati prætexu, necnon fine gravi Pontificiæ noftræ auctoritatis injuria, Chriftifidelium scandalo, ac falutis animarum detrimento, fatis diu, multumque eludatur, aut faltem nimium retardetur.

Hinc eft, quod Nos, ex commiffæ Nobis divinitus Apofoliciæ fervitutis munere, difficultates, tergiverfationes, fubterfugia, & prætextus hujusmodi penitus, & omnino e medio tollere, ac rejicere, necnon Chriftifidelium quieti, animarumque faluti, quantum Nobis ex alto conceditur, propicere cupientes, de eorundem Cardinalium confilio, ac etiam motu proprio, & ex certa fcientia, ac matura deliberatione noftris, deque Apofoliciæ poteftatis plenitudine, omnibus & fingulis Archiepifcopis, & Epifcopis in fupradicto Sinarum Imperio, aliisque ei conterminis, fivè adjacentibus Regnis, ac Provinciis nunc, & pro tempore quodocumque exiftentibus, fub fufpenfionis ab exercitio Pontificalium, & Interdicti ab ingreffu Ecclefiæ, eorum vero Officialibus, ac Vicariis in Spiritualibus Generalibus, aliisque illorum locorum Ordinariis, ac etiam Vicariis Apofolicis, qui Epifcopi non fint, eorumve Provicariis, necnon Miffionariis, tam fecularibus, quam cujufvis Ordinis, Congregationis, Inftituti, & Societati, etiam Jefu, Regularibus, fub excommunicationis lætæ fententiæ, a qua nemo a quoquam, præterquam a Nobis, seu Romano Pontifice pro tempore exiftente, nifi in mortis articulo conftitutus, abfolvi poffit, & quoad Regulares, etiam privationis vocis activæ, & paffivæ pœnis per contrafacientes ipfo facto absque alia declaratione incurrendis, tenore præfentium præcipimus, ac in virtute sanctæ obedientiæ mandamus, ut refponfa præinferia, omniaque, & fingula in eis contenta, exacte, integre, abfolute, inviolabiliter, & inconcuſſe obſervent; ab eis, quorum cura ad illos ſpectat, fimiliter obſervari, quantum in ipsis eſt, curent, & faciant: neque illis, fivè ullo ex ſuperius expreſſis, fivè alio quovis titulo, cauſa, occaſione, colore, vel prætextu, contravenire quoquo modo audeant, vel præſument.

Præterea motu, ſcientia, deliberatione, & poteſtatis plenitudine paribus, harum ſerie ſtatuiſmus, & ſub eiſdem excommunicationis reſervatæ, ac privationis vocis activæ, & paffivæ pœnis, ordinamus, ut omnes, & ſinguli Eccleſiaſtici tam ſeculares, quam prædictorum Ordinum, Congregationum, Inſtitutorum, & Societatum, etiam Jefu, Regulares, ad Sinas, aliave præfata Regna, & Provincias, fivè ab hac Sancta Sede, fivè etiam ab eorum Superioribus miſſi, & quodocumque in poſterum mittendi, cujufvis tandem tituli, aut facultatis vigore illic exiſtant, vel in futurum extiterint; miſſi ſcilicet, ſtatim, ac præſentes Literæ eis innotuerint; mittendi vero, antequam ibidem aliquod Miffionarii munus exercere incipiant: Juramentum de fideliter, integre, ac inviolabiliter obſervando ejusmodi Præcepto, ac Mandato noſtro, juxta formulam in præſentium Literarum calce annotandam, in manibus Commiſſarii, & Viſitatoris Apofolici in præfato Imperio Sinarum pro tempore exiſtentis, vel alterius ab illo deputati, fivè, eo deficiente, in manibus Epifcoporum, vel Vicariorum Apofolicorum dictarum partium, in quorum reſpectiva juriſdictione commorantur, vel commorabuntur, aut aliorum ab eis deputatorum, Regulares vero in manibus inſuper Superiorum ſuæ

Ejus obſervantia variis effluſis retardata.

Præceptum æctiſſimum, ſub cenſuris, & pœnis, pro ejusdem Decreti executione.

De qua omnes Miffionarii juramentum præſtare jubentur.



Et donec illud præstitum sit, eisdem suspendantur facultates.

Religionis, vel ab illis deputatorum in eisdem partibus existentium, præstare omnino debeant, ac teneantur: ita ut ante præstationem Juramenti hujusmodi, & subscriptionem sub eadem formula ab unoquoque, qui juramentum ipsum præstiterint, propria manu faciendam, nullum Missionarii munus continuare, aut exercere, immo nec tantquam deputati ab Episcopis, seu Ordinariis Locorum, aut tamquam simplices sue Religionis Presbyteri, siue alio quovis titulo, causa, seu privilegio, de quibus expressa, & specialissima esset facienda mentio, Christianidelium Confessiones audire, concionari, aut Sacramenta quomodolibet administrare ullo modo valeant, nullisque omnino facultatibus, siue sibi speciatim, siue suis respective Ordinibus, Congregationibus, Institutis, & Societatibus, etiam Jesu, hujusmodi generaliter a Sede præfata concessis, uti possint: sed quoad eos, præter, & ultra superius expressas penas, omnes & singulae facultates prædictæ omnino cessent, nulliusque reboris sint, & esse censeantur.

Juramenti præstiti exempla authentica ad S. Sedem transmittantur.

Omnia autem Juramenta hujusmodi per quoscumque Missionarios tam Sæculares, quem Regulares, in memoratorum siue Commissarii, & Visitatoris Apostolici pro tempore existentis, siue Episcoporum, aut Vicariorum Apostolicorum manibus, sicut præmittitur, præstanda, postquam subscriptione munita fuerint, vel saltem authentica existentem, Episcopos, & Vicarios Apostolicos, & Visitatorem Apostolicum pro tempore existentem, quando citius fieri poterit, transmittantur.

Superiores curent præmissorum executionem.

Superiores vero Regulares cujusvis Ordinis, Congregationis, Instituti, & Societatis, etiam Jesu, illic nunc, & pro tempore existentes, sub eisdem penis, teneantur non solum idem Juramentum in præfatorum, siue Commissarii, & Visitatoris Apostolici pro tempore existentis, siue Episcoporum, aut Vicariorum Apostolicorum manibus, juxta modum supra præscriptum, præstare, ejusque formulæ subscribere, sed etiam illius præstationem a suis respective Subditis exigere, ac authentica ea super re documenta quamprimum transmitti ad suos respective Superiores Generales, qui illa memoratæ Congregationi Card. statim tradere debebunt.

Clausula pro omnimoda literarum observantia.

Decernentes, easdem præsentis Literas, & in eis contenta quæcumque, etiam ex eo, quod prædicti, & alii quicumque in præmissis interesse habentes, seu habere quomodolibet prætendentes, cujusvis status, gradus, Ordinis, præeminentiæ, & dignitatis existant, seu alias specifica, & individua mentione, & expressione digni, illis non consenserint, nec ad ea vocati, & auditi, causæque, propter quas præsentis emanarint, sufficienter adductæ, verificatæ, & justificatæ non fuerint, aut ex alia qualibet, etiam quantumvis juridica, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, vel interesse habentium consensu, aliove quolibet, etiam quantumvis magno, & substantiali, ac excogitato, & inexcogitabili, individuumque expressionem requirente defectu, notari, impugnari, infringi, invalidari, tractari, in controversiam vocari, aut ad terminos Juris reduci, seu adversus illas apositionis Oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato, quempiam in Judicio, vel extra illud, uti, seu se juvare ullo modo posse; sed ipsas præsentis Literas semper firmas, validas, & efficaces existere, & fore, quibuscumque juris, seu facti defectibus, qui adversus illas, etiam quorumvis a Sede præfata concessorum privilegiorum prætextu, ad effectum impediendi, seu retardandi eorum executionem, quovis modo, seu quavis ex causa opponi, seu objici possent, minime refragantibus, suos plenarios, & integros effectus sortiri, & obtinere, easque propterea, omnibus, & singulis quomodolibet allatis, seu afferendis impedimentis penitus, & omnino rejectis, ac nequaquam attentis, ab illis, ad quos spectat, & pro tempore præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem Sanctæ Rom. Eccles. Cardinales, etiam de Latere Legatos, & præfatis Sedis Nuncios, aliosve quoslibet quacumque præeminentiæ, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Decreta irritantia.



Non obstantibus præmissis, & quatenus opus sit, nostra, & Cancellariæ Apostolicæ Regula de jure quæsito non tollendo, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus necnon quorumcumque Ordinum, Congregationum, Institutum, & Societatum, etiam Jesu, ac quarumvis Ecclesiarum, & aliis quibuscumque, etiam juramento, confirmatione Apostolica, vel quavis firmitate alia roboratis, Statutis, & consuetudinibus, ac præscriptionibus quantumcumque longissimis, & immemorabilibus, Privilegiis quoque, Indultis, & Literis Apostolicis, Ordinationibus, Congregationibus, Institutis, & Societatibus, etiam Jesu, ac Ecclesiis prædictis, aliisque quibuscumque personis, etiam quantumvis sublimibus, & specialissima mentione dignis, a Sede prædicta ex quacumque causa, etiam per viam contractus, & remunerationis, sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis etiam motu, scientia, & potestatis plenitudine similibus, seu ad quorumcumque personarum, etiam Imperiali, Regali, aliæque qualibet mundana, vel Ecclesiastica dignitate fulgentium instantiam, aut earum contemplatione, seu alias quomodolibet in contrarium præmissorum concessis, editis, factis, ac pluries iteratis, ac quantiscumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, exprimerentur, & inferrentur, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

Derogatione  
amplissima.

„ Formula autem Juramenti, sicut præmittitur, præstandi, est, quæ sequitur, videlicet: Ego N. Missionarius ad Sinas, vel ad Regnum N. vel ad Provinciam N. a Sede Apostolica, vel a Superioribus meis, juxta facultates eis a Sede Apostolica concessas, missus, vel destinatus, Præcepto, ac Mandato Apostolico super Ritibus, & Ceremoniis Sinensibus in Constitutione Sanctissimi Domini Nostri Domini Clementis Divina Providentia Papæ XI. hac de re edita, qua præsentis Juramenti formula præscripta est, contento, ac mihi per integram ejusdem Constitutionis lectionem optime noto, plene ac fideliter parebo, illudque exacte, absolute, ac inviolabiliter observabo, & absque ulla tergiversatione adimplebo. Si autem (quod Deus avertat) quovis modo contravenerim, toties quoties id evenerit, pœnis per prædictam Constitutionem impositis me subiectum agnosco, & declaro. Ita, tactis Sacrosanctis Evangelis, promitto, voveo, & juro. Sic me Deus adjuvet, & hæc Sancta Dei Evangelia.

Formula Juramenti a Missionariis præstandi.

„ Ego N. manu propria.

Cæterum volumus, & expresse mandamus, ut eadem præsentis Literæ, seu earum exempla, etiam impressa, notificentur, intimantur omnibus, & singulis memoratorum Ordinum, Congregationum, Institutum, & Societatum, etiam Jesu, Superioribus Generalibus, & Procuratoribus Generalibus, ad hoc ut tam suo, quam prædictorum eis respective Subditorum, seu inferiorum nomine, ipsas Literas fideliter exequi, & observare spondeant, actumque sponsonis hujusmodi in scriptis reddant, earum vero exempla prædicta pluribus viis, quanto citius fieri poterit, transmittant ad eosdem suos Subditos, seu inferiores in Sinis, aliisque Regnis, & Provinciis supradictis degentes, cum arctissimis præceptis easdem Literas, & in eis contenta quæcumque plenarie, & integre, ac vere, realiter, & cum effectum in omnibus, & per omnia similiter exequendi, & observandi.

Præceptum de literarum intimatione, transmissione, & executione.

Quia vero difficile foret, Literas hujusmodi originales ubique ostendi, & publicari, volumus pariter, & decernimus, illarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eandem prorsus fidem tam in Judicio, quam extra illud, ubique locorum haberi, quæ haberetur ipsis præsentibus, si forent exhibitæ vel ostensæ.

Exemplorum auctoritas.



Dat. die 19. Mart. 1715. Datum Romæ apud Sanctam Mariam Majorem sub Annulo Piscatoris die 19. Mart. 1715. Pontificatus Nostri Anno Decimoquinto.

F. Oliverius.

Ejus quoque  
Constitutionis  
observantia  
studetur.

Præsertim ob  
permissiones  
publicatas a  
Patriarcha A-  
lexandrino.

Pontifex præ-  
sertim Con-  
stitutionem  
amplissime  
confirmat.

Exponit, quid  
causam dede-  
rit memoratis  
permissioni-  
bus.

Factum Pa-  
triarchæ Ale-  
xandrini.

Tenor Episo-  
pali Pastoralis.

Exordium.

§. 11. Per Constitutionem Apostolicam adeo solemnem, qua Clemens Papa XI. se huic controversiæ finem dedisse testatur, justum & æquum videbatur, eos, qui Sanctæ Sedis auctoritatem sese quam maxime revereri profiteantur, humili, & obsequenti animo illius iudicio se omnino subicere, nec ulterius quicquam cavillari. Nihilominus inobedientes, & captiosi homines exactam ejusdem Constitutionis observantiam se effugere posse putarunt, ea ratione, quod illa Præcepti titulum præfert, quasi vero non indissolubilis Legis, sed Præcepti mere Ecclesiastici vim haberet; tum etiam, quod illam debilitatam existimarent ex Permissionibus quibusdam, quas super iisdem Sineritibus Ritibus publicavit Carolus Ambrosius Mediobarbus Patriarcha Alexandrinus, cum Commissarium, & Visitatorem Generalem Apostolicum in iis Regionibus ageret.

§. 12. Nos igitur animadvertentes, prædictam Constitutionem Christiani Cultus puritatem respicere, quem illa ab omni superstitionis labe immunem servare contendit, nullo modo ferre possumus, quemquam existere, qui eidem repugnare temere audeat, aut contemnere, perinde ac ipsa Supremam Apostolicæ Sedis decisionem non contineret, & id, de quo agitur, non ad Religionem spectaret, sed quid per se indifferens foret, aut quædam variabilis disciplinæ ratio: Proinde auctoritate ab Omnipotenti Deo Nobis tradita uti volentes ad illam in suo robore omnino servandam, de auctoritatis ejusdem plenitudine, non modo eam approbamus, & confirmamus, sed etiam, quantum possumus, omnem vim, & firmitatem, ad illam magis, magisque roborandam, ac stabiliendam, adjicimus, eamque in se plenam, ac omnimodam Apostolicæ Constitutionis auctoritatem habere dicimus, & declaramus.

§. 13. Permissiones autem, quarum obtentu aliqui prædictæ Constitutionis robur infringere conantur, originem duxerunt a Responsionibus quibusdam, quas duo viri, jampridem in Sinarum Regno fuerant, ad quæsitam nonnulla dederunt, quæ super ejusdem Constitutionis Apostolicæ executione, ac praxi, Missionarii quidam proposuerunt. Responsiones itaque huiusmodi, una cum dubiis illis, nullo tamen Romani Pontificis, sive approbantis, sive aliquid de suo addentis indicio, transmissæ fuerunt ad præfatum Patriarcham Alexandrinum, ejus animi instruendi causa, utque illis uteretur, prout circumstantiæ rerum, ac temporis postularent: integro tamen remanente Apostolicæ Sedis Jure eas comprobandi, vel etiam revocandi, si quando conformes, aut repugnantes Constitutionis præfate decretis nullo modo competentæ forent.

§. 14. Vix Sinarum Regnum Patriarcha Alexandrinus ingressus, in iis angustiis se positum intellexerit, ut coactus fuerit in publicum emittere, non quidem Responsiones, quas præmemorati duo Viri ad proposita quæsitæ dederant, bene vero Permissiones octo, quæ ab illis fuerant deductæ, atque inde ab eodem Patriarcha in Pastoralis sua Epistola insertæ, cuius tenor est, ut sequitur.

§. 15. Carolus Ambrosius Mediobarbus, Dei, & Apostolicæ Sedis gratia Patriarcha Alexandrinus, necnon in Indiis Orientalibus, ac Sinarum Imperio, finitimisque Regnis, & Insulis Commissarius, & Visitator Generalis Apostolicus cum facultate Legati de Latere &c. Omnibus Episcopis, Vicariis Apostolicis, ac Missionariis, qui in prædictis partibus degunt, salutem in eo, qui est omnium vera salus.

Benedictus Deus, & Pater Domini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra, ut possimus, & ipsi consolari eos, qui in omni pressura sunt, per exhortationem, qua exhortamur, & ipsi a Deo. Nil etenim Nobis magis in animo fuit, ex quo in Sinarum Imperium, Deo favente, pervenimus, quam cum iis omnibus, qui in hac Evangelica Vineâ laborant, os ad os loqui. Desideravimus enim videre vos, ut aliquid impertiremur vobis gratiæ spiritualis ad confirmandum vos, idest simul consolari in vobis per eam, quæ invicem est: fidem vestram, atque meam. Verum, quia non sapientiam hujus sæculi loquuti fuimus, in timore, & tremore multo fuimus apud vos, satiusque duximus, ad sedandam tempestatem adversus Evangelicos Operarios ingruentem, Nos in mare projicere, ut vos jactari sinatis. Adjutor noster nunc erit ille Deus, qui dedit Nobis in mari viam, & in aquis torrentibus semitam. Veritatem dicimus in Christo, non

mn-



mentimur, testimonium Nobis perhibente conscientia nostra in Spiritu Sancto; quoniam tristitia Nobis magna est, & continuus dolor adheret cordi nostro, quod praesentes non potuerimus solari vos, ut fructum aliquem haberemus, & in vobis & in cæteris gentibus.

At vero, quod non licuit per praesentiam agere, saltem per epistolam non impedimur. Primum quidem gratias agimus Deo nostro per Jesum Christum pro omnibus vobis, qui Spir. Sancto ferventes, & fortes, Sanctæ Sedis mandatis rationabile exhibetis ministerium vestrum, jactantes cogitatum in eum, cui a Domino dictum est: Pasce oves meas; cui traditæ sunt claves Domus David; si aperit, non est qui claudat, si claudit, non est qui aperiat. Quotquot estis, macte animis, vigilate, stete in fide, viriliter agite, & confortamini, quia merces vestra magna est in Cælis. Ministerium vestrum implete, attendite vobis, & doctrinæ. Lucernæ estote, non minus lucentes exemplo, ac zelo prædicationis ardentes. Si qui vero adhuc essent hæsitantes, & in opere non efficares, obsecramus vos, fratres, per nomen D. N. J. C. ut idipsum dicatis omnes, & non sint in vobis Schismata, suis perfecti in eodem sensu, & in eadem sententia. Non amplius invicem judicemus. Unusquisque vestrum pari humilitate, ac obedientia Sanctæ Sedis mandatis obsequatur, ut vestra obedientia in omnem locum divulgetur.

Excitat Missionarios ad eorum munus implendum.

Non enim opus est, ut aliquem actum faciamus, ut Sanctissimi Domini Nostri Clementis Papæ XI. mandata jam promulgata vobis innotescant, vimque habeant, ut absque ulla tergiversatione executioni mandentur. Nihil proinde innovamus: sed relinquimus Domino Nostro Clemente Papa XI. die 19. Martii 1715. emanatam suspendimus, aut, quæ in ea vetantur, permittimus.

Prohibetur se nihil innovare circa Constitutionem ex illa die.

Ob aliqua tamen quibusdam Missionariis circa quasdam Cæremonias peragi consuetas suborta dubia, ut quilibet in Vineâ Domini strenue, ac viriliter laborare queat, nonnulla adnotamus, quæ permitti poterunt: quæ & separatim unicuique secundum quasita dedissemus, nisi compertum Nobis esset, una cum incertis nuntiis jam disseminata, proborum animos, & Christianos bonæ voluntatis non parum perturbasse. Omni igitur, quo poteritis, studio, ac diligentia curare debetis, ut Genetium Cæremoniis penitus sublatis, illi sensim a Christianis, & pro Christianis usu recipiantur Ritus, quos Catholica Ecclesia pie præscripsit.

Ratio edendæ per-missionum.

Primo. Permittitur Christianis Sinensibus in suis privatis domibus uti Tabellis defunctorum inscriptis solo nomine defuncti, apposita ad latus declaratione debita, & ommissa quacunque superstitione in earum constructione, necnon secluso omni scandalo.

Permissions. I.

Secundo. Permittuntur omnes Cæremoniæ Nationis Sinicæ erga defunctos, quæ non sint aut superstitiæ, aut suspectæ, sed civiles.

II.

Tertio. Permittitur Confucii Cultus ille, qui civilis est, & etiam ejusdem Tabellæ purgatæ & literis, & superstitiæ inscriptione, & adjuncta declaratione debita; sicuti permittitur ante ejus Tabellam correctam accendi candelas, uri odores, apponi comestibilia.

III.

Quarto. Permittuntur pro usu, & expensis funerum offerri candelas, odores, adjuncta in schedula debita declaratione.

IV.

Quinto. Permittuntur reverentiæ genuflexionum, & prostrationum erga Tabellam correctam, aut etiam erga feretrum, aut defunctum.

V.

Sexto. Permittitur præparari mensas cum dulciariis, fructibus, carne, & cibis usualibus circa, aut coram feretro, ubi sit Tabella correctæ, cum debita declaratione, & ommissis superstitiis, pro quadam honestate tantum, & pietate erga defunctos.

VI.

Septimo. Permittitur coram Tabella correctâ reverentia dicta Ko teu, tum in anno novo Sinico, tum in aliis anni temporibus.

VII.

Octavo. Permittitur coram Tabellis reformatis accendi candelas, uri odores cum debitis cautelis, sicuti etiam ante tumulum, ubi pariter collocari possunt cibi, ut supra dictum est, adhibitis cautelis, ut in superioribus.

VIII.

Apostolici ergo viri Ecclesiam adhibentes non habentem maculam, neque rugam, ponant manum suam ad aratrum, nec respiciant retro. Videte fratres vocationem vestram; non enim auditores Legis jussi sunt apud Deum, sed factores legis justificabuntur. Obsecramus itaque vos, ut digne ambuletis vocatione, qua vocati estis, solliciti servare unitatem Spiritus in vinculo pacis. Ne diutius agamus secundum potestatem, paterne vos commonere volumus per Epistolam. Amabilem illum Patrem familias, qui exiit primo mane conducere Operarios in Vineam suam, audite: Quid hic statis tota die otiosi?

Operarios ad laborem em-pius hortatur.



Ite & vos in Vineam meam. Vocem Patris perpendite, & illam Judicis timete. Ipsi vos probate; virtus enim Dei erit vobis in auxilium, ac plenam ministerio Verbi Dei functi recipietis mercedem, immarcescibilem nimirum a Pastorum Principe gloriæ coronam. Ne quis vos seducat inanibus verbis obedire veritati. Scitote, quod obedientes voci ejus, qui misit vos, rationem non eritis reddituri pro animabus, sed unusquisque vestrum pro se rationem reddet Deo. Quicumque sub diversis prætextibus cessandum sibi putat a ministeriis Missionarii, lædit animam suam, & de alienis æterno judici rationem reddet. Quam dabit homo commutationem pro anima sua, & pro alienis? Deus est vitis vera, vos palmites. Qui non ferent fructus in eum, arescent tamquam palmites; & collecti, & alligati in fasciculos ad comburendum mittentur in caminum ignis inextinguibilis. Respiciite Dominum nostrum Jesum Christum secus viam ambulantiem, qui in fœci arvore nihil invenit, nisi folia tantum, & ait illi: Numquam ex te nascantur fructus in sempiternum. Si aliqui palmites jamdiu conversi in amaritudinem, qui expectabantur ut tandem facerent uvas, spinas super spinas adjecissent, vae, vae a die iræ, a die furoris, & indignationis Domini! Attendite ad verba, quæ mandat vobis per Servum suum Dominus adhuc misericors. Reversimini ad Deum vestrum, manete in eo, qui manens in vobis purgavit vos, & desideratos cunctis gentibus fructus asseretis. Apostolico satisfecisse nos muneri judicamus; non enim subterfugimus, quominus annuntiaremus omne consilium Dei vobis, ut nullam exculationem habeatis de peccatis vestris. De cætero quotquot eritis obedientes, fratres, gaudete, perfecti estote, exhortamini, idem sapite, pacem habete, & Deus pacis, & dilectionis erit vobiscum.

Prohibet versionem & publicationem Epistolæ, sub censuris & pœnis, addita causa, & præscripto prudenti permissionum usu.

Dat Macai die 4. Nov. 1721. Quid sentiant de facto Patriarchæ Alex. ex ipsius Pastoralis sensu.

Cum vero ad promovendam in Neophitis debitam Decretis Apostolicis obedientiam, præsentium nostrarum Literarum notitiam iisdem Neophitis minime necessariam esse, sed satis esse eos in viam salutis dirigere, juxta Pontificiæ Constitutionis præscripta, compertum sit; ne quis eorum, ad quos præsentis Litere directæ sunt, cujuscunque Ordinis, aut Instituti, nec Congregationis fuerit, aut Societatis etiam Jesu, præsentis Literarum, aut quæ in eis continentur (exceptis Permissionibus, quæ quidem caute, & ubi necessitas tantum, aut utilitas postulaverit, patefaciendæ erunt) sive directe, sive indirecte per se, vel per alium voce tenuis, aut scripto in Linguam Tartaricam, aut Sinicam vertant, aut quocunque modo cuilibet, qui Missionarius non sit, nota faciat, sub pœna excommunicationis latæ sententiæ, a qua non nisi a Nobis, aut a Summo Pontifice (præterquam in articulo mortis constitutus) absolvi possit, & quoad Regulares etiam privationis vocis activæ, & passivæ, pœnis contrasacientes ipso facto absque alia declaratione incurrendis, tenore præsentium vetamus, & in virtute sanctæ obedientiæ prohibemus. Datum Macai in Palatio nostræ Residentiæ die 4. Novemb. anno 1721.

§. 16. Cum autem Patriarcha Alexandrinus in præallata Pastoralis mentem suam satis prudenter explicuisset, nimirum Pastoralis hujus suæ Epistolæ notitia opus non esse ad promovendam in Neophitis erga Pontificia Decreta venerationem, & observantiam, cum satis esset, ut juxta Constitutionis Pontificiæ mandata in via salutis dirigerentur; præterea cum omnibus, & quibuscunque interdictum voluisset, sub pœna quoque excommunicationis latæ sententiæ, ne quis illam in Sinensem, aut in Tartaricum sermonem verteret, aut cuiquam, qui Missionarius non esset, eam palam faceret; de Permissionibus autem cum statuisset, non nisi caute, & ubi tantum utilitas, vel necessitas id postularet, esse evulgandas: profecto omnis, ad quem Pastoralis illa dirigebatur, ex tali procedendi modo laud obscure inferre debebat, quantis ille animi angustiis obsessus, & quam anceps, ac perplexus in Permissionibus hujusmodi proponendis extitisset; adeo ut œconomia quadam usus fuisset ad loci, & temporis circumstantias prorsus necessaria: a qua putandum est eum recessurum fuisse, si libertas sibi data esset rem discutiendi cum Episcopis, aliisque doctis Viris, qui nihil aliud, quam Christiani cultus puritatem, & Apostolicæ Constitutionis observantiam ante oculos haberent.

Permissionum abusus, eamque divulgatio ab Episcopo Pekinensi facta.

§. 17. At permissiones illæ contra expressam adeo Patriarchæ ipsius voluntatem, evulgatæ, & quod mirum, Pekini Episcopus per binas suas Pastorales mandavit, sub pœna suspensionis ipso facto incurrendæ, universis Iacelis suæ Missionariis, ut observarent, & observari præciperent Constitutionem: Ex illa die, juxta permissiones, quas ipse contendebat, ad ea potissimum referri, quæ in præcitata Constitutione fuerant solemniter interdicta. Præcepit insuper, ut Christianifideles quatuor singulis annis in diebus omnium celeberrimis distincte instruerentur cum iis, quæ

Con-



Constitutione Apostolica prohibentur, tum iis, quæ a Patriarchæ Alexandrini Pa-  
storalis permittuntur.

§. 18. Enimvero Clemens Papa XII. Prædecessor noster, tam audax Episcopi Pekinensis factum æquo animo ferre haud potens, muneri suo maxime interesse judicavit binas illas Epistolas damnare, ac penitus reprobare Apostolico Brevi, quod an. 1735. promulgavit: in quo sibi, ac Sanctæ Sedi facultatem reservavit, declarandi Sinensibus Christianis mentem suam, & ejusdem Sanctæ Sedis sententiam in iis, aliisque, quæ ad materiam hujusmodi spectarent. Præfatum autem Breve est tenoris sequentis.

Quæ damna-  
tur a Clemen-  
te XII.

§. 19. CLEMENTIS PAPÆ XII. Revocatio, annullatio, & cassatio duarum Epistolarum Pastoralium bonæ memoriæ Francisci Episcopi Pekinensis nuper defuncti, die VI. Julii, & die XXIII. Decembris MDCCXXXIII. circa Ritus Sinenses editarum.

Tenor Brevis  
hæc dedit edi-  
ti.

CLEMENS PAPÆ XII. ad perpetuam rei memoriam, Apostolica sollicitudinis Nobis divinitus commissæ ratio Nos admonet, ut ea, quæ Christianæ Religionis, Catholiceque Fidei propagationi, ac incrementis quacumque ratione obfistere posse dignoscuntur, quantum Nobis ex alto conceditur, recidere, ac e medio tollere studeamus. Cum itaque, sicut ad Apostolatus nostri notitiam pervenit, occasione binarum Epistolarum, quas Pastorales vocant, bon. mem. Francisci, dum viveret, Episcopi Pekinen. nuper defuncti, die 6. Julii, & 23. Decemb. anni 1733. circa Ritus Sinenses editarum, graves in Imperio Sinarum inter Apostolicos illarum partium Missionarios exorta fuerint dissensiones, quæ uberes fructus, quos Sancta Mater Ecclesia ex assiduo Operariorum in illam Agri Domini partem missorum labore præstatur, impedire, aut morari possent; Nos, ut pristina inter eos Missionarios pax, & animorum concordia, sublati quibusvis diffidiis, restituantur, de opportuno in præmissis remedio providere volentes, ac Epistolarum prædictarum tenores, & alia quæcumque etiam specificam, & individuum mentionem, & expressionem requirentia, præsentibus pro plene, & sufficienter expressis, & exacte specificatis habentes, de nonnullorum Venerabilium Fratrum nostrorum S. R. E. Cardinalium, qui jussu nostro Epistolas ipsas sedulo, ac diligenter examinarunt, consilio, ac etiam motu proprio, & ex certa scientia, & matura deliberatione nostris, deque Apostolice potestatis plenitudine, binas memorati Francisci Episcopi Pekinensis Epistolas Pastorales præfatas, ac poenæ, & alia quæcumque in eis contenta, cum omnibus, & singulis inde secutis, & forsan quandocumque secuturis, penitus, & omnino nulla, invalida, & irrita, nulliusque prorsus roboris, & momenti esse, & perpetuo fore, tenore præsentium declaramus: & nihilominus, ad majorem cautelam, & quatenus opus, illa omnia, & singula motu, scientia, deliberatione, & potestatis plenitudine paribus, harum serie itidem perpetuo revocamus, cassamus, irritamus, annullamus, & abolemus, viribusque, & effectu penitus, & omnino vacuumus, ac pro revocatis, cassatis; irritis, nullis, invalidis, & aolutis, viribusque, & effectu penitus, & omnino vacuis semper haberi volumus: Nobis insuper, & Apostolicæ Sedi reservantes facultatem Christianis fidelibus in eodem Regno degentibus aperiendi nostram, & dictæ Sedis mentem, post maturam itidem habitam deliberationem, super aliis rebus, quæ hujusmodi materiam respiciunt.

Epistolarum  
Episcopis Pe-  
kinen. perni-  
ciosus esse  
dus.

Eadem cas-  
santur & ir-  
ritantur.

Reservatur  
facultas aperi-  
endi sententiam  
Apostolicæ Se-  
dis.

Decernentes ipsas præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis, ad quos quomodolibet spectat, & pro tempore quandocumque spectabit; præsertim vero Archiepiscopis, Episcopis, Vicariis, Pro-Vicariis, & Missionariis Apostolicis tam secularibus, quam cujusvis Ordinis, Congregationis, Instituti, & Societatis, etiam Jesu, Regularibus in suprascripto Sinarum Regno nunc, & pro tempore existentibus, inviolabiliter, & inconcusse observari; sicque, & non aliter in præmissis per quoscumque Judices Ordinarios, & delegatos, etiam Causarum Palatii Apostolici Auditores, ac ejusdem S. R. E. Cardinales, etiam de latere Legatos, & Sedis præfatæ Nuncios, aliosve quoslibet quacumque præeminentia, & potestate fungentes, & futuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & desiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari: In contrarium facientibus non obstantibus quibuscumque. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides in Judicio, & extra adhibeatur, quæ præsentibus ipsis adhiberetur, si forent exhibite, vel ostensæ.

Clausula, &  
decernata.



Dat. die 26.  
Sept. 1735.

*Datum Romæ apud S. Mariam Majorem sub Annulo Piscatoris die xxvi. Septemb. MDCCXXXV. Pontificatus Nostri Anno VI.*

*F. Card. Oliverius.*

Idem Clem.  
XII. commit-  
tit examen  
Permissionum  
Congr. S. In-  
quisit. auditis  
Missionariis,  
aliisque.

§. 20. Id vero quod idem Pontifex Clemens XII. sibi, ac Sanctæ Sedi Christianis Sinensibus declarandum reservavit, erat profecto materia: Permissionum, de quibus certior jam factus fuerat, deque maxima inde secuta inter Missionarios dissensione; cum alii contenderent, Constitutionem: *Ex illa die*: omnem vim suam amittere, si Permissiones illæ in praxi consistant; alii vero factis palam ostenderent, Permissionum colore se ad prædictæ Constitutionis observantiam minime teneri, juxta illa, quæ in ipsa Constitutione præscribuntur. Itaque præfatus Prædecessor noster, quo Christianæ Religionis puritatem, quæ in iis Regionibus per exactam præmemorata Constitutionis observantiam servanda erat, assereret, & controversiis istiusmodi finem aliquando imponeret, examini perquam diligenti totum Permissionum negotium commisit, ita ut a Theologis, tum etiam a S. R. E. Cardinalibus Sacræ Inquisit. præpositis, mature serioque discuteretur. Antequam vero supremam de illis sententiam pronuntiaret, ad plenioris facti notitiam obtinendam, omnes, & singulos, quotquot in Urbe existerent, Sinarum Missionarios, tum etiam complures Juvenes, qui ex iis Regionibus in Europam, educationis, & Christianæ rei addicendæ causâ, venerant, ad examen super his, servato juris ordine, vocari iussit.

Pontifex exa-  
men hujus-  
modi coram  
se, ac resp.  
per se ipsum  
absolvit.

Declarat Per-  
missiones  
nunquam a S.  
Sede appro-  
batas fuisse  
imo ejus De-  
cisionibus ad-  
versari.

Eisdem per-  
missiones re-  
probat, & an-  
nullat, earum-  
que praxim  
damnat.

Quæcumque a  
Clemente XI.  
interdicta fue-  
runt, iterum  
expresse in-  
terdicit.

Permissionum  
usum omnibus  
prohibet.

Constitutio-  
nem Clem. XI.  
aliter expli-  
cari vetat.

Præsentium  
observantiam  
& executio-  
nem omnibus  
& singulis in-  
jungit, atque  
demandat ad-  
fectis poenis.

§. 21. Nos igitur Prædecessoris nostri vestigiis insistentes, eodemque Religionis zelo, quo ille, incensi, ut tanti momenti opus, quod ipse morte præoccupatus absol-vere minime potuit, aliquando tandem, Deo auxiliante, perficeremus, Permissiones illas, & quidem singulas, coram Nobis summo studio, ac diligentia examinari curavimus; neque laborem nostrum tantum, sed Cardinalium quoque, & Sacræ Inquisitionis Consultorum doctrinam, & consilium exquisivimus; ac tandem satis aperte compertum habemus, antedictas Permissiones nunquam a Sancta Sede probatas, Apostolicæ Clementis Papæ XI. Constitutioni repugnare, atque adversari, utpote quæ partis Cæremonias, Ritusque Sinenses a prædicta Constitutione proscriptos admittant, ac veluti probatos atque utendos concedant, partim regulis in ipsa traditis ad vitandum superstitionis periculum opponantur.

§. 22. Nolentes, itaque, quemquam, ad Constitutionem ipsam summo Christianæ Religionis damno malitiose evertendam, Permissionibus ejusmodi uti; definimus, ac declaramus, præfatas Permissiones ita esse habendas, ac si nunquam extitissent, earumque praxim tamquam superstitionis omnino damnamus, & execramur. Itaque præsentis hujus nostræ Constitutionis perpetuo valituræ vi revocamus, rescindimus, abrogamus, atque omni vigore, & effectu vacuas esse volumus omnes illas, & singulas Permissiones; easque semper uti cassas, irritas, invalidas, & nullius prorsus roboris, aut vigoris habendas esse dicimus ac pronunciamus.

§. 23. Præterea cum Clemens Papa XI. in Constitutione: *Ex illa die*, apposuerit hæc verba: *Per præmissa nihilominus non vetari, quominus erga defunctos peragi possint alia, si quæ sint, quæ vere superstitionis non sint &c.* Non dicimus, & declaramus ea verba: *Alia si quæ sint*: intelligenda esse de ulibus, & Cæremoniis diversis ab illis, quas idem Pontifex Apostolica Constitutione jam interdixerat, & quas Nos pariter eadem auctoritate configimus, atque interdiciamus, ne antedictis Permissionibus, quas omnino damnatas volumus, ullus in posterum locus pateat.

§. 24. Difficite itaque prohibemus, ne quis Archiepiscopus, aut Episcopus, aut Vicarius, aut Delegatus Apostolicus, aut Missionarius, tam Sæcularis, quam Regularis, cujuscumque Ordinis, Congregationis, Instituti, etiam Societatis Jesu, aliorumque, de quibus expressa, & individua mentio fieri debeat, Permissionibus prædictis ullo pacto uti valeat, sive publice, sive privatim, sive palam, sive clam; neque audeat, vel præsumat Constitutionis paulo ante citata verba aliter, ac Nos supra declaramus, alicui explicare, aut interpretari.

§. 25. Quare ex prædictorum S. R. E. Cardinalium consilio, motu quoque proprio, ac certa scientia, maturaque deliberatione, tum etiam de plenitudine Apostolicæ potestatis, Constitutionis præsentis tenore, & in virtute sanctæ obedientiæ præcipimus, & expresse mandamus omnibus, & singulis Archiepiscopis, & Episcopis in Sinarum Imperio, aliisque Regnis, & Provinciis, sive finitimis, sive adjacentibus, nunc existentibus, aut olim pro tempore futuris, sub poenis suspensionis a Pontificalium exer-

cicio.



citio, & ab Ecclesiæ ingressu Interdicti, eorum vero Officialibus, & Vicariis in Spiritualibus Generalibus, aliisque eorumdem Locorum Ordinariis, Vicariis quoque, aut Delegatis Apostolicis, qui Episcopi non sunt, tum etiam eorum Provicariis, & insuper Missionariis universis tam Sæcularibus, quam Regularibus cujuscumque Ordinis, Congregationis, Instituti, etiam Societatis Jesu, sub pœnis privationis quarumcumque, quibus gaudent, facultatum, & suspensionis ab exercitio curæ animarum, tum etiam suspensionis a Divinis ipso facto incurrendæ absque alia declaratione, demum excommunicationis latæ sententiæ, a qua non possint nisi a Nobis, & a Romano Pontifice pro tempore existente absolvi, præterquam in articulo mortis constituti, addita quoad Regulares etiam vocis activæ, & passivæ privationis pœna, præcipimus, & districte mandamus, ut omnia, & singula, quæ in hac nostra Constitutione continentur, exacte, integre, absolute, inviolabiliter, atque immobiliter non modo ipsi observent, sed etiam omni conatu, ac studio ea ipsa observari curent a singulis, & universis, qui quoquo modo ad eorum curam, & regimen spectant; nec colore, causa, occasione, seu prætextu aliquo, huic nostræ constitutioni ulla in parte contraire, aut adversari audeant, vel præsumant.

§. 26. Præterea quoad Missionarios Regulares cujuscumque Ordinis, Congregationis, Instituti, ac Societatis quoque Jesu, si quis eorum (quod Deus avertat) exactam, integram, absolutam, inviolabilem, strictamque obedientiam denegaverit iis, quæ a Nobis præsentis hujus Constitutionis tenore statuuntur, ac præcipiuntur; eorum Superioribus tam Provincialibus, quam Generalibus, in virtute sanctæ obedientiæ expresse mandamus, ut homines hujusmodi contumaces, perditos, ac refractarios a Missionibus absque ulla mora dimoveant, eosque in Europam statim revocent, ac de illis noti- tiam Nobis exhibeant, ut reos pro gravitate criminis punire valeamus. Quod si prædicti Superiores Provinciales, aut Generales huic nostro præcepto minus obtemperaverint, aut in eo desides fuerint, Nos contra ipsos quoque procedere non recusabimus, atque inter cætera mittendi aliquem ex ipsorum Ordine in earum Regionum Missiones privilegio, seu facultate, eos perpetuo privabimus.

Missionarios inobedientes in Europam revocari jubet.

Comminatis pœnis in Superiores Ordinum.

§. 27. Postremo, ut hæc nostra Constitutio in suo robore semper integra, & firma maneat, volumus quoque, ut ad Formulam Juramenti a Clemente Papa XI. in sua Constitutione præscriptam nonnulla adjiciantur, quæ maxime necessaria putavimus. Idcirco omnes, qui præfatæ Constitutionis vigore, sub pœnis in ea contentis, juramentum præstare debebunt, in posterum sequenti Formula utentur, videlicet: *Ego N. Missionarius ad Sinas, vel ad Regnum N. vel ad Provinciam N. a Sede Apostolica, vel a Superioribus meis, juxta facultates eis a Sede Apostolica concessas, missus, vel destinatus, Præcepto, ac Mandato Apostolico super Ritibus, ac Ceremoniis Sinensibus in Constitutione Clementis Papæ XI. hac de re edita, qua presentis Juramenti formula præscripta est contento, ac mihi per integram ejusdem Constitutionis lectionem apprime noto, plene, ac fideliter parebo, illudque exacte, absolute, ac inviolabiliter observabo, & absque ulla tergiversatione adimplebo, atque pro virili enitar, ut a Christianis Sinensibus, quorum spirituales directionem quoquomodo me habere contigerit, similis obedientia eidem præstetur. Ac insuper, quantum in me est: nunquam patiar, ut Ritus, & Cæremoniæ Sinenses in Literis Pastoralibus Patriarchæ Alexandrini Maccai datis die 4. Novembris 1721. permissæ, ac a Santissimo Nostro BENEDICTO PP. XIV. damnatæ, ab eisdem Christianis ad praxim deducantur. Si autem (quod Deus avertat) quoquo modo contravenerim, toties quoties id evenerit, pœnis per prædictas Constitutiones impositis me subiectum agnosco, & declaro. Ita, tantis Sacrosanctis Evangeliiis, promitto, voveo, & juro. Sic me Deus adjuvet, & hæc Sancta Dei Evangelia.*

Præscribit novam Juramenti Formulam.

*Ego N. manu propria.*

§. 28. Confidimus igitur fore, ut Principes Pastorum Jesus Christus laboribus a Nobis, qui ejus vices in terris gerimus, in hoc gravissimo negotio diu impensis benedicat, ut in amplissimis illis Regionibus Evangelica lux clare, nitideque effulgeat, ac præpotenti manu sua sic pia nostra consilia promoveat, ut Regionum earundem Pastores intelligant, planeque sibi persuadeant obligationem, qua ipsi tenentur vocem nostram audire, & sequi. Confidimus quoque, Deo favente, ex eorum cordibus inanem illum metum sublatum iri, ne videlicet per exactam Pontificiorum Decretorum observantiam infidelium conversio retardetur. Nam hæc a Divina Gratia sperari potissimum

Apostolica exhortatio ad Evangelicos Operarios.



mum debet: quæ quidem ab eorum ministerio longe non aberit, si Christianæ Religionis veritatem impavide prædicaverint, atque ea puritate, qua ipsis ab Apostolica hac Sancta Sede tradita est, parati quoque ad eam propugnandam sanguinem effundere, exemplo Sanctorum Apostolorum, aliorumque Christianæ Fidei clarissimorum propugnatorum, quorum sanguis tantum abfuit, ut Evangelii cursum interciperet, aut retardaret, ut potius Vineam Domini florentem magis, & fidelium animarum copiosorem effecerit. Nos quidem pro viribus nostris Deum obsecrabimus, ut invictam illis hanc animi firmitatem, & Apostolici zeli robur concedat. Verum ad eorum memoriam deducimus, ut, quando ad Sacras Missiones destinantur, se tamquam veros Jesu Christi discipulos cogitent, & ab eodem se missos fuisse, non ad gaudia temporalia, sed ad magna certamina, non ad honores, sed ad despectiones, non ad otium, sed ad labores, non ad requiem, sed ad afferendum fructum multum in patientia.

Exemplorum  
auctoritas.

§. 29. Volumus autem, ut earundem præsentium transumptis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem fides prorsus adhibeatur, quæ ipsis originalibus Literis adhiberetur, si forent exhibitæ, vel offensæ.

Sanctio Con-  
stitutionis.

§. 30. Nulli ergo hominum liceat hanc paginam nostræ confirmationis, innovationis, revocationis, rescissionis, abolitionis, cassationis, annulationis, damnationis, ac ordinationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem, quinto Idus Julii, Anno Incarnationis Dominicæ millesimo septingentesimo quadragésimo secundo Pontificatus Nostri Anno II.

Dat. die II.  
Julii 1742.

P. Card. Pro-Datarius.

D. Card. Passioneus.

Visa de Curia.

N. Antonellus.

J. B. Eugenius.

Loco & Plumbi.

Registrata in Secretaria Brevium.

Publicat. die 9. Augusti ejusdem Anni.

## S P E C T A C U L A

Inverecunda, Fælis potissimum diebus frequentari solita, prohibentur.

Venerabilibus Fratribus, Episcopis Provinciarum Maritimæ, & Campaniæ,  
aliorumque locorum &c.

## BENEDICTUS PAPA XIV.

Venerabilis Frater, salutem, & Apostolicam Benedictionem.

Pontifex do-  
let; veterum  
Indos, jam  
dudum dam-  
natos, in usum  
revocatos.

Nihil protesto Nobis ad vigilias Dominici Gregis assidue excubantibus accidere potuit acerbius, nihilque quod minus hac tempestate opinàremur, quam ut deformes, & inverecundi Ethnicorum mores, quibus Christiani hominis pudor, & modestia semper abhorruit, denuo isthic investi essent, ac veluti postliminio restituti. Quamvis enim minime Nos lateret, scelestos olim Lupercalium Administros, Sacra Fauno, vel Pani per ludum, atque lasciviam persolventes, nudos huc illuc per Urbem discursisse; Sanctumque Pontificem Gelasium Prædecessorem nostrum tanta commotum impudentia, ac obscænum morem execrantem, literas dedisse Andronico Senatori, Populoque Romano acri nefarii ritus assertori: Nihilo tamen minus memoriæ proditum est, quinto post Christum sæculo exeunte, Theodorico Italiæ Rege, & Anastasio Orientis Imperatore, pestem illam penitus fuisse sublatam, & extinctam. Nunc vero multorum relatu, (quod dolentes dicimus), certisque indiciis admone-

mur,



mur, profanum morem, perpetua involvendum caligine, e tenebris antiquitatis rursus emergere, ac in vestris Diocesisbus sæde revocari, cum ad Sanctorum Patronorum Festa solemniter recolenda, Pueri, ac interdum Adolescentes, cursu in spem Bravii nudi contendere jubeantur, maxima utriusque sexus, ac omnium ætatum spectante frequentia. Quæ quidem spectacula id nequitæ magis, ac improbitatis præferunt, quo magis non impuro alicui, ut antea, Numini, sed piæ, castæque Sanctorum memoriæ nuncupantur.

Præsertim  
diebus festis

§. 1. Qua igitur corporis nuditate impudentissime habita sunt apud veteres Luperalia, eadem Festi Christianorum Dies istic celebrantur; nec minus injuriæ in illis verecundia passa est, quam in his hodie morum honestas habeat detrimenti. Dies Festi non ad id instituti sunt, ut Christianus Populus epulis, ebrietatibus, ludis, spectaculis, aliæque id genus licentiæ liberius vacet; Sed ut Fideles in precibus, divinisque laudibus frequentes, & assidui sint, ut Ecclesiis intersint, Sacramenta ad animæ vulnerum curationem instituta adhibeant, seduloque se exerceant in his operibus, quæ veram pietatem continent; & ut demum Sanctos una cum Christo Regnantes, tanquam Patronos, congruis officiis, & honoribus prosequantur.

Explicat Ecclesie mentem quoad celebrationem Christianorum solemnitatum.

§. 2. Deducet præterea membrorum nuditas, atque ita dedecet, ut vetuerit Ecclesiastica Disciplina Salvatoris Imagines nudo penitus corpore in Tabulis, vel Simulacris expressas; Et quamvis nudo corpore Christum Crucis suæ affixum, & illorum temporum mores, & gravium Scriptorum auctoritas suadeant; adhuc Christianorum Pietas tali spectaculo semper abhorruit. Athletarum pugnae (ut literis consignatum est) in Stadio apud Græcos, in circo apud Romanos in usu fuere, atque in illis Disco, Lucta, & Cæssu strenue certatum est; utque Veterum testantur monumenta, interdum nudi, interdum etiam fascia testis homines dimicant. In vestris igitur Diocesisbus, Venerabiles Fratres, nonnihil priscae licentiæ adhuc remanet: Et cum in Plateis seminudi his lustrationibus vacent homines; cumque ex industria sæpius, sæpius vero ex violento motu nudi penitus circumagantur: facile quisque conjicere potest, quam absonum, & indecorum sit, his ludis aditum non intercludere.

Inverecundam membrorum nuditatem abominatur.

§. 3. Quapropter ne injuncto Nobis Apostolicæ servitutis officio deesse videamur, districte per hæc scripta mandamus, ut turpes, & obscenæ hujusmodi exercitationes, puerorum, & Adolescentum nudorum cursus, luctæque, quocumque nomine, vel occasione exhibendæ, a vestris Diocesisbus eliminentur. Et quia inobedientiæ delictum, mixti, ut ajunt, Fori videri potest; curabimus diligenter, ut si qui legum vestrarum rationi fuerint refragati, in eos, etiam qui nostro nomine Civitatibus temporaliter præsumunt, rigide, & condigne animadvertant; sicque fore speramus, ut foeda hæc corruptela, utroque percussa gladio radicitus evellatur.

Præcipit Episcopis prohibere ejusmodi cursus, luctas &c.

§. 4. Verum quia impioribus etiam Causis Vindices non desunt, & perpugnaces Assertores, si qui forte sint, qui impudenter exprobrant, hujusmodi ludos Pontificum Antecessorum tolerantia, ac diuturno usu invaluisse: hi probe sciant, nullum ex temporis lapsu deploratæ Causæ comparari præsidium. Et ne longa a vestris Diocesisbus petantur exempla, in memoriam revocent, choreas etiam quasdam Mulierum, & Virorum publice eo die haberi solitas, quo S. Xisti Pontificis, & Martyris Alatrinx Civitatis Patroni recolebatur, jussu Episcopi provide veritas fuisse; & Editum Episcopi, licet acri calamo Romanæ Curie Advocatorum imperitum, die 2. Aprilis 1694. a Congregatione Negotiis Episcoporum, & Regularium præposita, strenue finisse propugnatum. Cæterum cum Sancto etiam Gelasio objiceretur, antiqui moris fuisse Luperalia; Sanctissimus Pontifex consuetudinem pudori inimicam, & honestati detrahentem reprobavit, ratus Prædecessorum suorum leges saluberrime institutas non defuisse, sed hominum fraude, & malitia leges ipsas fuisse contemptas.

Idem sanctorum Gubernatoribus demandat.

Inverecundam consuetudinem non ob stare decernit.

Refert Decretum Congregationis Episcopalis & Reg.

§. 5. Quemadmodum itaque Nos de perspecta Prædecessorum nostrorum vigilantia egregie, ut par est, sentimus, & ab usum non illorum incuriæ, sed Subditorum inobedientiæ ducimus referendum; Sic a Vobis spectabiles Ecclesiarum vestrarum Antistites a quavis negligentia nota vindicentur. Quanti Dei honorem, Sanctorum cultum, & animarum salutem facitis, Venerabiles Fratres, vos hortamur, & obtestamur, ut corrupti hujusmodi mores, specie quadam lætitiæ investiti, reformentur. utque creditæ Vobis Oves ab impuro, profanoque Ritu declinantes, ad piam, & fructuosam Festos dies celebrandi rationem traducantur. Nos interea, in optati eventus auspiciis, Apostolicam Benedictionem ex animo Vobis impertimur.

Agitatione ad spiritum.



Dat. die 12.  
Aug. 1742.

Datum Romæ apud S. Mariam Majorem die XII. Augusti MDCCXLII. Pontificatus Nostri Anno II.

LXI.

## E L E C T I O

Hieronymi de Bock in Episcopum Harlemensem nulla & illicita declaratur; eidemque inhibetur, ne Consecrationis munus audeat suscipere.

*Dilectis Filii Universis Catholicis in Fœderato Belgio commorantibus.*

BENEDICTUS PAPA XIV.

*Dilectis Filis, salutem & Apostolicam Benedictionem.*

Procurator.

Quamquam inhærens altis radicibus fidei animo vestro Catholica Religio satis habeat in se virtutis ad præcavendam execrandi schismatici luei, quæ magis, magisque serpere apud vos nititur; adeo tamen solliciti sumus de incolûm vestra salute, ut noster erga vos amor vere singularis quiescere nequeat, nisi & Nos pro commisso tenuitati nostræ Apostolico Ministerio occupemus ad acuendam vestram vigilantiam, avertendumque venenatæ fraudis periculum, cui devitando nihil salubrius, ac illud, præmonitum fuisse.

Refertur electio Pseudo Archiepiscopi Ultrajectensis, ejusque damnatio.

§. 1. Quartus jam labitur annus, cum pauci turbulento, ut nostis, ingenio, & a sincera Fide abhorrentes, adscito simulatorum Canonicorum nomine, Petrum Joannem Meindarts in Pseudo-Archiepiscopum Ultrajectensem incredibili temeritate contraxerunt. Sed hujusmodi Electionem statim s. mem. Deceptor Noster Clemens XII. vi suarum Literarum in forma Brevis 6. Octobris 1739. nefandam, irritam, inanem declaravit, delevit, adjudicavit. Eundem vero Petrum Joannem, & quotquot falso Canonicorum Ultrajectensium nomine in ipsum suffragia contulerunt, illique adhærentes favorem, opem, consilium, consensum præstiterunt, excommunicavit, anathematizavit, atque ab Ecclesiæ communione segregatos, ac prorsus Schismaticos habendos, & vitandos, esse declaravit. Quin etiam sub eadem pœna excommunicationis ipso facto, & sine ulla alia declaratione incurrendæ mandavit, ac severe incixit, ne jurisdictionem Episcopalem, quam nullam adeptus fuerat, aut pro animarum regimine auctoritatem sibi arrogaret, atque exercere auderet; ne pro suscipiendis ordinibus Dimissorias Literas daret; ne Pastores; ne Missionarios; ne Ministros, Deservitores, aut alios, quocumque nomine nuncupentur, ad animarum curam, & Sacramentorum administrationem, quovis etiam necessitatis prætextu, constitueret, ac deputaret. Hinc etiam palam edixit, & declaravit, omnes & singulas antedictorum Officiorum deputaciones pro animarum regimine quocumque nomine jam factas, aut fortasse faciendas, cum omnibus inde sequutis, prorsus irritas esse, nulliusque roboris, ac momenti. Qui vero per ipsius Literas Dimissorias fuisset Ecclesiasticis Ordinibus initiatus, denunciavit eum suspensionis vinculo obstrictum esse, atque irregularitati propterea obnoxium, si susceptos ordines exercuisset. Præterea sub pœnis canonicis, suæque indignationis, interdixit omnibus cujusque Catholicæ Ecclesiæ Archiepiscopis & Episcopis, ne antedictum Petrum Joannem frustra electum Archiepiscopum consecrare auderent; sub eisdem pœnis ipsi Petro Joanni mandavit, ne se cuiquam Archiepiscopo & Episcopo consecrandum præberet: qua illicita, ac nefaria consecratione tot reliquas subiret pœnas, & nihilominus ab omni suscepti Episcopalis Ordinis exercitio suspensum maneret.

Et inhibitiones ipsi factæ ne jurisdictionem ullam exerceret.

Nove consecrationis munus suscipere.

Item refertur ipso sacrilège consecratio.

§. 2. Quis sanæ mentis homo tam terribili percussus fulmine non cohorruiisset? non is tamen sese cohibuit, quem veluti ad perficiendum scelus furia quædam agitare videbantur; sed reperiens, qui suo temerario consilio nequiter obsecundarent, pristinum inanem electionis novo detestandæ consecrationis crimine cumulavit. Exarsimus ad immane scelus, atque hominem perditum nulliusque pudoris, Satanæ in interitum tradidimus Censuris omnibus illigatum, resipisceret: nefariam illius consecrationem, illicitam, illegitimam, sacrilegam, ac contra Supremæ Sedis mandata & sacrorum



Canonum sanctiones factam declaravimus; Palam denunciavimus, eundem Petrum Joannem, non solum ab iis, quæ sunt Jurisdictionis, esse suspensum, sed etiam ab iis, quæ sunt Ordinis. Mandavimus propterea, sub pœna excommunicationis ipso facto, & sine alia declaratione incurrendæ, ne ullo pacto Christum conficeret, Clericos ordinaret, Virgines consecraret; aut alia Episcopalis Ordinis exercere auderet; Decernentes insuper vacuos, inanes, nulliusque prorsus roboris ac momenti omnes & singulos alios actus, quos attentare præsumperit; ac proinde denunciavimus, si qui ab ipso Ecclesiasticis Ordinibus fuissent initiati, suspensionis vinculo obstrictos esse, atque irregularitati propterea obnoxios, si susceptos ordines exercuissent. Hæc omnia decrevimus ad apertissimum Schisma delendum: quorum vos participes fecimus nostris Literis in forma Brevis 24. Junii 1741. ne subdolis artibus ad ejus suorumque assensuum communionem subornari possentis.

*Ejusdemque  
suspensio ab  
exercitio Or-  
dinis.*

§. 3. Tantum vero absuit, ut homo ille Ecclesiasticæ pacis inimicus, aut a supremo Patrefamilias minitendo rogandoque revocatus, aut ingenua constrictus verecundia, aut publica execratione deterritus, deflexerit a via iniquitatis; ut imo, quam semel ingressus fuit, insistat viam, pergatque audacius: cum dudum non erubuerit quemdam Hieronymum de Bock Harlemensem donare Episcopatu jam diu exoletum, & ab se nunc restituto ea potestate, quam sibi ex ingenio fingit. Illum cum suo commentitio Ultrajectensi Capitulo ad hoc etiam temeritatis devenisse, ac tot jam flagitiis utrumque inquinatum tam diro ac prope incredibili scelere se lordidasse, ingenti sane luctu comperimus: Non quod perterrefacti simus schismate ad extrema præcipitante: & Sectatores per summam nefas malumque dolum ad sui præsidium illiciente. Confidimus enim fore neminem compotem mentis, ne dum Catholica veritate imbutum, qui non sit irritus perniciosam huiusmodi novitatem, & surgentem, Petro Joanne Meindarts conditore, inopinatam Ecclesiam, ipsi, veluti suo Capiti, conjungam, ab eaque divisam, quam Nos, licet indigni, Deo auctore moderandam suscepimus. Sed hinc præcipue vehementer angimur, quod renovari hoc tempore videmus veterem aliquot Schismaticorum insaniam, Episcopales Cathedras, ubicunque liberet, excitantium; Quamquam ut illa suo consumpta furore, ludibrioque habita tandem deperit; huius etiam parem exitum fore non dubitamus. Quod ad nos attinet, id primum supplices oramus a Patre misericordiarum, ut obstinatam hanc perduellionem sedare velit; Deinde, ut, si quis ea involuti ob impletam iniquitatis mensuram in profundum demerguntur, nec ullam afferant emergendi spem, in iis sistat nefandum ultus, ne quid ultra sani Gregis inficiat.

*Quod nulliter  
& illegitime  
factum decla-  
ratur.*

§. 4. Cui quidem sistendo pestilenti ulceri, aut, si fieri possit, curando, Nos haud negligimus e Sacrorum Canonum disciplina remedium adhibere. Quapropter Prædecessorum nostrorum, Sacrarumque Legum morem atque exempla sequuti, tradita Nobis e Cælo potestate, Electionem Hieronymi de Bock in Harlemensem Episcopum, a Pseudo-Archiepiscopo Petro Joanne, & ab ejus fictis Canonicis factam, nullam, inanem, nefariam, illegitimam, ac sacrilegam declaramus, eamque rescindimus, delemus, abrogamus. Deinde, sub pœna excommunicationis ipso facto, & sine alia declaratione incurrendæ, mandamus, districteque indicimus eidem Hieronymo de Bock, ne ullam Episcopalem Jurisdictionem exerceat, ne pro suscipiendis Ordinibus Dimissorias Literas dare, ne Pastores, Missionarios, Ministros, Deservitores, aut alios, quocumque nomine vocentur, ad animarum curam, & Sacramentorum administrationem, quovis etiam necessitatis prætextu, constituere ac deputare audeat: ac proinde si quis per ipsius Literas Dimissorias Ecclesiasticos Ordines susceperit, se suspensum, ac propterea irregularitati obnoxium esse sciat, si susceptos ordines exercuerit; Quicumque vero antedictorum Officiorum deputationes quocumque nomine, sive jam factas sive faciendas, cum omnibus inde sequutis, prorsus irritas, nulliusque momenti declaramus.

*Ipsique nulli-  
ter electo in-  
terdictur e-  
xercitium ju-  
risdictionis  
Episcopalis.*

§. 5. Præterea, sub eadem pœna excommunicationis ipso facto, & sine alia declaratione incurrendæ, mandamus, tam eidem Hieronymo de Bock, ne se cuiquam Archiepiscopo, aut Episcopo consecrandum, præbeat, quam ipsi Pseudo-Archiepiscopo Petro Joanni, aliisque Archiepiscopis, & Episcopis, ne eundem inaniter electum Episcopum Harlemensem consecrare audeant. Has autem pœnas decernimus, sine præjudicio illarum, quam tam electus Pseudo-Episcopus, quam Elector Pseudo-Archiepiscopus noverint se incurrisse vigore nostrarum Literarum in forma Brevis xxiv. Junii DCCCXLI.

*Inhibetur ipsi,  
ne Consecra-  
tionem susci-  
piat; aliisque  
Episcopis, ne  
ipsum conse-  
crare audeant.*



Adlocutio ad  
Catholicos in  
Fœd. Belgio  
existentes.

Data die 1.  
Septembris  
1742.

§. 6. Denique ad vos, dilecti Filii, gaudium & corona nostra, paternis cordis curas cogitationesque convertemus, sollicitè monentes, atque adhortantes, ut in cavillatione maneatis, in qua vocati estis, repudiata illorum vafritie, qui incautos pellicere ad se conantur. Date quotidie magis operam, ut seductores intelligant, vos ad verum Christi Domini Ovile, & ad eius in terris Vicarium pertinere. Spectaculum facti estis Mundo, Angelis, & hominibus, qui vos indutos Catholicæ lorica veritatis, & galea salutis, adversus hostes, non minus occulta rabie, quam aperta blandiloquentia insidiosos, strenue pugnare undique circumspiciunt; ac vestram animi fortitudinem, invictamque constantiam eximis laudibus extollunt; non sine credibili Ecclesiæ, Nobis, Romanæque Sedi fidem, singulari amore prosequimur; cuiusque pignus Apostolicam Benedictionem vobis dilecti Filii, peramanter impertimur.

Datum Romæ, apud S. Mariam Majorem sub Annulo Piscatoris die 1. Septembris MDCCXLII. Pontificatus Nostri Anno III.

*J. Vincentius Lucchesinus.*

*Publicat. die 28. ejusdem Mensis, & Anni.*

LXII.

I N D U L T U M

Vacandi operibus servilibus in quibuscumque diebus Festis de Præcepto alias observari solitis: pro nonnullis Universitatibus Diocesis Calaguritane.

*Venerabili Fratri, & Episcopo Calaguritano.*

B E N E D I C T U S P A P A XIV.

*Venerabiles Fratres, salutem, & Apostolicam Benedictionem.*

Quodam Discipline capi-  
ta aliquando  
temperari ex-  
pedit.

**C**UM, sicut quædam sunt, ut inquit S. Leo Magnus Prædecessor Noster, quæ nulla possunt ratione convelli, ita multa sint; quæ aut pro consideratione ætatum, aut pro necessitate rerum oporteat temperari; illa semper conditione servata, ut in his, quæ vel dubia fuerint, aut obscura, id noverimus sequendum, quod nec præceptis Evangelicis contrarium, nec Decretis Sanctorum Patrum invenitur adversum: Eapropter Apostolica hæc Sancta Sedes, pro Paterna erga Universos Christianos benignitate, quoad integrum sibi fuit, consuevit supremam suam in iis auctoritatem interponere, quæ cæteroquin ad majus Divini Cultus incrementum præscripta, aut per frigescentem in nonnullorum cordibus caritatem, ad otium luxuriamque convertuntur, aut ob rerum ad vitam traducendam necessarium inopiam, non sine conscientiae angore contemnuntur.

Causa illarum  
pro obtinenda  
reductione  
dierum festo-  
rum de præ-  
cepto.

§. 1. Quoniam autem, sicut pro parte Carissimi in Christo Filii nostri Philippi Hispaniarum Regis Catholicis Nobis nuper expositum fuit, ipsi Philippo Regi innouit, in Provincia Ipuscoana, cujus pars in Fraternitatis Tuæ Diocesi Calaguritane continetur; præter festos dies in Universali Ecclesia servari solitos, alios quamplurimos sive pietatis studio, sive quacumque alia de causa præceptos agitari, ita ut quamplurimis ejusdem Provinciæ, & Diocesis Tuæ hominibus, (qui manu, & labore in sudore vultus vescentes pane suo, ob ingentem festorum dierum numerum, obtenta alendæ vitæ necessitate, vetitis laboribus aditum jam late aperuerunt), si per omnes dies festos hujusmodi a servilibus operibus abstineant, ad vitam lucro sustinendam haudquaquam tempus sufficiat; ac propterea Nobis humiliter supplicatum fuit, ut in præmissis opportune providere, & ut infra, indulgere de benignitate Apostolica dignaremur.

Assensu illius  
auctoritate.

§. 2. Nos itaque, qui Christianis, quantum cum Domino possumus, salutare remedium potius ad æternam salutem comparandam, & humanam vitam honeste sustentandam adhibere, quam per severiorem Ecclesiasticæ disciplinæ rigorem ad separationem



rationem inopes adducere cupimus, dictos homines specialibus favoribus, & gratiis prosequi volentes, & eorum singulares personas a quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis occasione, vel causa latis, si quibus quomodolibet innodatae existunt, ad effectum praesentium duntaxat consequendum, harum ferie absolventes, & absolutas fore censentes, supplicationibus etiam ejusdem Philippi Regis nomine Nobis super hoc humiliter porrectis inclinati, Fraternitati Tuae per praesentes committimus & mandamus, ut, veris existentibus narratis, omnibus utriusque sexus Christianis fidelibus ejusdem Provinciae in Dioecesi tua existentibus, ut deinceps, exceptis omnibus diebus Dominicis, Natalis Domini nostri Jesu Christi, & sequenti Sancti Stephani, Circumcisionis, Epiphaniae, resurrectionis, & sequenti, Ascensionis Domini, Pentecostes, & sequenti eidem diebus Corporis Christi, S. Joannis Baptistae, Sanctorum Apostolorum Petri, & Pauli, Sancti Jacobi, & Commemorationis omnium Sanctorum, praeterea quinque dicatis Beatae Virginis Mariae Immaculae, scilicet Purificationis, Annuntiationis, Assumptionis, Nativitatis, & Conceptionis, necnon Sancti Patroni, aut Tutelariorum cujuslibet loci pro hominibus ejusdem loci duntaxat, in quibus intra maneat praeccepti obligatio, in reliquis diebus Festis, sive per hanc Sanctam Sedem praecceptis, sive per Synodales ejusdem Dioecesis Constitutiones, sive quacunque alia de causa, etiam ex causa Voti per Majores suos facti, quod quoad hanc partem etiam auctoritate nostra Apostolica per Te commutari volumus, praecceptis, audita Missa, laboriosis suarum artium exercitationibus, servilibusque operibus, sine ullo prorsus conscientiae scrupulo vacare possint, auctoritate nostra Apostolica concedas, indulgeas, & permittas, ac statuas, praecipias, & mandes.

Die. excepti.

In reliquis conceditur ut, audita Missa, operibus servilibus vacari possit.

Clausula.

Dat. die 3. Sept. 1742.

D. Card. Passioneus.

Eodem mense Septembri 1742.

*Simile Indultum concessum fuit pro nonnullis Universitatibus Dioecesis Pampilonensis.**Item pro Universitatibus, & hominibus Dioecesis Pacensis.*

Mense Septembri 1743.

*Simile pro hominibus Civitatis & Dioecesis Septensis.*

Mense Septembri 1744.

*Simile pro Dioecesi Hispalensi.**Pro Dioecesi Mindoniensi.**Pro Dioecesi Malacitana.*

Mense Majo 1745.

*Simile pro Oppido de Olivares nullius Dioecesis Provinciae Hispalensis.**Et pro Civitate, & Dioecesi Vallisoletana.*



LXIII.

## O R D I N A T I O N E S .

Omnium Clericorum, & Sacerdotum Ritus Græco-Rutheni a Serviano schismate ad Ecclesiæ sinum redeuntium Auxerensi delegantur.

*Venerabili Fratri, Matthæo Episcopo Auxerensi.*

B E N E D I C T U S P A P A X I V .

*Venerabilis Frater, salutem, & Apostolicam Benedictionem.*

Proemium

**E** Sublimi Sedis Apostolicæ specula circumspicientes Dominicum Gregem, a Pastorum Principe tenuitati præcipue nostræ commendatum, ea providere curamus, quæ in unaquaque ejus parte, ad salutem, conservandamque spirituales vitam conferre possunt.

Cause præ-  
sentis adu-  
luti.

§. 1. Quod cum propositum sit Nobis, & modo intelligamus, opportunum esse, ut, qui in Dalmatiæ Diocesis a Serviano Schismate ad verum Christi Ovile redierunt, aut redituri sunt, Sacerdotes, & Ecclesiasticæ Hierarchiæ reliquos habeant a Catholico Episcopo consecratos Græco ipsorum Rutheno Ritu; quocirca, ut quotquot inter suæ Gentis Catholicos Clericali Militiæ dare nomen cupiunt, a Schismatico Antistite initiarentur, hanc abrupte absurdam nimis, & Sacris Canonibus vetitam consuetudinem constituimus: aduerti metu, ne, non penitus discissa cum morboris Pseudo-Episcopis societate, occulte venenum hauriant, in ceteras Oves dispergendum, nec bona deinceps utantur valetudine.

Facultas or-  
dinandi Græ-  
co-Rutheno  
ritu omnes  
per Dalmatiam  
Clericos,  
serv. servan-  
dis.

§. 2. Huic ut occurramus periculo, utque frequentissimæ illorum Paræciæ a Parochis prorsus Romanæ Catholicæ Ecclesiæ conjunctis administrantur, optimum visum est, dare alicui Latino Catholico Episcopo, qui eam linguam, & cæremonias calleat, facultatem cooptandi in Ecclesiasticos Ordines eodem Græco-Rutheno Ritu, non solum in propria, sed etiam in alienis Diocesis Dalmatiæ, Veneto Imperio subjectis, habito primum consensu ab Ordinariis, quotquot, Dimissorialibus a proprio Antistite acceptis, ejus Populi Paræcias, aliæque Sacra Ministeria curare debent: Quo tempore, atque occasione ipsi Latino Episcopo Pontificalia consimili Græco-Rutheno more exercere liceat. Hanc modo facultatem tantumque munus agendum tribuimus Fraternitati Tuæ, quam scimus literarii Illyrici sermonis, ab ea Natione ad Sacras Functiones adhibiti, peritam esse; pollere simul non mediocri prudentia, ac Religione; unde sperandum sit, eos, quibus manus imposueris, bene ac sollicitè officio suo defuncturos esse. Id autem ut feliciter peragas, Apostolicam Benedictionem Tibi, Venerabilis Frater, peramanter impertimur. Datum in Arce Gandulphi Albanen. Diocesis, sub Annulo Piscatoris, die 4. Octobris 1742. Pontificatus Nostri Anno III.

Episcopo Au-  
xerensi con-  
ceditur.Dat. die 4.  
Oct. 1742.

*J. Vincentius Lucchesinus.*

LXIV.

## S A C E R D O T E S .

Missam celebrantes non teneri Sacram Eucharistiam omnibus petentibus infra ipsam actionem ministrare.

*Venerabilibus Fratribus Patriarchis, Primatibus, Archiepiscopis, & Episcopis Italiæ*

B E N E D I C T U S P A P A X I V .

*Venerabiles Fratres, salutem, & Apostolicam Benedictionem.*

Status con-  
troverſæ.

**C**ertiores effecti, pullulare in nonnullis Italiæ Diocesis controversiam de Obligatione, qua Sacerdotes Missas celebrantes adstringantur Eucharistiam ministrare intra easdem fidelibus iis, qui ad ipsam accipiendam paratos se exhibent, ac petunt.

Sa-



Sacrificii, cui adstant, participes fieri; Nostro proinde animo reputavimus, gliscen-  
ti malo Apostolicæ huius paginæ documento obviam ire, ne ulterius, haud absque  
fidelium eorumdem scandalo, progrediatur. Itaque, Venerabiles Fratres, sermonem  
Nostrium ad Vos convertimus, ut ipsi quoque Pastoralis hac in re Officii partes mi-  
nime negligatis.

§. 1. Ac primo quidem dicendum Nobis occurrit, nemini ex fidelibus in mentem  
venire posse, Missas privatas, in quibus Sacerdos solus sacram sumit Eucharistiam,  
propterea veri, perfecti & integri Sacrificii incruenti a Christo Domino instituti ra-  
tionem amittere, ideoque illicitas esse existimandas. Nec enim ignorant fideles, aut  
saltem facile edoceri possunt, Sacrosanctum Tridentinum Concilium, innixum do-  
ctrinæ, quam perpetua Ecclesiæ Traditio servavit, huic adversantem novam falsam-  
que Lutheri sententiam damnasie sess. 22. cap. 6. & can. 8. *Si quis dixerit, Missas;*  
*in quibus solus Sacerdos sacramentaliter communicat, illicitas esse, ideoque abrogandas:*  
*anathema sit.*

Missæ, in quibus solus Sa-  
cerdos com-  
municat, im-  
probari ne-  
queunt, ex  
Conc. Trid.

§. 2. Nihilominus, quandoquidem vetus Ecclesiæ praxis, & disciplina, juxta quam  
fideles Missis adstantes participare passim atque in publicis conventibus solebant Sa-  
crosanctum Sacrificium, institutioni, & exemplo Christi Domini omnimode convenit,  
verba ejusdem Concilii, eo ipso spiritu, quo ab eodem prolata sunt, iteramus: *Op-  
taret quidem Sacrosancta Synodus, ut in singulis Missis fideles adstantes, non solum  
spirituali affectu, sed sacramentali etiam Eucharistiæ perceptione communicarent, quo  
ad eos sanctissimi hujus Sacrificii fructus uberius proveniret.* Utinam autem eo ipso  
Christianæ pietatis fervore, quo primorum sæculorum fideles exardebant, nostrorum  
quoque temporum homines inflammati, avide ad publicam sacram Mensam advolare,  
sanctorumque Mysteriorum solemnitati non adesse tantum, sed religiose eorumdem  
participationem exoptare conciperentur. Nulla certe res est, qua utilius Episcopi,  
Parochi, Confessarii studium suum omne impendere valeant, quam in excitandis fi-  
delibus ad eam mentis paritatem festandam, unde digni reddantur frequenti ad sa-  
cræ Mensæ accessu, & non spirituali tantum, sed sacramentali etiam participa-  
tione illa Sacrificii, quoad a Sacerdote, tamquam publico Ecclesiæ Ministro, non pro  
se tantum, sed pro ipsis, & ipsorum nomine offertur.

Ejusdem Con-  
cilii, & Pon-  
tificis votum  
pro frequenti  
fidelium com-  
munionem ad  
cujuslibet  
Missæ celebra-  
tionem.

§. 3. Et quamvis de eodem Sacrificio participant, præter eos, quibus a Sacerdote  
celebrante tribuitur, in ipsa Missa portio Victimæ a se oblatæ, ii etiam, quibus Sa-  
cerdos Eucharistiam reservari solitam ministrat; non tamen idcirco, aut vetuit un-  
quam Ecclesia, aut modo vetat, satisfieri ab ipso Sacerdote pietati, & justæ eorum-  
petitioni, qui Missæ distantes, ad confortium admitti postulant ejusdem Sacrificii,  
quod & ipsi pariter offerunt ea ratione, quæ ipsos decere potest: imo probat atque  
cupit, ne id omittatur, eosque Sacerdotes increparet, quorum culpa, & negligentia  
fidelibus participatio illa denegaretur.

Laudatur mos  
participandi  
de Sacrificio  
Missæ.

§. 4. At quoniam in Ecclesia Christiana opus est cuncta ordinare, & congruenter  
disponi; Pastores vigilantiam & curam suam conferent, ut ex una parte fidelium  
pietas minime fraudetur eo accessu, eaque participatione; ex alia vero ita utrum-  
que sortiatur, quin ulla in laudabilibus aliis institutis oriatur perturbatio, unde fa-  
cile confusio etiam, & scandalum oriretur. Quare Pastores monere debent eisdem  
fideles, ut participes esse cupientes sacræ Mensæ, (quod maximopere probandum di-  
ximus) studeant tempus, locum, & circumstantias nancisci, quibus & ipsi iustorum  
votorum suorum compotes evadant, nec instituta illa pietatis impediunt. Hisque Pa-  
storum suorum monitis fideles sese dociles præbentes, cavebunt, ne sibi injuriam fa-  
ctam querantur, si quandoque pro tempore, loco, & personis, Episcopus minime op-  
portunum censuerit, a Sacerdote celebrante, Eucharistiam distribui iis, qui adstant;  
quibus scilicet eo ipso tempore facilis, & obvia suppetit ratio ad eandem Mensam  
accedendi, pluribus aliis locis cuiusvis instructam.

Ad animarum  
tamen Pasto-  
res pertinet,  
opportunita-  
tem tempo-  
rum, & loco-  
rum, pro com-  
munionem fide-  
lium, statuere.

§. 5. Haud ægre Episcopi, & Parochi id fidelibus persuadebunt, quoties ipsis signi-  
ficent, ex Ecclesiæ disciplina, quæ modo viget, non quidem difficiliorem, sed faci-  
liorem evasisse iisdem participationem, quam optant. Siquidem veteri more in singu-  
lis Ecclesiis passim unica Missa celebrabatur, cui fideles adstant, indeque participa-  
bant; quin a solis propriis Pastoribus, quemadmodum reliqua Sacramenta, ita etiam  
Eucharistiam licite accipere valebant; hisce vero temporibus, ex Sacerdotum cele-  
brantium, ex locorum, Altariumque, quibus ea celebratio publice peragitur, mul-  
tiplica-

Hodierna di-  
ciplina facili-  
tatem præstat  
SS. Euch. par-  
ticipationem.  
Cui, qui se  
aptare tenet,  
male se dis-  
positum esse  
judicatur.



tiplicitate, patet cuilibet facile parabilis sacra Mensa, & ad sacrum Convivium admissio. Sin autem iidem fideles ita moniti, importune insisterent pro recipienda Eucharistia in iis temporis, loci, & personarum circumstantiis, quas excipiendas censuisset Episcopus, Ritualis Romani auctoritate etiam fretus; hæc illorum petitio, utpote nec iusta, nec rationabilis, contumacem, ac refractarium animum demonstraret, cupidumque perturbationis, ac proinde minime compositum Eucharistiæ qua par est pietate percipiendæ.

Authoritatio ad  
religiosum  
concordiam.

§. 6. Dum Pastores erga fideles ita se gerent, dumque fideles Pastorum dictis pronas ita aures accommodabunt, orietur absque ulla dubietate pax illa perfecta, atque concordia, qua capita invicem, & membra magnopere colligari decet; desinentque importunæ illæ controversiæ, quæ eo tandem tendunt, ut turbas gignant, ac scandalum, verique animarum fructus, quo nihil Pastori carius esse debet, perniciem. Verbis itaque Apostoli Pauli ad Corinthios utimur: *Obsecro Vos, Fratres, per nomen Domini Nostri Jesu Christi, ut id ipsum dicatis omnes, & non sint in Vobis schismata; sitis autem perfecti in eodem sensu, & in eadem sententia.* Quæ quidem cum Vobis, Venerabiles Fratres, per hæc Apostolica scripta nota esse volumus, in felicitatis auspiciis, & Paternæ dilectionis pignus, Apostolicam Benedictionem impertimur.

Die die 13.  
Nov. 1742.

Datum Romæ apud S. Mariam Majorem die XIII. Novembris MDCCXLII. Pontificatus Nostri anno III.

## LXV.

## LEGES OBSERVANDÆ

In Concedendis locationibus bonorum Cameræ Apostolicæ.

## BENEDICTUS PAPA XIV.

Motu Proprio &c.

Providentia  
Pontificis in  
collocandis con-  
trahendis.

**E**ssendo ten gravi le controversie, che con pregiudizio non meno del pubblico, che del privato Interesse, accadono spesso volte nelle deliberazioni degli Appalti de' nostri Beni Camerali, a cagione delle competenze, che insorgono tra gli Oblatori; Crediamo sempre coltivato, di togliere, per quanto possibile sia, ogni semenza di litigio, il porgere alle medesime un convenevole provvedimento, colla norma fissa, ed invariabile delle seguenti leggi, e determinazioni.

Jobet 1. Edi-  
cta pro obla-  
tionibus dese-  
rendis ante  
annoni pro-  
poni.

2. Oblatori-  
bus statuta  
alle apertis,  
locationem  
deliberari in  
favorem me-  
loris Oblato-  
ris, salvo ar-  
bitrio pro-  
gandi tempus.  
3. Licet cui-  
libet intra 20.  
dies oblatio-  
nem augere  
ad vicefimum  
& ultra.

I. Che negli Appalti Camerali, un' anno almeno prima, che termini ciaschedun Appalto, si debbano invitare per mezzo de' soliti Editti coloro, che vogliono attendervi, a dare ciascheduno per un tal giorno determinato l' Offerta sua chiusa, e sigillata.

II. Che venuto il giorno prefisso negli Editti, debbano aprirsi le Offerte in piena Congregazione Camerale, e debba deliberarsi l' Appalto, prout de Jure, al maggior, e miglior Oblatore, salvo però sempre alla medesima Congregazione l' arbitrio di prorogare con altri nuovi Editti il termine da offerire, quando creda, che niuna delle Offerte che saranno state date, sia giusta, e ragionevole, relativamente allo stato allora presente dell' Appalto.

III. Fatta come sopra la deliberazione dell' Appalto in favore del maggiore, e migliore Oblatore, e quella di poi approvata da Noi, e da' Sommi Pontefici pro tempore nostri Successori, debba soprassedersi prima di venire alla stipulazione dell' Istromento per lo spazio di venti giorni continui, da incominciare dal giorno immediatamente seguente che hanno già offerto, affinchè dentro questi venti giorni possano, tanto quelli, che hanno già offerto, aggiungere sopra la detta maggior Offerta, per la quale è stato delibato, purchè quest' aggiunta non sia minore della Vigesima: E per tal' effetto vogliamo, e dichiariamo, che in avvenire tutte le deliberazioni, che si faranno vati da Noi, o da' nostri Successori pro tempore, o in voce, o per rescritto, o anche per Chirografo speciale, s' intendano sempre fatte, e approvate col patto Additionis in diem,



diem, durante il suddetto termine di venti giorni; di maniera che quegli, in favor di cui è stato deliberato l'Appalto, non acquisti diritto alcuno sopra il medesimo in virtù di detta deliberazione, e rispettivamente approvazione, quante volte dentro il suddetto termine di venti giorni sopravenga alcun altro, che sopra la di lui Offerta aggiunga almeno la Vigesima.

IV. Spirato il termine di detti venti giorni, se non sarà comparso alcun altro Oblatore, che abbia offerta, come sopra, almeno la Vigesima, non avrà più luogo a favor della nostra Camera il suddetto Privilegio Additionis in diem, ma potrà senz'altro indugio, e senza ammettersi altra Offerta, stipularsi l'Istromento d'Appalto con quegli, in favor di cui fu da principio deliberato. Ma se all'incontro dentro il suddetto termine di venti giorni saranno comparso uno, o più Oblatori, che abbiano aggiunta almeno la Vigesima; in tal caso dovrà la nostra Camera godere del suo privilegio Additionis in diem, e dovrà la suddetta Congregazione Camerale deliberar nuovamente l'Appalto in favor di Quegli, che avrà aggiunto almeno la Vigesima: E in concorso di più Oblatori sopra la Vigesima, dovrà deliberarlo in favor di Quegli, che sarà a giudizio suo il migliore, e maggior Oblatore.

V. Sarà poi peso di questo Secondo, dopo che sarà stata da Noi, o da' nostri Successori approvata la suddetta nuova deliberazione, annunciare, ed intimare al Primo, con Intimazione eseguita personalmente, l'aggiunta della Vigesima, o di altra maggior somma da lui fatta, e la nuova deliberazione seguita a suo favore, dopo la quale Intimazione si lascerà al suddetto Primo il termine di altri dieci giorni, ad effetto, che possa risolvere, se vuol fare nuova offerta superiore a quella del Secondo: E quando il Primo dentro il termine delli suddetti altri dieci giorni faccia nuova Offerta superiore a quella del Secondo; in tal caso dovrà a lui restar l'Appalto, senza che possano più riceverfi altre nuove Aggiunte, o siano Offerte. Ma quando all'incontro il suddetto Primo, dentro i suddetti dieci giorni non faccia nuova Offerta superiore a quella del Secondo; in tal caso l'Appalto dovrà restare al secondo, e con lui senz'altro indugio potrà stipularsi l'Istromento; così che, passati che siano detti dieci giorni, non dovranno più ammettersi altre nuove Aggiunte, o siano Offerte, nè dal Primo, nè da altri.

VI. Da questa proibizione di ammettere altre nuove Aggiunte, o siano Offerte, si eccettua il solo caso, che venga alcun Oblatore, o di quelli, che già siano concorsi, o altri, che non siano concorsi, qual offerisca almeno la Sesta sopra l'ultima maggior Offerta del Primo, o del Secondo; perchè in tal caso la nostra Camera, a titolo di lesione dovrà godere il beneficio della restituzione in Integrum: qual beneficio, a differenza del Privilegio Additionis in diem, compete al Fisco, ancorchè la cosa non sia più intera, ancorchè sia stato stipulato l'Istromento, e ancorchè l'Appaltatore abbia già preso, e si trovi in possesso attuale della cosa locata; nè altro in tal caso può pretendere il medesimo Appaltatore, che di esser preferito, supplendo ancor lui il giusto prezzo, cioè la medesima Sesta.

Ma perchè ammettendosi questa restituzione in Integrum senz'alcuna limitazione di tempo, (come saria di ragione,) potrebbe rendersi più difficile alla Camera il trovar idonei Appaltatori, per lo giusto timore, che ognuno avrebbe, di poter esser cacciato dall'Appalto per questa via di restituzione in Integrum, dopo averlo reso per sua propria diligenza, e industria più fruttuoso del passato; Perciò ordiniamo, che si debba ammettere l'offerta della Sesta, dentro però il solo termine di tre mesi, da incominciare dal giorno, che sarà stato deliberato, come sopra, l'Appalto, o per la via ordinaria, o in virtù del suddetto Privilegio Additionis in diem, al maggiore, e migliore Oblatore; ancorchè questi, dentro il suddetto termine di tre mesi, fosse venuto colla Camera alla stipulazione dell'Istromento, e ancorchè avesse fatto delle spese, o altri preparamenti in qualunque modo necessari per l'esecuzione del medesimo Istromento, o per la buona condotta dell'Appalto: Volendo Noi, che dentro questo termine di tre mesi sia sempre luogo all'offerta della Sesta, e alla rescissione del Contratto per via di restituzione in Integrum; e che perciò quegli, al quale, come sopra, fosse stato deliberato l'Appalto, in caso di detta rescissione, non possa pretendere, nè dalla Camera, nè dal nuovo Oblatore il rifacimento di alcuna sorte di spese, che avesse fatte dentro il termine suddetto; ma solamente pessa, e debba esser preferito, quando voglia anch'esso supplire la medesima Sesta, o altra maggior somma, che sia stata offerta dal nuovo Oblatore.

4. Post 20. dies, vel instrumentum confici cum priore Oblatore vel locatore deliberati favore offerentis Vicissimam.

5. Hoc casu licere priori Oblatori augere oblationem intra 10. dies; sed hiis elapsis, instrumentum melioribus conditionibus omnino confici.

6. Si quis tamen Sextam partem ultra offerat, competere Camere Apollonice restit. in integrum.

Sed hoc intra tres Menses tantum a die deliberationis.

Tunc vero priori Oblatori competere pretiationem ceteris paribus, non autem restitutionem summam &c.



7. Post dd.  
tres mentes,  
Contracium  
rescindi non  
posse, nisi ex  
causa lesionis  
ultra dimi-  
diam.

VII. Passati poi li suddetti tre mesi dal giorno della deliberazione, come sopra, non sia più luogo alla rescissione del Contratto, ma quello debba restar fermo, e irrevocabile per tutto il tempo convenuto, e secondo la forma, e patti concordati nella deliberazione: E solamente alla Camera rimanga salvo, e preservato il diritto d'impugnare il Contratto, in caso di lesione ultra dimidiam, quatenus de Jure, & prout de Jure, ed a tenore delle Costituzioni Appostoliche, senz' alcuna limitazione di tempo, quando a questa non sia stato da Noi, e da nostri Successori specialmente, e nominatamente derogato.

8. In Condi-  
tionibus loca-  
tionum nihil  
addi posse,  
quo vectiga-  
lia ultra le-  
gem eorum  
institutionis,  
& consuetudi-  
nem augen-  
tur.

VIII. E finalmente, coll' occasione di questo regolamento sopra gli Appalti Camerali, volendo Noi anche provvedere all' aggravj, che si fanno tutto giorno dagli Appaltatori alli Sudditi del nostro Stato Ecclesiastico, ordiniamo, che nello stipulare gl' Istromenti coi suddetti Appaltatori, niuno ardisca senz' ordine, o Chirografo speciale sottoscritto da Noi, e nostri Successori pro tempore, porre alcun Capitolo, col quale alcuna Gabella, o Privativa cadente sotto l' Appalto, venga in qualunque modo distesa ed ampliata, oltre i casi, e termini prescritti nell' Istituzione di tal Gabella, o Privativa, e diversamente da quello, ch' è stato generalmente praticato, ed osservato in tempo de' passati Appaltatori; dichiarando Noi invalido, e nullo qualunque Capitolo d' Istromento, e qualunque Editto, o Bando, che fosse fatto, o che si facesse in contrario.

Clausule, &  
Decreta irri-  
tantia.

Quali ordini in avvenire vogliamo, ch' esattamente siano osservati in tutte le deliberazioni degli Appalti Camerali, sotto pena della loro nullità, da incorrersi ipso facto, & ipso Jure, senz' altra dichiarazione di Giudice, e che a tenore de' medesimi ordini debba seguire la pubblicazione, e rinnovazione degli Editti, e la stipulazione de' suddetti Appalti, anzi giusta la di loro forma si debbano intender pubblicati gli Editti, consumate le deliberazioni, e stipulati li pubblici Istromenti; perchè così, e non altrimenti ordiniamo, e comandiamo, e come legge vogliamo, che inviolabilmente si osservi per esser così mente, e volontà nostra precisa. Volendo, e decretando, che la presente nostra Cedola di Moto proprio, da ammettersi, e registrarsi in piena Camera, e ne' suoi libri, secondo la Bolla di Pio IV. nostro Predecessore de registrandis, voglia, e debba avere sempre il suo pieno effetto, esecuzione, e vigore colla nostra semplice sottoscrizione, e che non gli si possa mai opporre di surrezione, orrezione, nè di alcun altro vizio, o difetto della nostra volontà, ed intenzione; e che così, e non altrimenti, debba sempre nelle cose premesse giudicarsi, definirsi, decidersi, ed interpretarsi dal Reverendissimo Cardinal Camerlengo, da Monsign. Tesoriere Generale, dalla piena Camera, e da qualunque altro Giudice, e Tribunale, sebbene Collegiato, e composto di Reverendissimi Cardinali; togliendo loro, ed a cia'cheduno di essi la facoltà, ed autorità di giudicare, definire, ed interpretare diversamente; dichiarando fin da ora nullo, irritato, ed invalido tutto ciò, che si facesse, o si tentasse di fare in contrario. Ancorchè non vi sia stato chiamato, citato, nè sentito Monsign. Commissario della nostra Camera, o altri, che vi avessero, o pretendessero avervi interesse; e non ostante le Costituzioni di Paolo II. Paolo IV. e del detto Pio IV. nostri Predecessori de rebus Ecclesiæ, & Cameræ non alienandis, ogni, e qualunque Jus, e diritto competente alla nostra Camera, benchè chiuso nel Corpo delle Leggi, la Regola della nostra Cancellaria de Jure quæsito non tollendo, e quali si siano altre Costituzioni, ed ordinazioni Appostoliche nostre, e de' nostri Predecessori, usi, stili, consuetudini, Sentenze, Decreti, e Re-Judicata in casi simili, ed ogni altra cosa, che facesse, o potesse fare in contrario; alle quali tutte, e singole, avendone il di loro tenore qui per espresso, e di parola in parola inserito, per il solo effetto suddetto, amplamente, ed espressamente deroghiamo. Dato dal nostro Palazzo Appostolico Quirinale questo dì 22. Novemb. 1742.

Sublata fecus  
judicandi fa-  
cultate.

Derogationes.

Dat. die 22.  
Nov. 1742.

BENEDICTUS PAPA XIV.

Registrata in Camera Appostolica die 28. ejusdem mensis, & anni.

EPIS-



## EPISCOPIS RUTHENIS

LXVI.

Suadet Pontifex, ut unionem Monachorum S. Basilii sub unico Proto-Archimandrita promoveant, & foveant.

*Venerabilibus Fratribus, Athanasio Kloviae Archiepiscopo totius Russiae Metropolitano, necnon Episcopis Ruthenis, Theodoro Luceoriae, Feliciano Chelmensi, Hieronymo Premisia, & Georgio Pinscensi.*

## BENEDICTUS PAPA XIV.

*Venerabiles Fratres, salutem, & Apostolicam Benedictionem.*

**E**tsi dubitare non possumus, Fraternitates vestras diligentem daturas operam, ut debita reverentia, & nulla mora, Decretis pareatur, quæ de consilio Venerabilium Fratrum Nostrorum S. R. E. Cardinalium Propagandæ Fidei negotiis præfidentium, nuper edidimus pro colligendis in unum Corpus sub uno Capite, unaque jurisdictione, Ruthenis Monachis Basilianis; Cum tamen eliteris communi vestro nomine ad Nos datus perceperimus, modeste vos subvereri, ne in iis quidpiam incommodum vestris consuetudinibus, & privilegiis sancitum fuerit; vos, pro singulari nostra erga vestram Nationem benevolentia, censuimus admonendos, eadem Decreta id solum spectare, ut ipsi Monachi in unum Cœtum coalescentes, atque ita facilius Monastica disciplina instituti, ad suam salutem incumbant, & ad firmitus obstringendos Apostolicæ Sedi Popularium animos.

Pontificis mens in de- mandanda Monachorum unione.

§. 1. Quæ sane Decreta eo etiam in veneratione esse debent, quo inhærent perpetuo Romanæ Cathedræ proposito, redigendi in unum Ordinem cunctos Ruthenos Basilianos Monachos, eosque subijcendi uni supremo Præsidi, qui e propinquo servari jubeat domesticas leges, caveatque ne ulla ex parte Religiosa disciplina detrimentum faciat. Quocirca *Unitorum*, ut vocant, *Ordinis*, sub Sanctissimæ Trinitatis nomine militantium, data fuit olim facultas condendi idoneas huic consilio leges, a Pontifice Maximo confirmandas, ejusque auctoritate robur habituras. Quod pariter vestra Zamosciensis Synodus luculenter sibi proposuit, testata, in unum congreganda esse Corpus quotquot Monasteria ad verum Christi ovile tum redierant, aut rectura forent, quæ in schismate, nulli omnium maximo Rectori cohærebant. Id autem nemo non videt facilius obtineri, si quicquid est Ruthenorum Basilianorum sodalium, totius Russiae Proto Archimandritæ obediat, ejusque imperata faciat. Nec dubitari potest, hanc fuisse ejusdem Zamosciensis Concilii mentem, siquidem Metropolitæ Leo Kiska, qui permittente Romana Sede, Synodum ipsam congregavit, vix ea finem acceperat, scilicet quadragesimo post die, cum aliis suæ Gentis Episcopis sedulo consulavit, ut cunctæ Basilianæ Familiæ supremus Præfectus alternatim eligeretur ex Lithuanis, & Volimniensibus Monachis; dato documento, ita sensisse de uno constituendo Præsidente Zamosciensium Patrum constitutionem; qua in hunc sensum accepta, Synodum confirmavit Apostolica Sedes, cujus est, de vero Synodali sensu judicare.

Eadem alias a S. Sede optata fuit.

Et a Synoda Zamosciensis decreta.

§. 2. Quod autem attinet ad vestras modeste exhibitas querelas, iisdem Nostreis Decretis imminutum iri Episcopalem jurisdictionem, Monachis ab ipsa exemptis; satis erit ad eas sedandas, ut in memoriam revocatis, id antea a vobis concessum sponte fuisse, & in Œcumenica Tridentina Synodo expresse comprobatum, confirmatumque: quam saluberrimam Synodum libenter a vestro Zamosciensi Conventu, nulla exceptione, venerabunde acceptam, ex ejusque placitis plura sæpius a vobis sancita fuisse, profecto non ignoratis. Nec vobis in mentem veniat reputare, quicquam ibi vestris Ruthenis Ritibus adversari, quos, & quoscunque alios laudabiliter institutos, ubique servandos existimarunt sapientissimi illi Patres; rati, ex incorruptarum Cæremoniarum diversitate, Catholicæ Ecclesiæ decus accedere. Et a Nobis quam maxime alienum est, ab huiusmodi sententia vel minimum discedere.

Episcoporum jura, & Nationis Ritum nullum ex ea detrimentum acceptura.

§. 3. Igitur cum nihil vobis timendum sit, ne, Nostreis pronunciatis Decretis, probatæ ab hac Sanctissima Sede consuetudines vestræ vulnus aliquod acceperint; cum

Suadet Episcopis, ut eidem constituendæ non adversentur.



vos ipsi sponte decreveritis Monachos sui esse juris; cum iidem illos optaverint in unum coire Ordinem, conspicati, hoc pacto melius consuli Monasticae disciplinae, ac Ruthenorum utilitati; quid est, quod Apostolicam benignitatem ad praesidium vestrum invocetis? Hanc autem ad opportuniorum usum reservare poteritis, & quam non semel experti estis, nunquam vobis defuturam existimare; praesertim si ad ipsam conciliandam eximum studium adhibueritis, ut nihil impedimento sit, saepius nuncupatis decretis nostris debita obedientia exequendis. Quod ut commodius fieri queat, permissimus Nuntio isthic Nostro, tempus idoneum designare ad cogendum Monachorum Conventionem, ut ibi, maturo consilio, norma constituatur, qua negotium illud ad exitum perducatur; Interim Fraternitatibus vestris Apostolicam Benedictionem peramanter impertimur.

Bat. die 27.  
Nov. 1742.

Datum Romae apud S. Mariam Majorem sub Annulo Piscatoris die xxvii. Novembris MDCCXLII. Pontificatus Nostri Anno III.

J. Vincentius Lucchesinius.

IXVII.

ELECTO DE NANKIM

Præcipitur, ut, ante consecrationem, juramentum emittat, ad formam Constitutionis supra positæ num. 59.

*Dilecto Filio, Francisco de Sancta Rosa de Viterbio, Electro de Nankim in Indiis Orientalibus.*

BENEDICTUS PAPA XIV.

*Dilecte Fili, salutem, & Apostolicam Benedictionem.*

Provisio facta  
Ecclesiae de  
Nankim.

Præceptum  
præstandi ju-  
ramentum &  
transmittendi  
ad Sedem A-  
postolicam.

Formula ju-  
ramenti.

Nuper Nos, in Consistorio nostro secreto, Ecclesiae de Nankim, cui bon. mem. Emanuel de Jesu Maria ultimus illius Episcopus, dum viveret, praesidebat, per obitum ejusdem Emanuelis Episcopi extra Romanam Curiam defuncti, Pastoris solatio destitutæ, de persona tua, Nobis, & Venerabilibus Fratribus nostris S. R. E. Cardinalibus ob tuorum exigentiam meritorum accepta, de Fratrum nostrorum consilio, auctoritate Apostolica providimus, Teque illi in Episcopum praefecimus, & Pastorem; curam, regimen, & administrationem ipsius Ecclesiae de Nankim Tibi in spiritualibus, & temporalibus plenarie committendo; prout in nostris desuper super plumbo expeditis literis, quarum tenorem praesentibus pro plene, & sufficienter expresso, & inserto haberi volumus, uberius continentur. Nunc autem Pastoralis officii nostri esse ducimus, Tibi injungere, prout auctoritate praefata tenore praesentium injungimus, quod, antequam munus Consecrationis suscipias, juramentum illud, quod Missionarii omnes in Sinis degentes jam emisserant, hoc est de fideliter, integre, & inviolabiliter observando præcepto, ac mandato super Ritibus, & Cæremoniis Sinensibus in Constitutione felicis recordationis Clementis Papæ XI. Prædecessoris nostri die xix. Martii MDCCXV. hac de re edita, & in nuper Constitutione nostra, quæ incipit: *Ex quo singulari*, confirmata, contenta, similiter emittere, ipsumque juramentum tua subscriptione, & sigillo munitum, vel saltem authenticum illius exemplum, ad Nos quantocius transmittere omnino tenearis. In contrarium facientibus non obstantibus quibuscumque. Forma autem juramenti, quod præstabis, hæc est: *Ego Franciscus de Sancta Rosa de Viterbo Electus de Nankim, præcepto, & mandato super Ritibus, & Cæremoniis Sinensibus in Constitutione præ mem. Clementis Papæ XI. die xix. Martii MDCCXV. hac de re edita, qua præsentis juramenti formula præscripta est, contento, ac mihi per integram ejusdem Constitutionis lectionem apprime noto, plene, ac fideliter parebo, illudque exacte, absolute, & inviolabiliter observabo, & absque ulla tergiversatione adimplebo, atque pro virili curar, ut a meis subditis, aliisque, quorum cura ad me in munere meo spectabit, quantum in me erit, similiter observari, & adimpleri curabo. Ac insuper, quantum in me est, nunquam patiar, ut Ritus, & Cæremoniæ Sinenses in Literis Pastoralibus Patriarchæ Alexandrini*



*drini Macai datis die IV. Novembris MDCCXXI. permiffæ, ac a Sanctiffimo Domino Nostro Benedicto Papa XIV. damnatæ, ab eisdem fubditis ad praxim deducantur; Si autem (quod Deus avertat) quoquomodo contravenerim, toties, quoties id evenerit, poenis per præfatas Constitutiones impositis me fubjectum agnofco, & declaro. Ita, ta-  
tis Sacrofanctis Evangeliiis, promitto, voveo, & juro; fic me Deus adjuvet, & hac Sancta Dei Evangelia. Ego Francifcus de Sancta Rosa de Viterbio Electus de Nankim manu propria.*

Datum Romæ apud Sanctam Mariam Majorem, fub Annulo Pifcatoris die 3. Decembris MDCCXLII. Pontificatus Noftri Anno III. Dat. die 3. Dec. 1742.

*D. Cardinalis Paffioneus.*

## D E C O N C U R S U

LXVIII.

*Examine habendo pro Parochialium Ecclefiarum collatione: De appellationibus ab irrationabili Ordinarii judicio admittendis, vel rejiciendis.*

*Venerabilibus Fratribus, Patriarchis, Primatibus, Archiepifcopis, & Epifcopis.*

## B E N E D I C T U S P A P A X I V.

*Venerabiles Fratres, falem, & Apofolicam Benedictionem.*

**C**UM illud femper plurimum formidaverit Ecclefia Catholica, ne indignis quibus- que, & extra facerdotale meritum conftitutis, Cura animarum, & Dominici Gregis custodia crederetur; quia totius Familiæ ftatus, & ordo nutat, fi quod re- quiritur in corpore, non invenitur in capite: Hinc Canonicis fæctionibus, ac præ- fertim Sanctæ Tridentinæ Synodi Decretis provide confultum eft, regimen Ecclefia- rum Parochialium iis efle committendum, quorum omnis ætas a puerilibus exordiis ad perfectiores annos per difciplinæ Ecclefiafticæ ftipendia ita cucuriffe, ut de illo- rum fupra alios provectiõne, ac potiori doctrinæ, morum, ac diuturni laboris fuf- fragio, nefas eflet dubitare. Quia vero perniciofa apud plurimos opinio fenfim inva- lit. Tridentini Decretis non præfcriptam efle Dignioris electionem; fed caveri tan- tummodo, ne Indignis Ecclefia Parochiales, aliaque Beneficia, quibus cura imminet animarum, conferrentur; fan. mem. Innocentius XI. Prædeceffor Nofter erroneam doctrinam a vera, & fincera Patrum mente longius deleftentem damnavit, & edocuit, quam prudens, ac diligens efle debeat Paftoralis Officii difpenfatio.

*Ecclefia, Con- cil. Trid. & Sedis Apofto- licæ mens circa dignio- ris electio- nem ad curam animarum.*

§. 1. Ad trames idcirco ejufdem Sanctæ Synodi, ufû receptum eft, occurrente Parochialis Ecclefia vacatione, quæ libere ab Ordinario conferenda fit, Concurfum inflitui, ut, habita in eo de cujuflibet ætate, moribus, doctrina, & fufficientia, folerti inquisitione, Epifcopus eligat quem cæteris magis idoneum judicaverit.

*Ecclefia Pa- rochiales per concurfum providendæ.*

§. 2. At quia contingere quandoque poteft, quod favore, vel gratia, vel minus æquo judicio, minus digni Dignioribus præponantur, fan. mem. Pius V. Nofter Præ- deceffor, ne quid in hujufmodi electione eflet inordinatum, atque præpofterum, e- dita faluberrima Conftitutione, licere voluit injufte in Concurfu rejeftis, interpo- fita ad Metropolitanum, vel Epifcopum viciniorem, vel Sedem quandoque Apofoli- cam appellatione, Præelectum ad novum examen provocare, & Ecclefiam alteri non rite collatam, novo facti meritorum periculo, fi ita jus eflet, vindicare. Et ne fri- volæ appellationis diffugio locus eflet, provide ibidem cautum eft, dictæ appellatio- ni in devolutiva tantum deferri oportere, non fufpenfa, aut quoquo modo retarda- ta Præelecto ab Ordinario Parochialis Ecclefia poffeffione.

*Appellatio ab irrationab. jud. Ep. S. Pio V. permiffa in devolutivo.*

§. 3. Confultiffimæ hujufmodi leges eum in finem inflitutæ, ne in tanti momenti re imperiti magiftris, novi antiquis, rudes præferantur emeritis, violatæ funt homi- num fraude, & malitia, ipla medela vulnus exafperantium. Sæpiſſime enim rejefti ab Ordinario, dictæ Conftitutionis obtentu, in vocem Appellationis facile prorum- pere, & minus legitima concurrente caufa, Electos ab Epifcopo ad novum examen

*Abufus hu- jufmodi ap- pellationum.*



provocare consueverant; illosque præterea, relicta Gregis, & Ecclesiæ custodia, longum iter arripere, & diuturni laboris, temporis, & pecuniæ impensa exhaustos, litem in secunda, tertia, & ulteriori quandoque instantia sustinere cogebant.

Et perniciosus quandoque iudicio-  
rum exitus.

S. 4. Quin etiam experientia compertum est, magno iustitiæ detrimento litem ipsam absolvi. Quandoquidem ii, qui Examini se subiecerant, atque in primævo Concursu, utpote legitimarum Institutionum nescii, reiecti fuerant, longa postmodum decurrente lite, sedulam literis ex industria navantes operam, præferri aliis merebantur, & acerbè succensebant Episcopo, iudici quidem adeptæ, non autem adipiscendæ peritiæ, per injuriam se fuisse reiectos.

Votum a SS.  
B. N. olim  
Congr. Conc.  
Secret. prola-  
tum & publi-  
catum.

S. 5. Hinc apud bene moratos homines, & iustitiæ vindices, frequens querelarum occasio: quibus sedandis cum Congregatio Concilii Tridentini Interpres omne studium, diligentiamque conferret: Nobis, qui Secretarii munereungebamur, mandatum est, ut sermone, typis postea vulgato, rem sedulo expendere, ingruentis mali originem, & apta eidem avertendum remedia investigare pro viribus niteremur. Sensus hac de re Nostros explicantes, vitio potissimum laborare comperimus Præximæ Examiniis oretenus habiti, nec scriptis consignati: Electi siquidem ad Curam animarum ab Ordinario Collatore, & ad iteratum examen coram alio Iudice provocati, jus legitimæ Collationis tueri non poterant certo, ac permanenti testimonio jam probatæ idoneitatis; sed a novi Examiniis alea, subeunda coram Iudice Appellationis, gestarum rerum prorsus ignaro, tota res pendere videbatur. Quocirca gravi iustitiæ detrimento recepta in Foro erat opinio, provocari posse ad alium Iudicem, nullo exhibito indebitæ reiectionis documento. Quod quidem cum a Sacrorum Canonum censura longius aberraret, facile huic corruptelæ occurri posse censuimus, si certa primum, & apte disposita habendi Examiniis forma præscriberetur; si quæstiones Examinatis propositæ, & consentaneæ illorum responsione, totaque rei gestæ serie in scriptis redigeretur; & si Acta demum totius Concursu ad Iudicem Appellationis integra asportarentur.

Quod a Congregatione, mox etiam a Pontifice Clemente XI. probatum fuit.

S. 6. Initia a Nobis consilii ratio non solum arrisit Congregationi, illam die 16. Novemb. 1720. ratam habenti; Sed etiam Pontificii iudicii accessione roborata fuit a Clemente XI. Ecclesiasticæ Disciplinæ vindice, & assertore eximio. Utque locorum Ordinarii ea omnia filiali, quo par erat, obsequio, & diligentia exequerentur; iis datæ sunt die 10. Januarii 1721. opportunæ Literæ nostro calamo exaratæ, ejusdemque Pontificis sensu, & oraculo comprobatæ, quarum tenorem, etsi alias prælo commissum, & insertum in Bullario dicti Clementis Prædecessoris Nostri, congrue hic duximus referendum.

Epist. Congregationis nomine scripta Ecclesiæ disciplina in provisionibus Parochialium per-concursum.

S. 7. Reverendissime Domine uti Frater. Quo Parochiales Ecclesiæ dignioribus Personis gubernandæ traderentur, statuit, ut notum est, Sacrosancta Tridentina Synodus sess. 24. cap. 18. ut, vacante Ecclesia Parochiali, indiceretur, & fieret Concursus; ac, postquam Concurrentes ab Episcopo, vel ejus Vicario Generali, atque ab Examinatoribus Synodalibus saltem tribus, examinati, approbati essent, Episcopus eligeret, quem ætate, moribus, doctrina, prudentia, aliisque rebus ad vacantem Ecclesiam gubernandam necessariis, & opportunis, digniorem cæteris, magisque idoneum judicaret. Adjecitque ad hanc Concilii Sanctionem validius confirmandam, re, & nomine Sanctissimus Pontifex Pius V. quod, si unquam Episcopus minus habilem, postpositis magis idoneis, elegisset, possent ii, qui reiecti essent, a mala ejusmodi electione ad Metropolitanum, vel, si ipse eligens Metropolitanus, aut exemptus foret, ad viciniorum Ordinarium, ut Sedis Apostolicæ Delegatum, vel alias ad ipsam Sedem Apostolicam appellare, ac Præelectum ad novum examen coram ipso Appellationis Iudice, & ejus Examinatoribus, provocare; ea tamen cautione, ut appellatio non in suspensivo, sed in devolutivo esse deberet; quemadmodum in ejus Constitutione, quæ trigesima tertia est, latius cavetur; concludendo, quod, constituto de prioris Eligentis irrationabili iudicio, eoque revocato, Parochialis Ecclesiæ magis idoneo conseratur.

Non eadem ubique examinis peragendi forma.

Cum autem neque Concilii Decreto, neque Pontificis Bulla Examiniis in Concursu peragendi forma, seu methodus ulla certa, ac peculiaris servanda proponatur; difficile dictum est, quanta Examinum, aliorum alibi diversitas, extiterit, atque hinc occasio querelarum. Nam alicubi, cum non eadem omnibus Quæstiones, non iidem casus propo-



propositi fuissent: erant identidem, qui, vel in iudicio, vel extra conquererentur, sibi quidem postpositis difficultiores, Præelecto autem faciliores ad solvendum Quæstiones obigisse. Alibi vero eadem quidem omnibus Quæstiones propositæ fuerunt, sed neque hæc, neque datæ a Concurrentibus responsiones, scripto, seu literis consignabantur. Cumque postmodum, nec raro contingeret, ut e postpositis quispiam, jure Bullæ supradictæ, novum ad Examen coram Judice Appellationis, ejusque Examinatoribus, Electum provocaret: S. Congregatio usque ab anno 1603. considerans gravamen non alia ratione, quam novo examine, probari posse; provocationem ad novum examen censuit admittendam, gravamine necdum probato, & requisitis tantummodo probationibus in subsequenti iudicio: in quo, probato, per novum examen Appellantis, gravamine quoad doctrinam, probanda superest ejusdem præ jam electo in reliquis ad regendam Ecclesiam requisitis præstantia, ut de majori alterutro ad Parochialis Ecclesiæ gubernium idoneitate Sententia ferri possit; cum non continuo, si quis est doctior, is etiam aptior, seu magis idoneus ad id regimen habeatur, vel etiam habendus sit. Quam Sacra Congregationis Sententiam Scriptores, & Tribunalia laudarunt. Aliis demum in Diocesis laudabilis invaluit consuetudo, ut eadem omnibus Quæstiones, iidemque casus proponantur; ac (ne qua detur ansa Cancellario quidquam suo Marte addendi, minuendi, mutandi) ut ipsemet Concurrentes, qui interrogati fuerint, quæque responderint, sua manu perscribant.

Atque Ordinarii, qui morem hunc longe optimum in examinando tenere, Sacra deinde Congregationi etiam, atque etiam considerandum reliquerunt, his, qui sic examinati essent, atque postpositi, in posterum, ut solent, appellantis, indulgentia, necne, statim Electi novum ad examen provocatio, nulla gravaminis prærequisita probatione, videretur; cum isti ex actis primi examinis gravamen doctrinæ facile aliquin probare possent; quod alii, aliter nimirum examinati, probare, nisi secundo, seu novo examine, non poterant. Nec desuere alii probitatis, ac peritæ in administrandis diu Ecclesiis laude præstantes, qui moverent, frenum aliquod hujusmodi Appellantium licentiæ tandem injiciendum, eorumque jam nimis crebras novam ad examen provocaciones esse reprimendas; quippe quæ vix unquam sine magno Ecclesiarum damno contingunt. Nam cum novum examen coram Judice Appellationis longe procul a Parochia peragendum sit; Electus ab Episcopo, qui provocatur, Parochiam, quam possidet, cogitur interea temporis deserere, eamque Economo, vel Vicario cuiuspiam, veluti Sponsam ignitis Custodibus, relinquere, Sponsa non parumper, sed diu sane absuturo; dum nempe, implicita, ut fit, lite, terna etiam, vel quaterna, alia ex aliis, Examina, super præstantia primum doctrinæ, tum deinde aliorum, quæ ad integrandam idoneitatem opportuna sunt, contentioso multiplicentur, & commode, ne dicam otiose, transigantur, antequam deliberari possit utri Concurrentium Parochia sit adjudicanda.

Ad tollendam ejusmodi non minus querelarum, quam incommodorum occasionem, Sacra Congregatio Concilii Tridentini Interpretes, postquam rem omnem a capite repetitam in gemina sessione 1. Octobris, & 16. Novembris 1720. summo studio recognovit, tandem, Sanctissimo etiam annuente, statuit (quod per præsentis Literas encyclicas exequitur) omnes, & singulos Episcopos, aliosque Prælatos, penes quos sit jus, & auctoritas faciendi Concursum, hortari, ut examen ejusmodi instituere non graventur, quæ jam & multe Dioceses, & Urbs ipsa observat, atque Apostolica etiam Dataria postulat; sive, cum, Sede vacante, vacat Ecclesia aliqua Parochialis, cujus collatio ad Sedem Apostolicam pertineat; sive cum vacat Parochialis aliqua, ut dicitur, juxta Decretum; sive demum, cum, vacante in Collegiatis, aut Cathedralibus Ecclesiis Dignitate aliena majori, annexam habente Curam animarum, faciendus est Concursum, atque ad Apostolicam Datariam transmittendus, ut notum est, atque in Literis, quæ de ordine Sanctissimi, tunc e Dataria prodeunt, clare præscribitur.

Vacante itaque Ecclesia Parochiali, quæ conferenda sit per Concursum, atque hoc formulis inditæ, hæc, quæ sequuntur, ex Sacra Congregationis Sententia, consilio, suasionem servanda proponuntur.

1. Primum nempe, ut assignentur eadem omnibus Concurrentibus Quæstiones, iidem Casus, iidemque Textus Evangelii, super quo sermonis aliquid perscribant, ad probandam dicendi pro concione facultatem.

2. Alterum, ut Casus, & Quæstiones resolvende dicantur omnibus eodem tempore, atque omnibus pariter eodem tempore Textus Evangelii tradatur.

Decretum anni 1603. pro novo examine concedendo abique prævia probatione gravaminis. Sed alia deinde requisita, præter doctrinam expendenda.

Dubia super admissione appellationis in casibus particularibus, & in ulterioribus instantiis.

Præscribitur Ordinariis uniformitas in Concursum, & Examini-bus.

Quid singulorum servandum in provisionibus Ecclesiarum per concursum.



3. Tertium, ut certum, idemque omnibus spatium temporis constitutur, intra quod Casus resolvant, Questionibus respondeant, Conciumculam componant.

4. Quartum, ut eodem Concurrentes omnes in Conclavi claudantur, unde, quandiu scribent (dabitur enim omnibus scribendi copia), nemo eorum egredi, neque alius quipiam eo ingredi possit, nisi postquam scripta confecerint, & exhibuerint.

5. Quintum, ut omnes sua quisque manu tum responsa, tum sermonem scribant, subscribantque.

6. Sextum, ut responsa quidem latine, sermo autem ea, qua ad populum haberi solent, lingua scribatur.

7. Postremum, ut unumquodque responsum, & unusquisque sermo, cum ab unoquoque Concurrentium exhibebitur, non solum ab eo, qui scripsit, atque a Cancellario Concurrentis, verum etiam ab Examinatoribus, & ab Ordinario, vel ejus Vicario, qui Concursui interfuerint, subscribatur.

Præmissis omnibus servatis, appellatio post 10. dies interposita non admittatur. Forma transferendi Acta coram Iudice ad quem

Peracto secundum hanc formulam Concursu, collataque ei, qui magis idoneus, ac dignior judicatus fuerit, Ecclesia Parochiali, non admittatur Appellatio, aut a mala relatione Examinatorum, aut ab irrationabili iudicio Episcopi, nisi intra decem dies a die Collationis interponatur.

Si quis autem hoc intra spatium appellaverit, Actaque Concursus petas ad Iudicem Appellationis transferenda; mittantur vel Acta ipsa originalia Concursus clausa, & ob signata, vel certe unum aliquod authenticum eorum exemplum, a Cancellario Concursus, atque altero Notario collatum, & auscultatum coram Vicario, vel alio in Ecclesiastica dignitate constituto, quem eligat Ordinarius, ad quem etiam Notarii Cancellario adiungendi electio pertinebit; necnon ab Examinatoribus Synodalibus, qui Concursui interfuerint, scriptum.

Gravamine quoad doctrinam ex actis non probato, novum examen minime concedendum.

Neque permittenda prosecutio appellationis, nisi gravamen, quoad alia, saltem extrajudicialiter probetur.

Præmissis non servatis, admittetur appellatio, & provocatio ad novum examen, etiam non probato gravamine. Dat. die 10. Jan. 1721.

Ex quibus actis, vel authentico eorum exemplo, nisi gravamen quoad doctrinam probet is, qui sic, ut præmittitur, examinatus, aut a mala relatione Examinatorum, aut ab irrationabili iudicio Episcopi appellaverit, novum ad examen provocandi facultatem a Sacra Congregatione frustra postulabit.

Quemadmodum & in iudicio Appellationis persequi jus suum frustra tentabit is, qui forte se gravatum doleat quoad reliqua, nisi, interposita mature, ut dictum est, Appellatione ab irrationabili iudicio Episcopi, gravamen quoad illa ostenderit, vel ex actis primi Concursus, vel saltem ex attestationibus, & documentis extrajudicialibus etiam, sed non levibus.

Atque ita quidem sensit Sacra Congregatio, & Sanctissimus assensit.

At si quis tamen Ordinariorum aliter, ac supra descriptum est, Concurrentium examina instituire perrexerit, perget & Sacra ipsa Congregatio more pristina Appellanti- bus, qui se gravatos dixerint, provocationem ad novum examen, nulla gravaminis prævia probatione, indulgere. Interim tamen, ne harum literarum memoria dilabatur, vult eadem Sacra Congregatio, eas in uniuscuiusque Ordinarii Cancellaria perpetuo conservari. Cujus interea consilium, tum voluntatem, dum ego omnibus significo, Amplitudini Tuae sancta omnia e. Cælo precor. Romæ hac die 10. Januarii 1721.

Amplitudinis Tuae

Uli Frater

P. M. Card. Corradinus Præfatus.

P. Lambertinus Secretarius.

Pontificis experientia de præmissarum legum utilitate.

Allqua tamen addenda sunt.

§. 8. Quantum recte dispensandis Ecclesiasticis muneribus, administranda iustitia, componendis dissidiis, continendisque in officio Clericis proficeret saluberrima præmissarum legum institutio, satis superque experientia comperimus, cum Anconitanam primum Ecclesiam, ac deinde Bononiensem Sponsam nostram paterna charitate cominus amplecteremur; Freti liquidem dictarum legum præsidio, Dignores Parochiis, & Curæ animarum præsecimus: Tantaque, benedicente Domino, id accidit animorum consensione, ut nemo questus sit, traditum minus Digno celsioris loci præmium, vel minus iuste alteri credita vacantis Ecclesiæ gubernacula.

§. 9. At quia certis admonemur indiciis, non ita id aliis Episcopis contigisse; imo non deesse, qui privatis abrepti studiis, sæpe declinare, ac redarguere Iudicium Episco-



Episcopale præsumant: Nos propterea solliciti de implendis, prout decet, muneris Nostri partibus, nulla præfatis Literis addenda, nonnulla vero tacite, breviterque ibidem tradita, clarius explicanda censuimus, ut recte omnia, atque ex ordine peragantur.

§. 10. Merentes igitur audivimus, quod in plerisque Dicecesibus, etsi recepta sit laudabilis, firmiterque custodienda consuetudo in scriptis redigendi examen Concurrentium, nihilominus Examinatorum suffragia in sola literarum peritia veriantur, nec illorum exequitur sententia de Clericorum ætate, institutione, gravitate, & honestate morum, prudentia, muniis antea exercitis, & an tales demum sint, qui Oves suas verbo, & exemplo juvare possint. Quam devia sit hujusmodi praxis a Tridentini semita, is plane intelliget, qui expendet verba relata cap. 18. sess. 24. de Reformationibus: *Peracto deinde examine, renuntientur quotcumque ab his idonei iudicati fuerint moribus, doctrina, prudentia, & aliis rebus ad vacantem Ecclesiam gubernandam opportunis.* Idque probe noscens Congregatio ejusdem Concilii Interpres, pluries edixit, Examinatores deesse muneri, si doctrinæ tantum Judices essent, nec inquirerent, qui præ aliis, probitate morum, laboribus, præstito antea Ecclesiæ obsequio, cæterisque dotibus ad Officium Parochi cumulate obeundam necessariis, essent idonei, & commendabiles.

De concurrentium idoneitate, non ex doctrina tantum, sed ex aliis etiam qualitatibus judicandum.

§. 11. Absoluto Examine, ut cuique satis compertum est, sit tantummodo potestas Examinatoribus renunciandi quotquot regendæ Ecclesiæ idoneos judicaverint, referenda uni Episcopo electione Dignioris, quemadmodum sancitum est a Tridentino illis verbis: *Ex hisque Episcopis eligat, quem cæteris magis idoneum judicaverit:* At si quem Clericorum forte contigerit, appellare a mala relatione Examinatorum, quorum cura unice versata fuerit in exquirenda doctrina, non facta uno eodemque tempore solerti etiam investigatione aliarum qualitatum, quæ Pastoris congruant officio: Ordo iudicii secumferet, ut etiam Judex, ad quem provocatum fuit, in sola doctrinæ indagine immoretur: Nec sine gravi animarum detrimento, & disciplinæ injuria, præiudicatur Ecclesiæ, qui literis magis pollet, licet cætera minus aptus, & quandoque indignus; Contra vero arceatur ille, qui licet impar doctrinæ merito, attamen moribus, gravitate, prudentia, probato nomine, diuturno Ecclesiæ famulatu, ac multiplici virtutum laude præcellit.

Super quibus expedit Examinatorum quoque sententias requiri.

§. 12. Factum præterea satis extirpandis abusibus non videtur, si tam Episcopus, quam Examinatores, consuevis studiis, industriæ nervos omnes intenderint in conferenda contendi iudicio Ecclesiæ Personæ, quæ licet scientia, & literis alteri concedat, maioris tamen cæterarum qualitatum eminet ornamento; Siquidem Postpositus, suum nimiam fidens doctrinæ, ab irrationabili iudicio Episcopi non raro appellat; Causaque ad Judicem Appellationis delata, idem totus est in perquirenda majori doctrina, ac reparando gravamine literato homini irrogato, nusquam librato aliarum virtutum pondere, quæ in Appellante desiderantur: Lugentque ut plurimum vigiles Ecclesiarum Antiflites exitum huiusmodi appellationis, intineque dolent, Parochias doctis, non aptis Pastoribus, ut dictum est, regendas committi.

Et Judicem appellationis cognoscere.

§. 13. At si Judex etiam Appellationis (quod raro evenit) tantum tribuens scientiæ, quantum satis, majori, & accuratiori examine inquirat, qui mores hominum sint, quæ gravitas, prudentia, qui suscepti antea labores, quæ virtutum specimina, quæ demum totius antea vitæ ratio, pascendo Gregi consentanea: Tot Judici exhibentur attestations ab Appellante ex industria collectæ, ut, revocato Episcopali iudicio, tamquam irrationabili, non vereatur Judex incurrere eidem Appellanti, quem tam copiosa, tamque conspicua probitatis adjuvant documenta.

Atque in iudicio ferendo, legitimis probationibus & documentis inniti.

§. 14. Demum cum præcipue Episcopis, tamquam in specula constitutis, pateant Subditorum excessus, contingere solet, ut in Concursu, tam inspecta scientia, quam moribus, ille idoneus ab Examinatoribus renunciatur, cui fœda aliqua vitii labes, ac criminis macula inusta sit, omnibus, præterquam Episcopo, occulta: Si Episcopus, iusta suadente causa, crimine non revelato, eundem criminofum tacitus præterierit, aliumque immunem a fœde prælegerit: Illico Postpositus, simulato gravamine, provocat ad Superiorem Judicem criminis ignarum, & consuevo diffugio Appellationis, evehitur ad Pastorale fastigium, qui non potest consulere Populo, sed nocere, nec præstare regimen, sed augere discrimen.

Habenda quoque ratio Episcopalis iudicii ex informata conscientia prolata.

§. 15. Ne igitur improbi ingenii homines remedium Appellationis, ad iustitiæ præsidium institutum, calide traducant ad iniquitatis defensionem: Optimum factu aliqui-

Appellatis saltem devolutiva denegari nequit ex Conc. Trid.

qui-



quibus fortasse videretur, si Appellatione quavis sublata, cura præficiendi Rectores animarum prius relinqueretur Episcopis, rationem villicationis suæ Christo Judici tantum reddituris. Verum nullo pacto probare id possumus, quod adversaretur menti Concilii Tridentini, tacite permittentis Appellationem in devolutivo a mala relatione Examinatorum, quemadmodum innuere videntur verba illa: *Nec prædictorum Examinatorum relationem, quominus executionem habeat, ulla devolutio, & Appellatio, etiam ad Sedem Apostolicam, siue ejusdem Sedis Legatos, aut Vice-Legatos, aut Nuntios, seu Episcopos, aut Metropolitanos, Primates, vel Patriarchas interposita impediat, aut suspendat.* Cui Sanctioni respondet etiam Constitutio Piana, admittens Appellationem in devolutivo ab irrationabili Judicio Episcopi.

Series Actorum servandorum in Parochialium provisione per concursum. Deputatio Vicarii in Ecclesia vacante. Indictio Concursus, cum præfixione termini ad exhibenda in actis Requisita.

§. 16. Qua de re, ut in hujusmodi negotio apte omnia, atque compositè peragantur, Officii Nostri esse duximus, eum vobis, Venerabiles Fratres, gerendarum rerum ordinem præscribere, quem longo usu utilem agnovimus instituendis animarum rectoribus, qui credito sibi Gregi præesse, & prodesse possint.

I. Episcopus, habita notitia vacationis Ecclesiæ, statim ad præscriptum Tridentini, idoneum in ea deputet Vicarium, cum congrua ejus arbitrio fructuum portionis assignatione, qui onera ipsius Ecclesiæ sustineat, donec ei de Rectore provideatur.

II. Publico evulsetur Edicto notitia Concursus, congruo, & ab Episcopo præfinito tempore celebrandi: eodemque Edicto omnes clare, & aperte moneantur, ut interim decuriente assignato, coram Cancellario Episcopali, vel altero ab Episcopo deputando, suarum qualitaturn, meritorum, & munerum probationes, attestaciones tam judiciales, quam extrajudiciales, aliæque id genus documenta, quæ fraude vacent, exhibeant: Alioquin, dicto termino elapso, Documenta hujusmodi, quæcumque, & qualiæcumque ea sint, nullatenus recipiuntur.

Summarium meritorum tam Ordinarii, quam Examinatorum judicio subijciendum.

Forme concursus, & examinis, tum circa doctrinam, tum circa reliquas qualitates requisitas.

III. Eveniente die Concursus, a Cancellario Episcopali singulorum merita, qualitates, & Requisita, (ut vocant,) incorrupta fide deprompta a Juribus tempore habili exhibitis, in scriptis summarium redigantur: Porro copia Epitomes traderetur non solum Episcopo, vel Vicario Generali vices illius obeunti, sed sigillatim omnibus Examinatoribus ad Concursum adscitis, ut cum de scientia, tum de vita, moribus, aliisque regendæ Ecclesiæ necessariis dotibus ferant judicium.

IV. Die præstituta ab Episcopo habeatur Concursus, servata accurate in omnibus forma tradita in supra relatis Literis anno 1721. editis, totaque rerum in eo gestarum series scriptis diligenter enucleetur. Porro Examinatores, ad assequendam certam, & indubiam conjecturam scientiæ, postquam diligenter expenderit singulorum peritiam in evolvendo, explicandoque oretenus aliquo Ecclesiasticæ Doctrinæ capite, vel a SS. Patribus, vel a Sacro Concilio Tridentino, vel a Catechismo Romano excerpto, ac pari diligentia libaverint a quolibet scripto datas responsiones questionibus propositis; Et postquam denum deprehenderint qua quisque polleat gravitate sententiarum, elegantia sermonis in Conciuncula scripto pariter exarata, & Textui Evangelico, vel alteri dato Themati accommodata: parem, ni forte majorem solertiam Examinatores adhibeant in perscrutandis aliis qualitatibus, regimini animarum consentaneis: morum honestatem inquirant, gravitatem, prudentiam, præstita lætæ Ecclesiæ obsequia, æquisitam in aliis muneribus laudem, aliæque spectabilium virtutum ornamenta, Doctrinæ arcto frædere consocianda; hisce omnibus conjunctim expensis, inhabiles per sua suffragia rejiciant, & idoneos Episcopo renuntient.

Suppressa requiritorum notula, dignior ab Ordinario eligendus & in possessionem inducendus.

Appellatione interposita, Judex ad quem non pronunciet nisi tecum acta.

V. Absoluto Concursu ab Episcopo, vel, eo impedito, a Vicario Generali una cum Examinatoribus Synodalibus non paucioribus quam tribus, Notula compendiaria Requiritorum antea distributa tradatur Cancellario, qui illam comburat, vel penes Acta secreto custodiat, & nemini ostendat, nisi de mandato Episcopi, vel ejus Vicarii Generalis. Subinde vero Ordinarius, cum primum ei libuerit, eligat ex approbatis Digniores, nec illi Possessio, ullo Appellationis vel Inhibitionis obtentu, retardetur.

VI. Si quem Clericorum appellare contigerit a mala relatione Examinatorum, vel ab irrationabili Judicio Episcopi, coram Judice Appellationis Acta Concursus integra omnino producat; Et Judex, nisi illis visis, & gravamine comperto, sententiam non pronunciet. Præterea in ferenda Sententia, ac reparando gravamine, idem Judex innitatur solummodo probationibus ab Actis elicitis, tam respectu doctrinæ, quam aliorum meritorum. Quia vero a publica indictione, usque ad diem habiti

Con-



Concurfus, tantum temporis interceffit, quantum fatis fuit commode exhibendis neceffaria juribus, attestationibus, requifitis, aliisque meritorum documentis; Idcirco, ut quævis via fraudibus præcudatur, volumus, ac diftrictè mandamus, ne dd. Atteftationes, Fides tam judiciales, quam extrajudiciales, & documenta quæcumque ftudiofe conquirent, & poft Concurfum, ut ajunt, expifcata, ullo modo recipiantur. Non obftantibus fupra memoratis Literis, a Congr. Conc. Trid. Interprete anno 1721. editis, quibus ad præmiſſorum effectum in hac parte derogamus, illis tamen in reliquis, una cum omnibus in eis contentis, firmiter in ſuo robore permanſuris.

VII. Ubi vero Epifcopus, poſthabito uno, vel altero ex approbatis, Eccleſiam contulerit magis idoneo ob aliquam ſibi ipſi tantum notam cauſam, quam cenſeat ſignificari oportere Judici Appellationis notam: Familiaribus literis Judicem certiorrem efficiat, inviolabilis ſecreti lege adjecta. Nemo ſit, qui hanc praxim Noſtræ tribuat ſolertiæ, cum illa profluat a Tridentini Decretis. *ſeſſione etiam 24. cap. 20. de Reform.* ita diſponitur: *Præterea ſi quis in caſibus a Jure permiſſis appellaverit, aut de aliquo gravamine conqueſtus fuerit, ſeu alias, ob lapſum bienii, de quo ſupra, ad alium Judicem recurrerit, teneatur acta omnia coram Epifcopo geſta ad Judicem Appellationis expenſis ſuis transferre, EODEM TAMEN EPISCOPO PRIUS ADMONITO, UT SI QUID EI PRO CAUSÆ INSTRUCTIONE VIDEBITUR, POSSIT JUDICI APPELLATIONIS SIGNIFICARE.*

Si Ordinarius proceſſerit ex informata conſcientia, cauſam ſibi notam, per Literas familiares indicabit Judici ſuperiori.

Qui nec illam revelare poterit, nec iudice probat poſtulabit.

Et quamvis jure Nobis timendum ſit, ne diſta praxis monendi Judicem, a quo appellatum eſt, in more olim poſita, hac tempeſtate obſoleverit, & a Foro receſſerit; Attamen Epifcopus (ut dictum eſt) ſi ex cauſa ſibi tantum, & non aliis nota, quæ tamen approbari digna ſit, Eccleſiam contulerit; illam Judici Appellationis, datis ſecreto literis, denunciaret, & aperiat. Sciant porro Judices, delatas ab Epifcopo cauſas, & rationes, inviolabilis ſecreti fide eſſe cuſtodienas; nec parvi pendendum eſſe teſtimonium illius Paſtoris, cui Divino mandatur eloquio, Oves ſuas agnoſcere. Facile enim credi non poteſt, Epifcopos ſuæ non minus, quam alienæ ſalutis adeo immemores, ut non deterriſi Divini interminatione Judici, odio vel favore moveantur; & in Sacrorum Canonum ſingularem injuriam, dicant malum bonum, bonum malum, ponentes tenebras lucem, & lucem tenebras.

Ordinarius ſuſpectum habens Judicem AD QUEM, Judici ſui cauſas aperiet Præſecto

Cong. Concilii. Duæ conformes in utramlibet, partem iudicio ſinem imponent.

Si vero Epifcopo fuerit ſuſpecta fides Judiciſ, ad quem appellatum eſt, nec eidem revelanda cenſuerit huiusmodi occulta rationum momenta: Illa ſignificet ſecretis literis S. R. E. Cardinali Præſecto pro tempore Congregationis Concilii, qui nec conſilio, nec auctoritate deerit, quo minus a Iudice Appellationis debitus juſtitiae locus tribuatur.

17. Præterea quia æquitati etiam convenit, Cauſas Appellationis, quæ magno litigantium diſpendio, & Eccleſiæ perniciæ, immortales quandoque exiſtunt, quanta fieri poteſt brevitate terminari: Idcirco ubi a Iudice Appellationis lata ſit Sententia, quæ præeleſtioni factæ ab Epifcopo omnino ſit conformis, nullus pateat novæ Appellationi aditus, ſed auctoritate Rei judicatæ controverſiæ finis imponatur. Sin vero Iudex Appellationis aliter, quam Ordinarius, pronunciaverit; liceat Præſecto ab Epifcopo, qui Cauſa cecidit, ad alium Judicem appellare, firmiter interim retenta Parochialis Eccleſiæ poſſeſſione. Tandem poſtquam tertius quoque Iudex Sententiam dixerit, ne Patres ultra modum graventur laboribus, & expenſis, præſertim quia agitur de Cura animarum, cui damnoſum eſt, certi Paſtoris deſtitui ſolatio. Is legitimum regendæ Eccleſiæ jus obtineat, cui duæ conformes aſſiſtunt Sententiæ, nec ullum novæ Appellationis remedium ſuccumbenti ſuffragetur.

§. 18. His ſane regulis, quamvis Appellatio ſublata non ſit, ſatis tamen præſidii comparatum eſſe arbitramur Eccleſiaſtica diſciplinæ, ac recto gerendarum rerum ordini. Unum ſuper eſt, ut propoſita hætenus media debita executioni mandentur; Eumque in ſcopum Locorum Ordinarii vigilantiam ſuam deſiderari non patiantur. Ferendum quippe non eſſet, ad noſtri Apoſtolatus auditu novas in diem deferri querelas, ac ſubmovendis abuſibus novas implorari leges, ab iis, qui jam præſtitutas negligunt & contemnunt.

Præmiſſorum executio Ordinarii commendatur.

§. 19. Demum cum non raro contingat, Eccleſias Parochiales, Dignitates, Canonicatus, aliaque Beneficia Curam animarum habentia, a Sede Apoſtolica eſſe conferenda; vel quia vacaverint in menſibus reſervatis, vel quia ex alio capite diſtæ Sedis reſervata ſint: Nos Prædeceſſorum Noſtrorum veſtigiiſ inhaerentes, præcipimus, ſemper Ordinis

Pro collatione Eccleſiæ a S. Apoſt. providenda, liceat ſemper Ordinis



nariis Concursum indicere, & comple-  
item digno-rem eligere,  
non transmissis actis, pro  
collatione Ecclesie Sedi  
Apost. refer-  
vata RATIO-  
NE MENSIS.

Secus, si ex  
alia causa re-  
servationi  
fuerit obno-  
xia.  
Pontifex Or-  
dinationum ju-  
dicio multum  
deferet.

Dat. die 14.  
Decembris  
1742.

& mandamus, uno vel altero eveniente casu, Concursum ab Episcopo sine ullo di-  
scrimine indicatur, nulla ad hunc actum petita venia, vel licentia, quam Nostris  
hiscie literis sibi tributam Episcopi intelligant.

§. 20. Absoluto concursu; si res sit de Beneficiis Curatis, quæ tantum ratione  
Mensium reservata sint, Episcopus inter approbatos eligat magis Idoneum, & Data-  
riæ significet, nec Acta Concursum transmittant, nisi a Dataria, cum id opportunum  
duxerit, requirantur. Sin vero dicta Beneficia, quibus cura imminet animarum, ex  
alio quovis capite, quam mensium Apostolicorum, S. Sedi reservata sint; Eo sane ca-  
su, veteri non immutato more, abstineat Episcopus a ferendo Dignioris judicio, &  
Acta concursus ultro Datarie exhibeat.

§. 21. Licebit tamen Ordinariis, pro suo arbitrio, familiaribus literis Datario scri-  
ptis, eidem denunciare Personam, quam censent regendam Ecclesie magis idoneam,  
eundemque commonere, an occulta aliqua, & in Actis inesse reticita subfit causa,  
quæ cuiquam obstat ad Beneficium Curatum obtinendum. Nos ipsi postmodum ab hac  
Sede omnium Principe, & Magistra, lucente edocebimus exemplo, quanti facien-  
dum sit Episcopale iudicium, quantoque vos honore prosequamur, Venerabiles Fra-  
tres, in partem Nostræ sollicitudinis evocatos, quibus interim Apostolicam Benedi-  
ctionem peramanter impertimur.

Datum Romæ apud S. Mariam Majorem die XIV. Decembris MDCCXLII. Ponti-  
ficatus Nostri Anno III.

## LXIX.

## V O T A S I M P L I C I A

In Congregatione Missionis emissâ, a nemine, quacumque ex causa, præter quam a  
Romano Pontifice, aut a Superiore Generali Congregationis in actu Dimissionis  
tantum, dissolvi posse statuitur.

## B E N E D I C T U S P A P A X I V.

*Ad perpetuam rei memoriam.*

Pontificis stu-  
dium erga  
Congregatio-  
nem Missio-  
nis.

Alex. VII. ap-  
probat Con-  
gregationis  
institutum &  
professionem  
votorum sim-  
plicium a solo  
Pont. aut Sup.  
Gen. dissolv.

Q UO magis uberes, ac salutare in Catholica Ecclesia fructus in dies, benedicente  
Domino, Congregationem Missionis a S. Vincentio de Paulo Fundatore olim in-  
stitutam, & æterna cum animarum Christianorum salute latissime propagatam,  
proferre dignoscimus, eam magis luculentis Apostolicæ auctoritatis providentiæque no-  
stræ studiis eandem complecti volumus, ut maiora semper accipiat incrementa.

§. 1. Alias sane fel. rec. Alexander PP. VII. Prædecessor noster, de tunc existen-  
tium S. R. E. Cardinalium Concilii Tridentini Interpretum consilio, ad ejusdem S.  
Vincentii Fundatoris in humanis agentis supplicationem, per quasdam suas in simili  
forma Brevis literas die xxii. mensis Sept. anno MDCLV. expeditas, in perpetuum  
eamdem Congregationem Missionis inceptam, & approbatam, Apostolica auctoritate  
sua approbavit, & confirmavit, cum emissionem Votorum simplicium Castitatis, Pau-  
peritatis, & Obedientiæ, necnon stabilitatis in dicta Congregatione, ad effectum se-  
roto vitæ tempore salutis Pauperum Rusticanorum applicandi, post biennium Proba-  
tionis faciendâ, in quorum tamen Votorum emissionem nemo interfit, qui ea acce-  
pet, sive nomine Congregationis, sive nostro & pro tempore existenti Romani Pon-  
tificis nomine, & vota sic, ut supra, emissâ dissolvere possit solus Romanus Pon-  
tifex, necnon & Superior Generalis dictæ Congregationis in actu dimissionis e Congre-  
gatione; nemo autem alius, etiam vigore cuiuscumque Jubilæi, Bullæ Cruciatæ,  
seu alterius privilegii, & indulti aut cuiuscumque Constitutionis, sive Concessionis,  
nisi in eis facta fuerit specialis mentio horum votorum sic, ut supra, in dicta Con-  
gregatione emissorum, dissolvere, aut commutare, vel dispensare possit & valeat,  
& alias prout in dictis literis Alexandri Prædecessoris præfati, quarum tenorem præ-  
sentibus pro expresso, & inserto haberi volumus, uberius continetur.

Statuta ambi-  
tum prohi-

§. 2. Deinde, fel. pariter rec. Clemente PP. IX. itidem Prædecessore nostro, qui  
quasdam Constitutiones in Comitibus Generalibus dictæ Congregationis pro ejusdem  
me-



meliori regimine conditas, recognoscendas, examinandasque aliquot Romanæ Curie Prelatis commisit, viam universæ carnis ingresso, easdem Constitutiones jam recognitas, & examinatas rec. mem. Clemens PP. X. similiter Prædecessor noster per alias suas in pari forma Brevis literas die 11. mensis Junii anno MDCLXX. datas quarum tenorem pariter præsentibus pro expresso, & inserto haberi volumus, Apostolicæ auctoritatis patrocinio communivit; inter quas quidem Constitutiones nona in Ordine ita præscribit: *Dignitates Ecclesiasticas absque consensu Conventionis generalis acceptare non poterit, (scilicet Superior Generalis, nisi Summus Pontifex id in virtute sanctæ obedientiæ præcipiat.* Quod sane etiam cantum videtur in Regulis, seu prioribus Constitutionibus Congregationis præfatæ cap. 3. §. 19. in quo sic habetur: *Quoniam virtus paupertatis solo etiam appetitu inordinato ad bona temporalia potest violari, unusquisque diligenter cavebit, ne hoc malum, etiam quoad beneficia sub specie boni spiritualis ambienda, cor suum invadat; ideoque, ne quidem ad ullum beneficium, aut dignitatem Ecclesiasticam, sub quocumque prætextu aspirabit.*

§. 3. Præterea cum aliqui, post antedicta vota in eadem Congregatione emissa ipsam Congregationem deseruerint, asserentes se dictorum votorum dispensationem, seu commutationem obtinuisse a quibusdam Confessariis, vigore Literarum Apostolicarum super Jubilæo emanatarum, ac prædictos Confessarios potuisse dispensare, seu commutare hujusmodi vota, quia in dictis literis conceditur facultas commutandi vota quæcumque, Castitatis, & Religionis exceptis, ac deinde in fine derogatur contrariis quibuscumque, & in specie Statutis, & Consuetudinibus quorumcumque Ordinum, ac Congregationum, seu Institutuum Regularium, etiam confirmatione Apostolica roboratis, necnon privilegiis, indultis, & literis Apostolicis eidem Ordinibus, & Congregationibus concessis, etiamsi de illis eorumque totis tenoribus specialis, specifica, & expressa individua mentio habenda foret: memoratus Clemens X. Prædecessor per alias pariter suas in simili itidem forma Brevis literas die xxiii. mensis Junii anno MDCLXX. datas, de consilio tunc existentium S. R. E. præfatæ Cardinalium Concilii Tridentini Interpretum, declaravit, vota prædicta in dicta Congregatione Missionis post illius confirmationem Apostolicam præfatam emissa, emittenda, ab aliis, quam a pro tempore existente Romano Pontifice, & Superiore Generali ejusdem Congregationis, in actu dimissionis ab ipsa Congregatione, licite, & valide non potuerint, nec possint dispensari, commutari, aut alias quomodolibet dissolvi vigore cujuslibet Jubilæi, Bullæ Cruciatæ, seu alterius Privilegii, Indulti, Constitutionis, sive concessionis, non facientium expressam dictorum votorum mentionem.

§. 4. Quoniam autem, sicut accepimus, ex Presbyteris, qui in eadem Congregationem admissi ac probati, antedicta vota emisserunt, & in doctrinarum, bonarumque artium studiis, non sine magno ejusdem Congregationis dispendio, instituti. per non breve temporis spatium commoranti fuerunt, regularis observantiæ pertælis, ut ex ipsa Congregatione egrediantur, alii quidem varias infirmitatis causas obtinent, alii vero Beneficia Ecclesiastica in Cathedralibus, Collegiatis, aliisque Ecclesiis personalem residentiam requirentia omnimodis artibus sibi conferenda procurant; alii etiam ad Ecclesias, quibus pastoralis animarum cura annexa est, obtinendas concurrunt, ac deinde votorum emissorum dispensationem, præmissorum obtentu, extorquent. Quæ certe in hujusmodi votis, ac præsertim voto stabilitatis, dispensandi facilitas, alias fere inaudita, in causa est, ut, quamplurimis in Galliis, Italia, & Polonia ex eadem Congregatione nuper egressis, incitamento sit & exemplo aliis, quo omnem aditum egrediendi sibi aperire studiose meditentur, & interea Congregationis præfatæ munera negligentius obeantur, ac propterea incrementum, quod eidem Congregationi Deus dare cæpit, sensim disperdatur. Hinc est, quod Nos, qui Congregationem præfatam semper plurimi fecimus, & quanto Clericis in sortem Doctissimi vocatis ad vocationis suæ munera rite sanctæque adimplenda adjumento sit, novimus, salutare aliquod remedium hac in parte adhibere cupientes, motu proprio, & ex certa scientia, ac matura deliberatione nostris, deque Apostolicæ auctoritatis plenitudine, tenore præsentium, non solum omnia, & singula in Constitutionibus & Regulis ejusdem Congregationis, ut præmittitur, contenta, & de novo statuta ac ab Apostolica hac Sancta Sede iterum atque iterum approbata, & confirmata iterum, quatenus opus sit, de novo approbamus, & confirmamus, illisque inviolabilis

bentia Clementi IX. exhibita, a Clemente X. confirmatur.

Idem Clemens X. declarat, facultates a Sede in Jubilæis, aliisque indultis concessas, non extendi ad d. Votorum dispensationem.

Causæ obtendi aut explicari solite ad extorquenda dispensationes.

Pontifex relatas Constitutiones confirmat, & innovat.

Admittit quibuscumque facultatem dispensandi quoad prædicta vota, ex qua.



cumque cau-  
sa.

Eamque re-  
servat Rom.  
Pontifici, aut  
Super Gene-  
rali tantum  
in actu dimis-  
sionis.

Collationes  
Beneficiorum  
curat. aut re-  
sid. Missiona-  
riis factas, &  
faciendas an-  
nullat.

Clausula de  
perpetua Li-  
terarum fir-  
mitate.

Derogationes.

Exemplorum  
auctoritas.

Dat. die 18.  
Decr. 1742.

bilis perpetuæ Apostolicæ firmitatis robur adjicimus, verum etiam quamcumque in dispensando pro votis hujusmodi, ac præsertim voto stabilitatis, facultatem, tum ordinariis Nostreis & Apostolicæ Sedis præfatæ pro tempore ubicumque existentibus Nuntiis, & Legatis, tum omnibus, & singulis Congregationibus Venerabilium Fratrum Nostrorum S. R. E. Cardinalium, quavis auctoritate, privilegiis, & indultis, quibus omnibus, quoad hanc partem, motu, scientia potestate, ac tenore paribus derogamus, quomodolibet competentem, & respectively attributam, omnino inhibemus, & inhibitam esse volumus, ac declaramus; ita ut quælibet dispensatio pro votis supradictis, ac præsertim stabilitatis, cuilibet Presbytero, seu Clerico, vel Laico dictæ Congregationis, ob quamcumque causam, a quibuscumque, etiam speciali mentione dignis, ( dummodo non fuerit concessa per Nos, & pro tempore existentem Romanum Pontificem Successorem nostrum, sive per modernum pariter, & pro tempore existentem Superiorem Generalem ejusdem Congregationis in actu dimissionis tantum, juxta præfatas Constitutiones ), quomodolibet concessa, & quælibet cujuscumque Beneficii Ecclesiastici personalem residentiam requirentis vel animarum curam extra dictam dumtaxat Congregationem unitam habentis, collatio, cuilibet ex Presbyteris, & Clericis præfatis quomodolibet facta, & capta etiam possessio, irrita, & nullæ sint, ac nullius roboris, & momenti habeantur, perinde ac si minime concessa, facta & capta fuisset, ac propterea nemini, ad quem spectat, & pro tempore quodcumque in futurum spectabit, suffragentur.

§. 5. Decernentes eandem præsentem literas, & in eis contenta quæcumque semper firma, valida, & efficacia existere & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respectively, & inviolabiliter observari; hæcque & non aliter in præmissis per quoscumque Judices Ordinarios, & Delegatos etiam Causarum Palatii Apostolici Auditores, ac S. R. E. præfatæ Cardinales, etiam de Latere Legatos, & Apostolicæ Sedis prædictæ Nuntios, ac quosvis alios quacumque præminentia, & potestate fungentes, & funduros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 6. Non obstantibus præmissis, necnon nostra & Cancellariæ Apostolicæ Regula de jure quæsito non tollendo, ac Constitutionibus, & Ordinationibus Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 7. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici, vel Secretarii Generalis dictæ Congregationis subscriptis, & sigillo personæ in dignitate Ecclesiastica constitutæ, vel Superioris Generalis Congregationis præfatæ munitis, eadem prorsus fides adhibeatur, quæ adhiberetur eisdem præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XVI 1742.  
Decembr. MDCCXLII. Pontificatus Nostri Anno III.

D. Card. Passioneus.



## C O N S E C R A T I O

LXX.

Hieronymi de Bock in Pseudo-Episcopum Harlemensem damnatur: & excommunicationis ac suspensionis sententiam in ipsum pronuntiatur.

*Dilectis Filiis Universis Catholicis in Foederato Belgio commorantibus.*

B E N E D I C T U S P A P A X I V.

*Dilecti Filii, salutem, & Apostolicam Benedictionem.*

**O**bsurdescit quotidie magis infandum Schisma, paucorum perfidia apud vos conflatum: nec desinit in præceps ruere, ac novis in dies sceleribus irritare amantissimi Patris animum, sibi que a bonis omnibus ludibria cumulare.

§. 1. Cognovimus enim Petrum Joannem Meyndartis funestissimum ejusdem Schismatis Caput, ausum fuisse reficere illatum Catholicæ Ecclesiæ tam diræ perduellionis vulnus, illegitimo Ritu, & fucatis Cæremoniis consecrato in Harlemensem Pseudo-Episcopum Hieronymo de Bock, ejus simiolo, parique inverecunda fronte, ac protervitate.

Exordium.

Refertur Consecratio Pseudo-Episcopi Harlemensis.

§. 2. Detestamur utique indignum facinus, dolemusque, nullum ab iis, eorumque Sæctatoribus fieri furendi finem. Non tamen adhuc exuimus paternam misericordiam, ac veluti mater, confecta incredibili mœrore super insanientem filium, pietate potius, quam iracundia percellimur. Sed quid ultra ad eos revocandos fieri potest, quod non pertecimus? Clamavimus, viam, quam insisterent, ad interitum ducere, nec audierunt. Exprobavimus fractam, quam promiserant Domino, fidem, negatamque Romanæ Sedi obedientiam; & continuerunt aures suas, ne conscientia latrans se respicerent, ad sanamque mentem redirent. Flagellum denique distrinximus Ecclesiasticæ severitatis; & occallescent, parvique pendere videntur acceptas plagas, quasi se non attingant, probe testos lorica durissimæ contumaciæ, pudendæque perduellionis. Igitur cum Ecclesiam, ejusque Supremum Pastorem non amplius audiant, id solum superest, ut e Christi Domini Oraculo habeantur veluti Ethnici, & Publicani, extorres Catholico Grege; utque se jactent, quantum lubet, in ea Satanæ Ecclesia, quam sibi statuerunt, nec amplius gloriantur ad veram Ecclesiam se pertinere, unde penitus exclusi, dejecti, depulsi sunt. Nos utique, in magno de illorum pertinacia dolore, letamur saltem, ita denique hanc jamdiu male olentem reproborum apud vos hominum sentinam exhaustam, ipsorum discessu, censi posse, atque adeo minus ab eadem metuendum esse. Utinam vero & Catholicorum nomen, quod hætenus retinere conantur, jam tandem deponerent. Sic enim prorsus abjiceremus sollicitudinem, ne simplicibus, incuriosis, aut male, quid illic veneni lateat, instruetis, imponant, Catholici nominis usurpatione, Sacræque Hierarchiæ falso ab ipsis suppletæ similitudine.

Quam Pontif. detestatur.

Electiones Consecrantis, & Consecrati nullæ Censuræ inutrumque prolata.

§. 3. Nos quidem, quantum tenuitate nostræ licuit, in hujusmodi eventum jamdulum Apostolico Ministerio nostro sedulo defuncti sumus, nefariamque Joannis Petri Meyndarts ad Ultrajectensem Ecclesiam electionem, irritam, illegitimam, ac sacrilegam declaravimus, & quicquid ex illo, futilem commentitii Archiepiscopatus auctoritatem exercente, prodisset, aut proditurum foret, nullum pariter irritumque pronuntiavimus. Deinceps eadem nota, parique infamia, censurisque inussum prænuncupati Hieronymi de Bock probris cooptionem in Harlemensem Antistitem.

Consecratio Hieronymi de Bock illicita, & illegitima declaratur.

Idem cum a seculis excommunicatur.

§. 4. Nunc autem Prædecessorum nostrorum, sacrarumque legum morem atque exempla sequuti, tradita Nobis e Cælo potestate, primus hujusmodi nefariam consecrationem, illicitam, illegitimam, sacrilegam, ac contra Supremæ Sedis mandata, & Sacrorum Canonum sanctiones factam declaramus. Deinde ipsum Hieronymum de Bock, & quotquot huic execrabili facinori operam, consilium, consensum præstiterunt, auctoritate Omnipotentis Dei excommunicamus, anathematizamus, atque ab Ecclesiæ communione segregatos, & prorsus Schismaticos habendos, & vitandos esse iterum constituimus. Sciat autem idem Hieronymus de Bock, non solum ab iis,

quæ



Suspendatur  
ab exercitio  
Ordinis, &  
jurisdictionis

quæ sunt jurisdictionis, exercendis se esse suspensum, sed etiam ab iis, quæ sunt Ordinis. Mandamus illi propterea, districteque interdiciamus, sub poena excommunicationis ipso facto, & sine alia declaratione incurrendæ, ut nullo pacto, aut Chrisma conficere, Clericos ordinare, Virgines consecrare, aut alia Episcopalis Ordinis exercere audeat: Decernentes insuper vacuos, inanes, nulliusque prorsus roboris, ac momenti, omnes & singulos alios actus, quos attentare præsumperit. Ac proinde qui ab ipso Ecclesiasticis Ordinibus initiati fuerint, noverint suspensionis vinculo se obstrictos, atque irregularitati propterea obnoxios, si susceptos Ordines ex-  
cuerint.

Admonitio ad  
Catholicos

§. 5. Quæ omnia vobis, Dilecti Filii, renuntianda esse duximus, non ut caveatis ab hoc quoque sacrilego insidiatore; siquidem scimus satis vos adversus illius temeritatem, ac subdolas artes habere præsidii in vestra invicta pietate, & religione: sed ut, si aliqui sunt in ea contumacissima secta, qui nondum penitus infixi maneant in limo profundi, a Nobis pro paterna caritate admoniti, inducant animum resipiscere, ac desinant præbere aures hujusmodi factiolis hominibus, qui ut serviant furori suo, inveteratoque adversus veram Christi Ecclesiam odio, se prorsus Satanæ devoverunt. Vos autem manete in ea vocatione, in qua vocati estis, & quam sequuti Majores Vestri, constantissimam Fidem suam probarunt universæ Ecclesiæ, & hujus in terris capiti Pontifici Maximo. Reliqui, qui sese istic obstinarunt ad persequendum Schisma, pergant in exiguo suo Cœtu gaudere de sacrilega sua pertinacia, sibi-que plaudant ob execrabile inventum Pseudo-Episcopos constituendi. Non diu erit, cum experti discent, quid sibi profuerit malitia sua; ac fremebundi intelligent, quid vobis æterni gaudii, & immortalis gloriæ pepererit virtus obedientiæ, castaque fides vestra. Huic interim laustissimo eventui proludimus Apostolica benedictione, quam Vobis, Dilecti Filii, peramanter impertimur.

Dat. die 20.  
Dec. 1742.

Datum Romæ, apud S. Mariam Majorem sub Annulo Piscatoris die xx. Decembris MDCCXLII. Pontificatus Nostri Anno III.

J. Vincentius Lucchesinius  
Publicat. die 5. Januar. 1743.

## LXXI.

## REOS CONVICTOS

Per indicia indubitata, quamvis non confessos, pœnis ordinariis multandos esse statuitur.

Monignor Francesco Ricci della Nostra città di Roma, e suo Discretto, e Generale Governatore, e Vice-Camerlengo.

Congregatio  
Particularis  
pro questionis  
examine de-  
putatur.

**A** Vendovi Noi con Viglietto di Segretaria di Stato in data delli 29. Aprile del cadente anno 1742. espressamente ordinato, per apportare qualche opportuno rimedio alla frequenza degli Omicidj, ed altri Delitti qualificati, che si commettono in Roma, e nel Nostro Stato Ecclesiastico de' Rei, sulla confidenza di non poter essere condannati alla morte, se spontaneamente non confessino il lor Reato, o confessandolo ne' Tormenti, non ratificchino poscia la lor Confessione, dovesse convocare avanti di Voi una Particolar Congregazione con l'intervento de' Monsignori, Bardi Segretario della Sagra Consulta, Fabretti, e Clavelli Ponenti della medesima, Toppi Fiscale Generale, & Avvocati, Mocci Luogotenente dell' A. C., Delfini Luogotenente del Cardinal Vicario, Michilli, e Mirogli Luogotenenti del vostro Tribunale del Governo, e sentirne sopra di ciò il di loro sentimento; ci avete rappresentato, che dopo essersi più volte adunata avanti di Voi la detta Congregazione, sianse in essa maturamente considerati li seguenti Dubbj, e con essersi inteso tanto in voce, che in scritto anche il parere dell' Avvocato de' Poveri, ne siano emanate le scritte Risposte.

Dubia in Con-  
gregat. Propo-  
sita. Dub. I.

Primo: An duo, vel tres Testes concludentes perneccesse Delictum, & aliquas patientes exceptiones, præter illas pro quibus Testes de Jure in totum repelluntur a testificando, possint suppleri tam ex aliis indiciis, & conjecturis probatis per Testes minus



minus habiles, & idoneos, quam ex numero Testium, ad effectum imponendi poenam ordinariam?

Responsum: Attentis frequentia Delictorum, & facilitate, qua Rei negativi evadunt promeritas poenas, esse consulendum Sanctissimo: ut declaret, in Tribunalibus Supremis, & suas vices gerentibus, ac in delictis atrocissimis, Homicidiis appensatis, & Furibus famosis, posse suppleri tam ex Indiciis, quam ex numero, etiam per Testes minus habiles, & idoneos.

Responsum.

Secundo: An idem servandum sit in Delictis sequentis in Lupanaribus, Custodiis Birruariorum, aliisque locis, ubi nec actu, nec habitu solent intervenire, aut intervenerint alii Testes, quam Personæ infames.

Dub. II.

Responsum: affirmative, dummodo suppletio fiat per indicia, & conjecturas, quæ probentur per alios Testes.

[ Responsum.

Tertio: An contra Convictum indicis indubitatis concludentibus perneceffe taliter, ut adimant ab animo Judicis omnem rationabilem hæsitacionem, quod res aliter se habere potuerit, deveniendum sit ad poenam ordinariam.

Dub. III.

Responsum: Affirmative.

Responsum.

Quarto: An concurrentibus duabus semiplenis probationibus, possint hæc insimul coniungi ad imponendam poenam ordinariam?

Dub. IV.

Responsum: Negative.

Responsum.

Quinto: Denum an in contestationibus faciendis Reis, quando Indicia sunt de illis proximis indubitatis, possint reticeri aliquæ circumstantiæ, ad hoc, ut in casu, quo Rei tormentis subiciantur, & tales circumstantias non contestatas fateantur, haberi possint pro verificationibus a parte post Confessionis, taliter ut opus non sit ratificatione ad imponendam poenam ordinariam?

Dub. V.

Responsum: Negative.

Responsum.

S. 2. Onde Noi considerando esser molto profittevole non meno alla Giustizia, che al pubblico, e privato interesse la punizione de' Delinquenti, e che più facilmente potrà venirsi al conseguimento di questa, ogni volta che diasi esecuzione alle Risposte emanate sopra li proposti Dubbii, con il presente Chirografo, di Nostra certa scienza, pienezza di Volontà, e Potestà assoluta, confermando, ed approvando quando faccia di bisogno le suddette Risoluzioni; dichiariamo, e comandiamo, che in avvenire tutti li Tribunali Supremi, e che esercitano le Nostre veci, tanto in Roma, che in tutto lo Stato Ecclesiastico, comprese anche le Legazioni di Bologna, Ferrara, Ravenna, Urbino, e Brevento, debbano giudicare, e venire alla condanna, e totale esecuzione delle Penenelli soprapresetti Casi a tenore di dette Risoluzioni; quali vogliamo, che abbiano piena forza di Legge universale, e che debbano inviolabilmente osservarsi, come se provenienti fossero dal Gius comune, Canoni anche Conciliari, Costituzione Apostolica, Decreti, Statuti, & Opinioni approvate da' Dottori, e perpetuamente durare a beneplacito della Santa Sede Apostolica, derogando per tal'effetto, quando mai facesse di bisogno, a qualunque cosa, che potesse fare in contrario, e che per l'adempimento di questa Nostra volontà, trasmettiate copia del presente Chirografo a tutti i Capi de' Tribunali suddetti, acciò debbano farla conservare nelle loro Cancellarie, e giudicare nella contingenza de' casi secondo l'espresso Risoluzioni.

[ Responsum.  
Pontifex approbat relatas Resoluciones.

Et vim legis eidem tribuit.

S. 3. Volendo in oltre, che il presente Chirografo, colla sola Nostra sottoscrizione, vaglia, & abbia il suo pieno effetto, & esecuzione, benchè non sia registrato nei Libri della Camera, ne in altro modo sia servata la forma della Costituzione di Pio IV. de registrandis, alla quale per questa volta deroghiamo, e che contro di esso non si possa opporre di orrezione, surrezione, mancanza della Nostra volontà, & intenzione, o qualsivoglia altro difetto, benchè degno di speciale, & individua menzione, e qualsivoglia altro, nè si possa diversamente interpretare, benchè l'interpretazione provenisse da Canoni anche Conciliari, Leggi, Costituzioni, Decreti, & Opinioni approvate, perchè tale è la Nostra volontà, e così vogliamo, con la clausola Sublata, e Decreto irritante, ed in ogni altro modo. Dato dal Nostro Palazzo Apostolico Quirinale questo dì 2. Gennaio.

Clausula de valore solius signature, & lingue.

Dat. die 2 Jan. 1743.

BENEDICTUS PAPA XIV.

Publicatum per Edictum R. P. D. Gubernatoris Urbis, die 13. Januar. 1743.

PRI-



## I X X I I .

## P R I V I L E G I A ,

Et Exemptiones Almæ Domus Lauretanæ, necnon Resolutiones Dubiorum, & Controversiarum jurisdictionalium in Synopsim redactæ, approbantur, & confirmantur.

B E N E D I C T U S E P I S C O P U S S E R V U S S E R V O R U M D E I .

*Ad perpetuam rei memoriam.*

Proœmium.

**H**umilitatis nostræ considerationem ad Sacrum Gloriosæ Virginis Habitatulum dirigentes, Apostolicæ sollicitudinis zelo excitamur, ut omnem curam, ac studium, quantum in Domino possumus, adhibeamus, ac quascunque dissidiorum occasiones procul a Loco Sancto submovendas, ne unquam ibi discordiæ exoriri valeant, ubi Verbum Dei Deus, & Dei Filius, qui a Propheta Princeps Pacis cognominatus est, ad reconciliandum Deo Hominem, in intemeratæ ejusdem Virginis sinu factus est homo.

Clemens VII. Castrum Lauretanum &c. Protectori Sanctæ Domus subjecit.

Sixtus V. supradictum Castrum in Civitatem, ac Collegiatam Ecclesiam, sanctamque Domum in Cathedrali erexit. Paulus V. Sanctam Domum, & pertinentia ab Episcopo exemit, ac Territorium nullius Diœcesis declaravit, eique Protectorem præfecit.

§. 1. Sane postquam plures Romani Pontifices Prædecessores Nostri prædictam Sanctam Domum, olim Nazarenam, nunc vero Lauretanam nuncupatam, multiplici privilegiorum, gratiarum, indultorum, prærogativarum, & exemptionum concessione cumulaverant, ac signanter felicitis recordationis Clem. PP. VII. etiam Prædecessor Noster, inter alias, Castrum Lauretanum, illiusque Habitatores, cum omnibus iuribus, & pertinentiis suis, curæ, gubernio, administrationi, & regimini, cum mero, & mixto Imperio, ac potestate gladii, Commissarii, seu Protectoris ejusdem Sanctæ Domus submiserat, & demandaverat; ac subinde rec. mem. Sixtus Papa V. pariter Prædecessor Noster Castrum Lauretanum prædictum in Civitatem, ac Sæcularem & insignem Collegiatam Ecclesiam inibi existentem, eandemque Sanctam Domum, magnificam, atque elegantem Ædificiorum constructione circumdatam atque exornatam, in Cathedrali erexerat, deindeque piæ record. Paulus Papa V. similiter Prædecessor Noster, ad succidenda jam enata inter Episcopum Lauretanum, & Protectorem ipsius Sanctæ Domus, Litium, & Controversiarum germina, per quandam suam in perpetuum valituram Constitutionem, quæ incipit: *Divinam disponente Clementia &c.* sub datum apud S. Mariam Majorem Anno Incarnationis Dominicæ MDCXX. pridie Idus Julii Pontificatus sui anno XVI. editam, eidem Sanctæ Domui Lauretanæ Solum, seu pavementum Sancti Cubiculi, seu Sanctæ Capellæ, quam circumcirca usque ad Columnas, & Scalas inclusive contentum, in Territorium proprium, distinctum, & separatum, nullius Diœcesis, in quo de cætero solus ejusdem Sanctæ Domus Protector, pro tempore existens, ejusque Gubernator, privative quoad Episcopum Lauretanum, etiam si S. R. E. Cardinalis existeret, jurisdictionem omnimodam, & quasi Episcopalem habere, & exercere posset, perpetuo constituerat, & assignaverat, ipsamque Sanctam Domum nuncupatam, pavementum, ac Territorium prædictum, ejusque Gubernatorem, Officiales, Ministros, & quoscunque alios tam Laicos, quam Clericos, & Regulares, eidem Sanctæ Domui, seu Capellæ, ejusque Bonis quomodolibet inservientes, necnon eorundem Officialium, Ministrorum, aliorumque inservientium Familias, & Famulos, & quoscunque Peregrinos ad Sanctam Domum prædictam confluentes, ipsiusque Sanctæ Domus Palatia, Ædificia, Possessiones, & Præsepia quæcumque, ac reliqua Bona tam Mobilia; quam Stabilia, & semoventia, ubicumque existentia, Supellestilia etiam pretiosa, pecunias, elemosynas, Donationes, & quæcumque relicta, ab omni, & quacumque Episcopi Lauretani superioritate, jurisdictione, dominio, ac potestate perpetuo, plenissime, penitusque, & omnino exemerat, & deliberaverat, ac sub B. Petri, & Sedis Apostolicæ protectione speciali susceperat, omnimodamque jurisdictionem Ecclesiasticam, & Spiritualem, ac quasi Episcopalem in prædictam Sanctam Domum, ejusque Territorium, Ministros, Officiales, aliosque Intervientes, & Peregrinos, resque, Bona, ac jura prædicta eidem pro tempore Protectori adjudicaverat, variis eidem Protectori, tam circa Vicarii Curati deputationem, quam circa Literarum dimissorialium concessionem, aliaque plurima, privilegiis: & facultatibus attributis.



§. 2. Novissime felicitatis pariter recordationis Innocentius Papa XII. prædecessor quoque Noster, provide attendens, ex huiusmodi forma Regiminis speratam non provenisse utilitatem, quin potius experientia, & quamplurimis ad audientiam ejus perlatis recurribus, & querelis edoctus, imminuta nimis Episcopi Lauretani potestate, Ecclesiasticam disciplinam paulatim dissolvi, Clerique, ac Populi mores, aucto Exemptorum numero, relaxari; Ad obviandum detrimentis huiusmodi, per aliam suam itidem perpetuo valituram Constitutionem, quæ incipit: *Sacro sancta Redemptionis humane mysteria*; editam sub datum apud Sanctam Mariam Majorem Anno Incarnationis Dominicæ MDCXCVIII. nonis Augusti, Pontificatus sui Anno VIII., eidem Sanctæ Domui Territorium proprium, & separatum, ac ab omni Ordinarii jurisdictione exemptum, & quasi Episcopale, in prædicta Pauli Prædecessoris Constitutione assignatum, confirmavit, & approbavit: idemque Territorium, una cum omnibus prædictæ Sanctæ Domus Ministris, & Officialibus, aliisque Personis ei quomodolibet inservientibus, vel ad eam ex qualibet Mundi parte devotionis gratia confluentibus, ab omni, & quacumque Ordinarii prædicti jurisdictione iterum plenissime, penitusque exemit; Et prædicto Protectoris, quod per obitum bon. mem. Paulutii, dum vixit, Episcopi Portuen. Sanctæ Romanæ Ecclesiæ Cardinalis de Alteriis nuncupati, tunc vacabat, Officio, Dignitate, titulo, & denominatione perpetuo suppressis, & extinctis, sub Beati Petri, & Sedis Apostolicæ speciali, & immediata protectione suscepit.

Innoc. XII. confirmata exemptione S. Domus a jurisdictione Ordinarii, Protectoris Officium suppressit.

§. 3. Omnem vero, & quacumque jurisdictionem tam Ecclesiasticam, & Spiritualem, ac quasi Episcopalem, quæ in eandem Sanctam Domum, ejusque Territorium, Officiales, & Ministros, Peregrinos, ac Bona prædicta, quam Secularem, sive Laicalem, in Communitatem, Homines, & Civitatem Lauretanam, ejusque Comitatum, atque Districtum, Protectori pro tempore ejusdem Sanctæ Domus quomodolibet competierat, quandoquidem ei Romani Pontifices, per se ipsos, Apostolicæ Servitutis onere prægravati, vacare nequibant, exercendam impostero statuere, & mandavit per Congregationem nonnullorum S. R. E. Cardinalium, & Romanæ Curie Prælatorum, *Lauretanam* nuncupandam, quam ad hunc effectum erexit, & instituit, ac specialiter deputavit. Eidemque Congregationi, ut semel, & pluries, ac quoties sibi videretur, & placeret, quacumque Statuta, & Ordinationes pro felici prædictæ Sanctæ Domus, ejusque Bonorum, ac Personarum eidem inservientium regimine, Sacris tamen Canonibus, & Concilii Tridentini Decretis non adversantia, & ab omnibus, ad quos pertineret, inviolabiliter observanda, condere, edere, & publicare, illaque mutare, alterare, corrigere, & emendare licite posset, & valeret, concessit, & indulgit.

Et Congregationi Lauretanæ jurisdictionem, quam protectores exercebant, demandavit, eique facultates, Statuta &c. condendi &c. concessit.

§. 4. Insuper voluit, & mandavit, ut Congregatio prædicta in Spiritualibus quidem, quæ scilicet ad Ecclesiæ cultum, Chori servitium, Divinorum celebrationem, Animarum Curam, Sacramentorum administrationem, morum correctionem, & alia huiusmodi pertinerent, Episcopi Lauretani pro tempore existentis tanquam Sedis Apostolicæ Delegati; In iis vero, quæ quorumcumque Bonorum ejusdem Sanctæ Capellæ temporalem administrationem, necnon dictæ Civitatis Lauretanæ, ejusque Comitatus, atque Districtus, tam Causis Civilibus, quam Criminalibus, seu mixtis, Gubernium Sæculare concernerent, Romanæ Curie Prælati in Gubernatorem a Romano Pontifice pro tempore existente deputandi, ope, & ministerio uti deberet.

S. Domus, & Civitatis regimen, quoad Spiritualia Episcopo ut S. Sedis Delegato, quoad Temporalia Gubernatori commisit.

§. 5. Præterea tam Domorum, & Ædificiorum omnium Fabricam, & maintenance, quam Suppellectilium cujuscumque generis, Paramentorum, Gemmarum, aliorumque localium, quæ sub Thesauri nomine continentur, necnon eleemosynarum, & largitionum quarumcumque custodiam, atque etiam Montis Pietatis, Nofocomii, Hospitii, & Triclinii pro pauperibus Peregrinis, superintendentiam, Gubernatoris prædicti curæ committendas esse; Ministros vero supradictis Locis, rebuque inservientes, si Clerici essent, in concernentibus duntaxat eorum ministerium, Gubernatori prædicto, in reliquis autem Episcopo Lauretano, tanquam Sedis Apostolicæ Delegato; Organistam demum, Cantoresque quoscumque ejusdem Sanctæ Domus; quoad correctionem morum, Ecclesiæque servitium, Episcopo, & in cæteris Gubernatori subesse debere decrevit, & declaravit; Si quid vero circa præmissorum observantiam, interpretationem, seu declarationem, ullo unquam tempore controversi, aut dubitari contigisset, id omne prædictæ Congregationis Lauretanæ, ut præmitti-

Episcopi, & Gubernatoris facultates expressit.

Tandem facturas Congregationis Lauretanæ decedendas &c. reliquit.



tur, institutæ judicio ( necessariis, & opportunis ei ad id facultatibus attributis ) declarandum, decidendum, definiendumque eñe præcepit, & mandavit, aliaque statuit, & decrevit, prout in ejusdem Innocentii Prædecessoris Constitutione prædicta uberius continetur.

Varie, post  
Constitutio-  
nem Inno-  
centii, con-  
troverfiæ.

Harum Reso-  
lutiones a  
Congr. Laure-  
tana emanatæ  
colliguntur,  
& Dubia de-  
ciduntur.

Omnes Reso-  
lutiones in  
Alphabetico  
Synopsis re-  
dactæ imprim-  
untur.

Privilegia  
&c. a Præde-  
cess. Sanctæ  
Domini &c.  
concessa.

Pauli, & In-  
nocentii Con-  
stitutiones,  
Synopsis, Re-  
solutiones sa-  
pe contro-  
verfiis & su-  
per Dubiis,  
confirmantur  
&c.

Synopsis Re-  
solutionesque  
vni Legis ha-  
bere decerni-  
tur.

Clausula pro  
validitate, &  
observantia  
Synopsis Re-  
solutionum  
hujusque Con-  
stitutionis.

Cum Clausu-  
la subscrita, &  
Decreto irra-  
danti.

§. 6. Cum autem ex præmissis provide, ut præmittitur, dispositis, ea, quæ supe-  
rabatur, concordia, & tranquillitas non evenerit, quinimo inter Episcopum Laure-  
tanum, & Gubernatorem prædictos, super eorum respectivè Jurisdictionis exercitio,  
& pertinentia, novæ dubiorum, & quæstionum ambages emerferint, adeout in illis  
dissolvendis Congregatio Lauretana prædicta per crebras Resolutiones, & Decreta af-  
sidue laboraverit; Nos, quibus jurisdictionales controversiæ hujusmodi, in ipso No-  
stræ ad Summi Apostolatus apicem Assumptionis exordio, non sine animi molestia  
innotescebant, solliciti fuimus, ut per sedulam Nostræ provisionis industriam, Con-  
troverfiis hujusmodi componeremus; quamobrem post deliberationem, quam super  
hoc adhibuimus diligentem, varias Resolutiones a prædicta Congregatione Lauretana  
super eisdem Controversiis alias aliis temporibus emanatas colligi curavimus, simul-  
que gravati non sumus tria supra triginta Dubia materiam jurisdictionalem hujusmo-  
di tangentia, in dicta Congregatione usque de Anno Domini MDCCXXIV. inter  
Partes concordata, sed nondum eatentis proposita, nec decisa, Apostolicæ Nostræ  
Resolutionis oraculo definire; Omnesque, & singulas, tam a Nobis, quoad Dubia  
prædicta, quam ab ipsa Congregatione editas Resolutiones prædictas, in compilatio-  
nem, seu Synopsim Alphabeti ordine digestam, quæ deinde Typis impressa promul-  
gari valeat, curavimus redigendas.

§. 7. Intendentes igitur per eandem Synopsim quæstiones, & Controversias jurisdi-  
ctionales hujusmodi, aut omnino extinguere, vel saltem majori ex parte abolere,  
& utramque Jurisdictionem, Episcopi videlicet, & Gubernatoris Lauretani pro tem-  
pore existentium, quantum nobis possibile est, pacis lædere unire, Motu proprio,  
& ex certa scientia, ac matura deliberatione Nostris, & de Apostolicæ potestatis  
plenitudine, omnia, & singula privilegia, gratias, prærogativas, exemptiones, &  
indulta a quibuscumque Romanis Pontificibus Prædecessoribus Nostris prædictæ San-  
ctæ Domui, illiusque Bonis, & Personis ei interservientibus, quomodolibet concessa,  
& clarigata, necnon Pauli, & Innocentii Prædecessorum Constitutiones prædictas,  
eandemque Synopsim, omnesque, & singulas, tam a Nobis, quoad Dubia prædicta,  
quam a dicta Congregatione Lauretana editas Resolutiones, & in ipsa Synopsi con-  
tentas; eorundem privilegiorum, gratiarum, exemptionum, indultorum, Constitu-  
tionum, & Synopsis respective tenores etiam anteriores præsentibus pro plene, & suf-  
ficienter expressis, ac de verbo ad verbum insertis habentes, Apostolica auctoritate,  
tenore præsentium confirmamus, approbamus, & innovamus, illisque, ac eorum sin-  
gulis novum, perpetuumque Apostolicæ firmitatis robur adjicimus decernentes, ean-  
dem Synopsim, singulasque Resolutiones in ea contentas, vim, & effectum, & effi-  
caciæ Legis, & Canonice Sanctionis perpetuo habere, & obtinere, omnesque, &  
quascumque Controversias, si quas, imposterum inter Episcopum Lauretanum, &  
Gubernatorem pro tempore existentes; super eorum respectivè Jurisdictionis pertinen-  
tia, vel exercitio, quomodolibet exoriri contingat, ad Synopsim, & Resolutiones  
in eas contentas prædictas omnino referri, & nonnisi juxta, & secundum eandem  
Synopsim, & Resolutiones, dirimi, ac definiri debere.

§. 8. Easque, necnon præsentis nostras Literas, etiam ex eo, quod Venerabilis  
Frater modernus Episcopus, & dilectus Filius modernus Gubernator Lauretani, ac  
alii quicumque in præmissis quomodolibet interesse habentes, vel habere prætenden-  
tes, quibus omnibus & singulis perpetuum desuper silentium imponimus, eisdem præ-  
missis non consenserint, aut vocati, vel auditi non fuerint, aliaque quavis de cau-  
sa quantumvis juridica, & legitima, de ullo subreptionis, vel obreptionis, aut nul-  
litate vitio, vel intentionis Nostræ, aut alio quocumque defectu notari, impugnari,  
in jus, vel controversiam revocari, aut ad terminos juris reduci nullatenus unquam  
posse, sed semper, & perpetuo validas, firmas, & efficaces existere, & ab iis, ad  
quos spectat, & in futurum spectabit, firmiter, & inviolabiliter observari, eisque  
omnino acquiesci; Sicque, & non alias per quoscumque Judices Ordinarios, & De-  
legatos, quavis auctoritate, & potestate fungentes, ac Dignitate, etiam Cardinala-  
tus honore fulgentes, etiam Causarum Palatii Apostolici Auditor, & S. R. E. Car-  
dina-



dinales etiam de Latere, ac eandem Congregationem Lauretanam, sublata eis, & eorum cuilibet, quavis aliter, quam juxta, & secundum Synopsim, & Resolutiones in ea contentas prædictas, judicandi, & interpretandi facultate, & auctoritate, in controversiis jurisdictionalibus Lauretanis, in quocumque judicio, & in quacumque instantia, ubique judicari, & definiri debere; irritum quoque, & inane, quidquid sitis super præmissis, vel eorum aliquo, aut circa ea, a quoquam, quavis auctoritate, scienter, vel ignoranter contigerit attentari.

§. 9. Cæterum, quia contingere potest, ut circa observantiam, intelligentiam, declarationem, & interpretationem prædictarum Pauli, & Innocentii Prædecessorum Constitutionum, aliqua deinceps exoriatur quæstionis materia, vel controversia, quæ in memorata Synopsi decisa, & definita non reperiatur; Nos quancumque quæstionem, vel controversiam hujusmodi, si quam exoriri contingat, ejusdem Congregationis Lauretanæ judicio resolvendam, decidendam definiendamque esse statuimus, ac eidem Congregationi plenam, & omnimodam ad id tribuimus, & concedimus facultatem; Novasque Resolutiones ab ipsa Congregatione super his emanandas, tanquam perpetuo validas, & efficaces, ab omnibus & singulis, ad quos spectat & pertinet, aut spectare & pertinere poterit quomodolibet in futurum, quacumque appellatione, recurſu, & contradictione remotis; dummodo tamen Synopsi, & Resolutionibus in ea contentis prædictis in aliquo non adversentur, omnino servandas, districte præcipimus, & mandamus.

Controversiæ,  
quæ deinceps  
orientur Cong-  
gr. Lauretanæ  
resolvendæ  
&c. deman-  
dantur.

§. 10. Non obstantibus præmissis, ac quatenus opus sit, Nostra, & Cancellariæ Apostolicæ regula, de jure quæsito non tollendo, aliisque constitutionibus, & Ordinationibus Apostolicis, aliisque quibuscumque, etiam juramento, confirmatione Apostolica, vel quavis firmitate alia roboratis, Statutis, & Consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis: Quibus omnibus, & singulis, illorum tenores pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Derogationes  
opportuna.

§. 11. Volumus autem, ut earundem præsentium Literarum Transumptis, seu Exemplis, etiam impressis, manu alicujus Notarii publici subscriptis, & Sigillo Personæ in Ecclesiastica Dignitate constitutæ munitis, eadem prorsus fides in judicio, & extra illud adhibeatur, quæ haberetur ipsis præsentibus, si forent exhibitæ, vel ostensæ.

De Transum-  
ptis.

§. 12. Nulli ergo hominum liceat hanc paginam Nostræ Constitutionis, Decreti, Statuti, Definitionis, Declarationis, Confirmationis, Mandati, ac Voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incurſurum.

Sanctio.

Datum Romæ apud S. Mariam Majorem, vii. Idus Januarii, Anno Incarnationis Dominicæ MDCCXLII. Pontificatus Nostri Anno III.

Dat. die 7.  
Jan. 1743.

D. Card. Passioneus.

X. Sub-Datarius.

Visa de Curia.

N. Antonellus.

J. B. Eugenius.

Loco ✠ Plumbi.

*Synopsis Resolutionum datur infra in Appendice.*



Post obitum S. R. E. Cardin. Magistris Cæremoniarum persolvi solitæ, deinceps a singulis Cardinalibus in sua ad Cardinalatum promotione solvantur.

## B E N E D I C T U S P A P A X I V .

*Ad perpetuam rei memoriam.*

Paulus V. certas summas, tum in promotione, tum in obitu S. R. E. Card. Ministris S. Collegii, & Magistris Cæremoniarum mandavit.

**D**Udum, sicut accepimus, fel. rec. Paulus Papa V. Prædecessor noster, considerans assiduos labores, quos Magistri Cæremoniarum, ac Officiales, seu Ministri S. R. E. Cardinalium Collegii, in rebus, & negotiis ejusdem Sacri Collegii procurandis, sustinebant, per quasdam suas in simili forma Brevis die 3. Jan. MDCXIX. expeditas literas, motu suo proprio, ac ex certa scientia, eisdem Magistris Cæremoniarum centum, necnon Secretario, & Clerico, ac Computistæ Sacri Collegii prædicti septuagintaquinque, a singulis Cardinalibus in promotione ad Cardinalatus honorem; necnon post obitum singulorum Cardinalium, etiam ad Cardinalatus honorem promoti Romam nondum venissent, & sive illos in Romana Curia, vel extra eam, & ubique decedere contigisset, eisdem Magistris quinquaginta, ac Secretario, Clerico, & Computistæ præfatis similiter septuagintaquinque Ducatos auri de Camera, in supplementum mercedis ordinariæ eorundem Officialium, seu Officiorum, deberi, illisque conjunctim per pro tempore existentes Cardinales prædictos, seu per eorum Agentes, & hæredes, quomodolibet debitos, ac solvendos, auctoritate Apostolica statuit, & ordinavit.

Clemens IX. alias præstationes addidit pro Magistris Cæremoniarum non participantibus.

§. 2. Subinde vero rec. mem. Clemens PP. itidem Prædecessor noster, cum accepisset, præter prædictos Magistros Cæremoniarum, qui duo sunt, & participantes vocantur, alios esse Cæremoniarum Capellæ Pontificiæ Magistros interdum duo, & quandoque, prout nunc, tres, qui non participantes nuncupantur, ipsosque Magistros Cæremoniarum non participantes in pari possessione accipiendi, vel exigendi a singulis Cardinalibus in promotione ad Cardinalatus honorem triginta sex; & post obitum ab eorum hæredibus vigintiquinque Ducatos auri de Camera pares, ex laudabili consuetudine, reperiri; & Venerabiles Fratres tunc suos, nunc nostros, San. Rom. Eccl. prædictæ Cardinales horum quoque Magistrorum Cæremoniarum officio, atque ministerio egere, & uti; distaque emolumenta eis, tanquam mercedem, seu pro eorum mercede, præstari consuevisse: propterea illorum indemnitati consulere volens, per suas quoque in pari forma Brevis die xxii. Novembris MDCLXVIII. expeditas literas, motu simili, ac ex certa scientia sua, præfatis Cæremoniarum Magistris non participantibus triginta sex in promotione ad Cardinalatus honorem, & vigintiquinque Ducatos auri de Camera, prædictos, inter eos pro æqualibus portionibus respectively dividendos, post obitum singulorum Cardinalium hujusmodi, etiam ad Cardinalatus honorem promoti Romam nondum venissent, & sive in Romana Curia, vel extra ea, & ubicumque illos decedere contigisset, in supplementum mercedis ordinariæ eorundem Magistrorum Cæremoniarum non participantium, pariter deberi, illisque conjunctim per pro tempore existentes Cardinales prædictos, seu per eorum Agentes, & hæredes respectively absque mora solvi, & eis consignari debere, sine ullo tamen quorumcumque jurium Cameræ quomodolibet debitorum, & solvendorum, ac anterioritatis, & potioritatis Cæremoniarum Magistrorum participantium, & trium Sacri Collegii Officialium supradictorum præjudicio, itidem perpetuo statuit similiter, & ordinavit.

Clemens XII. summas Ministris Sacri Collegii debitis, in ipsis Cardinalium promotionibus integre solvi voluit.

§. 2. Postmodum vero fel. record. Clemens Papa XII. pariter Prædecessor noster per suas itidem in simili forma Brevis die xvii. Augusti MDCCXXXIV. expeditas literas, cum etiam accepisset septuagintaquinque Ducatorum auri hujusmodi, memoratis Officialibus, seu Ministris dicti Collegii Cardinalium, nempe Secretario, Clerico, & Computistæ, post obitum Cardinalium, sicut præmittitur, debitorum, ac per defunctorum hæredes solvendorum exactionem perquam difficilem reddi, præcipue ubi ipsos Cardinales extra ditionem Ecclesiasticam, & maxime ultra montes ab humanis decedere contigisset, itaut multoties eorundem Ducatorum solutio, etiam post

per-



peractas exactiores diligentias, a præfatis hæredibus nullatenus facta fuerint, dictosque Officiales, seu Ministros eo ægrius istiusmodi emolumentis carere, quod merces eorum ordinaria admodum tenuis existeret, sibi vicissim non mediocres labores, aliaque onera incumberent, ac propterea Secretario multæ expensæ faciendæ essent, Clerico vero, ac Computistæ prædictis alieno servitio, seu ministerio sese addicere per statuta supradicti Sacri Collegii vetitum esset; præmissa, ac præsertim dicta emolumenta ipsis Officialibus, sive Ministris, tanquam mercedem, seu pro mercede præstanda fore attendens, illorumque proinde indemnitati prospicere volens, motu simili ac ex certa sua scientia, septuagintaquinque Ducatos, qui, post obitum singulorum Cardinalium, eisdem Officialibus, seu Ministris per hæredes defunctorum, juxta dicti Pauli Prædecessoris literarum formam, & dispositionem, solvendi, & consignandi erant, deinceps a singulis Cardinalibus in sua ad Cardinalatus honorem promotione per se, seu eorum Agentes, ipsis Officialibus, sive Ministris absque mora, unacum aliis septuagintaquinque Ducatis similibus in eorum promotione hujusmodi debitis, & assignatis, ut præfertur, solvi, & consignari debere, sine ullo pariter quorumcumque Jurium Cameræ Apostolicæ debitorum, & solvendorum præjudicio, eadem auctoritate Apostolica perpetuo itidem statuit, & ordinavit; & alias prout in ejusdem Pauli, & utriusque Clementis Prædecessorum prædictorum literis, quarum tenores præsentibus pro expressis haberi volumus, uberius continetur.

Pontifex, ex  
paritate ra-  
tionis, idem  
servari jubet  
cum Magistris  
Cæremoniari-  
um.

§. 3. Nos Considerantes quinquaginta Ducatorum auri hujusmodi dictis Magistris Cæremoniarum de numero participantium, & viginti quinque Ducatorum parium Magistris non participantibus, post obitum Cardinalium, ut præfertur, debitorum, ac per defunctorum hæredes solvendorum exactionem pari modo difficilem reddi, præsertim si ipsos Cardinales extra Statutum Ecclesiasticum, & ultra Montes, debitum naturæ persolvere contigerit, & causas, propter quas secundodictus Clemens suas literas prædictas favore dictorum Officialium, & Ministrorum edidit, etiam pro eisdem Magistris Cæremoniarum existere; ac proinde hisce incommodis consulere cupientes, motu simili, ac ex certa scientia nostra, ut quinquaginta Ducatos Magistris Cæremoniarum de numero participantium, & viginti quinque Ducatos, qui post obitum singulorum Cardinalium eisdem Magistris Cæremoniarum de numero non participantium, per hæredes defunctorum, juxta memoratarum Pauli, & primodicti Clementis Prædecessorum prædictorum literarum formam & dispositionem, solvendi, & consignandi erant, deinceps a singulis Cardinalibus in sua ad Cardinalatus honorem promotione per se, seu eorum Agentes, ipsis Magistris Cæremoniarum de numero participantium, una cum centum & duodecim Ducatis similibus, & de numero non participantium una cum aliis triginta sex Ducatis similibus, in eorum promotione debitis & assignatis, ut præfertur, absque mora, & ulla tergiversatione solvi, & consignari debeant, sine ullo pariter quorumcumque Jurium Cameræ Apostolicæ debitorum, & solvendorum præjudicio, eadem auctoritate tenore præsentium, perpetuo itidem statuimus, & ordinamus.

Executores  
deputat.

§. 4. Injungentes propterea dilectis Filiis ejusdem S. R. E. Collegii Cardinalium moderno, & pro tempore esistenti Camerario, necnon Causarum Curie Cameræ prædictæ Generali Auditori, quatenus infra mensem, a die promotionis dictorum Cardinalium computandum, etiam ipsi Cardinales nondum ut supra dictum est, Romam venerint, per Collegii prædicti Depositarium, vel alias, prout melius expedire videbitur, centum sexaginta duos Magistris Cæremoniarum de numero participantium, & sexaginta unum Ducatos auri de Camera hujusmodi, Magistris Cæremoniarum de numero non participantium præfatis, quibuscumque appellationibus, subterfugiis, & cavillationibus remotis, persolveri curent, & etiam cum effectu faciant; ac summarium, & expeditum jus illis administrent, omnibusque remediis opportunis sibi benevisis, etiam cum invocatione brachii sæcularis, cogant, & compellant: Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ memoratus Paulus, ac Clementes prædicti Prædecessores in eorum respectu literis prædictis voluerunt non ob stare, cæterisque contrariis quibuscumque. Datum Romæ apud S. Mariam Majorem sub Annulo Piscatoris die XIV. Februarii MDCCXLIII. Pontificatus Nostri Anno III.

Dat. die 14.  
Febr. 1743.

Pro D. Card. Passioneus.  
Cajetanus Amatus.

E C-



LXXIV.

## E C C L E S I Æ P A P I E N S I

Perpetuo unitur Archiepiscopatus Amasiensis in partibus Infidelium; aliaque privilegia confirmantur, respective conceduntur.

## B E N E D I C T U S P A P A XIV.

*Ad perpetuam rei memoriam.*

Exordium

**A**D supremam æquidem Apostolicæ hujus Sanctæ Sedis, cujus servituti Pastorum Princeps JESUS CHRISTUS Nos imbecillitatis nostræ conscios per ineffabilem bonitatem suam mancipare dignatus est, auctoritatem, providentiamque pertinere intelligimus, ut non solum decora, privilegia, prærogativas, immunitates, & exemptiones, quibus alias legitime concessis singulæ Ecclesiæ pacifice fruuntur, confirmare, & augere studeamus, verum etiam opportunam, salutaremque, ad bene constitutum, Apostolicisque legibus præscriptum Ecclesiasticæ Disciplinæ ordinem in suo pristino decore retinendum, conservandumque, si quo pacto per longas temporum vires immutari contigisset, operam nostram conferre satagamus.

Ecclesiæ Pa-  
piens præro-  
gativæ novis  
decoribus  
augeri meten-  
sur.

§. 1. Quoniam autem Cathedralis Ecclesiæ Papiæ, quæ olim Ticinum dicta est, non tam vetustæ antiquitatis, Longobardorum Regum Sedis, & tot Sanctorum Antistitum pietate, literis, ac Martyrio insignium splendore, quam ipsa amplitudine, & omni-modâ in populos sibi subiectos jurisdictione, inter præcipuas Italiæ Ecclesias semper extitit, factum est, ut innumera propemodum privilegia cum latifundiis fortunis, aliisque amplissimis juribus, Romani Pontifices, Imperatores, Reges Longobardorum, alique Principes eidem Ecclesiæ, ejusque Antistitibus indulerint; Eapropter tot sane privilegia cum decoribus, prærogativis, dignitate, auctoritate, immunitatibus, exemptionibusque conjuncta, ac toties comprobata, atque confirmata illis Antistitibus, qui Apostolicæ huic Sanctæ Sedi immediate subiecti sunt, Pallii certe usus, ac jus Crucem more Archiepiscoporum ante se gestandi, album equum conscendendi, jus a dextris in Conciliis Generalibus Summo Romano Pontifici assidendi, jus denique, quod etiam admirans refert clar. mem. Cæsar. Sanctæ Romanæ Ecclesiæ Cardinalis Baronius, ut quotiescumque Ticinensis Episcopus vocaret ad Synodum Archiepiscopos Mediolanensem, & Ravennatensem, cum Suffraganeis, venire omnino deberent; hæc non immerito exposcerent, ut eandem Cathedrali Ecclesiæ, exigentibus etiam eximiiis Venerabilis Fratris Francisci ejusdem Cathedralis Papiensis Episcopi, in tuendis Ecclesiæ Papiensis, ipsi spiritali connubio junctæ, juribus egregie meriti virtutibus, in Archiepiscopatum erigeremus.

Pontificis con-  
siliium.

§. 2. Verum Nos, quibus nihil est antiquius, quam ut Venerabilem Ecclesiarum antiquitatem stabilem custodiamus, equum, nec novum esse ducimus, si eidem Ecclesiæ Cathedrali Papiensi, ejusque Antistiti pro tempore existenti aliquem titulum Archiepiscopi Ecclesiæ Archiepiscopalis in partibus Infidelium sitæ tribuamus, Archiepiscopalemque Ecclesiam hujusmodi ipsi Papiensi Ecclesiæ uniamus, & incorporemus: Ita enim fiet, ut eidem Episcopo Papiensi tot privilegiis munito, & Archiepiscopali dignitate adaugeto, debitus locus, & honor in quibulvis Ecclesiasticis, & Sæcularibus Confessibus deferatur.

Archiepisco-  
porum Ama-  
siæ in part.  
Infid. ipsi  
perpetuo  
unit.

§. 3. Hinc est, quod Nos, Motu proprio, & ex certa scientia, ac matura deliberatione nostris, deque Apostolicæ potestatis plenitudine, tenore præsentium, Archiepiscopalem Ecclesiam Amasiæ, quæ Helenoponti Metropolis Turcarum Tyrannidi subiecta, quoad nominis honorem saltem conservari meretur, eidem Cathedrali Ecclesiæ Papiensi unius, & incorporamus, ac perpetuis futuris temporibus unitam, & incorporatam esse, ac fore declaramus, statuimus, decernimus, & ordinamus; itaut non modo idem Venerabilis Frater Franciscus Papiæ Episcopus, sed quicumque pro tempore in Episcopali Papiensi Cathedra ipsi successerit, una insimul nuncupetur, inscribatur, & sit Archiepiscopus Amasiensis, & Episcopus Papiensis, cum omnibus, & singulis juribus ratione tum Episcopalis Ecclesiæ Papiensis, tum Archiepiscopalis Ecclesiæ Amasiensis ad ipsum respective spectantibus; Nec propterea eundem Archiepiscopum, & Episcopum, ad Archiepiscopalem Ecclesiam prædictam Amasiæ, donec



donec ab Infidelibus detinebitur, accedere, & apud eam personaliter residere minime teneri.

S. 4. Præterea volumus, & mandamus, ut idem Episcopus Papiensis, & Archiepiscopus Amasiensis, deinceps semper, ut antea, memoratæ Apostolicæ Sedis immediate subiectus intelligatur, nec juxta Concilii Tridentini decretum, & Concilii Romani a fel. record. Benedicto PP. XIII. Prædecessore nostro celebrati, præscriptio nem, sibi Metropolitanum, quem hactenus non elegit, imposterum eligere teneatur; nec Causæ quæcumque Civitatis, & Diocesis Papiensis ad quemvis, jure appellatio nis, nisi ad Apostolicam Sedem prædictam, deferantur.

Eandem sub  
mediata S.  
Sedi subje  
ctione confir  
mat, etiam  
quoad causa  
rum appella  
tiones &c.

S. 5. Denique statuimus, ac declaramus, eundem Franciscum modernum Episcopa tum Papiensem, tenore præsentium, absque ulla alia declaratione, siue Apostolica rum Literarum expeditione, re ipsa Archiepiscopum Amasiensem esse, ac fore, & huncupari posse, ac debere: ipsius vero pro tempore Papiensi Ecclesiæ præfatæ præficiendis Antistibus, toties, quoties præfici contigerit, per eandem Apostolicas sub Plumbo pro Papiensi Ecclesia expediendas literas, titulum Archiepiscopi Amasiensis conferri debere, facta semper unionis, & incorporationis hujusmodi mentione; quem sane titulum Archiepiscopi Amasiensis ita unitum, & incorporatum esse, ac fore vo lumus ac præcipimus Episcopo Papiensi pro tempore existenti, ut quicumque Papien sis Episcopus, si ipsum ab Ecclesia Episcopali Papiensi ad aliam Episcopalem Ecclesiam transferri e venerit, relicto Archiepiscopi Amasiensis titulo, alium alterius Archiepisc opalis Ecclesiæ titulum ab Apostolica Sede præfata impetrare, & obtinere debeat.

Quid in causa  
translationis.

S. 6. Decernentes easdem præsentis literas, & in eis contenta quæcumque, etiam ex eo, quod quicumque cujusvis status, gradus, ordinis, conditionis, præeminentiæ, vel dignitatis, seu alias specifica, & individua mentione, & expressione digni, in præmissis quomodolibet ius, vel interesse habentes, seu habere prætendentes, iisdem præmissis non consenserint, nec ad ea vocati, citati, intimati, aut auditi fuerint: ta metsi suorum Indultorum, vel privilegiorum vigore, consentire, seu vocari, citari, intimari, & audiri semel, vel pluries quocummodo debuissent, aut ex alia quacum que juridica, privilegiata, & rationabili, ac etiam tali, quæ ad effectum validitatis præmissorum necessario exprimerenda foret, causâ, occasione, colore, prætextu, titulo etiam oneroso, & apite etiam in corpore juris clauso, etiam enormis, enormissi mæ, & totalis læsionis, ullo unquam tempore de subreptionis, vel obreptionis, aut nullitatis vitio, seu intentionis nostræ, vel interesse habentium consensus, aliove quolibet etiam maximo, substantiali, essentiali, formali, aut incognito defectu notari, impugnari, infringi, invalidari, retractari, rescindi, in controversiam revoca ri, ad terminos juris reduci, seu adversus illas aperitionis Oris, restitutionis in in tegrum, aliudve quodcumque juris, facti, vel gratiæ remedium intentari, vel impe trari, seu etiam motu, scientia, & potestatis plenitudine paribus concessio quempiam in Judicio, vel extra illud uti, seu se juvare nullatenus posse; Sed easdem præsentis literas, & in eis contenta quæcumque, semper firma, valida, & efficacia existere, & fore, suosque plenarios, & integros effectus sortiri, & obtinere, ac eidem Francisco Archiepiscopo, & Episcopo, & suis pro tempore Successoribus in omnibus, & per omnia plenissime suffragari; Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, & Sanctæ Ro manæ Ecclesiæ Cardinales, etiam de Lateræ Legatos, & Apostolicæ Sedis, Nuncios, aliosve quoslibet quacumque præeminentia, & potestate fungentes, & functuros, sub lata eis, & eorum cuilibet quavis aliter judicandi, & interpretandi facultate, & au thoritate, judicari, & definiri debere; ac irritum, & inane, si secus super his a quo quam quavis auctoritate scienter, vel ignoranter contigerit attentari.

Clausula de  
perpetuo lite  
rarum vigore  
sublata &c.  
irritum &c.

S. 7. Non obstantibus præmissis, & quatenus opus sit, quacumque Nostra, & Can cellariæ Apostolicæ regula in contrarium præmissorum quomodolibet edita, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon dictarum Ec clesiarum etiam juramento, confirmatione Apostolica, vel quavis firmitate alia robo ratis prærogativis, statutis, & consuetudinibus, privilegiis quoque indultis, & Literis Apostolicis in contrarium præmissorum quomodolibet concessis, confirmatis, & inno vatis. Quibus omnibus, & singulis, etiam si pro sufficienti eorum derogatione, de il lis, eorumque totis tenoribus, specialis, specifica expressa, & individua, ac de ver bo

Derogationes.



Dat. die 15.  
Febr. 1743.

bo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc fervanda foret, illorum omnium, & singulorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice duntaxat specialiter, & expresse, ac plenissime, & amplissime derogamus, ac derogatum esse volumus, cæterisque contrariis quibuscumque. Datum Romæ apud Sanctam Mariam Majorem sub annulo Piscatoris die xv. Februarii MDCCXLIII. Pontificatus Nostri Anno III.

Pro D. Card. Passionens.  
Cajetanus Amatius.

LXXV.

## C O N C I O N A T O R I S.

Apostolici munitus Ordini Fratrum Minorum Sancti Francisci Cappucinatorum perpetuo addicitur.

## B E N E D I C T U S P A P A X I V.

*Ad perpetuam rei memoriam.*

Pontificis studium erga Ordinem FF. Minorum Cappucinatorum.

**I**nclytum Fratrum Minorum Sancti Francisci Cappucinatorum nuncupatorum Ordinem, dum in Minoribus quidem essemus, ea, qua par erat, veneratione prosequeremur: in hac vero Sacrosancti Apostolatus specula constituti, majoribus Apostolicæ nostræ caritatis, benignitatisque testimoniis complecti gestimus; considerantes maxime, quantæ, & quam luculenta Christianæ pietatis, & religiosæ perfectionis exempla, cum sacrarum doctrinarum splendore, atque æterna Animarum salute conjuncta, sicut ab initio, in Catholica Ecclesia, ita in dies proferant religiosissimi illius Ordinis Alumni; ut nihil Orthodoxos, Acatholicosque vicissim vehementius perstringat, & ad saniorum mentem reducat, quam celeberrimi Instituti inita cum austerioris vitæ sanctimonia ratio, & Christianarum virtutum semita, prius per eosdem Alumnos quam diutissime trita, deinde aliis exemplo, & verbo indicata.

Horum eximia opera in munere Concionatoris Sacri Palatii.

§. 1. Eapropter accedentes Nos ad audiendum Verbum Dei, quod in Apostolico Palatio statis temporibus prædicari solet, tunc temporis maximopere laudabamus sapientissimum Romanorum Pontificum Prædecessorum nostrorum consilium, qui ex hoc potissimum Ordine Prædicatores ad hujusmodi officium adsciscere consueverunt; Ex illo enim, non tam majorum nostrorum, quam nostra etiam memoria, prodierunt insignes Verbi Dei Præcones; quorum etiam in præsentia quamplurimi ubique per Catholicum Orbem commendantur. Inter alios vero, qui præclaras Concionatorias in Palatio Apostolico partes, summa cum nominis laude, expleverunt, præter Venerabilem Fratrem Bonaventuram Ferrariæ Archiepiscopum a Nobis, dum in minoribus pariter essemus, cum voluptate diu auditum, ac tantopere probatum, duo etiam in Sacrum Sanctæ Romanæ Ecclesiæ Cardinalium Collegium adlecti fuerunt, Anselmus a Monopoli, & Franciscus Maria ab Aretio.

Utilitas addicendi perpetuo hujusmodi munitus eorum Ordini.

§. 2. His sane, aliisque animarum nostrarum moventibus, atque ex eo etiam adductis, quod in hac Alma Urbe nostra alia Officia, atque Ministeria aliis nonnullorum Religiosorum Ordinum Alumnis ita addicta in perpetuum sunt, ut munera hujusmodi, tamquam sibi debita, vindicantes Ordinum Superiores, quo laudabilius obeantur, optimum quemque suorum omni studio, atque cura conquirant; confidimus fore, ut imposterum, quemadmodum hætenus, benedicente Domino, factum est, ex memorato Cappucinatorum Ordine eximii in Apostolico Palatio Concionatores habeantur.

Quod per præsentem statuatur.

§. 3. Itaque, Motu proprio, non ad alicujus Nobis super hoc oblatæ petitionis instantiam, sed de nostra mera deliberatione, ac certa scientia, auctoritate Apostolica, tenore præsentium, statuimus, decernimus, & ordinamus, quod deinceps perpetuis futuris temporibus Officium prædictum Concionatoris Apostolici, alicui dicti Ordinis Minorum Cappucinatorum Professore, committi, concedi, & assignari debeat.

Clausulæ, & Secretæ.

§. 4. Decernentes easdem præsentis literas, & in eis contenta quæcumque, semper firmæ,



firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus, & per omnia plenissime suffragari; sicque in præmissis per quoscumque Iudices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon dicti Ordinis Cappucinatorum, etiam juramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanct. Mariam Majorem sub Annulo Piscatoris die 2. Martii MDCCXLIII. Pontificatus Nostri Anno III.

Derogationes.

Dat. die 2.  
Mart. 1743.

Pro D. Card. Passioneo.  
Cajetanus Amatus.

## EPISTOLA DECRETALIS.

LXXV.

In causa jurisdictionali jam dudum pendente inter Episcopum Conversanum, & Ordinem Militarem S. Joannis Hierosolymitani. Expenditur vis Possessionis quadragenariæ, & immemorabilis. Indulta Apostolica, & Episcoporum cessiones quatenus jurisdictionem activam, vel exemptionem passivam dumtaxat importent &c. Sententia fertur pro Episcopo Conversano, & opportunis Decretis & clausulis munitur.

## BENEDICTUS EPISCOPUS SERVUS SERVORUM DEI.

*Ad perpetuam rei memoriam.*

**A**postolicæ servitutis officium, quod humeris nostris, licet imparibus, inscrutabilis imposuit Divini altitudo consilii, illius Nos sæpe admonet sollicitudinis, quam Romanum Pontificem, ad procurandam omnium Ecclesiarum tranquillitatem, earumque tuenda commoda, & jura, vigili cura oportet impendere; ut Episcopi ad eandem regendas a Spiritu Sancto positi, avulsis omnium dissensionum seminibus, commissio sibi gregi attendentes, ministerium suum in dulcedine pacis adimpleant.

Exordium ab  
Ecclesiasticæ  
pacis cura.

§. 1. Cum itaque ad nostri Apostolatus auditum, publico primum sermone, ac fama, & deinde demissa Venerabilis Fratris Macarii Episcopi Conversani expositione nobis humiliter facta, delatum sit, inter Episcopos pro tempore Conversanos ex una, ac dilectos filios Magnum Magistrum, & Fratres Milites militiæ S. Joannis Hierosolymitani ex altera partibus, annosam litem, & jam senescentem intercessisse, super exercitio jurisdictionis Ordinariæ in Oppido *Putiniani*; litemque ipsam, tametsi a bon. mem. Cæsare Lambertino Episcopo Insulano, vigore commissionis signatæ manu fel. rec. Leonis Papæ X. Prædecessoris, per definitivam sententiam olim directam, nihilominus denuo in foro instauratam fuisse, & in Causarum Palatii nostri Apostolici Auditorio, magno ipsorum litigantium incommodo, ac dispendio, diutissime exagitatam, & per varias ambages ad hanc diem protractam; & adhuc in eodem Auditorio pendente, majoris utriusque partis detrimento in diem magis magisque protrahi posse: Idcirco ut celerius & expeditius, quo fieri posset, eidem tandem finis imponeretur, servata tamen, sanctęque, ut par est, custodita Canonico- rum legum, & sanctionum censura; Nos Prædecessorum nostrorum Romanorum Pontificum, præcipue Innocentii PP. III. morem, & exempla secuti, qui restituendę pacis, & concordię solliciti, ad parcendum litigantium expensis, & temporis diuturnitati consulendam, non detrectantes onus, & laborem cognitionis ipsarum contro-

Controversiæ  
antiquitas, &  
Status.Eain Pontifex  
ad se advocat,  
cum consilio  
Aud. S. Pal.  
Prædecessor.  
exemplo, de-  
cidendam.

*Bullar. Rom. Bened. XIV. Tom. I.*

Dd ver-



veritarum, Apostolicæ auctoritatis, & providentiæ partes non semel per se ipsi interposuere; causam hujusmodi fore interminabilem, & perpetuam, ad Nos advocavimus, eamque, adscitis in consilium dilectis Filiis Causarum Palatii nostri Auditoribus, & allegationibus juris, & facti diverforum Jurisperitorum, qui utrique parti aderant, & iura strenue tuebantur, tum voce, tum scripto coram Nobis deductis, & sæpius a Nobis auditis, lectis, & diligenter consideratis, supremo judicio nostro decidendam, & debito fine duximus terminandam.

Prælati Inferiori acquiritur jurisdictio intra Episcopi Diocesim, vel ex priv. vel ex consuet. immem.

§. 2. Sane licet vetustissima hujus contestatæ litis primordia, si altius ab origine sua repetantur, præ vetustate admodum obscura, & involuta sint: illud tamen certum, firmumque, & indubitatum est, Oppidum *Putiniani* situm esse in Diocesi Conversana, ejusque finibus contineri, nec illius positionem intra Diocesis ambitum, impugnata unquam fuisse ab iis, qui acri & diuturna contentione, pro sibi asserenda contra Episcopum Ordinaria jurisdictione decertarunt. Quo quidem posito, quod in dubium revocari nequit, certi juris est, jurisdictionem in dicto Oppido exercendam acquiri tantum potuisse, aut ex vi clari & manifesti privilegii Apostolici, adimentis Episcopo, & Prælati inferiori tribuentis aliquam Territorii partem, a reliqua Diocesi prius separatam, & quodammodo avulsam; aut, deficiente privilegio expresso, ex vi consuetudinis immemorabilis stricte cum suis requisitis conditionibus comprobata: Continua enim, & pacifica, atque hominum memoriam longe excedens omnium actuum jurisdictionalium exercita possessio, ipso vidente, & acquiescente Episcopo, tantæ virtutis, & efficaciz esse censetur, ut jurisdictione Ordinaria, & Territorialis, quæ privilegio expresso adscribi non potest, saltem præsumpto videatur referenda.

Non vero ex possess. quadragenaria, cum titulo colorato, ex doctrina SS. D. N. & Decreto Congr. Conc. & Clem. XI.

§. 3. Firmissimo huic juris Canonici enunciato refragari posse videbantur aliquæ Tribunalium, & Jurisconsultorum in Foro sensim receptæ opinionēs, asserentium jurisdictionem Ordinariam, etiam in alienæ Diocesis parte, adstrui sibi facile posse a Prælati inferiori ex sola quadragenaria possessione, cum titulo, ut vocant, colorato. Verum enim Nos, cum adhuc in minoribus existentes, munere Secretarii Congregationis S. R. E. Cardinalium super interpretatione, & executione Decretorum Concilii Tridentini fungeremur, ad cohibendam hujusmodi propositionum licentiam, & ad inconsultam Canonici juris interpretationem coercendam, rationum momenta, quæ pro utraque sententia asseriebantur, expendimus, tractatu in scriptis a Nobis pro ingenii nostri virium facultate elucubrato, & publicis typis impresso. Subinde vero, ut omnis in posterum dubitandi occasio præcideretur, & una esset in Foro certa, & immota iudicandi ratio, sublato quovis dissidentium opinionum conflictu, sel. rec. Clemens Papa XI. Prædecessor noster ea, quæ a Nobis literis consignata fuerant, examinanda commisit Congregationi particulari quinque S. R. E. Cardinalium, & totidem Prælatorum, doctrina, & integritate præstantium, Nobis etiam uti Congregationis Secretario in hunc numerum adscriptis. Porro eadem Congregatio, mature discussa, intimeque ex nostra sententia rimato negotio, præmissas opiniones innixas possessionis quadragenariæ cum titulo colorato, tanquam Canonicis sanctionibus adversas, præsidio juris destitutas, & saniorum Canonistarum sententiis parum consentaneas, rejecit; & ad asserendam favore Prælati inferioris jurisdictionem Ordinariam in aliqua parte alienæ Diocesis, expressum privilegium Apostolicum, vel consuetudinem immemorabilem legitime probatam suffragari tantum posse decrevit. Idem vero Clemens Prædecessor antedictæ Congregationis decretum die 3. Januarii anno Domini 1721. nedum benigne probavit, & observari perpetuis futuris temporibus præcepit; verum etiam typis impressum, & inter Apostolicas Constitutiones reatum perpetuo custodiri mandavit.

Religioni Hierosol. non assensu immemorabilis, ut pote semper impugnata ab Episcopo.

Privilegium Jo. XXII. favore Monach. Benedict.

§. 4. Hac igitur præ oculis habita certa iudicandi regula provide sapienterque instituta, consulto Religio Hierosolymitana nullum ponebat fundamentum in consuetudine immemorabili, vel quia certa recenscebantur initia præteritæ jurisdictionis in Oppido Putiniani, vel quia eadem immemorabilis, quæ solo labefactatur rumore, interverti, ac submoveri penitus videbatur tum ex judiciali, diuturna, & nunquam intermissa contradictione Episcoporum Conversanorum, tum etiam a pierique actibus jurisdictionalibus prætato Oppido ab Episcopis exercitis, quorum non obscura extabant monumenta.

§. 5. Potissimum itaque acquisitæ jurisdictionis ordinariæ præsidium constituebat in



privilegio Apostolico, ac in literis Prædecessorum nostrorum Romanorum Pontificum, præsertim ſc. rec. Joannis XXII. qui anno Domini 1317. Monasterium S. Stephani Ordinis S. Benedicti Religioni Hierosolymitanæ perpetuo incorporavit, & univit, cum Ecclesiis, Capellis, Membris, Caſtris, Caſalibus, Grangiis, Territoriis, Olivetis, Poſſeſſionibus, Juribus, Jurisdictionibus, Libertatibus, Privilegiis, & exemptionibus, ac omnibus bonis, juribus, & pertinentiis ſuis.

§. 6. Verum, inſpecto, & ſedulo expenſo integro contextu, & tenore præfatæ Constitutionis, minime ex ea evincitur, in Magnum Magiſtrum, ejuſque Commendatarios, translatam fuiſſe plenam, & omnimodam jurisdictionem Eccleſiaſticam, & Spiritualem, non ſolum in Eccleſias, & loca, verum etiam in Clerum, & Populum, quemadmodum neceſſarium eſt, ut Prælatus inferior ſuam peculiare habeat Territorium a reliqua Episcopali Dioceſi ſeparatum. Reſiſtunt enim tum mens, tum verba Constitutionis prædictæ. Et quidem mens, quia unio & incorporatio cum in finem ſolummodo collineavit, ut Equites Hierosolymitani, qui a Monachis Benedictinis inter ſe diſſidentibus in Monasterium ad oram Maris poſitum alleſti fuerant, poſſeſſionem illius adepti, legitimum quoque ex largitione Apoſtolica nanciſcerentur dominium reddituum temporalium; tum etiam ut ex hoc loco, tranſvehendis ultra Mare comneatibus maxime opportuno, Claſſi ſuæ contra Infideles inſtructæ ſuppeditas ferre poſſent.

Quod non ſuffragari cenſetur.

Inſpecta mente Pontificis.

§. 7. Adverſantur præterea verba; quia ſi verba Bullæ ſingillatim texaminentur; & præſertim illa: *Cum omnibus juribus, jurisdictionibus, libertatibus, & privilegiis*: tantæ non ſunt efficaciæ, ut jurisdictione ab Episcopo ablata dicatur, & in Religionem Hierosolymitanam translata; quia, cum non agatur de privilegio mere exemptivo, ſed de privilegio magis arduo, & a jure communi alieno, tribuendi ſcilicet jurisdictionem Ordinariam perſonæ inferiori, ablata Episcopo parte ſuæ Dioceſis; nunquam per generalia, & ambigua verba conceſſum eſſe intelligitur.

Et deſiciente expreſſa Ordinarie juridi. conceſſione.

§. 8. Maxime quia in caſu, de quo agitur, ad hujusmodi interpretationis veritatem confirmandam accedit circumſpecta præſati Pontificis vigilantia, qua in ipſa unionem rebus omnibus oportune conſultum, ac proviſum voluit. Siquidem in dicto Monasterio uniendo, hujusmodi leges, & conditiones ſervandas præſcripſit, ut non ſolum Equites Hierosolymitani onera eidem inhærentia adimplerent, Perſonas idoneas eligerent, quæ præſent Eccleſiæ, Miſſas in Defunctorum animarum expiationem celebrarent, & Divina Officia perſolverent; verum etiam Monachis Benedictinis; quorum nonnulli adhuc ſupererant, omnia ad victum, & veſtitum neceſſaria tribuit, eorumque vitæ commodis voluit providere. Minime autem veriſimile cenſetur, tantum in res ſingulas levioris momenti collatum fuiſſe a Pontifice ſtudium, & diligentiam: nullumque præterea verbum de Oppido populatoſo, ſoluto, ut prætenditur, a lege Dioceſana, & avulſo a jurisdictione Episcopali; nullum de perſonis ſpirituali regimini in poſterum præſciendis; nullum denique de cura Gregis, ac vigilantia Paſtoris, in dicta Constitutione adjeſſiſſe, ſi revera id facere providus Pontifex in animo habuiſſet.

Quam non commiſſer, dum leviora conſtituit.

§. 9. Longe autem minoris ponderis, ac levioris momenti apparebant Apoſtolice Literæ Paſchalis, & Calixti II. necnon Alexandri III. Romanorum Pontificum Prædeceſſorum noſtrorum, qui Apoſtolice Auſtoritatis munimine confirmarunt donationes factas anteaſtis temporibus ab Episcopis Converſanis dicto Monasterio S. Stephani Urbi Monopolitanæ finitimo. Si enim ſingulæ partes expendantur præfatæ Constitutionis Alexandri III. cui conſonant diſpoſita per Paſchalem, & Calixtum, nihil aliud ex ea conſtat, quam ſub immediata S. Petri, & Apoſtolice Sedis protectione fuiſſe recepta bona quæcumque per Monasterium S. Stephani acquiſita, & in futurum acquirenda, reſenſito etiam Oppido Putiniani, una cum ſuis membris, & pertinentiis; illudque fuiſſe ſolutum ab omni jugo, & exactione tam Episcoporum, quam Sæcularium. Præterea in eiſdem literis Alexandri, ad augenda novis titulis dignitatis Abbatialis decora, & ornamenta, conceditur Abbati uſus Mitræ, & Annuli, necnon facultas recipiendi Chriſmatis, & Olei Sancti a quovis Catholico Antiquitate gratiam, & communionem Apoſtolice Sedis habente, & inſuper a quovis etiam Antiquitate Catholico Baſilicas, & Altaria conſecrari, & ordines Monachis, & Clericis rite conferri poſſe decernitur. Prohibetur itidem in eiſdem Literis Episcopo, ne abſque Monachorum conſenſu in Eccleſia Monasterii Pontificalia exerceat, & Eccleſia-

Literæ Paſchalis & Calixti II. & Alex. III. prædictis Monachis conceſſæ quid continant.



fico fupponat interdiftio Ecclefiam, aut Monafterium, *Monachos, Clericos, feu etiam Laicos utroque jure ipsis fubjeftos*: neve eisdem Monachos Synodo Diocefanæ inter-  
elle compellat. Denum ad exhibendam Apoftolicæ Sedi reverentiam, & homagium,  
uncie auri census imponitur, Romano Pontifici quotannis perfolvendus.

Extendi ne-  
queunt ad ju-  
rifdictionem  
activam.

§. 10. Itaque Constitutiones prælatæ, five conjunctim, & generatim, five disjun-  
cte, & fingillatim confiderentur, nihil aliud præferre videntur, præterquam nu-  
dam, ac simplicem exemptionem paffivam Monafterii, & Monachorum, una cum  
Clericis, & Laicis eorum obfequio mancipatis, & fervitio additis, a Jurifdictione  
Ordinarii; non autem translationem in Abbatem Jurifdictionis Ordinariæ, & Eccle-  
fiasticæ in Clerum, & Populum Putiniani, prævia feparatione eisdem Oppidi a re-  
liqua Diocefi Converfana; ideoque argumentum, & illatio ab hujusmodi paffiva ex-  
emptione ad jurifdictionem activam, tanquam Canonicis Sanctionibus aflatum abfona,  
omnino repellenda videbatur.

De illius æta-  
tis difciplinæ.

§. 11. Eo magis quia interpretatio Constitutionis pro fola exemptione paffiva, Ec-  
clefiasticæ hiftoriæ monumentis illius ætatis apprime confonans, & conveniens com-  
peritur. Quamvis enim tempore prædicti Alexandri III. eximi Apoftolica auctoritate  
confueverint Monafteria ab Epifcoporum Jurifdictione, ut Monafteria quieti, & tran-  
quillitati uberius confultum foret, nulla tamen per id temporis recenfentur exempla  
activæ jurifdictionis tributæ Monachis in Clerum, & Populum.

Ceffio juris  
Epifcopalis ab  
Epifcopo fa-  
cta per verba  
generalia,  
congrue refer-  
tus ad exem-  
ptionem pas-  
fivam.

§. 12. Parvique refert, quod Bulla Alexandri III. non folum confirmaverit dona-  
tiones antiquitus factas Monafterio a Supremis Principibus, Comitibus, aliisque sæ-  
cularibus perfonis; fed ratam quoque habuerit ceffionem juris Epifcopalis primitus  
factam ab Epifcopis Converfanis favore Monachorum, *ficuti habetur in eorum authen-  
ticis fcriptis*. Quandoquidem ceffio Juris Epifcopalis, cum fuaapte natura non fecum  
ferat omnimodam, plenariam, & effenatam abdicationem a donantibus in donata-  
rios totius auctoritatis, & jurifdictionis Ecclefiafticæ in Populum, & Clerum exer-  
cendæ, ad quem effectum verba deberent effe clara & expreffa; ratio iuris fuadet,  
per hujusmodi donationem nihil aliud transfufum fuiffe in Abbatem, præterquam ali-  
quam Juris Epifcopalis partem, coherentem, & confentaneam foli exemptioni paffi-  
væ, & majus diftæ exemptionis incrementum cæfuram.

Confirmatio  
Apoftolica in  
forma com-  
muni nihil  
addit.

§. 13. Neque hujc interpretationi ea adverfatur animadverfio, quod idem Alexan-  
der Papa III. confirmavit ceffionem juris Epifcopalis, aliasque donationes, relative  
ad documenta, quæ in *Monachorum authenticis fcriptis contineri* ferebantur: quia do-  
cumenta hujusmodi neque examinata, neque Pontifici exhibita, neque in Bulla Ale-  
xandrina de verbo ad verbum, ut opus erat, expreffa fuerunt; ideoque tum illa  
apud Monachos, antiquitatis offufa tenebris, perpetuo confepulta jacuerint; palam  
fit, Literas Apoftolicas prædicti Alexandri non egredi limites confirmationis Apofto-  
licæ *in forma communi*, nullamque ex eadem confirmatione erui poffe activæ jurifdi-  
ctionis probationem.

Idem Alexan-  
der, ejusque  
Succelfores,  
fuam mentem  
factis decla-  
rant.

§. 14. Cæterum ubi etiam donationes fuiffent ab eodem Alexandro recognitæ, fpe-  
cialiter approbatæ, & in fuis literis expreffæ, nihilominus claris offenditur argumen-  
tis, alienam fuiffe a voluntate Pontificis quancumque activi juris Epifcopalis adem-  
ptionem, & imminutionem. Etenim proponente Epifcopo Converfano paulo poft  
quærelam ereptæ fibi jurifdictionis Ordinariæ in Oppido Putiniani ab Abbate Bene-  
dictino eam fibi vindicante obtentu diftæ confirmationis Apoftolicæ, præfatus Ale-  
xander Prædeceffor, datis opportune literis Epifcopis Vigilienfis, & Traneafis, non  
folum declaravit, nullum fe auctoritati Epifcopi Converfani irrogare voluiffe præju-  
dicium, fed etiam ad farienda illata illius dignitatis difpendia ab Abbate Benedicti-  
no, mandavit eisdem Epifcopis, ut, caufa judicialiter cognita, & inftituta, adæ-  
quæ conticerent, & confecta Curie Romanæ remitterent. Succelfive vero alii Pontifices  
Clemens, & Cæleftinus III., necnon Cardinalis Rogerius Romanæ Sedis Legatus, ju-  
rium Epifcopalium vindices, unanimi fenfu decreverunt, redintegrandum effe Epif-  
copum in ablata jurifdictionis poffeffione, atque Ecclefiaftico jure, & auctoritate in  
ea confervendum.

Ex dictis in-  
fertur, folem  
exemptionem  
paffivam Mo-  
nachis com-  
petiffe.

§. 15. Hæc autem illuftria, & antiqua geflarum rerum monumenta demonftrant,  
privilegia ab Alexandro III. Monafterio conceffa fecumferre nudam paffivæ exem-  
ptionis prærogativam, tam refpectu Monafterii præfati, & Ecclefiarum ab eo depen-  
dentium, quam refpectu Clericorum, & Sæcularium Monachis infervientium, firma  
tancu



tamen perseverante, & immota in Episcopo jurisdictione activa in Oppido *Putiniani*; ac proinde illam, utpote a Monachis non acquisitam, per unionem factam a Joanne XXII. in Religionem Hierosolymitanam transfundi non potuisse. Et licet superius relata monumenta temporum injuria intercederent, satis tamen visum est ea relata fuisse a Sententia promulgata a bon. mem. Cæsare Lambertino Episcopo Insulano, ad hanc litem dirimendam, ut superius dictum est, delegato a Leone X. Prædecessore nostro. Nam eximii hujus Præfulis, moribus integer, & juris Canonici consultissimi, tum ob ejus dignitatem, tum ob vitæ probitatem, doctrinæque præstantiam, & generis nobilitatem, in re antiqua, & longe a memoria hominum remota, tanti facienda visa est auctoritas, ut ob illius testimonium, etiam deperditis actis, quibus sententia nitebatur, post longum temporis cursum fideles adjungi deberet.

Ideo nihil ultra in Relig. Hierosol. potuisse transfundi.

§. 16. Demum ad comprobendam passivæ dumtaxat exemptionis concessionem confert ipsa forma literarum Joannis XVII. qui, unione & incorporatione dicti Monasterii S. Stephani Religioni Hierosolymitanæ ex Apostolica benignitate facta, & concessa, una cum membris, Capellis, pertinentiis, juribus, & jurisdictionibus, Pontificiam concessionem, & Apostolicum privilegium non alia designavit nuncupatione, quam *immediate subjectionis Sanctæ Romanæ Sedi*, quæ sane verba soli congruunt exemptioni passivæ, non autem juri activo, & separationi Territorii.

Standum testimonio Judicis omni except. majoris, præsertim in antiquis.

§. 17. His igitur, aliisque rationum momentis mature, seduloque perpensis; diligenterque auditis, quæ fuerant hinc inde proposita; inspectis etiam omnibus causæ instrumentis, penitusque consideratis; diligenti præterea habito tractatu cum præfatis Causarum Palatii nostri Auditoribus, ut compositis omnibus dissidiis, tandem, benedicente Domino, oriatur abundantia pacis, & ut Conversanæ Ecclesiæ jura a moderno Episcopo, quibuscumque postpositis humanis rationibus, magnaue sui nominis laude strenue constanter propugnata, salva in posterum, & illæsa consistent; decernendo pronunciamus, & pronuntiando decernimus, jurisdictionem Ordinariam, & Episcopalem in Ecclesias; Clerum, & Populum universum dicti Loci, seu Terræ *Putiniani* Conversanæ Diocesis, competere Episcopo Conversano, non autem Bajulivo S. Stephani, Magno Magistro, Fratribus, aut Hospitali S. Joannis Hierosolymitani; quorum favore dominium dumtaxat, & alia bona, & jura temporalia super dicto loco, & Populo, etiam quoad Decimas, quamvis spirituales, per Bajulivos ab immemorabili retro tempore percipi solitas, & juxta mentem dicti Joannis XXII. in publicam causam erogandas: cum obligatione tamen præstandi Parocho ejusdem Terræ Congruam annorum ducatorum centum, juxta resolutionem alias captam Anno Domini 1713. & 1715. super eadem Congrua a Congregatione S. R. E. Cardinalium negotiis, & consultationibus Episcoporum, & Regularium præpositorum; Apostolica auctoritate confirmamus, & approbamus.

Tenor sententiæ pro Episcopo Conversano.

§. 18. Ut autem sententia, & decretum nostrum debitæ executioni demandetur, atque hæc antiquissima lis, & controversia nullo amplius tempore in posterum excitari, & renovari possit, Magistro, & Fratribus dicti Hospitalis, necnon Bajulivi dicti Bajulivatus S. Stephani prope Monopolim, nunc, & pro tempore existentibus, in virtute sanctæ obedientiæ districte præcipimus, & mandamus, ut suo jure contenti, idem Dominio temporali dictæ Terræ, seu Oppidi *Putiniani*, aliorumque bonorum, & jurium similiter temporalium, quæ ad Abbatem, & Monachos unionis tempore pertinebant, necnon etiam Decretis, quæ hæcenus ab ipsis Bajulivis percipi consueverunt, cum onere tamen solvendi Parocho, seu Archipresbytero ejusdem Terræ pro sua Congrua annuam summam ducatorum centum monetæ illarum partium, ac denique passiva exemptione quoad ipsos Bajulivos, eorumque domos, Capellas, & Ecclesias, si quæ sint in dicta Terra, seu Oppido Regulares, aliasque personas tribus requisitis pollentes, ad formam Sacri Concilii Tridentini, & privilegiorum generalium dicto Hospitali S. Joannis, ejusque fratribus, & inservientibus concessorum per diversos Romanos Pontifices Prædecessores Nostros; nullum de cætero Ordinariæ, & Episcopalis jurisdictionis actum in Ecclesias tam Curatas, quam non Curatas, Clerum, & populum dictæ Terræ *Putiniani*, ejusque districtus, & Territorii, exercere audeant, seu præsumant; & multo minus directe, vel indirecte impedire, quominus nunc, & pro tempore existentes Episcopi Ecclesiæ Conversanæ prædictam jurisdictionem, omnesque actus ad illam quoquo modo pertinentes, per se, vel per alios, in dictas Ecclesias, Clerum, & populum libere exerceant. Quod si secus directe, vel indirecte

Quænam competant Bajulivo S. Stephani, & Militiæ Hierosolym.

Præceptum de servandis limitibus exemptionis, passivæ hic præscriptis, deque Episcopi jurisdictione non turbanda.

Pæne per contravenientes incurrendus.

per



per nunc, & pro tempore existentes Bajulivos dicti Bajulivatus S. Stephani factum fuerit, pœnam excommunicationis latæ sententiæ, a qua solum a Nobis, & Successoribus Nostriis, præterquam in mortis articulo, absolvi possint, necnon privationis ejusdem Bajulivatus, omniumque aliarum Dignitatum & Commendarum, sive de iustitia, sive de gratia per eos quomodocumque obtentarum, & perpetuæ incapacitatis, sive inhabilitatis ad alias dignitates, & Commendas in posterum obtinendas ipso jure, & ipso facto, absque ulla præcedenti Judicis declaratione, incurrant: itaut alii Milites proxime, ac deinceps sequentes in ordine Antianitatis, servata in reliquis forma Statutorum, & Constitutionum ipsius Hospitalis, Bajulivatum, aliasque Dignitates, & Commendas per hujusmodi privationem, ut præsertur, vacantes, statim optare, atque obtinere possint, & debeant.

Donationes,  
& assertæ confirmaciones,  
ad cautelam,  
annulantur.

Et jurisdicção  
ordinaria a  
Fratribus Mi-  
nistris avulsa,  
Episcopo re-  
stituitur.

Executores  
deputatur,  
cum facultati-  
bus &c.

Derogatur li-  
ris pendentia,  
juri quæsito  
privilegiis,  
statutis &c.

§. 19. Nos enim omnino volumus, quod Bajulivi, & Fratres dicti Hospitalis in dicta Episcopali, & Ordinaria jurisdictione in Terra Putiniani, ejusque Districtu, & Territorio, annexis, & connexis, nullo pacto in posterum se immisceant; & propterea, ad majorem cautelam, antiquas donationes Leonis, & aliorum Episcoporum, & assertas confirmaciones Romanorum Pontificum Prædecessorum nostrorum, & præsertim Alexandri III. prout etiam Literas primodictas Joannis XXII. pro eo, quod attinet ad dictam jurisdictionem Ordinariam, & Episcopalem, motu proprio, & ex certa scientia, & de Apostolicæ plenitudine potestatis ex toto revocamus, abolemus, & annullamus, & solum in reliquis in suo robore, & firmitate manere decernimus; & quatenus per eas, vel alio quocumque modo tam deducto, quam non deducto, dicta jurisdicção Episcopalis, & Ordinaria ab Episcopis avulsa, & in Monachos, & Abbatem, dicti Monasterii S. Stephani, vel deinde in Magistrum, & Fratres dicti Hospitalis S. Joannis Hierosolymitani quomodocumque, & qualitercumque translata fuisset; per præsentis nostras Literas eandem Ordinariam, & Episcopalem jurisdictionem in Ecclesiâs, Clerum, & Populum dictæ Terræ Putiniani, motu, scientia, & potestate simili, a Magno Magistro, Fratribus, & Hospitali præfatis penitus penitusque avellimus, & Episcopis Ecclesiæ Conversanæ, prout antea de jure compete-  
bat, plenarie addicimus, & restituimus, eosque in illa plenissime reintegramus, proinde ac si dictæ donationes, & Literæ Apostolicæ nunquam factæ, & concessæ fuissent.

§. 20. Quocirca Venerabilibus Fratribus Tranensi, & Barensi Archiepiscopis, ac dilectis Filiis Causarum Curia Cameræ Apostolicæ Generali Auditori, ac Nostro & Sedis Apostolicæ Nuncio in Regno Neapolitano commoranti, ipsique Magno Magistro, & Fratribus præfatis Hospitalis S. Joannis nunc, & pro tempore existentibus, motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios, præsentem Literas, & in eis contenta quæcumque, ubi & quando opus fuerit, ac quoties pro parte Episcopi requisiti fuerint, solemniter publicantes, eique in præmissis efficacis defensionis præsidio assistentes, faciant auctoritate nostra easdem præsentem, & in eis contentas hujusmodi, a Bajulivis dicti Bajulivatus S. Stephani, aliisque Fratribus dicti Hospitalis, necnon Clero, & Populo præfati Oppidi, seu Terræ Putiniani nunc, & pro tempore existentibus, ceterisque omnibus, inviolabiliter observari; non permittentes eum, ejusque in Episcopatu Successores, desuper per quoscumque quomodolibet indebite molestari; Contradictores quoslibet, & rebelles, per sententias, censuras, & pœnas Ecclesiasticas, aliasque opportuna juris, & facti remedia, postposita quacumque appellatione, & recursum, etiam ad Sedem Apostolicam, compescendo; ac servata forma Concilii Trid. sententias, censuras, & pœnas hujusmodi incurrisse declarando, ac etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

§. 21. Non obstantibus præmissis, & præsertim lite hætenus pendente in Auditorio nostri Palatii, cujus litis statum, & merita, & alia quæcumque etiam specifica, & individuum mentionem, & expressionem requirentia, præsentibus pro plene, & sufficienter expressis, & insertis habentes: necnon Nostra, & Cancellariæ Apostolicæ regula de jure quæsito non tollendo; privilegiis, & indultis a Sede præfata hætenus concessis Hospitali, & Fratribus prædictis; ejusque Statutis, & Ordinationibus, etiam juramento, confirmatione Apostolica, vel quavis firmitatis alia roboratis, & quibuscumque aliis Literis, Constitutionibus, & Ordinationibus Apostolicis, sub quibuscumque tenoribus, & formis, ac cum quibuscumque clausulis, & decretis, etiam



in Conciliis Generalibus, etiam consistorialiter & motu, scientia, ac potestatis plenitudine similibus, ac alias quomodolibet etiam per Nos pluries concessis, approbatis, innovatis; quibus omnibus, & singulis, etiam si pro illorum sufficienti derogatione alias de illis, eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes, mentio, aut aliqua alia exquisita forma habenda foret, latissime, & plenissime, ac specialiter, & expresse, motu, scientia, & potestatis plenitudine paribus derogamus, ac derogatum esse volumus, cæterisque contrariis quibuscumque: aut si prædictis Bajulivis, & Fratribus Hospitalis præfati, seu aliquibus aliis communiter, aut divisim ab eadem sit Sede indultum, quod interdici, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum, de indulto huiusmodi mentionem.

§. 22. Volumus autem, ut earundem Literarum transumptis, seu exemplis, etiam impressis manu alicuius Notarii publici subscriptis, & Sigillo Personæ in dignitate Ecclesiastica constitutæ munitis, eadem fides ubique locorum, tam in Iudicio, quam extra illud, habeatur, quæ haberetur ipsis præsentibus, si forent exhibitæ, vel ostensæ.

Transumptis  
auctoritas tri-  
buitur.

§. 23. Nulli ergo omnino hominum liceat, hanc paginam nostræ sententiæ, decreti, constituti, declarationis, & voluntatis infringere, vel ei ausu temerario contrariare; Si quis autem hoc attentare præsumpserit; indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Sanctio.

Datum Romæ apud Sanctam Mariam Majorem pridie Idus Martii, Anno Incarnationis Dominicæ millesimo septingentesimo quadagesimo secundo, Pontificatus No-

Dat. die 14  
Mart. 1743.

P. Card. Pro-Datarius.

D. Card. Passionius.

VISA DE CURIA.

N. Antonellus.

Loco & Plumbi.

J. B. Eugenius.

Registrata in Secretaria Brevium.

## ELECTIO, SEU POSTULATIO

Duorum Patriarcharum Maronitarum ab Antistitibus illius Nationis dissidentibus facta, cassatur, & annullatur, reservata S. Sedi Patriarchalis Ecclesiæ provisione.

## BENEDICTUS PAPA XIV.

*Ad perpetuam rei memoriam.*

Quod non humana, sed divina decretum est sententia a Numidiæ Antistitibus antiquæ traditionis exempla servantibus, & Ecclesiasticæ memoribus disciplinæ, ut ad Apostolicæ huius Sanctæ Sedis referretur iudicium, quidquid, quamvis de disjunctis, remotisque Provinciis, ageretur; nec prius ducerent finiendum, nisi ad ejusdem Sedis notitiam perveniret, ut tota huius auctoritate, quæ fuerit iusta pronuntiatio, firmaretur; id sæpe alias, & nuper ab inelyta Maronitarum de Orthodoxa Fide, & obedientia eidem Apostolicæ huic Sanctæ Sedi debita semper tantopere meritorum Natione præstitum est, cum post obitum bonæ memoriæ Josephi Petri, dum viveret, Antiocheni ejusdem Nationis Patriarchæ, extra Romanam Curiam universæ carnis ingressi, scissuris, & dissensionibus ob duorum Patriarcharum electiones exortis, ad nos ambo Electi appellantes, Pallio etiam donari postularunt. Enimvero sex quidem ex una parte convenientes Antistitem Venerabilem Fratrem Eliam Archiepiscopum Arcensem, pauci vero alii ex parte altera Venerabilem pariter Fratrem Tobiam Archiepiscopum Napolothæ, seorsim diversis in locis, in Patriarcham

Recusus a  
Maronitis ha-  
bitus ad San-  
ctam Sedem occa-  
sione schis-  
matis inter  
eos orti.

hu-



huiusmodi eligere ausi fuerunt. Ambo igitur, ut præmittitur, Electi, siue Postulati prætendi Patriarchæ ad nos, & Apostolicam Sedem recursum habentes, enixis precibus rogarunt, ut cuiusque electionem approbare, ratam habere, & confirmare, atque Pallium etiam transmittere de benignitate, & potestate Apostolica dignemur.

Causa delegata Congr. part. de Propag. Fide.

Congregationis consilium.

§. 1. Quoniam autem Nos, ut in causa tanti momenti ea, qua decet, maturitate procederetur, utramque electionem, seu postulationem particulari Congregationi nonnullorum Venerabilium Fratrum Nostrorum S. R. E. Cardinalium negotiis Propagandæ Fidei præpositorum discutendam, examinandamque commisimus; & Cardinales dictæ particularis Congregationis, postquam Viros ab Electis prædictis missos, ac defensores plene audivissent, omnesque scripturas pro utraque parte productas recognovissent, coram Nobis congregati, attentis peculiaribus, & gravibus nullitatibus in utraque electione repertis, per concordia suffragia, & vota censuerunt, neutram electionem, seu postulationem suscipi debere; neque locum esse alterutrius sanationi; sed utramque electionem, siue postulationem nullam, irritam, nullius roboris, ac momenti esse, ac fore, declarari, & haberi, ac proinde Patriarchali Ecclesiæ huiusmodi ex integro, juxta Sacros Canones, atque inconcussam Apostolicæ Sedis prædictæ in similibus casibus stylum, provideri debere de persona Nobis benevisâ, & quatenus provisionem huiusmodi de aliquo Antistite cuicumque Ecclesiæ addicto faceremus, hanc, prævia solutione vinculi Ecclesiæ, quo tenetur, fieri debere.

Pontifex, illi intendo, utramque electionem seu Postulationem nullam declarat.

§. 2. Hinc est, quod Nos, quos tam paterna caritas, qua Nationem huiusmodi maxime diligimus, & amplius complecti cupimus, quam Apostolica omnium Ecclesiarum sollicitudo a Pastorum Principe Jesu Christo Nobis injecta vehementius urget, de memoratæ Congregationis consilio, necnon motu proprio, & ex certa scientia, ac matura deliberatione nostris, deque Apostolicæ potestatis plenitudine, utramque tam Eliæ Archiepiscopi Arcen. a sex Antistitibus, quam Tobie Archiepiscopi Napolitanæ, paucis factam electionem, siue postulationem, nullam, irritam, & inanem, ac nullius roboris, & momenti esse, & fore, nullique eorum suffragari debere declaramus, annullamus, irritamus, & cassamus, atque utramque de utroque electionem, siue postulationem habitam, & factam, perinde haberi debere in omnibus, & per omnia, ac si minime, & nunquam habita, & facta fuisset, pariter decernimus, præcipimus, & declaramus; ipsamque Ecclesiæ Patriarchali adhuc eo, quo ante electionem, siue postulationem prædictam, per obitum dicti Josephi Petri, vacabat, modo vacare; nullumque jus, & auctoritatem per electionem, siue postulationem antedictam utrique prætento Electro, siue postulato acquisitum, siue acquisitam esse, & fore, ac irritum, & inanem, nulliusque roboris, ac momenti quemcumque actum per ipsos prætenso Electos, & Postulatos, siue factum, aut faciendum, quemadmodum etiam alterum eorum in iis omnibus, & singulis ad Patriarchalem potestatem, & auctoritatem spectantibus sese ingerere, & intrinsece audientem, ipso facto poenis omnibus contra non parentes mandatis Apostolicis per Sacros Canones inflictis, & indignationi nostræ obnoxium esse, ac fore, easque incurrere, & incursum esse, motu, scientia, deliberatione, & potestatis plenitudine paribus decernimus, statuimus, & declaramus, ipsiusque Patriarchalis Ecclesiæ Antiochenæ Maronitarum ita; ut præmittitur, vacantis, collationem, provisionemque quandocumque faciendam, Nobis, & Apostolicæ Sedi prædictæ reservamus.

Prohibet sub poenis &c. ne electi in Patriarchatus Gubernio se ingerant.

Provisionem Ecclesiæ Patriarchalis sibi, & Sedi Apostolicæ reservat. Clausula.

§. 3. Decernentes eandem præsentis Literas, & in eis contenta quæcumque, etiam ex eo, quod quicumque in præmissis jus, vel interesse habentes, seu habere quomodolibet prætendentes, illis non consenserint, nec ad ea vocati, citati, & auditi, neque causæ, propter quas præsentis emanarunt, sufficienter adductæ, verificatæ, & iustificatæ fuerint, aut ex alia quacumque quantumvis iusta, legitima, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læisionis, ullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensu, aliove quolibet etiam quantumvis magno, & substantiali, & incogitato, & inexcogitabile individuumque expressionem requirente defectu notari, impugnari, infringi, retractari, in jus, vel controversiam revocari, aut ad terminos juris reduci, seu adversus illas apertionis onis, restitutionis in integrum, aliudve quodcumque juris, facti, vel gratia remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato, quempiam



in iudicio, vel extra illud uti, seu se juvare ullo modo posse; sed ipsas præsentēs Literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari; sicque, & non aliter, in præmissis, per quoscumque Iudices Ordinarios, & delegatos, etiam Causarum Palatii Apostolici Auditores, aliosve quoslibet quacumque præminencia, & potestate fungentes, & functuros, sublata eis, & eorum cuilibet aliter iudicandi, & definiendi facultate, & auctoritate, iudicari, & definiri debere, ac irritum, & inane quidquid secus super his a quocumque quavis auctoritate scienter, vel ignoranter contigerit attentari.

§. 4. Non obstantibus Nostra, & Cancellariæ Apostolicæ Regula de jure quæsito non tollendo, ac Apostolicis, & in Universalibus, Provincialibusque, & Synodalibus Conciliis editis, generalibus, vel specialibus Constitutionibus, & Ordinationibus, necnon dictæ Patriarchalis Ecclesiæ etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis, quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ adhiberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 13. Martii MDCCXLIII. Pontificatus Nostri Anno III.

*D. Card. Passioneus.*

## M A R O N I T A R U M

Patriarchalis Ecclesia Antiochena, auctoritate Apostolica, & jure devolutionis, providetur in personam Simonis Evodii Archiepiscopi Damasceni.

*Venerabili Fratri, Simoni Archiepiscopo Damasceno.*

## B E N E D I C T U S P A P A X I V.

*Venerabili frater, salutem & Apostolicam Benedictionem.*

Nuper ad nos, & Apostolicam hanc Sanctam Sedem delatis scissuris, dissidiisque propter electionem Patriarchæ Patriarchalis Ecclesiæ Antiochenæ Inclytæ Nationis Maronitarum, per obitum Josephi Perri, dum vixit, ejusdem Ecclesiæ Patriarchæ, qui extra Romanam Curiam debitum naturæ persolverat, exortis, ad opportunum & salutare iisdem componendis, sedandisque remedium asserendum, dedimus alias nostras in pari forma Brevis Literas, tenoris sequentis BENEDICTUS PAPA XIV. *Ad futuram &c.* Quod non humana &c. ut supra num. LXXVII.

§. 1. Eapropter Nos ægre ferentes Patriarchalem Ecclesiam prædictam Pastoris destitutam solatio, & tot, tantisque inter Hæreticos, Schismaticos, Maumethanos, & Infideles, veluti Rosam inter Spinās, circumdatam angustiis & calamitatibus, amplius vacare, ad provisionem ejusdem Patriarchalis Ecclesiæ Antiochenæ celerem & felicem, ne Ecclesia ipsa Antiochena majoribus longæ vacationis exponatur incommodis, & dissidiis, paternis, & sollicitis studiis intendentes, ac perspectam habentes notitiam de eximii virtutibus Fraternalitatis tuæ in tua ad Archiepiscopatum Damascenum promotione plurimi habitis, necnon quod Tu Venerabilium Fratrum Nationis Maroniticæ Antistitem Decanus sis, & apud Nos plurimorum fide digniorum testimonio commenderis, postquam de præficiendo eidem Ecclesiæ Antiochenæ prædi-

*Bullar. Rom. Bened. XIV. Tom. I.*

*Ee*

*&c*

Pontifex refert cassationem duplicis electionis Patriarchæ, cum insertionem Brevis.

Ecclesiæ vacanti præficit Archiepiscopum Damasc.

Transumptorum auctoritas.

Dat. die 13. Mart. 1743.



Ab Ecclesiæ  
Damascenæ  
vinculo abso-  
lutum.

Cum præce-  
pto de ca-  
pienda pos-  
sessione.

Eundem hor-  
tatur ad Pa-  
storalis mune-  
ris implemen-  
tum.

Præcepit Epi-  
scopo, Suffrag-  
aneo, Clero, Popu-  
lo, & Vassal-  
lis, ut novum  
Patriarcham  
agnoscant,  
eique obse-  
quantur.

Mandat ele-  
cto, ut Fidei  
Professionem  
emittat, &  
juxta eam  
fidelitatis  
præstat.

Et Nationis personam utilem, ac etiam fructuosam, cum iisdem Cardinalibus dictæ Congregationis particularis deliberationem habuimus diligentem, Te a quibuscumque excommunicationis, suspensionis, & interdicti, aliisque Ecclesiasticis sententiis, censuris, & pœnis, si quibus quomodolibet innodatus existis, ad hoc dumtaxat, ut translatio & præfectio per Nos, ut infra, facienda, necnon præsentis suum fortiantur effectum, harum serie absolventes, & absolutum fore consentes, ac a vinculo, quo dictæ Ecclesiæ Damascenæ, cui præes, teneri, de simili consilio & Apostolicæ potestatis plenitudine absolventes, ad eandem Ecclesiam Antiochenam Nationis præfatæ, de consilio, & potestatis plenitudine paribus, transferimus, Teque illi in Patriarcham ejusdem Nationis prædicæ, & Pastorem; curam, regimen, & administrationem dictæ Ecclesiæ Antiochenæ Nationis prædicæ Tibi in spiritualibus, & temporalibus plenarie committendo; atque etiam non solum liberam Tibi ad Patriarchalem Ecclesiam præfatam transfundi licentiam tribuimus, sed etiam in virtute sanctæ Obedientiæ, & sub indignationis nostræ, aliisque arbitrio nostro imponendis pœnis, præcipimus, & mandamus, ut Patriarchalis Ecclesiæ hujusmodi possessionem, statim ac præsentis nostræ Literæ ad Te pervenerint, nulla interposita mora, adeas, & capias, atque omnia, & singula jura, auctoritatem, potestatem, præminentiam, prærogativas, jurisdictionem, privilegia, aliaque hujusmodi ad Patriarcham dictæ Patriarchalis Ecclesiæ pro tempore existentem quomodolibet spectantia, & quibus alii Patriarchæ Ecclesiæ præfatæ Prædecessores tui de jure, usu, & consuetudine, uti, gavisi, & frui fuerunt, pari modo exerceas, ac iis utaris, fruaris, & gaudeas: in illo, qui dat gratias, & largitur præmia, confidentes, quod, dirigente Domino actus tuos, prædicta Ecclesia Antiochena Nationis ejusdem sub tuo felici regimine regetur utiliter, & prospere dirigetur, ac grata in eisdem spiritualibus, & temporalibus suscipiet incrementa.

§. 2. Tu igitur ad eandem Patriarchalem Ecclesiam Antiochenam Nationis præfatæ cum gratia nostræ benedictionis accedens, curam, & administrationem prædictas sic exercere studeas fideliter, solícite, & prudenter, quod Ecclesia ipsa Antiochena dictæ Nationis, Gubernatori provide, & fructuoso administratori gaudeat se commissam, Tuque præter æternæ retributionis præmium, nostram, & dictæ Sedis benedictionem, ac gratiam exinde uberius consequi merearis.

§. 3. Quocirca eisdem Venerabilibus Fratribus Archiepiscopis, & Episcopis Suffraganeis, ac dilectis pariter filiis Capitulo, & Vassallis Ecclesiæ Antiochenæ Nationis præfatæ, ac Clero sæculari, & Regulari, etiam Societatis Jesu, & Populo Civitatibus, ac Diocesis Antiochenæ ejusdem Nationis, per Apostolica scripta mandamus, ut Suffraganeis Tibi tamquam membra capiti obsequentes, & Capitulum Tibi tamquam Patri, & Pastori animarum suarum humiliter intendentes, exhibeant Tibi obsequentiam, & reverentiam debitas, & devotas; ita quod mutua inter Te, & ipsos Suffraganeos gratia gratos fortiantur effectus, & Nos eorum devotionem possimus propterea in Domino merito commendare; ac Clerus Te, pro nostra & ejusdem Sedis reverentia, benigne recipientes, & honorifice pertractantes, tui salubria monita, & mandata suscipiant humiliter, & efficaciter adimplere procurent. Populos vero Te tamquam Patrem, & Pastorem animarum suarum devote suscipientes, & debita honorificentia prosequentes, tuis monitis, & mandatis salubribus humiliter intendant; ita quod Tu in eis devotionis Filios, & ipsi in Te per consequens Patrem benevolum invenisse gaudeatis: Vassalli autem prædicti Te debito honore prosequentes, Tibi fidelitatem solitam, ac consuetam servitia, & jura Tibi ab eis debita integre exhibere procurent; alioquin sententiam, sive pœnam, quam rite tuleris sive statueris in rebelles, ratam habebimus, & faciemus auctore Domino usque ad satisfactionem condignam inviolabiliter observari.

§. 4. Volumus autem, quod Tu, antequam regimini, & administrationi dictæ Patriarchalis Ecclesiæ Antiochenæ Nationis præfatæ Te in aliquo immisceas, in manibus alicujus Catholici Antistitis gratiam, & communionem Sedis Apostolicæ habentis, & in illis partibus degentis, Fidei Catholicæ professionem a Sede prædicta Orientalibus præscriptam, juxta unam, expresse emittere, & fidelitatis debitæ solitum juramentum, juxta alteram, formas præsentibus adnotatas, præstare omnino tenearis, ac Professionis Fidei, quam emiseric, & juramenti hujusmodi, quod præstaveris, formas eidem Congregationi de Propaganda Fide de verbo ad verbum per



tuas patentes literas tuo sigillo munitas, per proprium Nuntium quantocius desinare procures.

§. 5. Forma autem Professionis Fidei, quam emittes, hæc est: Ego Simon Electus Patriarchalis Ecclesiæ Antiochenæ Nationis Maronitarum firma fide credo, & profiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet: Credo in unum Deum Patrem Omnipotentem, Factorem Cæli, & Terræ, visibilium omnium, & invisibilium: & in unum Dominum Jesum Christum Filium Dei Unigenitum, & ex Patre natum ante omnia sæcula, Deum de Deo, lumen de lumine, Deum verum de Deo vero, genitum non factum, consubstantialem Patri, per quem omnia facta sunt, qui propter Nos homines, & propter nostram salutem descendit de Cælis, & incarnatus est de Spiritu Sancto ex Maria Virgine, & homo factus est; crucifixus etiam pro nobis sub Pontio Pilato, passus, & sepultus est, & resurrexit tertia die secundum Scripturas; & ascendit in Cælum, sedet ad dexteram Patris, & iterum venturus est cum gloria judicare vivos & mortuos, cuius Regni non erit finis: & in Spiritum Sanctum Dominum, & vivificantem, qui ex Patre, Filioque procedit, qui cum Patre, & Filio simul adoratur, & conglorificatur, qui locutus est per Prophetas, & unam Sanctam Catholicam, & Apostolicam Ecclesiam; confiteor unum Baptisma in remissionem peccatorum; & expecto resurrectionem mortuorum; & vitam venturi sæculi. Amen: Veneror etiam, & suscipio universales Synodos, prout sequitur, videlicet: Nicænâ primam, & profiteor, quod in ea contra Arium damnatæ memoriæ definitum est, Dominum Jesum Christum esse Filium Dei ex Patre natum unigenitum, idest ex substantia Patris, natum non factum, consubstantialem Patri, atque impias illas voces recte in eadem Synodo damnatas esse, quod aliquando non fuerit, aut quod factus sit ex iis, quæ non sunt, aut ex alia substantia, vel essentia, aut quod sit mutabilis, vel convertibilis Filius Dei; Constantinopolitanam primam, secundam in ordine, & profiteor, quod in ea contra Macedonium damnatæ memoriæ definitum est, Spiritum Sanctum non esse servum, sed Dominum, non Creaturam, sed Deum, ac unam habentem cum Patre, & Filio Deitatem; Ephesinam primam, tertiam in ordine, & profiteor, quod in ea contra Nestorium damnatæ memoriæ definitum est, Divinitatem, & Humanitatem, ineffabili & incomprehensibili unione, in una persona Filii Dei unum nobis Jesum Christum constituisse, eaque de causa Beatissimam Virginem vere esse Dei Genitricem; Calcedonensem, quartam in ordine, & profiteor, quod in ea contra Eutychem, & Dioscorum, ambos damnatæ memoriæ, definitum est, unum eundemque Filium Dei Dominum Nostrum Jesum Christum perfectum esse in Deitate, & perfectum in Humanitate, Deum verum, & hominem verum ex anima rationali, & corpore, consubstantialem Patri secundum Deitatem, eundem consubstantialem Nobis secundum Humanitatem, per omnia Nobis similem absque peccato, ante sæcula quidem de Patre genitum secundum Deitatem, in novissimis autem diebus eundem propter nos, & propter nostram salutem ex Maria Virg. Dei Genitr. secundum Humanitatem, unum, eundemque Christum Filium Dominum Unigenitum in duabus naturis inconfuse, immutabiliter, indivise, inseparabiliter agnoscendum, nusquam sublata differentia naturarum propter unionem, magisque salva proprietate utriusque nature, in unam personam, atque substantiam concurrente, non in duas personas partitum, aut divisum, sed unum, eundemque Filium, & Unigenitum Deum Verbum Dominum Jesum Christum. Item ejusdem D. N. J. C. Divinitatem, secundum quam consubstantialis est Patri, & Spiritui Sancto, impassibilem esse, & immortalem, eundem autem crucifixum, & mortuum tantummodo secundum carnem, ut pariter definitum est in dicta Synodo, & in Epistola S. Leonis Romani Pontificis, cuius ore B. Petrum Apostolum locutum esse Patres in eadem Synodo acclamaverunt, per quam definitionem damnatur impia hæresis illorum, qui Erisagio ab Angelis iradito & in præfata Calcedonensi Synodo decantato, Sanctus Deus, Sanctus Fortis, Sanctus Immortalis misere Nobis, addebant, qui crucifixus es pro Nobis, atque adeo divinam naturam trium Personarum passibilem asserbant, & mortalem; Constantinopolitanam secundam, quintam in ordine, in qua præfata Calcedonensis Synodi definitio renovata est; Constantinopolitanam tertiam, sextam in ordine, & profiteor, quod in ea contra Monothelitas definitum est, in uno, eodemque Domino N. J. C. duas esse naturales voluntates, & duas naturales operationes indivise, inconvertibiliter inseparabiliter, inconfuse, & humanam ejus voluntatem non contrariam, sed subjectam Divinæ ejus, atque omnipotentii voluntati; Nicænâ secundam,



dam, septimam in ordine, & profiteor, quod in ea contra Iconoclastas definitum est, Imagines Christi, ac Deiparæ Virginis, necnon aliorum Sanctorum habendas, & retinendas esse, atque eis debitum honorem, & venerationem impertiendam; Constantinopolitanam quariam, octavam in ordine, & profiteor in ea Photium merito fuisse damnatum, & Sanctum Ignatium Patriarcham restitutum; Veneror etiam, & suscipio omnes alias universales Synodos auctoritate Romani Pontificis legitime celebratas, & confirmatas, & præsertim Florentinam Synodum, & profiteor, quæ in ea definita sunt, videlicet, quod Spiritus Sanctus ex Patre & Filio æternaliter est, & essentiam suam, suumque esse subsistens habet ex Patre simul & Filio, & ex utroque æternaliter, tamquam ab uno principio, & unica spiratione procedit; item dictionem illam Filioque, veritatis declarandæ gratia, & imminente necessitate, licite, ac rationabiliter Symbolice fuisse appositam. Item in Azymo, sive fermentato pane triticeo Corpus Christi veraciter confici, Sacerdotesque in altero ipsum Domini Corpus conficere debere, unumquemque scilicet juxta suæ Ecclesiæ, sive Occidentalis, sive Orientalis, consuetudinem. Item si vere poenitentes in Dei caritate decesserint, antequam dignis poenitentia fructibus de commissis satisfecerint, & omisissis, eorum animas poenis Purgatorii post mortem purgari, & ut a penis hujusmodi releventur, prodesse eis Fidelium vivorum suffragia; Missarum scilicet Sacrificia, Orationes, & Eleemosynas, ac alia pietatis officia, quæ a Fidelibus pro aliis Fidelibus fieri consueverunt secundum Ecclesiæ institutum, illorumque animas, qui post Baptisma susceptum nullam omnino peccati maculam incurserunt, illas etiam, quæ post contractam peccati maculam, vel in suis corporibus, vel eisdem exuta, sunt purgatæ, in Cælum mox recipi, & intueri clare ipsum Deum Trinum & Unum, sicuti est, pro meritum tamen diversitate alium alio perfectius; illorum autem animas, qui in actuali mortali peccato, vel solo originali decedunt, mox in Infernum descendere, poenis tamen disparibus puniendas. Item Sanctam Apostolicam Sedem, & Romanum Pontificem in universum Orbem tenere primatum, & ipsum Pontificem Romanum Successorem esse B. Petri Principis Apostolorum, & verum Christi Vicarium, totiusque Ecclesiæ Caput, ac omnium Christianorum Patrem, ac Doctorem existere, & ipsi in B. Petro pascendi, regendi, & gubernandi universalem Ecclesiam a Domino N. J. C. plenam potestatem traditam esse, quemadmodum etiam, ut eadem Florentina Synodus asserit, in gestis Oecumenicorum Conciliorum, & in sacris Canonibus continetur. Item legalia veteris Testamenti, seu Moysæ Leges Cereemonias, sacra Sacrificia, & Sacramenta, Domino Jesu Christo adveniente cessasse, & post promulgatum Evangelium sine peccato observari non posse; ejusdem etiam Legis veteris ciborum mundorum, & immundorum differentiam ad cereemonialia pertinere, quæ surgente Evangelio transferunt: Illam etiam Apostolorum prohibitionem ab Immolatis simulacrorum, & sanguine, & suffocato, illi tempori congruisse, ut inter Judæos, & Gentiles dissensionis materies tolleretur, cujus Apostolicæ prohibitionis causa cessante, etiam cessavit effectus. Pariter veneror, & suscipio Tridentinam Synodum, & profiteor, quæ in ea definita, & declarata sunt, & præsertim offerri Deo in Missa verum, proprium, & propitiatorium Sacrificium, pro vivis, & defunctis, atque in Sanctissimo Eucharisticæ Sacramento, juxta fidem, quæ semper in Ecclesia Dei fuit, contineri vere, realiter, & substantialiter Corpus, & Sanguinem, una cum Anima, & Divinitate Domini N. J. C. ac proinde totum Christum, fierique conversionem totius substantiæ panis in Corpus, & totius substantiæ vini in Sanguinem, quam conversionem Catholica Ecclesia aptissime Transubstantiationem appellat, & sub unaquaque specie, & singulis, cujusque speciei partibus, separatione facta, totum Christum contineri. Item Septem esse novæ Legis Sacramenta a Christo Domino nostro instituta ad salutem humani generis, quamvis non omnia singulis necessaria, videlicet Baptismum, Confirmationem, Eucharistiam, Poenitentiam, Extremam Unctionem, Ordinem, & Matrimonium, illaque gratiam conferre, & ex his Baptismum, Confirmationem, & Ordinem iterari non posse. Item Baptismum esse necessarium ad salutem, ac proinde, si mortis periculum immincat, mox sine ulla dilatione conferendum esse, & a quocumque, & quandocumque sub debita materia, & forma, & intentione collatum, esse validum. Item Sacramenti Matrimonii possint inter Conjuges Thori, & Cohabitationis separatio fieri, non tamen illis aliud Matrimonium contrahere fas esse. Item Apostolicas, & Ecclesiasticas traditiones suscipiendas esse, & venerandas, Indulgentiarum etiam potestatem a Christo Ecclesiæ reli-



Etam fuisse, illarumque usum Christiano Populo maxime salutarem esse. Pariter quæ de peccato originali, de justificatione, de sacrorum Librorum, tam veteris, quam novi Testamenti indice, & interpretatione in præfata Tridentina Synodo definita sunt, suscipio, & profiteor. Cætera item omnia suscipio, & profiteor, quæ recipit, & profitetur Sancta Romana Ecclesia, simulque contraria omnia, & Schismata, & Hæreses ab eadem Ecclesia damnatas, rejectas, & anathematizatas, ego pariter damno, rejicio, & anathematizo. Insuper Romano Pontifici Beati Petri Principis Apostolorum Successori, ac Jesu Christi Vicario veram obedientiam spondeo, ac juro. Hanc fidem Catholicæ Ecclesiæ, extra quam nemo salvus esse potest, quam in præsentis sponte profiteor, & veraciter teneo, eandem integram, & inviolatam usque ad extremum vitæ spiritum, constantissime, Deo adjuvante, retinere, ac confiteri, atque a meis Subditis, vel illis, quorum cura ad me in meo munere spectabit, teneri, doceri, & prædicari, quantum in me erit, curaturum, ego idem Simon Electus, qui supra, spondeo, voveo, & juro: sic me Deus adjuvet, & hæc Sancta Dei Evangelia.

§. 6. Forma vero juramenti, quod præstabis, hæc est: Ego Simon Electus Patriarchalis Ecclesiæ Antiochenæ Nationis Maronitarum ab hac hora in antea fidelis & obediens ero Beato Petro, Sanctæque Apostolicæ Romanæ Ecclesiæ, ac Domino Nostro Benedicto PP. XIV. suisque Successoribus canonice intrantibus; non ero in consilio, aut consensu, vel facto, ut vitam perdat, aut membrum, seu capiantur mala captione, aut in eos violenter manus quomodolibet ingerantur, seu injuriæ aliquæ inferantur, quovis quæsito colore: consilium vero, quod mihi credituri sunt per se, aut Nuntios, seu Literas, ad eorum damnum, me sciente, nemini pandam: Papatum Romanum, & Regalia Sancti Petri, adiutor eis ero ad defendendum, & retinendum contra omnem hominem: Legatum Apostolicæ Sedis in eundo, & redeundo honorifice tractabo, & in suis necessitatibus adjuvabo: jura, honores, privilegia, & auctoritatem Romanæ Ecclesiæ, Domini Nostri Papæ, & Successorum præfatorum conservare, defendere, augere, & promovere curabo; nec ero in consilio, facto, vel tractatu, in quibus contra ipsum Dominum Nostrum, vel eundem Romanam Ecclesiam aliqua sinistra, vel præjudicialia personæ, honoris, juris, status, & potestatis eorum machinentur, & si talia a quibuscumque procurari novero, vel tractari, impediam hoc pro posse, & quanto citius potero commode significabo eidem Domino Nostro, vel alteri, per quem ad ipsius notitiam poterit pervenire: Regulas Sanctorum Patrum, Decreta, Ordinationes, sententias, dispositiones, reservationes, provisiones, & mandata Apostolica totis viribus observabo, & faciam ab aliis observari: Hæreticos, & Schismaticos, ac Rebelles Domino Nostro, & Successoribus præfatis pro posse persequar, & impugnabo, vocatus ad Synodum veniam, nisi prædictis fuero canonica præpeditio: Apostolorum limina singulis decennis personaliter, ac per me ipsum visitabo, & Domino Nostro, & Successoribus præfatis rationem reddam de toto meo Pastoralis Officio, deque rebus omnibus ad Ecclesiæ meæ statum, ad Cleri, & Populi disciplinam, animarum denique, quæ meæ fidei creditæ sunt, salutem quoquomodo pertinentibus, & vicissim Mandata Apostolica præfata humiliter recipiam, & quam diligentissime exequar: Quod si legitimo impedimento detentus fuero; præfata omnia adimplebo per certum Nuntium ad hoc speciale mandatum habentem, de gremio Capituli mei, aut alium in dignitate Ecclesiastica constitutum, seu alias personatum habentem aut his mihi deficientibus, per Diocesenum Sacerdotem, & Clero deficiente, omnino per aliquem alium Presbyterum Sæcularem, vel Regularem spectatæ probitatis, & Religionis de supradictis omnibus plene instructum; de hujusmodi autem impedimento docebo per legitimas probationes ad S. R. E. Cardinalem Proponentem in Congregatione Sacri Concilii Tridentini per supradictum transmittendas; Possessiones vero ad Mensam meam pertinentes non vendam, neque donabo, neque impignorabo, neque denuo infeudabo, vel aliquo modo alienabo, etiam cum consensu Capituli Ecclesiæ meæ, inconsulto Romano Pontifice, & Constitutionem super prohibitione Investiturarum Bonorum Jurisdictionalium de Anno Domini millesimo sexcentesimo vigesimoquinto editam servabo, & si ad aliquam alienationem devenero, pœnas in quadam super hoc edita Constitutione contentas eo ipso incurrere volo: Sic me Deus adjuvet, & hæc Sancta Dei Evangelia.

Forma Jura-  
menti fide-  
litas.

§. 7. Cæterum Pallium, insigne videlicet plenitudinis Pontificalis Officii, de Corpore B. Petri Apostoli sumptum, tunc ad Fraternitatem tuam, cum per tuum Nuntium, ea, qua decet, instantia postulatum fuerit, destinandum, transmittendumque man-

De Pallio et  
dem conce-  
dendo.



mandabimus. Non obstantibus iis omnibus, quæ in præinsertis nostris literis volumus non obflare, cæterisque contrariis quibuscunque.

Dat. die 16.  
Mart. 1743.

Datum Romæ apud S. Mariam Majorem sub Annulo Piscatoris die XVI. Mart. MDCCXLIII. Pontificatus Nostri Anno III.

D. Cardinalis Passionensis.

### A D M A R O N I T A R U M

Nationem Commissarius Apostolicus ablegatur, pro præmissorum, aliorumque Apostolicæ Sedis mandatorum executione, cum facultatibus opportunis.

*Dilecto Filio Jacobo a Luca, Ordinis Fratrum Minorum S. Francisci de Observantia nuncupatorum professori, Conventus S. Sepulchri, ejusque dependentium, Visitatori ac Commissario Apostolico.*

### B E N E D I C T U S P A P A X I V.

*Dilecte Fili, salutem, & Apostolicam Benedictionem.*

De cessatione  
duplicis ele-  
ctionis Patri-  
archæ, & ele-  
ctione alie-  
rius auctori-  
tate Apostoli-  
ca, cum in-  
sertione Bre-  
vium.

Nuper ad sedandas, componendasque lites, scissuras, & controversias post bonæ memoriæ Josephi Petri, dum vixit, Antiocheni Nationis Maronitarum Patriarchæ obitum excitatas, ob electionem, seu postulationem duorum Patriarcharum ad Ecclesiam Patriarchalem dictæ Nationis factam, edidimus Apostolicas nostras in simili forma Brevis Literas ad Venerabilem Fratrem Simonem Archiepiscopum Damascenum datas, in quibus alias pariter nostras in pari forma Brevis Literas ad futuram memoriam editas inseruimus; Ambarum autem Literarum tenor est, qui sequitur: *Venerabili Fratri Simoni &c. Nuper ad Nos &c. ut supra num. LXXVIII.* Præinsertarum autem Literarum exemplaria seorsim in Chartis Pergamenis scripta, & Annulo Piscatoris munita, cum hisce nostris conjuncta, ad Te transmittenda mandamus, ut non solum, quæcumque in iisdem continentur, debitæ executioni demandari prudenter, fideliterque cures, verum etiam quæcumque hisce nostris in pari forma Brevis a te peragenda in virtute sanctæ obedientiæ injungimus, omni studio, atque conatu conficere satagas.

Pro quorum  
executione  
Ablegatus S.  
edis, & Com-  
missarius A-  
postolicus de-  
putatur.

§. 1. Primum igitur omnium, Te, de cujus singulari fide, prudentia, sapientia, dexteritate, ac Religionis zelo plurimum in Domino confidimus, & ex eo præsertim, quod diu in istis regionibus, dum per plures annos in Sancta Hierosolymorum Civitate Conventus Ordinis tui Guardiani munus laudabiliter exercebas, commoratus, mores, idiomata, & instituta Nationis Maronitarum apprime noveris, Nostro & Apostolicæ Sedis nomine, ad ea omnia, quæ in memoratis nostris præinsertis Literis continentur, peragenda, & conficienda, Ablegatum nostrum apud dictam Nationem, & Apostolicum Commissarium, cum omnibus, & singulis facultatibus ad hunc effectum necessariis, & opportunis, tenore, & auctoritate paribus facimus, constituimus, & deputamus.

Cum facultate  
compellen-  
di contumaces.

§. 2. Præterea facultatem Tibi etiam tribuimus, & impertimus, contra quoscunque mandatis tuis Apostolica auctoritate nostra munitis non parentes, contumaces, & rebelles, sive Archiepiscopali, & Episcopali dignitate præditos, sive Clerum sæcularem, & regularem, etiam Societatis Jesu, necnon Sæculares, & Laicos quoscunque, cujusvis gradus, & conditionis, ac dignitatis procedendi, si opus fuerit, cum canonicis censuris, & pœnis, quas pariter a Te inflictas auctore Domino ratas habebimus, & observari faciemus.

Fidem de-  
mandatur re-  
cuperatio, &  
executio man-  
datorum S. Se-  
dis defuncto  
Patriarchæ di-  
rectæ.

§. 3. Insuper, quoniam Nos Apostolicas nostras in simili forma Brevis Literas, tum pro confirmatione Provincialis, seu Nationalis Synodi dictæ Nationis, tum pro nonnullis aliis Apostolicis ordinationibus occasione dictæ confirmationis necessariis, expeditas, Dilecto Filio Eliæ Felici, qui a dicto Josepho Patriarcha, dum viveret, ad hanc Almam Urbem propter eandem confirmationem, & Apostolicas ordinationes hujusmodi missus fuerat, dedimus perferendas ad memoratum Josephum Petrum Pa-

Pa-



Patriarcham; hoc interea, dum dictus missus esset in itinere, jam defuncto, Tibi committimus, & mandamus, ut omnes, & singulas Apostolicas Literas nostras hujusmodi, & Apostolicas ordinationes, necnon dictæ Congregationis Propagandæ Fidei Epistolas, & instructiones, tum ad ipsum defunctum Josephum Petrum Patriarcham, tum ad alios Antistites datas, & scriptas, ab eodem Elia Felice Tibi restituendas, consignandasque nostro Nomine compellas & cogas; & eas, quæ quidem ad defunctum Patriarcham scriptæ erant, novo a nobis constituto, & deputato; quæ vero ad alios directæ, iis reddas, & debitæ executioni demandari cures, & facias; etiam si opus fuerit, facultate, & auctoritate Ablegati, & Commissarii Apostolici utendo contra rebelles, & contumaces, & Apostolicis mandatis non obtemperantes.

§. 4. Verum, ut ad optatum finem rem tanti momenti, & tam Inclytæ Nationi, orthodoxæ Fidei, & bonis moribus perniciosam perducere valeas, summæ tuæ dexteritatis, prudentiæ, & zelus opus esse intelligentes, Te rogamus, & in Domino hortamur, ut omnem operam, & consilium hac in re adhibere adnitaris, nihil omit- tendo, quod ad facilem negotiorum Tibi commissorum expeditionem conducere no- veris, tum propensiorum erga eam Nationem paternæ caritatis nostræ voluntatem explicando. tum Apostolicæ benignitatis argumenta eidem per Te, postquam Apo- stolicis mandatis, & ordinationibus nostris, ac præceptis tuis debitam, fidelemque præstiterint obedientiam, & non aliter, conferenda declarando.

§. 5. I. Ac primum quidem declares oportet, Nos per hanc a Nobis factam novi Patriarchæ, ut præmittitur, electionem, deputationemque, nullum Antistitibus dictæ Nationis præjudicium illatum iri voluisse, sed, ut obortis dissidiis Nationem ipsam distrahentibus opportune consulere, suprema Nostræ potestatis Apostolicæ aucto- ritate in appellationibus præsertim ad eandem Sedem delatis canonice, ac necessario interponenda utentes, novum Patriarcham elegisse, nec propterea jus eligendi, sive postulandi Patriarcham hujusmodi, juxta eorum morem, Antistitibus dictæ Nationis sublatum esse, imo Nos velle, & mandare, ut omnia in posterum, quæ a laudata Synodo a nobis approbata, & confirmata sunt circa Patriarchæ electionem præscri- pta, ab ipsis Antistitibus servari debeant.

§. 6. II. Tibi a Nobis omnem facultatem impertitam esse absolvendi a censuris omnibus, & dispensandi a quibuscumque irregularitatibus, ob celebrationem cum censu- ris, forsan, occasionem dictarum electionum, & ob excessus, etiam cum oneratione potestatis Ecclesiasticæ, & usu potestatis Laicæ, commissos, contractis, & incur- sis.

§. 7. III. Facultatem Tibi pariter concessam Apostolica auctoritate sanandi omnes, & singulos actus, & Patriarchales expeditiones, ab utroque prætenso Electo, ad us- que denuntiationis, & intimationis Apostolicæ provisionis nostræ diem, peractos, & peractas.

§. 8. IV. Facultatem similiter tributam remittendi, & condonandi omnes pecunia- rum, quæ ad Patriarchas spectabant, exactiones, ab utroque prætenso Electo quo- modolibet factas; ita tamen, ut, quoad pecunias quidem ad Patriarcham spectantes, benigna utique impendatur condonatio; quoad pecunias vero ad Sedem Patriarcha- lem pertinentes, unusquisque eidem Patriarchali Sedi restituere teneatur.

§. 9. V. Scripturas omnes ad utriusque prætenso Electi patrocinium, & favorem editas, & prædictæ Congregationi de Propaganda Fide hinc inde exhibitas, tanquam in forma non probanti esse, ac fore, & haberi, ac proinde in futurum nullum fa- mæ, & existimationis utriusque Electi ex ipsis detrimentum illatum esse, aut in fu- turum inferri posse, nisi iudicialiter, servatis servandis, aliter constet.

§. 10. VI. Facultatem Tibi a nobis collatam, prout earundem præsentium tenore, & auctoritate similibus tribuimus, & impertimur, dispensandi cum Monachis Epi- scopali dignitate inauguratis ab Archiepiscopo Soriano super suspensione, & irregula- ritate contracta, præviis tamen salutaribus poeniteantiis, & injuncto onere sese in aliquo Monasterio continendi, ibique per mensem saltem a Celebratione, & a Pon- tificalium exercitio sese abstinendi: Necnon facultatem Tibi traditam absolvendi ip- sum pariter Archiepiscopum Sorianum, alterius proinde Ritus, a prædicta ordina- tione. Quibus sane Episcopis denuncies, se eas Diceceses a dicto Archiepiscopo To- bia ipsis assignatas, quæ ab eodem Tobia Archiepiscopo retinebantur, & ad ipsum redire debent, habere non posse, sed eas duntaxat, quæ de jure, juxta distributio- nem

Aliæ faculta-  
tes ad nego-  
tium confi-  
ciendum ne-  
cessariæ ipsi  
tribuantur.

I. Illa præ-  
servandi jura  
Nationis quo-  
ad electionem  
Patriarchæ.

II. Absolven-  
di a censuris,  
& dispensan-  
di super irre-  
gularitate in-  
cursis.

III. Sanandi  
actum, & ex-  
peditionum  
nullitates.

IV. Condo-  
nandi exac-  
tiones pecunia-  
rum, non ta-  
men Sedi Pa-  
triarchali de-  
bitum.

V. Utriusque  
Electi famam,  
& existima-  
tionem pur-  
gandi.

VI. Absolven-  
di Episcopos  
illicite con-  
secratos, eos-  
rumque Con-  
secrationem;  
adjectis legi-  
bus &c.



nem Dioecesum, ad formam nostræ ordinationis præscriptæ occasione confirmationis laudatæ Synodi Provincialis, seu Nationalis, faciendam, assignari debent.

VII. Altaria  
Privilegiata  
& indulgen-  
tias conce-  
dendi.

§. 11. VII. Indultum Altaris Privilegiati perpetui pro singulis Cathedralibus Ecclesiis a fel. recor. Benedicto Papa XIII. Prædecessore nostro per alias Literas concessum, si ad Ecclesias Cathedrales ejusdem Patriarchatus dictæ Nationis non fuerit extensum, Auctoritate Nostra extendas, & confirmes. Præterea iis Ecclesiis Parochialibus, in quibus aliud Altare Privilegiatum, sive perpetuum, sive ad tempus concessum non reperitur, nec sufficiens Missarum numerus celebratur, Altare Privilegiatum pro uno die in hebdomada, per Ordinarium loci designando, ad vigintiquinque annos concedas. Insuper, Patriarchali quidem Ecclesiæ Plenarias Indulgentias perpetuas, revocando alias, sive ad tempus, sive in perpetuum concessas, quater in anno, aliis vero Cathedralibus bis in anno, per unumquemque Christifidelem, servatis servandis, lucrificandas, pariter concedas, & indulgeas.

Idem Contenduntium reconciliationi operam dare jubetur.

§. 12. Denique tuum erit in primis nihil intentatum relinquere, quod ad veram fraternamque caritatem, qua decet Episcopos sese mutuo complecti, & confovere, ut populis sibi commissis exemplo sint, atque incitamento, inter memoratos præten-  
tos Electos Eliam Arcen. & Tobiam Napolosæ Archiepiscopus glutino Christi Pastorum Principis conciliandam, confirmandamque conducere possit: Nos enim Tibi omnes, ut præmittitur, facultates in hac re gravissima peragenda, & conficienda necessarias, & opportunas tribuimus, & impertimur. Non obstantibus iis omnibus, quæ in præinsertis nostris Literis diximus non obstare, cæterisque contrariis quibuscunque.

Et ad præmissa omnia recte peragenda excitatur.

§. 13. Cæterum, Dilecte Fili, Te iterum rogamus, & in Domino hortamur, ut serio animo considerans, & quam ardua sit provincia Tibi commissa, & quam amplæ facultates ad illam alacrius adeundam, & feliciter explicandam, componendamque attributæ, omnia studia, omnes conatus, & vires intendas, non ut Apostolicam tantum benignitatem nostram Tibi promerearis, sed ut æternam etiam in cælis repositam mercedem a bonorum omnium remuneratore Deo, quem unum præ oculis habere debes, consequi possis, & valeas. Nos interim, ad prosperi successus auspici-  
um, Tibi Apostolicam Benedictionem, quam Nostro nomine universæ Nationi mandatis tuis obtemperanti, tuaque salubria monita adimplenti, elargiri poteris, peramanter impertimur.

Dat. die 16.  
Mart. 1743.

Datum Romæ, apud S. Mariam Majorem sub Annulo Piscatoris die XVI. Martii MDCCXLIII. Pontificatus Nostri Anno III.

*D. Cardinalis Passioneus.*

*FINIS TOMI PRIMI.*



137.  
137.  
137.




174  
25.666



Bino Salvi  
B-ultimo







UNIVER. DI PADOVA  
Ist. di Diritto Romano  
Storia del Diritto  
e Diritto Ecclesiastico

50

F

2/1



frico Ordine omnis vel minima avaritiæ suspicio, aut simoniacæ labis species præsertim, quæ ad Sacramentorum administrationem spectant, penitus amoveantur. Non alia sane ratione Antistitum inauguratio spirituale dicitur socius conjugii, est inter Episcopum, & Ecclesiam, cui præficitur, in electione initiatum, matione ratum, in consecratione consummatum, ita ut transcurfiones etiam ad aliam Ecclesiam, nulla intercedente legitima gravissimaque causa, veluti adulterii species exstigmatæ fuerint a Sanctis Patribus & Sacrorum Canonibus, per maximas pœnas coercitæ. Eodem prorsus modo, ut non sine Simoniæ labe, verum etiam sine avaritiæ suspitione Sacramenta administrari inhibetur, ne pro passu, vel alicujus consuetudinis obtentu, in iis, quæ menta respiciunt, etiam a sponte dantibus, non secus ac voluntariæ antibant oblationes, quidquam directe, vel indirecte accipiantur, aut exigantur.

Laudantur  
Canones Syno-  
di Nationalis  
Maronitarum  
circa utrum-  
que caput.

§. 1. Eapropter Apostolicis laudibus prosequimur Venerabiles Fratres Petrum Antiochenum & Antistites Maronitas, cæterisque, qui in Synodis vincti, sive totius Nationis Maronitarum, Apostolica tel. rec. Cleme XII. Prædecessoris nostri, qui ad hujusmodi effectum ad Montem Libanum Filium Magistrum Josephum Simonium Assemanum in utraque Signatura nominatum, Prælatum nostrorum Domesticum, & Intimum Cubicularium ablatum, primum indicta, & celebrata, deinde nostra quoque auctoritate, per alias in simili forma Brevis Literas die prima mensis Septembris anno MDCCXXIII proxime elapso datas, quarum tenorem præsentibus pro expresse, & inserto volumus, & in quibus uberius continentur, approbata confirmataque, inter se. Enimvero, cum Antiocheni pro tempore Patriarchæ Maronitarum, ob idem, quod nullis canonis documentis suffulsum, sed antiquissima consuetudine propria auctoritate, sive quomodolibet investum erat, non solum Antistites, suis Ecclesiis addicti, ab iisdem propter Turcarum tyrannidem absentes ipsarum fidem populis præesse minime possent, aliis, sed prioribus, quibus incardina- & haud dimissis, Ecclesiis in Chesroani, & Montis Libani Diocesisbus existerent, veluti suos ad nutum amovibiles præficere Vicarios; verum etiam oblationarias, vel alterius rei præstationes, pro necessaria victus dignitatibusque Palis, aliis deficientibus congruentibus redditibus, sustentatione, ut afferbatu- pore, & occasione distributionis Sacrorum Oleorum fieri consuetas exigere hujusmodi asserto juri tanquam non legitimo, quin immo Sacris Canonibus per duos Canones in eadem Synodo conditos derogatum fuit.

Eorum exa-  
men instituitur  
in Congregatione  
partic. de  
Prop. Fide.

§. 2. Verum inter alia dubia, quæ propolita, & examinata fuerunt in congregatione aliquot Venerabilium Fratrum Nostrorum S. R. E. Cardinalium, tiis propagandæ Fidei præpositorum pro approbatione dictæ Synodi a Nobis tractata, & coram Nobis habita, etiam hæc duo fuere discussa, nempe primum: *non prohibens Patriarchæ quæcumque exactionem in distributione Olei Sancti Parochis, sustineatur, & mereatur confirmationem?* Secundum: *An Canon quod residentiam Episcoporum Maronitarum in propriis Titulis Ecclesiarum Episcopaliū, sit approbandus, & quid quoad Appendicem Synodi Cap. XLI. in quo adest divisio Sedium Episcopaliū, cum limitibus Diocesium Maronitarum, pro distributione Diocesium in tot Episcopis, itant non possint amoveri a Patriarcha?*

Articulus Ap-  
pendicis Syno-  
di de nu-  
mero, & li-  
mitibus Dio-  
cesium Maro-  
nitarum.

§. 3. Tenor autem memoratæ Appendicis est, qui sequitur. *Appendix XLI. post Synodum Montis Libani, Metropolitanorum, & Episcoporum Maronitarum Sedes, & Limites. Patriarcha Antiochiæ, ac totius Nationis Maronitarum Sedem habet in Monte Libano in Cenobio, quod Canubinese dicitur: Sub eo erant Archiepiscopi & Episcopi sequentes. I. Tyri. II. Damasci. III. Cypri. IV. Alepi. V. Beryti. VI. Tripolis. VII. Botri. VIII. Aco, seu Ptolemaidis. IX. Laodiceæ. X. Apameæ. XI. Arce. XII. Eden. XIII. Sarepta. XIV. Pancadis. XV. Lishæ, seu Bybli. XVI. Neapolis. Sed in Synodo Montis Libani die xxx. Septembris MDCCXXXVI. decreverunt Patres, ut Maronitarum Dioceses impofterum ad octo tantum redigerentur; salvo Reverendissimo Domino Patriarchæ Episcopos nonnullos titulares ordinandi potestate; videlicet I. Alepi, seu Beroæ, & adjacentium Locorum. II. Tripolis: Hujus Pontificis jurisdictio extenditur a Tripoli, & Jania ad Arcam Balancam, Aradum Orthosiadem, Gabalum, Laodiceam, usque ad finem Alepi. III. Bybli, & Botri: hujus jurisdictio extenditur in Dioceses Bybli, & Botri, Acura, Dairalamali, & Regionis Bisaraja. IV. Helio-*

polis,



Episcopaliū, cum limitibus Diocesium, earumque reductionem, prout in Appendice præinserta continentur, omnino necessariam, utilem, ac salutarem esse: Hinc est, quod Nos, qui inelutam Nationem Maronitarum quamvis Hæreticis, Schismaticis, Maumethanis, & Idololatriis, undique circumseptam, tamen veluti rosam inter spinas, & scopulum inter undas, semper in Catholica Romana Fide constantem, ac propterea a Romanis Pontificibus Prædecessoribus nostris tantopere existimatam, ad eorundem Prædecessorum nostrorum exempla plurimi facimus, & Apostolica caritate complectimur; motu proprio, & ex certa scientia, ac matura deliberatione nostris, deque Apostolicæ potestatis plenitudine, tenore præsentium, primum utrumque Canonem, & in eis contenta quæcumque, ac præinsertam Appendicem approbamus, & confirmamus, illisque Apostolicæ firmitatis robur perpetuo adjicimus, atque in perpetuum deinceps observari præcipimus, & mandamus.

§. 6. Deinde modernum Patriarcham, ejusque Prædecessores, nec non tam eos, qui dedissent, quam qui accepissent dictas oblationes pecuniarias, vel alterius rei præstationes, easque sive datas, vel dandas, sive acceptas, vel accipiendas pro Sacrorum Oleorum distributione esse existimassent, ab omni Simoniacæ labis pravitate, & turpi avaritiæ quæstu immunes fuisse, & esse, neque impofterum a quoquam ausu temerario, veluti Simoniacos, & avaros, insimulari posse, & debere declaramus.

§. 7. Præterea, ne moderno, & pro tempore existenti Patriarchæ, ut præmittitur, desint alimenta, & subsidia, statuimus, & quatenus opus sit, præcipimus, &

Congregatio  
nis judicium.

Pontifex,  
expensis ite-  
rum capitibus  
in suspenso  
relictis.

Canones, &  
Appendicem  
confirmat.

Patriarcham,  
ejusque De-  
cessores, ab  
avaritiæ, aut  
Simoniæ nota  
purgatos, de-  
clarat.

Eidem, ejus-  
que Successo-  
ribus, annuum  
Caritativum  
Subsidium,  
proalimenti  
attribuit.